





5-31-



FD  
158





JACOBI GOTHOFREDI  
MANUALE JURIS,

S E U

PARVA JURIS MYSTERIA,

*ubi quatuor sequentia continentur.*

JURIS CIVILIS ROMANI

I. HISTORIA.

II. BIBLIOTHECA.

III. FLORILEGIUM Sententiarum  
Juris, Politicarum, & communium  
Notionum, ex Corpore Justiniano  
desumptarum.

IV. SERIES Librorum & Titulorum in  
DIGESTIS & in CODICE.

EDITIO PRIMA VENETA

*Juxta Editionem Tertiadecimam  
LIPSIENSEM.*

---

---

VENETIIS, MDCCLXVI.

---

---

Apud FRANCISCUM PITTERI.

SUPERIORUM PERMISSU AC PRIVILEGIIS

Res. 1214  
252778

MANUALE JURIS

2 3 5

JURIS MYSTICIS

JURIS CIVILIS ROMANI

JURIS MYSTICIS  
I. JURIS MYSTICIS  
II. JURIS MYSTICIS  
III. JURIS MYSTICIS  
IV. JURIS MYSTICIS  
V. JURIS MYSTICIS  
VI. JURIS MYSTICIS  
VII. JURIS MYSTICIS  
VIII. JURIS MYSTICIS  
IX. JURIS MYSTICIS  
X. JURIS MYSTICIS  
XI. JURIS MYSTICIS  
XII. JURIS MYSTICIS  
XIII. JURIS MYSTICIS  
XIV. JURIS MYSTICIS  
XV. JURIS MYSTICIS  
XVI. JURIS MYSTICIS  
XVII. JURIS MYSTICIS  
XVIII. JURIS MYSTICIS  
XIX. JURIS MYSTICIS  
XX. JURIS MYSTICIS  
XXI. JURIS MYSTICIS  
XXII. JURIS MYSTICIS  
XXIII. JURIS MYSTICIS  
XXIV. JURIS MYSTICIS  
XXV. JURIS MYSTICIS  
XXVI. JURIS MYSTICIS  
XXVII. JURIS MYSTICIS  
XXVIII. JURIS MYSTICIS  
XXIX. JURIS MYSTICIS  
XXX. JURIS MYSTICIS  
XXXI. JURIS MYSTICIS  
XXXII. JURIS MYSTICIS  
XXXIII. JURIS MYSTICIS  
XXXIV. JURIS MYSTICIS  
XXXV. JURIS MYSTICIS  
XXXVI. JURIS MYSTICIS  
XXXVII. JURIS MYSTICIS  
XXXVIII. JURIS MYSTICIS  
XXXIX. JURIS MYSTICIS  
XL. JURIS MYSTICIS  
XLI. JURIS MYSTICIS  
XLII. JURIS MYSTICIS  
XLIII. JURIS MYSTICIS  
XLIV. JURIS MYSTICIS  
XLV. JURIS MYSTICIS  
XLVI. JURIS MYSTICIS  
XLVII. JURIS MYSTICIS  
XLVIII. JURIS MYSTICIS  
XLIX. JURIS MYSTICIS  
L. JURIS MYSTICIS  
LI. JURIS MYSTICIS  
LII. JURIS MYSTICIS  
LIII. JURIS MYSTICIS  
LIV. JURIS MYSTICIS  
LV. JURIS MYSTICIS  
LVI. JURIS MYSTICIS  
LVII. JURIS MYSTICIS  
LVIII. JURIS MYSTICIS  
LVIX. JURIS MYSTICIS  
LX. JURIS MYSTICIS  
LXI. JURIS MYSTICIS  
LXII. JURIS MYSTICIS  
LXIII. JURIS MYSTICIS  
LXIV. JURIS MYSTICIS  
LXV. JURIS MYSTICIS  
LXVI. JURIS MYSTICIS  
LXVII. JURIS MYSTICIS  
LXVIII. JURIS MYSTICIS  
LXIX. JURIS MYSTICIS  
LXX. JURIS MYSTICIS  
LXXI. JURIS MYSTICIS  
LXXII. JURIS MYSTICIS  
LXXIII. JURIS MYSTICIS  
LXXIV. JURIS MYSTICIS  
LXXV. JURIS MYSTICIS  
LXXVI. JURIS MYSTICIS  
LXXVII. JURIS MYSTICIS  
LXXVIII. JURIS MYSTICIS  
LXXIX. JURIS MYSTICIS  
LXXX. JURIS MYSTICIS  
LXXXI. JURIS MYSTICIS  
LXXXII. JURIS MYSTICIS  
LXXXIII. JURIS MYSTICIS  
LXXXIV. JURIS MYSTICIS  
LXXXV. JURIS MYSTICIS  
LXXXVI. JURIS MYSTICIS  
LXXXVII. JURIS MYSTICIS  
LXXXVIII. JURIS MYSTICIS  
LXXXIX. JURIS MYSTICIS  
LXXXX. JURIS MYSTICIS  
LXXXXI. JURIS MYSTICIS  
LXXXXII. JURIS MYSTICIS  
LXXXXIII. JURIS MYSTICIS  
LXXXXIV. JURIS MYSTICIS  
LXXXXV. JURIS MYSTICIS  
LXXXXVI. JURIS MYSTICIS  
LXXXXVII. JURIS MYSTICIS  
LXXXXVIII. JURIS MYSTICIS  
LXXXXIX. JURIS MYSTICIS  
LXXXXX. JURIS MYSTICIS  
LXXXXXI. JURIS MYSTICIS  
LXXXXXII. JURIS MYSTICIS  
LXXXXXIII. JURIS MYSTICIS  
LXXXXXIV. JURIS MYSTICIS  
LXXXXXV. JURIS MYSTICIS  
LXXXXXVI. JURIS MYSTICIS  
LXXXXXVII. JURIS MYSTICIS  
LXXXXXVIII. JURIS MYSTICIS  
LXXXXXIX. JURIS MYSTICIS  
LXXXXXX. JURIS MYSTICIS  
LXXXXXXI. JURIS MYSTICIS  
LXXXXXXII. JURIS MYSTICIS  
LXXXXXXIII. JURIS MYSTICIS  
LXXXXXXIV. JURIS MYSTICIS  
LXXXXXXV. JURIS MYSTICIS  
LXXXXXXVI. JURIS MYSTICIS  
LXXXXXXVII. JURIS MYSTICIS  
LXXXXXXVIII. JURIS MYSTICIS  
LXXXXXXIX. JURIS MYSTICIS  
LXXXXXXX. JURIS MYSTICIS  
LXXXXXXXI. JURIS MYSTICIS  
LXXXXXXXII. JURIS MYSTICIS  
LXXXXXXXIII. JURIS MYSTICIS  
LXXXXXXXIV. JURIS MYSTICIS  
LXXXXXXXV. JURIS MYSTICIS  
LXXXXXXXVI. JURIS MYSTICIS  
LXXXXXXXVII. JURIS MYSTICIS  
LXXXXXXXVIII. JURIS MYSTICIS  
LXXXXXXXIX. JURIS MYSTICIS  
LXXXXXXX. JURIS MYSTICIS

VENETIS, MDCCLXXV

AD FRANKFORD P. 1775



ILLUSTRISSIMO VIRO

D. BASILIO

VICCOMITI FILDINC,

*Ec.*

JACOBUS GOTHOFREDUS.



Lagitabas à me, cum te una  
cum spectatæ eruditionis, ju-  
dicii que Viro D. ROBERTO  
MASSONO, hac in Urbe

familiariter uterer, & deinceps per li-  
teras Lutetia, illa Virorum doctissimo-

A 3 rum

rum vagina, perscriptas; quamam via  
 Juris Civilis studium, quod utique *Politicum*  
 noras rectè ingredi, mox ubi  
 ad rerum actum olim ventum foret,  
 peritiam ejus, eamque haud vulgarem,  
 præstare liceret. Nam & eò quoque  
 progressa est insignis illa naturæ tuæ  
 bonitas, summaque ingenii felicitas,  
 ut cum cætera omnia præclare facias,  
 id quoque velis, id agas, ut ne in  
 hanc tantum partem defecisse videare.

Poteram equidem, quam ipse mihi  
 jam olim muniveram, illico postulan-  
 ti commonstrare viam: verum quia  
*commonstrasse* non sufficiebat, nisi *de-*  
*monstrassem*, demonstrare porro ob re-  
 pentinum discessum tuum non licue-  
 rat, illico animum subiit, hanc expli-  
 candæ deinceps paulo prolixius super  
 hac re sententiæ meæ occasionem arri-  
 pere: Tua primum gratia, qui auctor,  
 incentorque mihi ejusce rei fuisti, mox  
 in Juris studiosorum usum, qui hanc  
 tibi gratiam debituri sunt. Eo maxi-  
 mè, quia animadverterem, quampluri-  
 mos hætenus errare graviter in via Juris  
 discendi, atque exinde cum ipsi nec  
 quic-



5

quicquam sese fatigarunt, injustis querelis ipsam Jurisprudentiam fatigare, & quasi perplexam atque ἀμειδίαν proscribere: eo quod ignorarent, quot quibusque gradibus ad augustum illud Jurisprudentiæ templum enitendum esset.

Succurrendum igitur & consulendum erroribus eorum existimavi: Non quidem, quod in proclivi erat, quodque multi suo quique ex ingenio fecerunt hactenus, ut indicinam *Artis* alicujus nudam facerem; verum ut iustis, quantum res exigit, libellis rem ipsam oculis subjicerem. Quantum enim proderat indicasse singula, si in singulis adhuc investigandis operose Juris studioso allaborandum erat? Poteram equidem in summam dicere, juris *Studium* ingressuro una cum Institutionibus tituloque de diversis Regulis Juris, *Historiam Juris* prænoscentiam esse, sine qua, veluti facula, sacris his initiari fas non esset. Poteram dicere, ut in cæteris artibus, ita in hoc quoque studio, instrumenta artis suæ studiosum nosse, atque in parato, ceu instructum fundi alicujus, habere oportere,

A 3



tere, *Bibliothecam* inquam *Juris*, seu recensum librorum & monumentorum, quæ superiorum temporum injuria & veteri Jurisprudencia Civili reliqua nobis fecit. Poteram dicere, eodem tempore a Catholicis, seu generalibus incipiendum esse, *i. e. Sententias* rotundiores e libris Justinianeis a studioso, servato librorum ordine, excerpendas, memoriæque mandandas, quibus videlicet, ceu communibus, ac fermè Politicis notionibus, tyronis ingenium utilissimè imbuitur: Ita quidem, ut ipsas Leges, unde sententiæ illæ desumptæ sunt, ~~nam quodam~~ studiosum simul consuluisse velit. Poteram dicere, cujusque libri tituli per Pandectas & Codicem *Seriem*, certa perpetuaque methodo, tumens sensum cujusque, in paucissima verba contracta, tenenda. Hæc, inquam, indicare poteram omnia: Quatuor videlicet, sic ut dicam *ansas* illas esse, quibus Jurisprudentiam nostram contingi, seu contrectari primo pedato oporteret, nisi malæ, irritæ saltem tractationis reus peragi quis vellet.

Mox

Mox in penetralia juris studiosi animum, iis quæ dixi præparatum atque imbutum, aliis insuper præceptis munitionem immittere poteram; Monuissemque, ad decursum usumque hujusce studii secundo pedato potissimos Juris *Fundos*, quibus tota ferme Jurisprudencia Romana innixa fuit, noscendos, præque oculis habendos; *Fundos* voco, illas Juris collectiones, συλλογὰς, a Romanis subinde confectas, quæ totius Juris fontes sunt, e quibus ferme Jus Romanum omne fluxit, eductumque fuit: quæque adeò Juris Interpretes potissimum commentariis suis, illustrare adlaborarunt: unde postea etiam ferme Pandectæ concinnatæ sunt. In hoc censu sunt Quatuor hæc 1. *Leges XII. Tabularum*. 2. *Lex Julia & Papia*: Quarum legum reliquias, seriemque jam ante plures annos edidi. 3. *Sabinianorum* librorum continentia serie-sque: id est, series sententiarum, seu capitum Juris, desumptorum ex libris Commentariis Jurisconsultorum ad Sabinum, qui γενικά, seu Regulas & Sententias Juris Romani, totumque adeò

Jus in unum contulerat libris, quos de Jure Civili sub Imperatore Tiberio scripserat.

4. Eodem in censu, & vel potissimum sunt *Edicti perpetui* reliquæ, seriesque genuina, quod sub Adriano Imperatore a Salvio Juliano conditum, quodque unicus fermè ultimusque Juris Civilis Romani fundus extitit: quodque adeo Jurisconfulti certatim postea commentariis in id scriptis, explicare, illustrare, exercere cœperunt: e quibus tandem potissima Pandectarum capita deflorata sunt. His scilicet quatuor prædiis ante cognitis, & ad manum subinde habitis, genuinus singulorum legum, quæ per Pandectas occurrunt, intellectus erui facillimè potest: si eò inquam oculos animumque intentum habere libeat. Quæ & ipsa quatuor secundo Enchiridio complecti animus est.

Monuisssem, tertio quoque Manuali, seu pedato, quatuor alias *κατάς* requiri: Ac primum quidem *Casuandi Artem* tenendam, id est, quam ratione genuina cujusque legis species, quæ

scæ-

sæpè in abdito est , unà cum rationi-  
 bus dubitandi & decidendi , educi pos-  
 sit , & exinde certa juris principia  
 ( quæ perpauca admodum sunt ) in  
 usus cujusque seponi. Monuisssem , in-  
 cumbendum *Antinomiarum* , id est ,  
 legum inter se pugnantium , concilia-  
 tionem : Monuisssem , in tanta legum  
 sive mole , sive etiam quorundam ho-  
 die ἀκροσίων , *Singularibus & Practica-*  
*libus* legibus inhærendum cumprimis  
 esse : Monuisssem tandem , pro fastigio  
 hujus , sic ut dicam , ædificii , inter *Inter-*  
*pretes Juris & Pragmaticos* , eos  
 tantum habendos , paucosque , qui pro-  
 batæ receptæque apud plerosque lectio-  
 nis essent. Et hæc quidem etiam qua-  
 tuor , singulari *Enchiridio* , seu Manua-  
 li complecti animus est , quo totidem  
 partes continebuntur : Puta 1. *Ars il-*  
*la* , quam dixi , *Casuandi* , 2. *Antino-*  
*micus* , seu Conciliatio legum inter se  
 pugnantium , ubi paucissimis verbis ea-  
 rum quæstiones , ratioque conciliandi  
 proponetur. 3. *Selectarum & Practi-*  
*cabilium legum* index , & quæ cujusque  
 materiæ sedes sit. 4. Postremo seque-  
 tur

tur Consilium de *Bibliotheca* rectè a Studio instituenda, sive Theorica, sive Practica, designatis ipsismet libris. Hæc inquam, jam tum flagitanti Tibi in genere suggerere poteram: verum quia tam facilè ea diffuere poterant, quam justum doctorem vel certe tractatum requirunt, ideo aliud in tempus ea seponere visum.

Quare habe Tibi jam Illustrissime Domine, hoc priore Manuali quatuor illa; ubi non consilium tantum de *Historia* Juris Romani noscenda occurret, verum ipsa, eaque brevis: Non monitum de colligendis veteris Juris Romani reliquiis, verum *Bibliotheca* ipsa, seu recensio earum, quam fieri potuit accuratus: Non præceptum de *Sententiis* ex toto Jure colligendis, verum Florilegium jam decerptum: Non inanis & nudus Librorum & Titulorum Juris Index, quo memoria tantum fatigatur, verum ipsa *Series* atque *αλληλολογία* ratio, quæ ad memoriam simul & judicium maxime faciet.

Priore isto Manuali, Illustrissime Domine, ceu vino inferior, macte Te nunc



nunc esse velim: habereque Te a *Vir-*  
*tutum* *Tuarum* cultore, quæ jam  
 alios & potiores præcones nactæ sunt,  
 nacturæ plures deinceps. Valeas vigeas-  
 que Illustrissime Domine, singulari  
 tum gentis, tum familiæ tuæ orna-  
 mento, ac munimento.





# TYPOGRAPHUS

## LECTORI.

**H**ÆC Prima Veneta est bujus  
Manualis Editio, quam ad  
unguem juxta Tertiamdecimam Lip-  
sensem precedentibus omnibus auctio-  
rem & accuratiorem in lucem prodire  
curavi: in qua quæ minoribus literis  
interjecta sunt & expressa transire  
& transilire Juris studiosus prima  
lectione, nullo detrimento poterit,  
repetita aliquando lectioni ea serva-  
tus.

HISTO-



# HISTORIA,

S E U

## PROGRESSUS

Juris Civilis Romani.



URISPRUDENTIÆ Romanæ ( quæ se se apud omnes pene gentes , qua Europa porrigitur , ceu fontem boni & æqui , jam dudum commendavit ) operaturo , ante omnia ejus initia , & processum , i. e. a quibusnam carceribus ad quas metas , per quos paulatim gradus & tramine decurrerit , servata temporum lege , nosse oportet ; quod Pomponius in l. 2. ff. de orig. jur. attigit magis , quam exposuit. Duplici fine ; ut ita nempe juris studiosus noverit , ex quibus Juris partibus , & ex quorum scriptis coaluerit , seu coagmentatum sit corpus illud *Juris Civilis* , quod Justinianum habet auctorem , quodque Jurisprudentiæ fundus hodie est : tum etiam , ut hac historiæ & Chronologiæ facula accensa eo certius & felicius in plerisque pedem de cætero figere liceat. ¶ Igitur ,

14 DE JURISPR. REGIOR. TEMP.  
tur, ut cæteroquin ad Reip. statum com-  
parata est omnis Nomothesia, & vero tri-  
plicem Reip. Rom. statum, seu tres æta-  
tes spectare licet, ita per eas nobis & sin-  
gulas ducenda hæc inquisitio erit, quan-  
tum juris tyroni sufficit, neque ultra.

C A P. I.

De Jurisprudentia REGIORUM  
Temporum.

PRIMA ætas, seu primus Reip. Rom.  
Status, Regius fuit: cujus initium  
consurgit a 750. ferme ante Christum an-  
nis; per septem Reges ducta serie, spatio  
ducentorum 44. annorum. Igitur, ut ini-  
tio Civitatis omnia manu Regum guber-  
nabantur, ita ab his paulatim leges variæ  
latæ, unde hæ Leges *Regiæ* dictæ. Ita ta-  
men, ut Reges harum legum apud popu-  
lum auctores essent: populus ipse in tri-  
ginta partes seu Curias, mox & in Cen-  
turias divisus, eas probaret, sanciret; Un-  
de *Curiatis* & *Centuriatis* legibus nomen.  
Eas leges omnes illis jam temporibus u-  
num in corpus compegerat Sex. Papirius,  
a quo Collectio illa jus *Civile Papirianum*  
audiit. Exinde postea leges aliquot in 12.  
tabulas transfusæ: quinimo aliquam ad-  
huc etiam ex his memorat Marcellus, in  
*leg. 2. ff. de mortuo inf.* De quibus dicam  
aliquid adhuc in Bibliotheca juris Romani.

## C A P. II.

De Jurisprudentia Romana sub LIBERA  
R E P U B L I C A .

**S**E C U N D A ætas, seu secundus Reip. Rom. status popularis fuit, liberæ Reip. ducta serie per 500. circiter annos, ad Aug. Imperatorem. Hujus vero ætatis, quod Jurisprudentiam attinet, tres Epochas, tria momenta constituo: puta *Ανομιὰς*, *ἰσονομίαν*, *εὐνομίαν*.

*Prima*, inquam, Epochæ liberæ Reip. Rom. intra *spatium* LX. annorum est *νομιὰς*, seu incerti juris. Post Reges quippe exactos, simul & cum his legibus eorum abolitis, ne qua videl. Regiæ potestatis umbra superesset, exceptis legg. Servii de Contractibus, quæ paulo ante a Tarquinio Superbo abolitæ, nunc in usum revocatæ, a Coss. & Tribunis leges de statu quidem publico, & Reip. ad populum perlatæ. Etenim ipse pop. Rom. in privatis controversiis incerto magis jure & consuetudine, quam per latam legem egit: Coss. videlicet Patriciis, & potentioribus pro arbitrio suo, nullo satis legum præscripto, jura reddentibus, & paucissimis tantum legibus in Pontificum libros relatis: unde seditionum & discordiarum sæpe materies enata.

*Secunda* ita mox status popularis Epochæ secuta: *ἰσονομίαν* sc. & *ἰσνομίαν* in æqualis Juris constituti, & fundatæ legibus Reip. Nempe, cum aliquot jam ante annis  
fre-



frequens mentio a Tribunis plebis mota,  
 imo rogatio lata fuisset, *de legib. scribendis*;  
 tandem A. V. C. 300. agente Romilio, vicit  
 ea sententia, & quidem vitandæ invidiæ,  
 ut leges *ἐπεισάκτει* (i.e. adventitiæ vel extra-  
 neæ) æquabiles a Græcis peterentur: &  
 sexennium ferme integrum ea de re absump-  
 tum. Missi quippe tres legati ad Græcos,  
 qui triennio post reversi: At anno proximo  
 creati Decemviri, legib. scribendis, in his  
 Appius Claudius & Romilius fuere: &  
 præscriptæ primum ab his decem Tabulæ,  
 accitis & derivatis in eas quæ uspiam e-  
 gregia: apud Græcos erant, idque opera  
 Hermodoti cujusdam Græci Interpretis,  
 Sed & anno proximo V. C. 304. duæ tabu-  
 læ superioribus 10. (assumptis nonnullis ve-  
 lut furculis ex Regiis legib., tandem & tra-  
 ductis quibusdam ex veteri jure & moribus  
 suis *ἐκ τῶν ἐθισμῶν ἀγράφων*) additæ supple-  
 menti vice. Sic tandem (anno V. C. 303.  
 post Reges exactos annis 60., ante Chri-  
 stum natum annis 440.) 12. Tabulæ in æs  
 incisæ publicèque propositæ fuerunt. Hic  
 fundus jam & fundamentum & penu to-  
 tius Juris Rom. deinceps fuit; finis Juris  
 æqui, fonsque omnis publici privatique  
 Juris. Quare ob legum istarum fontes &  
 capita, non veritus Cic. hunc 12. Tab. libel-  
 lum omnium Philosophorum Bibliothecis,  
 auctoritatis pondere, & virilitatis uberta-  
 te, præferre: Tandem & evaserunt in  
 carmen solemne, sicut ut foro olim desti-  
 nati a pueris, hoc velut carmen addisce-  
 rent. Atque hæ sunt duodecim illæ Ta-  
 bulæ, quantum ut frequentissima in jure  
 men-

mentio fit, ita varia subinde jura inde derivata ad *Stipulias*.

*Tertium* igitur, seu postremum exinde status popularis momentum sequitur, *Stipulias* videlicet post leges 12. tabularum semel latas, per annos ferme 440. Id est, posteaquam fundata semel Respub. Rom. legibus fuit, validum juris augmentum & incrementum accepit. Cujus causas fonteque sex in universum reperio.

I. *Prima* est *disputatio fori*, i.e. Prudentum interpretatio ad leg. 12. tab. : nam quia non omnia propalam his legibus comprehensa fuerant, neque comprehendi potuerant, interpretatione Prudentum aliud subinde ex alio consequens exinde elicitum, quod videlicet ad eandem utilitatem tenderet : & ad similia procedendo, tritura quadam & exercitatione forensi, sine scripto ullo in morem & usum transeuntibus, Unde jus illud *moribus* introductum dicitur, vel etiam proprio vocabulo *Jus Civile*. Sic species hæc juris ex 12. tab. fluxit.

II. *Secunda* species & occasio fuerunt *Legis actiones*, quæ ex lege 12. tabul. proficiscebantur. Nempe de iis, quæ ea lege comprehensa erant, certæ & statæ quædam formulæ a Prudentib. compositæ fuerunt, quibus inter se homines disceptarent, æque in usum forensem deductæ : unde *legis actiones* dictæ, quæ hodie *Sylli* appellationem merentur : easque a collegio Pontificum peti tum oportebat. Verum 100. ferme post annis ab Appio Claudio Centumano in formam & librum reductas legis actiones, scriba ejus Cneus Fla-

Flavius *evulgavit*, & toti foro exposuit: ac gratissimum id munus populo visum, magnoque pensatum. Inde pars hæc juris, *Jus civile Flavianum* dictum est. Sed enim adauctum mox a Sexto Ælio, qui Tripartita ideo scripsit: ibi quippe ipsa leg. 12. tab. proposita, interpretationem primum, mox & legis actionem subtexuit, atque inde *jus Ælianum* dictum.

III. Tertium incrementum sunt *Leges singulares*, subindeque novæ a populo pro Reip. necessitate latæ; quarum ut frequentissima tum in jure, tum alibi mentio: ita collectæ hodie in unum Clarorum Virorum opera, de quo in Bibliotheca juris.

IV. *Plebiscita* quoque a plebe sola quamplurima lata, sed quæ pro legibus habita, sic ut omnes cives ea tenerent, ex lege Hortensia: immo & in legum nomen transiere. Exemplo potest esse lex Aquilia.

V. Per *Prætores* quoque, 80. & quod excurrit, post 12. Tabb., annis, institutos, penes quos summum in jure dicendo inter privatos imperium esset, quique Juris Civilis custodes essent, evocatis jam belli causa Coss., non minimum Jurisprudencia profecit. Nam etsi ab initio annua tantum essent eorum Edicta (prout etiam annuus eorum erat Magistratus,) quæ scilicet initio Magistratus sui in albo publice proponebant, ut ita sciret populus qua de re quomodo in anno suo jus dicturi essent: Attamen, cum ea edicta ab æquitate commendarentur quamplurima: vice versa, cum momentaneis & arbitrariis hujusmodi editis ambitiosorum Prætorum gratiæ multum

tum liceret, Lex Cornelia 300. post annis, A. V. C. 686. a Tribuno plebis rogata, ut Prætores ex edictis suis perpetuis jus dicerent: Inde Servius IC. (15. annis ferme post, ante Christum natum 50.) duos libros *ad Edictum* subscriptos brevissimè reliquit. Eum excepit discipulus Ofilius, qui primus edictum Prætoris diligenter composuit, circa Julii, vel Augusti tempora. Quare Cic. jam illis temporibus scribebat, ut olim a 12. tabulis, ita nunc a Prætoris edicto juri operam daturus initiandos fuisse.

VI. *Jurisconsultorum* etiam scientia quamplurimum jurisprudentia profecit: non modo publica professione, qualem primus inchoasse memoratur circa A. V. C. 500. Tiberius Coruncanius: verum ac potissimum scriptis eorum, seu rescriptis & responsis: scriptis, inquam, quibus tum regulis & actionibus forensibus conquisitis, collectis, Jus civile fundare & constituere nisi sunt: quinimo formulas subinde novas inducere, superiorumque scripta notis suis in melius perducere: rescriptis, seu responsis, ad consultationes vid. Judicum & aliorum: Quæ tanti visa, ut ab his vix iudices recederent; & licet vim legis ipso jure non obtinerent, ipsa tamen æquitate & necessitate commendabilia passim ostentarentur.

In tantum denique per hos gradus profecit hæc ætate Jurisprudentia, ut mole sua laborare videretur. Unde jam tum consilium Crasso, Pomp. Tullio, Cæleri, *de Jure civili in artem & ad certum modum redigendo*, & in paucissimos libros ex immen-

sa

C A P. III.

*De Jurisprudentia sub IMPERATORIBUS.*

**P**OSTREMA ætas Reipub. Rom. successit Monarchiæ Rom. Hac sane tempestate, etsi Imperatorum constitutionibus potissimum profecerit Jurisprudentia, attamen & aliis rationibus ex eorundem Principum auctoritate maximum incrementum ea cepit.

Nam, ut maxime posteaquam post Principis Imperium res jussuque populi omne venit, atque adeo & juris constituendi potestas ad Principes transiit: ultro tamen nonnullas alias juris constituendi vias Principes probarunt, & juris vim iisdem tribuerunt.

Primum enim inter initia principatus *Leges* adhuc complures a populo, veteri ritu, Augusto auctore tantum, non Julio latas, deprehendere licet, (unde *Julii* legibus tot nomen), Comitibus de Campo Martio ad Patres nondum tractatis: quod a Tiberio demum factum. Ita veteris libertatis instar, umbræque & simulacrum quoddam ab Augusto relictum, a Tiberio ademptum, ne aliquin vis principatus ut (eius verba erant) resolveretur: *Cujus ea conditio est, ut non aliter ratio constet, quam si uni reddatur.*

Secundò, *Senatus* quoque postea auctoritatis umbra, seu simulacrum aliquod hac parte in jure privato constituendo relictum.



rum. Nam quæ Principes de jure privato constituturi essent, Orationibus in Senatu prius complectebantur, de his censendi arbitrio Senatui relicto; eas deinde Orationes Senatusconsultum sequebatur. Quare, quod uno loco Oratione introductum dicitur, id alibi Senatusconsulto tribuitur. Ideoque Principes ipsi horum auctores dicti. Atque hæc sunt illa *Senatusconsulta*, quorum tam multa mentio in jure. Quæ sanè observare est, ibi incipere, ubi Leges desinunt, id est a Tiberii principatu: desinere verò, seu procurrere ad Marcum Imper. usque. Ultra quem nulla amplius Senatusconsultorum de jure privato conditorum mentio occurrit.

Tertiò & *Jurisconsultorum* scientiæ suæ stetit & quædam auctoritas: In tantum, ut & Icti ex Principis jam inde ab Augusto auctoritate, non ut antea privata, publicè responderent, & rursus scripto, non verbo: atque ita major juris hujus auctoritas facta fuerit. Addatur his magna Ictorum frequentia circumfusos Principes, ex quorum ipsi consilio jura dicebant, condebant, ut non plures, aut potiores Prudentes alia ætas tulerit, quam hujus ætatis prima epocha. In tantum, ut quorundam tandem scriptis, vim *lectionis* (ut loquebantur), i. auctoritatem allegationis in judiciis, vimque legis Principes tribuerint.

Veniat quarto loco, & in hunc censum *Edictum perpetuum*: nam cum edicta Prætorum ante incerta forent, ad ultimum, centum & quod excurrit post Oulium annis,

nis, 15. Hadriani Imp. anno, ejusque jussu circa A. D. 102. Edictum perpetuum a Juliano IC. ordinatum fuit: non modo Prætorum edictis compilatis, & in ordinem a titulos coactis; verum & de suo aliquam multis additis, aliis detractis, immutatis. Et opus hoc adeo probatum fuit, ut antiquata jam lege 12. tabul. in quam plurimis, hæc major & potior jurisprud. pars extiterit; Hicque jam fundus ejus habitus; eoque velut æquissimo jure Imperatores uti voluerint: atque exinde jam dimidia ferme pars sententiarum in Pandectas relatarum, consistet.

Extra hæc quatuor, quæ dixi (puta leges nonnullas, Senatusconsulta, Jurisconsultorum scripta, & responsa, & edictum perpetuum), potissimam Jurisprudentiæ partem sub hoc statu monarchico Principum Constitutiones fecere: sive ipsi inter partes cognoscerent, decernerent, unde *Decreta & Cognitiones* Imperatoriæ: sive ad libellos privatorum & consultationes Magistratuum rescriberent, unde *Rescripta* Principum: sive generale Jus publice constituerent & edicerent, unde *Constitutiones* proprie & *Edicta* Principum: sive lictorum dissensiones deciderent, unde *Decisiones*: Ejusmodi sunt 50. Justiniani.

## CAP. IV.

*De PRIMA Epocha Imperatorum.*

**T**RES porrò epochas status hujusce monarchici constituo. Prima est *Gentilium* Imperatorum, per trecentos 50. circiter annos, ab Augusto Imp. ad Constantini M. initia, seu A. D. 306. usque: quibus post Augustum imperarunt Tiberius, Gajus, Claudius, Nero, Vespasianus, Titus, Domitianus, Nerva, Trajanus, Adrianus, Antoninus Pius, Divi fratres (i. M. Antonius Philosophus & Verus), Marcus solus, Marcus cum Antonio (i. Commodus filio suo), Commodus, Pertinax, Severus, & Antoninus F., Antoninus, Caracalla scil. Antoninus Helio- gaballus, Alexander Severus, Maximinus, Gordianus: Philippi Impp. Decius, Gallus, & Volusianus, Valerianus Galienus, & Valerianus Cæsar, Gallienus & Valerianus, Claudius, Aurelianus, Probus, Carus, & Carinus, & Numerianus: Diocletianus, & Maximianus: Constantinus, Maximianus Augusti, & Severus ac Maximianus Cæsares. Ab his omnibus, ut variæ constitutiones processerunt, quarum mentio passim fit tum apud Historicos, tum in scriptis Ictorum, & in Principum posteriorum constitutionibus, ita sequentium nominatim, jam inde ab Adriano, Principum constitutiones in duos Codices, Gregorianum & Hermogenianum (quorum fragmenta quædam hodiernum extant) per titu-

24 DE JURISPR. SUB IMPE.  
 titulos conjectæ fuerunt: privatane an publica auctoritate conditi fuerint, in incerto est: At proculdubio de Compilatorum nomine ita dicti. Neque de illo satis hætenus constat, cur ab Hadriano (cujus etiam unica tantum constitutio in Codice refertur, puta *lex 1. C. de testamentis*), neque ultra, assurrexerint aut Codices illi, aut postea Justinianus. Mihi mensea, id ideo factum, quia nova quædam Jurisprudentiæ ratio ab Hadriano cœperit, tum Edicto perpetuo constituto, tum quia sectæ IC., de quibus postea, tum pene refrixerint: denique, quia publicè respondendi cuique pro arbitrio suo jus factum: Ut proinde novi Juris, ac novæ Jurisprudentiæ auctor Hadrianus Codicibus illis initium dederit: pariter ut secundæ Epochæ novitas, novo Codici Theodosiano, de quo mox.

#### CAP. V.

#### De Secunda Epochâ Imperatorum.

**S**ecundam Epocham Imperatoriarum Constitutionum faciunt Principes Christiani, a Constantino M., qui primus Imperatorum Christianus fuit, ad Theodosium Juniorem usque, seu ad A. D. 438. spatio circiter annorum 130., hoc ordine: Constantinus M.: Constantinus, Constantius, Constans: Constantius & Constans, Constantius solus: Constantius Aug., & Constans Cæsar (id est, Gallus) Constantius Aug. & Julianus Cæs.; Julianus Aug. Jovianus,

## SECUNDA EPOCHA IMPER. 25

nus, Valentinianus & Valens: Valentinianus, Valens & Gratianus; Valens Gratianus & Valentinianus Jun. Gratianus: Valentinianus Jun. & Theodosius: Valentinianus Jun., Theodosius & Arcadius: Theodosius & Arcadius: Theodosius, Arcadius Honorius, Arcadius: Honorius, Arcadius Honorius Theodosius Jun. Honorius, Theodosius Jun. & Constantinus Cæsar: Honorius Theodosius, Theodosius & Valentinianus III. Horum Principum Christianorum igitur, suasque ad id tempus de rebus tum secularibus, tum Ecclesiasticis constitutiones, octo viris ad id electis, Theodosius Jun. unum in Codicem seu corpus colligendas commisit. Et verò in sedecim libris relatæ, eo codice, qui ideò *Codex Theodosianus* dicitur. Quique ideò a nonnullis veterum, *Novas leges legitimorum Principum* continere dicitur, eo quod ex Christianorum Principum constitutionibus constaret.

## CAP. VI.

### De TERTIA Epocha Imperatorum.

**P**ostrema Epocha est eorum Imperatorum, qui deinceps secuti ad Justinianum Imperatorem: eaque centum circiter annorum, ab A.D. 438. ad annum 534., hoc ordine. Præter Theodosium & Valentinianum III. Valentinianus & Martianus: Martianus solus: Leo & Majorianus: Leo & Severus: Leo solus. Leo & Anthemius. Leo Junior & Zeno; Zeno solus, Anastasius:



26 DE JURISPR. SUB IMPER.  
Ius: Justinus & Justinianus: Justinianus so-  
lus. Atq; horum Principum constitutiones  
suas & peculiare collectiones meruere :  
& quidem sub *Novellarum* nomine , eo  
quod novissime post Codicem Theodosia-  
num editæ essent : usque quo ad Justinia-  
num deventum est , de cujus instituto  
paulo post.

## CAP. VII.

DE JURISCONSULTIS, eorum suc-  
cessionem, sectis, scriptis.

**P**RIVUS enim de IC. omnibus, eorum  
sectis, & variis scriptorum generibus,  
tam sub libera Rep., quam sub statu Mo-  
narchico, sigillatim moneri oportet. Va-  
rio & multiplici usu, non tantum ne ad  
Juris Civilis libros accedentibus, veterum  
Auctorum nomina incognita esse possint,  
quod suo jam seculo Ammianus Marcelli-  
nus causidicis nonnullis exprobrabat: Ve-  
rum, ac potissimum, ut ad temporum or-  
dinem dispositis IC. quis, item cujus sectæ  
fuerit, quæ eorum scripta sint, in quibus  
luserunt, Jusque adauxerunt, probe intel-  
lectis, & juris ipsius processum, & vim  
plerarumque legum, denique concilianda-  
rum legum rationes tenere possimus.

*Successio* Ictorum IIJ. hæc ferme tenen-  
da est ante Ciceronem. SUB LIBERA  
REP. hi hoc ordine fuerunt.

Pub. vel Sext. Papyrius.

Appius Claudius, unus è Decemviris cir-  
ca A. V. C. 300.

DE JURISCONSULTORUM 27

Appius Claudius Centimanus Cæcus A.  
V. C. 440.

Appius Claudius 3.

Sempronius cœtaneus.

Q. Mucius Augur.

Tiberius Coruncanius circa A. V. C. 470.

Sext. A. V. C. 555.

P. Ælius A. V. C. 558.

Scipio Nasica.

P. Attilius.

M. Porcius Cato.

M. Manilius A. V. C. 600.

P. Mucius A. V. C. 620.

Lælius Brutus.

M. Junius Gracchanus circa A. V. C. 630.

¶ C I C E R O N I S ævo ante Julianam C.

P. Rutilius Rufus. Cos. A. V. C. 648.  
ante Christum 102.

P. Verginius.

Q. Tubero.

Sextus Pompejus.

Cœl. Antipater.

Lucius Crassus Mucianus.

Q. Mucius Scævola circa A. V. C. 660., ante  
Christum 90.

Gallus Aquilius, Mucii auditor.

Balbus Lucius.

Sext. Papyrius.

G. Juventius.

Cornelius Maximus.

Servius Sulpitius circa A. V. C. 700., ante  
Christum 50.

Antæus.

Sext. Ælius Drusus.

Granius Flaccus.

Paconius.

28 DE JURISCONSULT.

Puteolanus.

¶ Sub Cicerone, Julio Cæs. & Augusto.

A. Cascellius.

C. Trebatius Testa.

Antistius Labeo, Servii discipulus.

C. Aul. Ofilius, Servii discipulus.

¶ Post Ciceronem sub Augusto, post natum Christum.

Alfenus Varus, Servii discipulus.

Fenestella.

Aufidius Tucca, Servii discipulus.

G. Atejus Pacuvius, Servii discipulus.

Priscus, Servii discipulus.

Cinna, Servii discipulus.

Blæsius.

C. Ælius Tubero.

T. Cœlius Servii discipulus, post Trebatium.

Publ. Gellius, Servii discipulus.

Aufidius Namusa, Servii discipulus.

Atejus Capito.

Labeo Antistius, Trebatii discipulus.

Vitellius.

¶ Sub Tiberio, Gaio, Claudio, Nerone.

Ælius Gallus.

Massurius Sabinus.

Nerva pater.

Favius Mela.

G. Cassius Longinus circa Ann. Dom. 30.

Arrianus.

Carthilius.

Proculus.

Sex. Prædus, sub Gaio & Claudio.

¶ Sub VESPASIANIS.

Atti-

Attilicinus.  
 Ursejus Ferox.  
 Priscus Fulcinus.  
 Vivianus.  
 Plautius.  
 Pegasus.  
 Nerva filius.  
 Cælius Sabinus.

¶ Sub TRAIANO, & HADRIANO.

Minicius Natalis.  
 Juventius Celsus P.  
 Priscus Iavolenus Magister Juliani ; l. 5.  
*ff. de manumiss. vind.*  
 Celsus F.

Aristo.  
 Octavenus.  
 Neratius Priscus.  
 Fusidius.

¶ Sub ANTONINO PIO.

Severus Valerius.  
 Salvianus Julianus.  
 Papyrius Fronto.  
 Terentius Clemens.  
 Jun. Mauricianus circa A. D. 167.  
 Publicius.  
 Pactumejus Clemens.  
 Campanus.  
 Valens.  
 Vindius Verus.  
 Sex. Cæcilius Africanus.

¶ Sub DIVIS FRATRIBUS, &  
 MARCO SOLO.

Papyrius Justus.  
 Gaius, post A. D. 167.  
 Venulejus Saturninus.

¶ Sub MARCO & COMMODO.

30 DE JURISCONSULT.

Pomponius.

Volusius Mæcianus. v. l. 90. *de pactis*, l. 17. *de jure patr.*

Marcellus post Ann. D. 168. v. l. 6. in fin. *ff. mandati.*

¶ Sub COMMODO.

Q. Cervidius Scævola.

Florentinus.

Taruntenus Paternus.

¶ Sub SEVERO.

Arrius Severus.

Tertullianus.

¶ Sub SEVERO & ANTONIO

CARACALLA, post A. D. 202.

Arius Menander.

Papinianus.

Callistratus.

Furius Anthianus.

¶ Sub ANTONINO CARACALLA.

Martianus Messius.

Tryphonius.

Paulus.

Ulpianus.

Licinius Rufinus.

¶ Sub ALEXANDRO SEVERO.

Æmil. Macer.

¶ Sub GORDIANO.

Modestinus, circa Ann. D. 240.

Atque hic ICtorum finis est, hic oracula ICtorum obmutuere, sic ut ultimum ICtorum Modestinum dicere verè liceat, cessim & retrò collapsa jam Jurisprudencia. Itaque qui deinceps successerunt IC., cujusmodi aliquam multos observare licet, (& quidem inter alios INNOCENTIUM, quem multis prædicat Eunapius; ejus-



eiusdemque mentio apud Ammianum Marcellinum ); item ANATOLIUM nudam docendi & profitendi publicè provinciam Romæ, Constantinopoli, Beryti, susceperunt: Jus autem neutiquam adauxerunt: sive quia prioribus pares esse non poterant: sive occupata jam & exhausta ab aliis materia, sic ut ad summum Jurisprudentia pervenisset: sive denique barbarie paulatim invalescente, atque incuria solidæ eruditionis; quo alioquin pertinet querela Ammiani Marcellini, *lib. 30.*, querela Theodosii Junioris, *in novella de auctoritate Cod. Theo.*, & Consilium auctoris, qui eodem Theodosio Jun. fuit subditum Notitiæ Imperii.

Hinc denique factum, ut non aliud insecti IC. præstiterint, quam ut vetera excolerent, colligerent, improbarent, quod Bibliotheca juris ostendit: quorum numero tres reperio,

Sub CONSTANTINO M., & ejus  
Filiis.

Hermogenianum, Aurelium, Arcadium;  
Charisium, & Julium Aquilam.

Et hæc de Prudentum successione: sequitur de eorundem *Seessione* seu sectis. In varias scilicet sectas ab ICTis recessum, jam inde Augusti temporibus; & verso in principatum Reip. statu, a paucissimis licet initio principiis, quibus discordarent, latissimè tamen postea diffundente divorzio: Hinc igitur stare *Cassiani*, itemque *Sabiniani*, istinc *Proculeiani*, seu *Pegasiani*. Hujus dissidii Auctores primi Attejus Capito, & Antistius Labeo, quorum ille te-

nax in traditis ; sibi Sabinos & Cassios habuit sectatores ; hic vero ingenii fiducia multa innovare instituit , sectatoribus Proculo & Pegaso . Sic aucta dissensio a discipulis , quorum hæc series ; & cui similem depinxit Contius I. *Success.* 12.

SABINIANI.

PROCULIANI.

CASSIANI.

PEGASIANI.

Sub AUGUSTO.

Attejus Capito  
Ofilii discipulus .

Antistius La-  
beo Trebatii  
discipulus .

Sub TIBERIO.

Massurius Sa-  
binus .

Nerva Pa-  
ter .

Sub CAIO, CLAUDIO, NERONE.

C. Cassius Lon-  
ginus , a quo  
Cassiani .

Proculus , un-  
de Proculia-  
ni .

Sub VESPASIANIS.

Cœlius Sabinus , a  
quo SABINIANI .

Nerva Filius , &  
Pegasus , a quo

PEGASIANI.

Sub TRAFANO, HADRIANO,

ANTONIO PIO.

Priscus Javole-  
nus .

Celsus P.

Aburnus Valens .

Celsus F. Priscus ,  
Neratius .

Juscianus .

Sal. Julianus .

Atque hætenus , neque ultra Adrianum ,  
vel Antonium Pium , sectarum istarum  
sequaces reperiuntur . Quinimo restrinxisse  
hæc dissidia vero verius est , saltem in aper-  
tum dissidium res non erupit : Exinde quippe  
certatim orti erciscundi medii IC. , neque

in

in cuiusquam jurare verba Magistri parati. Et si stetisse controversias aliquas nihilominus verum est, quæ *decisionibus* Principum postea, & in his Justiniani tandem sopitæ. Et hærent quoque etiamnum, quicquid tandem egerit Tribonianus, hujus dissensionis reliquiæ, quæ tot ideo *εναγτιοφανα* nobis producant, quibus componendis multum interest scire quis cui sectæ fuerit addictus.

*Scripta* veterum Jurisconsultorum, quorum indicem præferunt Pandectæ Florentinæ, præferunt legum, ex quibus Pandectæ concinnatæ sunt, inscriptiones, ad hæc summa genera refero. Vel enim in pragmaticis, seu practicis versati sunt (quo pertinent libri *Quæstionum*, *Responsorum*, *Epistolarum*, *Decretorum*, *Constitutionum*, *Digestorum*.): vel versati sunt in *πολιτευμασι*, seu *παρὰγγέλμασι*, i. e. in officiis Magistratuum describendis; (hinc tot ICtorum libri de hujus, vel illius Magistratus officio.) Vel denique in Theoreticis versati; vel enim excerptis & variis lectionibus concinnandis insisterunt, (hinc libri variarum lectionum); vel notas conscripserunt ad leges populi Rom., ad SCta, Edicta, Orationes, Principum constitutiones, ICtos alios veteres: vel Tractatus singulares ediderunt; tandem jus in artem redigere satagerunt; hinc *Enchiridia*, *Pandectæ*, *Regulæ*, *Sententiæ*, *Definitiones*, *Brevia*, & *Institutionum* libri.

## CAPUT VIII.

De JUSTINIANI OPERIBUS,

seu CORPORE *Juris Civilis*.

**H**IS ita ad Justiniani tempora perdu-  
ctis, *Justinianus* ipse cum immensam  
illam constitutionum, & Jurisconsultorum  
molem & sylvam videret, impetum cœpit,  
secundo statim Imperii sui Anno, A. D. 528.  
hanc ingentem sylvam cædendi, utiliorum  
delectu habito, & superfluis refecatis. Quæ  
in re septennium integrum absumptum:  
& triplici quidem instituto, sequenti or-  
dine, qui ad enantiaphanon quoque con-  
ciliationem observandus est. Primum, ad  
constitutionum Imperatoriarum conversio-  
studio, & decem viris ad id delectis, &  
in his Triboniano, ex tribus illis, quas  
dixi, Imperatoriis epochis, & ex tribus illis,  
quos dixi Codicibus, ac secutis deinceps  
Imperatorum, suisq; ad id tempus Consti-  
tutionibus, *Codicem* concinnari voluit, A.  
D. 528. Et vero secuto anno editus Codex  
A. D. 529. Inde ad Veterum Iuristarum libros,  
qui ad duo millia ascendebant, & versuum  
(i. sententiarum) trecenties decem millia,  
animum adjecit, quare *Pandectas* sive *Di-  
gesta* exinde componi jussit, Anno 4. Impe-  
rii sui, seu A. D. 530., & quadriennium in  
eo uno opere absumptum; editum quippe  
A. D. 533., apertissima nominis ratione,  
quia opus hoc *universa* veteris prudentiæ  
monumenta in unam consonantiam reda-  
cta,

ta, *digesta* contineret. Eodem anno, & Tyronibus juris studiosis prima juris elementa, seu fundamenta, & incunabula, quatuor *institutionum* libris proponi voluit: Exemplo potissimum Gaii I. C.: & vero in publicum edidit, uno mense ante *Digesta*. Sequentē demum anno 534. cum Codici aliquid deesse videret, repetita prælectione & editione eundem retractari voluit: & hic est Codex ille novus *repetitæ prælectionis*, quo hodie utimur, priore abolito.

A. D. 528. Justiniano. A. 2. Coss.

529. Decio V. C. cos.

530. Lampadio & Oreste coss.

CODICEM fieri mandavit Justin. Idib: Feb.

Codex editus Idib. April.

DECISIONUM 50. initium ab hoc anno.

DIGESTA componi mandat Decemb. mense.

531. Post cos. Lamp. & Or. I.

532. Post cos. Lamp. & Or. 2.

533. Justiniano 3. cos.

INSTITUTIONES eduntur mense Novembr.

DIGESTA eduntur mense Decemb. 334.

Justiniano 4. & Paulino coss.

CODEX repetitæ prælectionis editur mense Novemb., abrogato priori.

Atque hac triplici ratione plenissimè juris studio consultum putavit Justinianus.

Nihilo secius & ipse deinceps post Codicem suum *Novellas* quasdam constitutiones pro rei contingentia, & negotiorum



varietate edidit, quæ postea in unum corpus collectæ; & quia harum epitomen Julianus antecessor conscripserat, *Authenticæ* dici meruerunt. His cohærent & *Edicta* 13. ejusdem Justiniani, quæ non ad certum aliquem hominem, aut populum scripta sunt, sed in genere provulgata. Atque ita his quinque partibus absolvitur *Corpus Juris Civilis*.

## CAPUT IX.

De FATO JUSTINIANÆ  
*Jurisprudentiæ*.

**S**Ecuta sunt Justinianum ea tempora, imò partim excepere, quibus neque Occidentem Justiniani libri penetraverunt. Jamdudum enim eum Gothi, Franci, Saxones, Vandali pervaserant: pervaserunt & postea Longobardi. Quare illorum legibus locus jam factus, Salicis, Burgundionum, Visigothicis, Longobardicis, quas exhibet *Corpus legum antiquarum*: nisi sicubi suæ & Romanæ leges infelicibus Romanorum reliquiis servatæ fuerunt: & hæ ipsæ tamen leges Rom. non è libris Justinianeis desumptæ, verum ut antea ex Codice Theodosiano ipso, statim ut conditus (teste Sidonio Apollinari), ita postea ex Epitoma quadam *Codici Theodosiani* subtextis nonnullis è Gregoriano, Hermogeniano, Pauli Sententiis, Ulpiani Regulis, Gaii institutionibus. In Orientis Imperio miro miseroque fato, & eodem quo cæteræ disciplinæ, Justiniani libri sensim obsoleve-

levare, recedente paulatim linguæ Latinæ usu, & barbarie in dies magis ac magis accedente; quin & Novellis subinde, pro novo Reip. statu infecutorum Principum Constitutionibus, alicubi etiam per invidiam & æmulationem tam illustri operi incumbentibus. Quare ut de Leonis Novellis nil dicam, in novas subinde formas opus Justinianeum recoctum. Nil jam dico de Institutionum paraphrasi, quæ Theophilum habet auctorem, utilissima; hoc ipsum sane ostendit Basilii Macedonis Epitome Juris Codicis, seu Digestorum, seu *προχειρον*, trecentis circiter post Justiniani opera annis editum. Testantur Basilicorum 60. libri, a Leone Filio ejus & Leonis filio Constantino Porphyrogenneta repetita prælectione concinnati, in unam vid. consonantiam omnibus Justiniani operibus confusis: testatur eorundem Basilicorum synopsis, seu ecloga: Eidem faciunt tot barbara & ignota Ictorum nomina, notas jam in Basilica, tanquam fundum Jurisprudentiæ conscribentium: Testis est Photii Episcopi Constantinopolitani Nomocanon, quo is leges civiles cum canonibus miscuit, quique postea Theodorum Balsamonem interpretem nactus est. Hinc etiam Synopsis altera Attaliatæ adhuc brevior, & velut synopsis synopsleos, jussu Michaelis Ducæ Imp. A. D. 1077. His accedat & Constantini Hermenopuli Procheirum, seu promptuarium ex Basilicis conflatum, circa Emanuelis Comneni ætatem. A. D. 1145. His accedant omnibus Paratitlorum Græcorum libri, quorum tres Leunclavius edidit.

Quo-

Quorum omnium ut usus aliquis sæpenu-  
mero esse potest, ita maxima pars af-  
faniarum plena; usquequò Orientis Impe-  
rio perpotiti jam Turcæ, capta Constanti-  
nopoly anno 1485. Quos tamen ipsos &  
reverentia quædam Juris Justiniani vel cu-  
riositas saltem tetigit; & si verum est quod  
Leunclavius prodidit, Codicem Justinia-  
neum neque Turcis in lingua sua deesse.

Sed commodum accidit, ut circa ipsa  
tempora, quibus jam nitor Jurispruden-  
tiæ Justinianæ ferme decoxerat, salutari  
quodam sydere, & divina virgula, 600. fer-  
me annos post, medio quasi seculo duode-  
cimo A. D. 1136. Opus Justinianum in  
Occidente efferri cœperit. Exactis quippe  
a Lothario Imp. II. Saxone ex Italia Nor-  
mannis, & ab eodem ductu Innocentii  
secundi Pontificis Melphi seu Amalphi Ci-  
vitate Apuliæ (quæ pars Italiæ diu post  
alias in potestate Græcorum Imp. steterat)  
expugnata, repertum antiquissimum illud  
exemplar, & Jurisprudentiæ Ancyle Pan-  
dectarum, quod Pisani ab Innocentio secun-  
do Pontifice Maximo, & Lothario Cæsare  
item secundo, quia classe eos adversus Nor-  
mannum Rogerium juvissent, ceu egregie  
navatæ operæ monumentum & præmium,  
retulerunt, ejusque donationis per Lotha-  
rium collatæ instrumentum habuisse se Flo-  
tius Gryphius Pisanus historicus affir-  
mat: Et habuerunt id diu penes se Pi-  
sani: unde & in Glossis *Pisanæ Pandec-  
tæ* vocantur; Donec per Ginum Capon-  
nium Florentini A. D. 1406. Pisis in po-  
testatem redactis, subjectionis symbolum  
tran-

translulerunt: Unde *Pandectis Florentinis* nomen: Inde idem Lotharius Irnerii (quem alii Vernerium vocant), qui *Authenticas* Codici subtexit, consilio, Jus Justinianum & in foro observari, & in Gymnasiis doceri jussit, ac nominatim precibus Mathildæ Comitissæ Tusciæ Pisis doceri, quod Abbas Urspergensis retulit. Itaque Irnerius & Jus Justinianum è bibliothecis eduxit, & primus jura in Italia Bononiæ professus est, & primus præterea interpretationem addidit. Ab hoc initio ad alias Civitates Italiæ & transmontana Galliarum propagata Jurisprudentia, posteaquam semel Irnerius vexillum extulit. Hinc enim ex schola Irnerii prodire Placentinus Bononiæ: in Gallia Monspeli, Joannes Bossianus, Martinus Cossias, ambo Cremonenses, Bulgarus Pisanus, Azo Accursii præceptor, qui ultimus Accursius superiorum Glossas in suas & plenissimas Joannis auditor transfudit, temporibus Frederici II. ante annos 435. integros, i. e. circa annum 1227.

Atque huic inquisitioni satis. Nisi quod & illud scire interest, seculo demum superiore, posteaquam veteri historiæ linguarum & humanarum literarum studium renatum est, simul & Jurisprudentiam meliori fato excitatam. Nam cum antea soloci filo, & jejuna atque aspera Interpretum opera Jus tractaretur, sine ullo Historiæ, aut Philologicæ cognitionis lumine, qua destituti ubique passim impegere, Accursii glossam, seu feudum Jurisprudentiæ sequi & enarrare tum contenti, textu

40 DE FATO JUSTIN. JURISPR.  
tu jam pene neglecto, & abolitis pene libris Justinianeis: exorti certatim qui Jurisprudentiam ab his impolitiis vindicarunt, tum scriptis, tum ipso textu instaurato, & in his pandectis Florentinis, edutis: In his primi & potissimi Guilielmus Budæus, Andreas Alciatus, Gregorius Haloander, Antonius Augustinus, Lælius Taurellus, Zasius, Viglius; & post omnes, ut taceam cæteros, domestica etiam decora, sed qui unus pro omnibus, qui è latericia jam auream fecit Jurisprudentiam,

IAC. CUJACIUS.



# BIBLIOTHECA<sup>41</sup>

## JURIS CIVILIS

R O M A N I.

**H**ISTORIAM Juris Civilis proximo pedato excipiat Bibliotheca, cujus notitia hoc initio pariter præstruenda venit: ut italimine studiorum suæ deinceps artis instrumenta familiariter nosse tyro incipiat: Atque in his potissimum hærendum sibi, vel ubi aliquando ad recentiorum commentarios diverterit, huc omnino redeundum, hicque pedem figendum sciat. *Bibliothecam* voco libros, de Jure Civili Romano, aliaque vetera monumenta & fragmenta, ceu tabulas naufragio, quæ vel propriis consignata editaque libris, vel per varios sparsa libros, clarorum Virorum industria hodie collecta habemus: Denique omnia ad jus civile spectantium librorum fragmina, quæ superiorum temporum injuria reliqua nobis fecit. Quæ omnia, etiam ea quæ alioquin vel minima videri possent, vel obsoleta & antiquata nimis, vel etiam a Græculis, aut sequioris ævi scriptoribus consignata, maximam tamen lucem Justinianeis libris vel illustrandis & explicandis, vel restituentis subinde inferunt.

## CAPUT I.

PRO-JUSTINIANEI VETERIS  
*Juris Reliquiæ.*

**P**rimum igitur eas Juris Civilis reliquias apponemus, quæ spectant ad jus vetustius Justiniano; Atque a publicis monumentis & legibus initium faciemus.

I. Legum REGIARUM, (qui primus fundus Jurisprudentiæ Romanæ est) fragmenta primo loco occurrunt, quæ a Sexto Papirio olim unum in corpus collecta fuerunt: ad quæ postea Granium Flaccum IC. librum Commentarium scripsisse Paulus noster auctor est, in l. 144. ff. de V. S. *Granius*, inquit, *Flaccus in libro de Jure Papiriano*: quem ipsum Granium Flaccum Lacinium allegant Festus, Arnobius: quin & Macrobius lib. 3. *Satur. c. 11.* locum integrum ex hoc jure Papiriano apponit. Verum utrumque opus cum ipsis legibus intercedit. Superfunt tamen ipsarum legum fragmenta nonnulla, quæ Antonius Augustinus, Contius, Balduinus, Fulvius Ursinus Romæ in 4. A. D. 1583., Pandolphus Pratejus, Fr. Modius, Manutius, Lipsius collegerunt, partim ipsismet Legum Regiarum verbis consignatis: potissimam vero partem earum tantum sententia expressa. Sed magna Balduini confidentia fuit, qui ausus est asserere, octodecim Romuli Leges se habere ex columna quadam antea Romæ in Capitolio erecta. Illud observandum, non nisi trium Regum leges

occurrere, nempe Romuli, Numæ, & Servii Tullii: (cujus 50. leges fuisse de contractibus & delictis *αὐταδαντίας ἐν πρῶτῳ καὶ δευτέρῳ*. Dionysius Halicarnasæus. diserte scribit *lib. 4.*, nullas Tullii Hostili, Anci Martii, aut Prisci Tarquinii, ac multo minus Tarquinii Superbi, qui Tullianas aboleverat.

II. Leges XII. TABULARUM, (qui secundus fundus & corpus Jurisprudentiæ Romanæ est), proximè sequuntur. Ad has sanè veteres subinde Icti interpretationes, seu Commentarios, & explanationes scripserant: in his Sex. Ælius, L. Acilius, Lælius, Valerius Messala, Qu. Antistius Labeo: postremus omnium sub Marco Imperatore Gajus. In ipsarum legum fragmentis eruendis, ut aliquammulti alii post alios, (etiam Cujacius *libris observationum*) ita in colligendis quamplurimi operam navarunt, puta Aymarius, Ricalius Oldendorpius, (& ex eo Forsterus) Antonius Augustinus, Romæ in 4. 1583., Balduinus, Contius, Hotomannus, Rævardus, Calcagninus, Crispinus, Pighius, Marcilius, Franciscus Pithæus, Dionysius Gothofred. p. m., Justus Lipsius, alii. In disponendis varium singuli quippe ferme ordinem sectati. Jam aliquot anni abeunt, cum ipse varios errores ab aliis hac parte admissos, observabam, ob aliquammulta omissa, alia interpolata, aliena etiam in hunc censum conjecta, puta Legis actiones nonnullas, & relicta per interpretationem ex ea, atque id genus alia. Ordinem ut quisque ex arbitrio commentus est, ita  
ad

ad verum propius accessit Franciscus Pi-  
thœus. At genuinum duobus subsidiis re-  
stituisse mihi videor : Primum expressis  
Veterum quorundam in id auctoritatibus,  
tum & sex Gaii librorum ad XII. Tabu-  
las ordine inspecto, quorum singulis duæ  
Tabulæ explicatæ fuerant.

III. LEGES subinde pro usu populi Rom.  
latas, omnes quantum in se collegerunt,  
earumque catalogos confecerunt Antonius  
Augustinus, Zasius, Manutius, Hotoman-  
nus, Charundas.

IV. SINGULARES ex iis quasdam leges,  
earumque capita peculiari studio college-  
runt, & singularibus commentariis illu-  
strarunt nonnulli, tum Veteres Icti,  
(quorum Index Pandectis Florentinis præ-  
mittitur, & in materias digestus a Joan.  
Pichardo), tum & novi. *Ad legem Velle-  
jam* scripsit Anton. Augustinus: *Ad leg.  
Juliam Majestatis*, Contius: *ad leg. Juliam  
de Adulteriis*, Briffonius: capitibus ejus  
XXIX. editis, *Legis Voconis*, *Falcidis*, *Ju-  
liæ*, *Papiæ*, *Poppeæ*, *Rhodiæ*, *Aquiliæ* ca-  
pita collegit: iisque lucem intulit Baldui-  
nus, Basileæ in 8. A. D. 1556. Et nos ali-  
quando legem Papiam, ejusque capita di-  
stinximus, suoque ordini restituere insti-  
tuimus. Nonnullarum, præterea legum  
obscuriorum memoriam excitarunt ali-  
quammulti, velut legis Glicis Cujacius  
14. *obs.* 14.; Legis Lætoris Idem 19. *obs.*  
33.: Legis Cincis Ranchinus 2. *variar.* 7.  
& Burgius lib. 1. *Electorum cap.* 18.

V. SENATUS CONSULTA, de Jure  
videl. derivato a Tiberii Principatu ad  
Mar-

Marci Imp. tempora, collegit Anton. Augustinus, Romæ in 4. A. D. 1583. *Orationes Principum* nonnullas, ( quas SCta sequebantur ) singularibus commentariis illustravit Scipio Gentilis, puta *Orationem Marci de transactione super alimentis*, Hanovix in 8. A. D. Item *Orationem Ant. Carracallæ de donationibus inter virum & uxorem*, in 4. Hanovix, A. D. 1604.

VI. EDICTUM PERPETUUM, quod Hadriani Imp. auctoritate a Salvio Juliano IGto conditum, atque in titulos digestum, ( quodque tertium Jurisprudentiæ Rom. fundum & *Corpus* vocare licet, & vel potissimum deinceps ) libris Manualium Eguinarius Baro colligere cœperat; verum probabili minus instituto, utpote qui sciens ea sæpius Edicta confingat, quæ nunquam fuerunt, sed quæ sunt ex Jurisconsultorum placitis, moribus Romanorum, antiquis legibus, vel etiam novis Principum constitutionibus. Atquin multum interest, hæc non turbidè misceri, sed probè distingui. Quare secuta industria Guilielmi Ranchini, qui A. D. 1397. Parisiis in 8. Edictum Perpetuum, ejusque reliquias anxie collegit, alienis refecatis, easdemque collectas concinnavit: ita quidem ut ipsa Edicti verba uncialibus literis & majusculis excudi recte voluerit, cætera minutioribus. In hoc tantum subsedit ejus industria, quod non ad genuinum, verum ad Justinianæum ordinem capita Edicti disposuerit. Verum quod sibi tum defuisse etiam ultro Ranchinus fassus est, novæ alicujus operæ materia aliquando ea



46 JURISC. VETERUM REL.  
nobis futura, genuino videlicet ordine  
Edicti Perpetui instaurato, seu restituto,  
quem e Veterum Jurisconsultorum Com-  
mentariis ad Edictum (puta Juliani, Ul-  
piani, Pauli, Gaii, & cæteris) eruere pro-  
clive erit.

## C A P U T II.

### *JURISCONSULTORUM Veterum ad Jus Pro-Justinianum reliquæ.*

**I** JURISCONSULTORUM OMNIUM  
Veterum libros, e quorum scriptis  
Pandectæ concinnatæ sunt, & sic in la-  
cinias mire per Pandectas distractos, &  
particulas exinde errabundas, in unum  
velut corpus rursus compegere, sed per  
indicem tantum, ope inscriptionum singu-  
lorum capitum, peculiaribus *Indicibus* Ja-  
cobus Labittus, Ant. Augustinus; Quo,  
ceu maximo Juris arcano, relata in unum  
quasi locum omnia capita ejusdem inscri-  
ptionis, Auctoris & libri, singulorum li-  
brorum cognitionem, conjectionem, &  
argumentum Lectoribus exhibent; tum  
etiam in iis cujusque capitis quasi quædam  
antecedentia & consequentia, & sic cau-  
sæ quodammodo legum ipsarum cernun-  
tur. Denique vel hac ratione quadamte-  
nus Jurisconsultorum Veterum libri, qui  
alioquin interciderunt, restituntur. U-  
num tantum hoc superest hodie præstan-  
dum, ut capita ipsa non per Indicem &  
numeros tantum (quod a Labitto, & Au-  
gustino factum,) sed κατάλογος, & ver-  
bote-

botenus Lectorum oculis subjiciantur, & ex collatione singulorum capitum singulis libris argumenta præscribantur. Qua ratione & longioris inquisitionis labore Lector deinceps levabitur, & judicium brevissime instruetur.

Huc referenda est eorum quoque industria, qui singulares è superioribus Jurisconsultos, vel libros singularibus commentariis illustrarunt; ut Ant. Augustinus *Modestini librum de excusationibus*; Cujacius *Africanum*, *Papinianum* integrum, *Pauli ad Edictum* libros, *Quæstiones*, *Responsa*; *Juliani Digesta*, & libros ex *Minicio Natali*. Item *ad Ursej Ferocis librum de ambiguitatibus*, *ad Responsa Scævolaë*, *Ulpiani*, *Marcelli*, *Neratii*, *Modestini Responsa*, ejusdemque *libros differentiarum*: *Balduinus Scævola*, seu *Mutianam Jurisprudentiam*: *Jacobus Lectius Macrum*, & *Modestinum*, aliique alia.

Et veterum tamen adhuc Jurisconsultorum fragmenta ipsa extra Pandectas nonnulla ad nos pervenerunt, quorum pretium injuria & fatum cæterorum incendit. Quæ veterum Prudentum fragmenta uno volumine comprehendi utilissimum fuerit: quod & *Petrus Pithæus* ex parte jam præstitit, & plenius adhuc præstare instituerat, una cum *Notis*.

II. *GAII* igitur primum fragmenta hodie nonnulla supersunt, sed *Gothorum*, seu *Aniani* manu deformata, & quidem è quatuor *Commentariorum*, seu *Institutionum* ejus libris: Quatuor enim scripsisse eum docet *Index Pandectarum Florentina-*

tinarum, & præjudicium insuper institu-  
 tionum Justinianearum, quæ Gajanarum  
 exemplo compositæ sunt. Et sane titulum  
 ix. & initium x. ex libro tertio desum-  
 pta esse ostendit *lex 2. ff. de obli. & act.*  
 Quare deinceps titulus ita mutetur, *Gaii*  
*Institutionum libri quatuor*; vel potius ex-  
 cerpta è *Gaii libris quatuor*: pariter ut Ul-  
 piani fragmenta, Paulique sententiæ, de  
 quibus mox, nonnisi excerpta sunt. Ob-  
 servandum enim est, cum per Gallias, &  
 sub Regibus Visigothorum nominatim, ve-  
 tus Jurisprudencia Rom. una cum Codice  
 Theodosiano obtineret, Alaricum Regem  
 Gothorum per Anianum in suorum tem-  
 porum usum nonnulla ex Codice Theo-  
 dosiano, Gregoriano, Hermogeniano, ex  
 Ulpiano, Gajo, Pauli sententiis excerpti  
 voluisse: Eaque omnia in unum Corpus  
 redacta, quod insequuti deinceps, *Corporis*  
*Theodosiani*, vel etiam *Legis Romanæ* ap-  
 pellatione allegare soliti. Hæc Gaii frag-  
 menta edidit in Germania Sichardus, &  
 Almaricus Bonchardus in Gallia: Lovanii  
 quoque edita in 12. 1570. Eadem Hiero-  
 nymus Alexander Junior edidit cum com-  
 mentario Venetiis in 4., apud Francisc.  
 de Francisc. Ciotti, A. 1600. Et alia ta-  
 men adhuc fragmenta Gaii Institutionum  
 colligi possunt, tum ex Pandectis ipsis,  
 tum ex Auctore Collationis legum Mosai-  
 carum, Boetio, Prisciano *sub fin. lib. 6.*,  
 & Diomedes *lib. 1.*; Quæ in unum colligi  
 è re fuerit.

III. ULPIANI quoque fragmenta, seu  
 tituli xxix. ex corpore Ulpiani ab eadem  
 Ania-

Aniani manu supersunt, quæ Joannes Si-  
 chardus, mox Emarus Rauconnetus, &  
 Joh. Tilius Lutetiæ A. D. 1549. edide-  
 runt, & a Cujacio Commentaris illustra-  
 ta, qui postea quoque in meliorem Codi-  
 cem, & authenticum exemplar incidit Ja-  
 cobi Tili; vide eum *lib. 17. obs. 28.*, in  
 quibus veteris juris stricturæ quamplurimæ  
 supersunt. Quæritur autem, ex quonam  
 Ulpiani libro Tituli illi sint; Neque enim  
 ex Institutionum libris desumpti sunt, ut  
 arguunt eorum librorum fragmenta, quæ  
 per Pandectas sunt sparsa. Verosimile om-  
 ninò sumptos e libro, seu corpore Regu-  
 larum, (& ita Cujacius quoque prodidit  
*13. obs. 16. 17. obs. 128. 19. obs. 3.*, item-  
 que Pet. Pithæus), ut docet *lex. 17. de*  
*testibus*, quæ totidem verbis repetita ex-  
 tat. *tit. 10. fragm. Ulpiani §. 5.* Ex quo  
 Ulpiani libro Regularum nonnullos alios  
 locos suppeditat Collatio legum Mosaica-  
 rum, (de quo vide Petrum Phœum *ad*  
*tit. 2. Collationis*, pag. 133.), itemque Boe-  
 thius *ad Topica Ciceronis*.

IV. ANONYMI quoque cujusdam Icti ve-  
 teris fragmentum superest, unicum, &  
 pluribus tamen sententiis constans: quod  
 quidam Ulpiani ex libros ejus Regg., vel  
 etiam Gaii esse volunt, cujus argumentum  
 est, de *Juris speciebus & manumissionibus*,  
 desumptum ex Dosithei Græculi, Magistri  
 Homiliis, & Græcæ linguæ exercitationi-  
 bus, seu Grammatica. Id olim quidem de  
 Latino in Græcum translatum: Verum  
 quale hodie extat, de Græco in Latinum  
 transfusum, Claudius Puteanus Senator

Parisiensis primus eruit, Cujacio commun-  
nicavit ( ut testis ipse 17. *obs.* 20. ), edi-  
dit tandem Pet. Pithæus, *sub finem colla-*  
*tionis legum Mosaicarum* A. D. 1572. in 4.  
Lutetiæ.

V. PAULI Sententiarum receptarum li-  
bri quinque, i. e. generaliorum & foren-  
sium axiomatum, seu aphorismorum, vel  
potius excerpta ex iis, ab eadem illa quam  
dixi, Alarici, seu Aniani manu, ad nos  
quoque pervenerunt: *Sententiarum* inquam  
*receptarum libri*, quos ad *Filium* conscrip-  
sit, ex quibus alioquin quædam in suas  
Pandectas Justinianus, quædam, ut dixi,  
Alaricus seu Anianus in suum illum Ro-  
manarum Legum Codicem & Breviarium  
retulit, interpretationibus etiam aliquam-  
multis subditis. Et hæc excerpta, una  
cum reliquis Codicis Theodosiani fragmen-  
tis, Ulpiani, & Gaii, Codicis Hermoge-  
niani & Gregoriani, in Germania primus  
in lucem revocavit Joh. Sichardus, sub  
Ferdinando I. Imp., Basileæ; In Gallia  
Almaricus Bouchardus, una cum Gajo ad  
Antonium Pratensem Galliarum Cancel-  
larium: Postea ab Emaro Ranco netto,  
Tilio accepta Jacobus Cujacius, A. D. 1557.  
omnia illa pleniora & emendatiora protu-  
lit, ( nisi quod Aniani interpretationes  
rejecit ), notisque primus illustravit. Sed  
& alias sententias postea ex Codice quo-  
dam Vesuntino idem Cujacius *libro observ.*  
21. extulit. Ad ultimum Conradus Ritter-  
shusius ( quod etiam Cujacius aliquando  
in animum induxerat suum ) A. D. 1594.  
Norimberga, in 8. omnes ad unam sen-  
ten-



sententias Pauli, ex illis inquam, excerptis Anianeis fragmentis per Pandectas sparsis, Codice Vefuntino, Auctore Collationis Legum Mosaicarum, Papiniani Responsis, veteri consultatione (de quibus vide Cujacium 7. *obs.* 26.) in unum corpus retulit, seu uno libello comprehendit, & Indicem addidit, interpretationes Aniani restituit: Minus veritus, quod Cujacius fecerat, libros, qui in Indice Florentino *Sententiarum sive Factorum* inscribuntur, eosdem cum libris *Sententiarum* facere. Similis huic editio, ejusdemque instituti prodit sive Avarici, sive Aureliæ in 12. A. D. 1599., ordo tantum alius subinde, & Index alius. Usus harum Pauli *Sententiarum* potissimus in eo, quod præterea quæ cum Jure Justiniano conveniunt, quamplurima iis continentur ex jure veteri ante Justinianum recepto, a Justiniano, vel ante ipsum abrogato, quæ mirum quantum lucis innumeris Juris Justiniani locis adferunt, ut sunt, quæ scribit *de Adsertoribus*, *de lege Fusia Caninia*, *de Senatusconsulto Claudiano*, *de Cognitoribus*, *de Crucis supplicio*, *dotalis prædii alienatione*, *de fidejussore liberato per electionem rei*, *de fiducia*, *furti actionibus quatuor*, *interdictorum uti possidetis & utrubi differentia*, *de Regulis nonnullis circa institutiones & legata*, *legatorum generibus quatuor*, *libertorum differentiis*, *Mancipationibus*, *successionibus ab intestato*, *vicecima hereditatum*.

VI. MODESTINI quoque Regularum fragmentum unicum, ex libro ejus 3. (vel

potius 9. ) *sub titulo de bonis libertorum, & de Testamentis* sumptum superest, ab eodem P. Pithæo editum *sub finem Collationis legum Mosaicarum.*

VII. STEMMA quoque, seu vetus graduum adgnationis descriptio Jurisconsulti cujusdam, Codici Theodosiano præfixa ab Emaro Ranconneto, accepta *quemadmodum videlicet lege hæreditates redeant,* inserta est circa A. D. 1560. a Cujacio 5. *obsult.*, quem vide. Inseruit & Institutionibus suis Antonius Contius alterius generis pervetustum Stemma, ex antiquis Græcis manuscriptis, ex libro 4. Sententiarum Julii Pauli, *tit. de gradibus.* Edidit & Charondas, ex MS. Dionysiano Institutionum aliam descriptionem, seu formam graduum, ad Justiniani, veterumque Jurisconsultorum sententiam.

VIII. CONSULTATIONEM quoque veteris Jurisconsulti mediæ ætatis *de Patris*, cujus nomen incompertum, ab Antonio Oisello acceptam edidit Cujacius, de qua vide ipsum 7. *observ.* 16., ubi videre est veterum Jurisconsultorum religionem & formam: Nempe ibi ipsa legum capita, & Auctorum verba, quibus suam suffulcit sententiam auctor ille, verbotenus proponit; una cum inscriptionibus & subscriptionibus ex Codd. Gregoriano, Hermogeniano, (tanta diligentia, ut etiam variis ex Codicibus varias repræsentet), Theodosiano, Sententiis Pauli, libris & titulis adnotatis. In cujus facti causam inquit Cujacius *præfatione ad Consultationes suas:* vide & quæ P. Pithæus notat, *notis ad*  
Col-

*Collationem Legum Mosaic.*

IX. NARRATIO quoque Historico-Juridica *de Legum Rhodiarum* apud Romanos confirmatione, ( ab Impp. videlicet Tiberio, Vespasiano, Trajano, Adriano, Antonino, Pertinace, Severo ) procul dubio sub ipsomet Severo Imp. confecta, quæ præfixa est legibus Nauticis, huc pertinet: quam Simo Schardius edicit A. D. 1561. Basileæ in 8., una cum Legibus Nauticis Georgicis, & Militaribus Justiniani II.: de quo vide quæ idem Schardius scribit in *adnotationibus* p. 271. 272. Postea a Leunclavio vel Marquardo Frehero, ex Fr. Pithæi exemplari edita accuratius in libro, cui titulum fecit *Jus Græco-Romanum* A. 1596. tom. 2. p. 265. In ea Narratione Historico-Juridica intextum est illud ipsum caput, quod ex L. Rhodia retulerat Volusius Mæcianus, & extat in *ἀρχαῖς π. ad L. Rhod. de jactu*, quam nos peculiari hypomnemate illustravimus.

X. COLLATIO legum Mosaicarum Romanarum, ex integris Papiniani, Pauli, Ulpiani, Gaii, Modestini, aliorumque veterum juris Auctorum libri, item ex Codd. Gregoriano, Hermogeniano, Theodosiano desumpta, & in tit. xvr. distributa, Tilio jam ante visa, a P. Pithæo Jurisconsulto ex Mandubiorum Bibliotheca edita, & Notis luculentis illustrata, A. D. 1572. Lutetiæ in 4., ad nos pervenit. Quem librum eodem anno 1572. L. Charondas manuscriptum se habere ex Bibliotheca Dionysiana professus est in *dedicatione Corporis sui ad Augustum Senatum Parisiensem*.

*sem*. Hujus collationis, seu pariationis Auctor *Lucinius Rufinus*, a Tilio primum, mox & a Cujacio dicitur: Verum ex conjectura, an ex veteris libri fide, haud satis compertum. Sane non potest esse *Lucinius Rufinus* ille, qui Pauli coætaneus fuit: Verissimum enim est, hanc Collationem editam post Codicem Theodosianum, seu post A. D. 438.: quandoquidem ex eo Codice quandam constitutionem laudat *de impudicis*, & quidem (quod observandum) plenior, quam eo Codice, quem hodie habemus, extat, ac proinde ex integro non decurtato Codice Theodosiano. Ex præfatione sanè tituli VI. & VII. colligere licet, professione Jurisconsultum non fuisse. Tandem de hoc Auctore vide quæ Pithæus *initio Notarum*, quæ Marqu. Freherus *singulari capite 1. parerg. 4.* Utilitas hujus libri triplex: 1. quod perspicuè repræsentat quid Tribonianus, quid quantum Collegæ in excerptis, discerpentis veterum Jurisconsultorum scriptis sibi indulserint. 2. quod quamplurima prisca Juris fragmenta, tum ex Veteribus Jurisconsultis, tum ex tribus constitutionum Codd. contineant, quæ alibi nusquam, vel non ita plenè occurrunt. Tandem ostendit, quomodo in titulos veterum Jurisconsultorum libri divisi fuerint: spectandus in rem cumprimis *Tit. XV.*

XI. *PAPIANI* liber Responsorum Titulis XL. costans; in hunc censum referendus est, ubi ex *lege Romana* (ut ipsemet loquitur) i. ex tribus Codd., Gaii Regulis, Pauli sententiis quamplurima referun-

feruntur; itemque ex corpore Novellarum Theodosii, Valentiniani, Majoriani, Leonis & Severi: Pithæus Theodoricianum, seu Gotho-Romanum putavit. Sanè liquidum fuisse ex aliqua earum nationum, quæ sub Regibus constitutæ Galliis jam infederant, cum & *Nationem suam*, & *Dominum Regem* memoret *titul. 3. & 7.* Ego crediderim, *Burgundionem* fuisse. Nam si quis Legem Gundebaldicam conferat, eundem ordinem pene deprehendet, ac pene pariare videbit. Hujus porro institutum fuit, infelicibus Romanorum reliquis *legem Romanam* proponere: Germanicæ quippe nationes cum Romanas provincias, & Galliarum nominatim, potestati suæ subjecissent, hanc erga devictos humanitatem exercuere, ut liberum cuique relinquerent, qua lege, ac nominatim Romana, vivere vellent: De quo vide leges *Burgundionum tit. 6. §. 1. Salicas tit. 43. §. 1. Longobard. tit. 57., & veteres Formularum Auctores.* In hunc ergo finem Corpus quoddam Juris ex *lege Romana* apud Gothos Anianus, apud Burgundiones Papianus confecere.

XII. NOTAS JURIDICAS huc quoque referri oportet, usurpatas in monumentis publicis: Jurisque Civilis libris, in legibus, plebiscitis, actionibus, edicto perpetuo, quæ non ad libros Justinianeos pertinent, verum ad veteres Leges, Plebiscita, Actiones, Edicta perpetua, Juris civilis libros veteres: leges denique Romanas, & Codicem Teodosianum; In quibus videlicet Notæ antiqui Juris, seu si-

gna, a Justiniano abolita, explicantur; cujusmodi complures libellos, & in his M. Valerii Probi Grammatici vetustissimi (cujus apud Svetonium, Gellium & Macrobium mentio fit, quique sub Augusto fuit), item Magnonis, sub Carolo M., Petri Diaconi sub Conrado I. Imp., & incerti Auctoris vetustissimi, post varias aliorum Editiones, in unum tandem corpus coegit vir doctissimus Frideric. Lindenbrogius, cum Notis nonnullis, editione Lugduno-Batava in 8. A. D. 1599. Solius Probi libellum, ex MSS. auctiorem longe edidit, notisque illustravit Henricus Ernestus Soræ in 4. A. D. 1674. Ubi tamen moneo, ibi non merum Probum extare, sed multa addita alia, & posteriore longe manu. His addere licet INNOCENTIUM, ex cujus libris de literis notis juris, Agrimensorii videlicet, nonnulla hodie extant: *Innocentium* Ammianus Marcellinus sub Constantio Imp. fuisse memorat: idemque ille videtur, de quo Eunapius agit, cujus edendi consilium Sichardus jam olim ceperat. Tandem Bibliotheca Palatina a Salmasio erutum edidit Nicol. Rigaltius inter Auctores Finium-regundorum, Lutetiæ in 4. A. D. 1614.

XIII. VOLUSIUM MÆCIANUM *de asse, ejusq; distributione* ( & in hæredum institutionibus, & in aliis multis, ut ipsemet loquitur, necessaria ), neque ab hoc censu alienum putare debemus; quem Sichardus edidit primus A. D. 1528. Liber hic quippe ( judicio Cujac. ad l. 21. §. 2. ff. de annuis legatis. ) Juris studiosis prius addiscendus est, quam Institutiones: quod



temere accedant ad juris disciplinam, quibus non bene nota est distributio assis.

XIV. FINIUM RBGUNDORUM Auctores Augustos nonnullos neque hinc abesse velim; in quibus Sículus Flaccus, (qui sub Domitiano, vel Trajano scripsit), Julius Frontinus, libro de agrorum qualitatibus & controversiis eorum; itemque Aggeni Urbici Commentarius in eundem Frontini librum. Quos Turnebus primum, accuratius postea Nicol. Rigaltius edidit, & notis luculentis illustravit, Parisiis in 4. A. D. 1614.

XV. NOTITIA Dignitatum omnium in partibus Orientis & Occidentis, sub Theodosio Jun. conscripta, circa A. D. 426., (quam & ideo Alciatus *Breviarium Theodosii Jun.* appellavit), unde maximus Juri nostro lumen accedit, ad Dignitatum seu Magistratum, & Officialium notitiam, de quibus agitur primo libro Codicis, & posterioribus tribus: item ad notitiam Juris fiscalis & patrimonialis. Eam Alciatus excerptam primus edidit; secutus Rhenanus, qui totam edidit Basileæ in fol. Tandem a Guidone Pancirolo ex collatione duorum MSS. restituta plenius, notisque illustrata. Audio & Lutetiæ in illustri illa Regiaque Typographia nuper editum.

Haftenus Leges publicæ, veterumque Jurisconsultorum reliquiæ, aliaque monumenta ad Jus antiquum Pro-Justinianum spectantia.

## CAP. III.

IMPERATORIARUM *Constitutionum*  
*Pro-Justinianearum reliquiae.*

**I**MPERATORIÆ Constitutiones ante Justiniani tempora sequuntur.

I. HADRIANI primum Imp. Sententiæ & Epistolæ, ( hoc est, brevia ejus Rescripta ) ex lib. 2. Dosithei Magistri, quæ veteri Glossario inserta, primum ab Henrico Stephano edita fuerunt, deinde ex Bibliotheca Sancti Galli apud Helvetios, plenius visa a Cujacio 21. *obs.* 5. Sed tandem publice restituta, notisque illustrata a Goldasto, Genevæ in 8.

II. GORDIANI constitutio unica de *nuptiis* contra mandata contractis, & dote caduca, a P. Pithæo accepta, edita a Cujacio 1. *obs.* II.

III. IV. CODICIS GREGORIANI, & HERMOGENIANI quoque reliquæ quædam hodie supersunt, a manu, ut dixi, Aniani, seu Gothorum. Quinimo & B. Augustinus lib. 2. *ad Pollentium* cap. 8. cujusdam Constitutionis ex Cod. Gregoriano meminit: Addi possunt & eæ, quæ exinde citantur ab Auctore Collationis Legum Mosaicarum, & Consultationis veteris Auctore. Quinimo & quæ a Papiniano libro Responsorum. Quorumnam autem Imp. Constitutiones his Codd. comprehensæ fuerint, ostensum jam alibi.

V. CODEX THEODOSIANUS quoque superest, per gradus quosdam, necdum

dum plane tamen, restitutus : Primum enim a Joanne Sichardo Breviarium Codicis Theodos., quale ab Aniani manu profectum, editum fuit, antehos 100. & quod excurrit annos Basileæ, A. D. 1528. Postea Joan. Tilius libros octo posteriores integros, non jam ab Aniano decurtatos extulit, & postremo tamen libro adhuc mutilo, Parisiis in 8. A. D. 1594. Eum secutus Cujacius librum sextum, septimum, & octavum integros eruit, una cum supplemento libri postremi a Stephano Charpino acceptos, Lutetiæ in fol. A. D. 1566. Constitutiones de Senatusconsulto Claudiano lib. 6. contulit Cujacianæ editioni P. Pithæus. Superfunt itaque adhuc erudiendi quinque priores, & initium libri sexti, quorum Breviarum tantum ab Aniani manu habemus, quæ frustra hactenus a me quæsitæ sunt.

VI. NOVELLÆ Constitutiones, post Codicem Theodosianum promulgatæ, tum ab ipso met Theodosio Jun., tum & a Valentiniano, aliquot primum ex Aniani Breviario a Sichardo editæ : postea xxx. Novellis auctiores, a P. Pithæo è patris Bibliotheca A. D. 1571. Marciani quoque & Majoriani, itemque Sever. Novellæ ex eodem Breviario a Sichardo editæ. Majoriani Novellas Cujacianæ Editioni Antonius Oisellus contulit : sed una auctiores Pithæus reddidit : a quo etiam tres Anthemii Constitutiones primum erutæ, sicut in universum 34. Novellas Pithæus dederit.

## CAP. IV.

JUSTINIANEA *Jurisprudentia*, ejus-  
que *variae Editiones*.

**D**E Justinianeis operibus monuit *Historia Juris Civilis*. De variis tamen eorum Editionibus, & quo progressu paulatim in melius nitidiore cultu restituta ea fuerint, quid singulis editionibus præstitum, moneri expedit. Ut de anterioribus inconditis Editionibus taceam.

I. HALOANDRINA, sive Norica Gregorii Haloandri corporis Justiniani Editio A. D. 1531. prima censei hoc in genere meretur, superioribus omnibus terrior emendatiorque: utpote Pandectis ex collatione Florentinarum manu, Politiani olim facta, editis, restitutisq; legum inscriptionibus: neque tamen ubique notas Politiani secutus, tum in textu, tum & quoad *ὁρθογραφία*.

II. HERVAGIANA Basileensis decennio post A. D. 1541. secuta, a Joh. Hervagio Typographo Basileensi, Alciati, ut scribit, aliorumque Doctorum opera adjuto: in qua secutus Noricam Haloandri editionem, additis Modestini Legibus Græcis in tractatu *excusat. tutor.*, & majoribus literarum formis expressis iis, quæ *materialiter* poni a Grammaticis dicuntur, Legum puta, Edictorum &c. verbis, Græcorum quoque interpretationem præstitit. In Codice supra Haloandrinam editionem loci non pauci, neque momenti exigui restituti-

stituti, quos & in Annotationes variarum  
Lectioinum retulit.

III. HUGONIS a PORTA Editiones  
duæ, & posterior quidem limatior: decen-  
nio post A. D. 1552. infecuta Lugduni;  
Pandectis ad Archetypum Florentinum at-  
tentissimè collatis: Inscriptionibus Legum  
restitutis: Græcis sanctionibus insertis,  
cum Latina Francisci Hotomanni inter-  
pretatione.

IV. FLORENTINARUM Pandectarum  
mox Editio secuta, A. D. 1553., de qua  
in Historia Juris.

V. RUSSARDI Editio Lugd. primum in  
fol. 1561., dein Antuerpiæ, apud Planti-  
num secuta, A. D. 1567. in 8., ubi Pan-  
dectæ ad exemplar Florentinum editæ;  
notæ additæ ex Clarissimis illius ævi Ictis:  
Leges conjunctæ, Summaria Durani addi-  
ta: Codex ad XV. Exemplaria collatus.

VI. CODICIS Constitutiones Græ-  
cæ-Latinæ quamplurimæ ab Anton. Au-  
gustino editæ Illdæ in 8., additis Para-  
titlis.

VII. CONTII editio in 16. Lugduni,  
apud Guiglielmum Rovilium, A. D. 1571.  
ubi Pandectæ ad isotypum Florentinum to-  
tidem apicibus retentis expressæ: Duæ La-  
cunæ sub *tit. de bonis damnatorum*, & sub  
*tit. de Interdictis & relegatis*, ope Basili-  
corum repletæ. Codicis Constitutiones  
quamplurimas Græcas, earumve epitomas  
plus quam 150. ex Cujacii thesauro, ex  
Ant. Augustino, & de suo quoq; nonnul-  
las addidit: Græcorum Interpretationes in  
Pandectis Pisanis, sive Bulgari, sive Bur-  
gundio-

gundionis addidit, summaria ex Bartolo per Chapusium.

VIII. CHARUNDÆ Editio in fol. Antuerpiæ, apud Platinum A. D. 1565.

IX. X. XI. Mitto recentiores, Hotomanni, Pacii, postremum omnium Dionysii GOTHOFREDI p. m. editio, jam totius orbis & Augustissimorum Tribunalium consensu recepta est.

NOVELLAS seu Novellarum Justiniani *μονόβιβλον* primus græce edidit Norimbergæ Gregorius Haloander ex descripto Bononiensi, A. D. 1531. apud Joannem Petræum: Mox Hervagius Basileensis Typographus, Alciati, ut scribit, aliorumque Doctorum opera adjutus, additis quibusdam, auxit A. D. 1541. Parisiensis editio tertia infecuta; in qua tamen adhuc multa desiderabantur: Tandem Henricus Scrimgerus Scotus A. D. 1558. in fol. apud Henricum Stephanum ex Bessarionis Cardinalis MS. Venetiis Novellarum Editionem accuravit, ordine earum restituto, numeroque aucto, quas quadriennio ante Georgius Tannerus Basileensis dederat excudendas. Et hæc de Græco Novellarum authentico.

LATINÆ Interpretationes Novellarum tres extant: *Vetus*, cujus auctores sunt qui Bulgarum, vel Bulgari supparem sub Frid. Barbarossa, Cujacius verò 8. *obs. ult.* Græcum fuisse censet, qui non multo post editionem Novellarum rogatus Occidenti Latinam interpretationem donaverit. Balduinus Mauritio Imp. & Gregorio M. suppar-



parem conjicit. Eruditionem ut aliquam Interpretis videre licet, majorem sane quam vulgo creditur ( ut recte probavit idem Cujacius ) ita verissimum, impolitiarum & stribliginis plenum esse, utpote ubi neque verborum constructio sæpe cohæret, neque rerum sensus percipi potest. Quid quod in hac versione multæ Novellæ defunt, quas ex Græcis libris suppleverunt Haloander, & Scrimgerus. Itaque secuta Gregorii Haloandri Interpretatio, quæ Norimbergæ primum prodiit A. D. 1531., deinde alibi recusa, ut Antuerpiæ in 4. ( quam & postea Ludovicus Russardus ex Duareni emendatione recognitam edidit A. D. 1567. ) Tandem successit Henrici Agylæi ad Græcum Scrimgeri Exemplar Basileæ per Joan. Hervagium A. D. 1561. in 4. Et veterem tamen Interpretationem retinere maluit adhuc Contius: unam cum vetere Haloandrinam Hervagius A. D. 1541., & quidem ex opposito Basileensis in fol. A. D. 1570. & Charondas A. D. 1575. in fol. junxit. Illud observandum, aliquot Novellas addidisse Contium, quas in decimam collationem conjecit ( cum antea novem tantum essent ) quas & olim Jacobus de Belviso collegisse dicitur, & suo Codici adjecisse, hoc titulo *Extravagantium*. Formas Præfectorum seu tria *εποχινὰ* contulit Cujacius. Adeundus de his omnibus Index a Contio concinnatus, quo collationem Editionum instituit.

JULIANI Anteccessoris Constantinopolitani liber Novellarum sequitur, circa A. 570.

confectus; quo is Novellas latine non quidem vertit integras, aut ad verbum, sed in Epitomen contraxit, resecatis prologis & epilogis. Liber hic in duos libros distinctus, quorum prior pervenit ad *Novellam* 63. de Jurisdictione Præsid. Hac Novellarum Epitome sub *Novellarum* appellatione usi olim Irnerius, Bulgarus, Azo, Joannes Accursius. Primum Nicolaus Boerius eum extulit una cum Legibus Longobardorum, etiam cum Scholiis aliquibus: Deinde Ludovicus Miræus eundem edidit Lugduni apud Joannem Tornesium A. D. 1560. Tertia editio est Goltzii, quæ exiit Brugis in 4. 1565., quam Ludovicus Miræus adornavit. Plenior & limatior exiit ab Anton. Augustino, Parisiis 1567., una cum Paratitlis sive Scholiis & variis lectionibus. Huic successit Fr. Pithœi editio Basileæ in fol., apud Petrum Pernam A. D. 1567., ex fratris Petri Bibliotheca, una cum nonnullis Justiniani & Justinii Constitutionibus, addito Glossario sive Interpretatione obscurorum verborum Juliani. De utilitate hujus Epitomes vide Augustini *præfationem*.

THEOPHILI Institutionum Græca Paraphrasis sequitur, cujus Angelus Politianus jam in Miscellaneis suis meminerat. Eum Viglius Zvichemus Frisius ex Bessarionis MS. Venetæ Bibliothecæ, quem a Petro Bembo acceperat, ex altero exemplari Florentino, quod a Joh. Baptista Egnatio habuerat, primus edidit sub Carolo V. A. D. 1533.: Mox accuratius recusam anno proximo 1534. Parisiis; & an. 1545. Ja-

Jacobus Curtius latine vertit. Ludovicus Miræus Lugduni edidit an. 1581. Dionysius Gothofredus p. m. ad formam tripartitorum utiliter edidit in 4. Carolus Annibal Fabrotius Antecessor Aquisextiensis ex tribus MSS. Codicibus Bibliothecæ Regiæ Paris. recensuit, scholiis græcis auxit; Idemq; Jac. Curtii latinam Interpretationem emendavit & Notas adjecit, A. D. 1638. Habet hic Auctor multa, quæ textu Institutionum non continentur, partim *bene*, partim *male dicta*: Imo est etiam ubi ab ipso textu recedit. Ut inde colligere liceat, posteriorem Justiniani seculo fuisse; neque dubium mihi quin hic ille sit Theophilus, vel Theophilites, qui inter cæteros Basilicorum Interpretes memoratur, circa A. D. ferme 1000. De harum Institutionum utilitate doctissime præfatus est Viglius. Præcipua hæc capita, Ordinis continuatio, Protheoriæ seu Evidentialia (ut loquuntur) ad faciliorem intellectum; Dictionum obscurarum interpretatio: Veterum morum & solennium explicatio, quorum nulla vel tenuis in Latinis institutionibus mentio; Græca; quæ in Latinis, vel explicata vel integra: Typica vel solennia Juris veteris verba explicata: exemplis Regulæ illustratæ; Definitiones expensæ, Rationes consignatæ. Sed & quæstiones quoque varias inter Interpretes exinde decidi posse octo exemplis allatis idem Viglius comprobavit. Ex his jam omnibus statuere licet, Theophilum eo tempore fuisse, quo veteris, Jurisprudentiæ libri adhuc extabant.

JULIANI Antecessoris duas collectiones (circa A. D. 570.) ad opera Justiniani relatas extulit quoque P. Pithæus, sub finem Collationis Legum Mosaicarum, quarum una inscribitur *Dictatum de Consiliariis*; eaque continetur consilium directum ad quandam in officio publico constitutum: fortè etiam Adsessorem & Consiliarium Judicis, quosnam videlicet Titulos potissimum ex operibus Justinianeis super materiis maximè practicabilibus legere, atque se instruere necesse habeat. Altera collectio est *de tutoribus & tutela actione*, ubi contrarietates quasdam juris distinctionibus propositis solvit. In iis argumentum continetur nonnullarum Constitutionum, quæ in Justiniani Codice hactenus desiderantur.

GEORGICÆ, seu de re Rustica Leges Justiniani 2. (non nostri) ex lib. 6. *Harmenopoli*, de quo postea, primo ingenii fœtu a Fr. Balduino, una cum Interpretatione & scholiis editæ Parisiis A. D. 1542. in 4. Plenius postea a Simone Schardio ad exemplar potissimum Ant. Augustini, Basilæ in 8. A. D. 1591. una cum legibus MILITARIBUS & NAUTICIS, Annotationibus additis. Tandem inclusæ in Corpore Juris Græco-Romani *tomo 2.* a Leunclavio Francofurti A. D. 1596. ex Fr. Pithœi Bibliotheca. Observandum autem, in fine legum Nauticarum subjici sententiam DOCIMI, ex libro quodam ejus juridico, quando videlicet legibus Rhodiorum locus sit. Militares sanè Leges ex *Ruso* desumptæ, e Fr. Pithœi Bibliotheca inclusæ *tomo 2. juris Græco-Romani pag. 249.*

## CAP. V.

POSTE JUSTINIANÆ *Jurisprudentiæ reli-*  
*quæ, seu jus GRÆCO-ROMANUM & ORI-*  
*ENTALE, ac primo NOVELLÆ Imperatorum*  
*post Justinianum.*

NOVELLÆ primum Imperatorum post  
 Justinianum variæ, earumquæ col-  
 lectiones tenendæ: JUSTINI videlicet II. &  
 TIBERII novellæ nonnullæ extant editæ  
 post Justiniani Novellas. LEONIS item  
 Philosophi Novellæ seu Constitutiones  
 CXIII. circa A. D. 890. legum Correcto-  
 riæ *επιόρθωσις καὶ καθόρθωσις*, quibus videli-  
 cet Leo quamplurima ex Jure Justiniano  
 corrigere instituerat: singula capita sin-  
 gulis fere constitutionibus includendo,  
 eaque diligenter rationibus communien-  
 do, quas Agylæus interpretatus est. De  
 quibus Leonis Novellis observandum est,  
 ne quidem Leonis ætate eas satis obti-  
 nuisse, exceptis iis quæ de his Juris ca-  
 pitibus sunt, de quibus nihil ante con-  
 stitutum erat: hæ quippe receptæ in tri-  
 tura forensi novæ Romæ, veluti Nov.  
 29. 48. 57. 68. 71. 86. 102. 103. 104. quod te-  
 stantur Græci Interpretes & Pragmatica  
 Michaelis Ducæ & Attaliatæ apud Cu-  
 jacium 17. obs. 31. Item Constantinus  
 Harmenopulus lib. 2. titul. 6. §. 52. &  
 seqq. Item Bassamo ad Nomocanonem Pho-  
 tii titul. 2. & 3. de precibus.

VARIORUM deinceps Imp. NOVELLÆ,  
 Heraclii, Constantini V. Basilii Macedo-  
 nis

nis, Constantini VIII. Romani Lecapeni, Romani IV. Argyropuli, Isaaci Comneni, Alexii Comneni, Joannis Comneni, Emanuellis Comneni, Alexii III. Comneni, Isaaci Angeli, Joannis III. Ducæ, qui S. Ludovici temporibus extitit ante 400. annos, variis editionibus, neque ab uno, erutæ & editæ, puta ab Enimundo Bonafidio A. D. 1573. apud Henricum Stephanum in 8., a Joanne Leunclavio in fine Synopseos Basilicos Basileæ, A. D. 1575. 8. in libro cui Titulus Jus Græco-Romanum, quem edidit Freherus A. D. 1596. Carolus Labbæus decem auctiores & emendatiores Parisiis in 8. A. D. 1606. Quædam recusæ Lugduni Batav. A. D. 1617., cum Notis, inter reliqua opera Constantini Porphyrogennetæ.

## C A P. VI.

*NOVÆ Jurisprudentiæ post Justinianum monumenta.*

CUM trecentos circiter annos in Oriente stetisset Juris Justiniani τὸ πλᾶτος incorruptum, in novas formas mutari cœpit.

BASILIVS Macedo cum filiis Constantino & Leone Philosopho interpolandi Juris Justinianes auspiciū fecit, circa A. D. 870. Quare Eclogam seu πρόχειρον νόμον Juris Justiniani, multis detractis, quæ inutilia putaret, titulis lx. comprehendit, de quo Prochiro V. Cujac. 6. obs. 9. Extat



tat. tomo secundo Juris Græco-Romani a Leuclavio compilati, hoc titulo; *Liber Leonis & Constantini A. A.* Varie enim hic liber inscribitur in MSS., modo sub Basilii solius, modo sub Basilii, Leonis; modo Leonis & Constantini nominibus.

Ab hoc auspicio *MANUALIA* seu *πρόχειρα* Juris passim in Oriente conscripta, omnibus ferme caularum Patronis, sive Rhetoribus suum sibi Codicillum & quasi viæ comitem conficientibus, ut docet Paulus Ægineta in *præfat.* apud Cujacium 6. *obs.* 10.

*PARATTILA* quoque Juris Justin. a Græcis conscripta, id est, supplementa cujusque Tituli ex aliis titulis & locis, in unam consonantiam redactis omnibus Juris Justin. partibus. Quorum *Paratitlorum* exemplar Antonius Augustinus habuisse videtur. Libri tres horum *Paratitlotum* tantum, iique Latini de Græcis facti, quibus materia Ecclesiastica continetur, cum Libris duobus Notatorum & *Præfatione*, quibus ratio *Paratitlorum* ostenditur, editi a Joanne Leunclavio Francofurti in 8. MICHAELIS PSELLI synopsis legum ad Michaelem Ducam circa A. D. 1065. ex jussu patris & Imperatoris versibus jambicis & politicis 1513. edita, cum versione & Notis a Fr. Bosqueto Narbonensi L. C. A. 1632. Unde Anton. Augustinus quosdam laudaverat Ann. D. 1632.

*NOMOCANON* a Photio Patriarca Constantinop. circa A. D. 880. conscriptus, qui & *Procanon* dictus, quia is liber Canonibus præponitur. *Nomocanon* autem ideo, quia veluti Breviarium est Juris Canonici

ci Græcorum , collatione videlicet facta Imperatoriarum Constitutionum Ecclesiasticarum cum Canonibus Conciliorum , & veterum Patrum Epistolis Canonicis: Hunc Nomocanonem , sive Procanonem Constantinus Porphyrogenneta , idem ille , qui & Basilicorum libros , de quibus mox , repurgavit , ut docent Græci , ad *l. ult. C. de custod. reor.* apud Cujac. 6. *observ.* 9. Ad eum postea Commentarios edidit circa A. D. 919. , ut Nicetas scribit in *Isaico Angelo* , jussu Manuelis Imp. Theodorus Balsamo Antiochenus. Nomocanonem cum Commentario ex Bibliotheca Tiliæ primus eruit Gentianus Hervetus , & Latinum hætenus de Græco fecit in fol. A. D. 1561: Successit altera interpretatio Henrici Ayslei . Tandem Græcè Latinè editus ex Bibliotheca Palatina a Christopharo Justello Parisiis in 4. A. D. 1615.

BASILICORUM Libri LX. , quod *ἐξακοντα βιβλαν* ; succedant , quibus videlicet commixti unam in consonantiam libri omnes Justiniani , sub eodem Legum ordine , resecatis superfluis , redacti fuere . Id opus a Basilio Macedone primum institutum , teste Cedreno & Leone *Novellar.* 71. Leo 6. Philosophus Basilij Macedonis filius ( idem ille , qui & *Novellarum* auctor ) teste Cedreno , Harmenopulo & Balsamone , de quo v. Cujac. 6. *observ.* 9. Psello , Michaelè Attaliatè Blessare circa A. D. 880. , operaque Sabbathii Protospatharii perfecit . Secutus Constantinus Porphyrogenneta Leonis F. , idem ille , qui Nomocanonem repurgavit , is *νακαταρτει* seu

seu nova repetitione repetitaque præle-  
ctione circa A. D. 910. (v. Cujac. 9. ob-  
serv. 10. ) id edidit , unde βασιλικῶν au-  
ctor a Luitprando assertus . Et nactum id  
opus varios Interpretes Græcos , qui Com-  
mentarios & Glossas in id scripserunt , non  
minore turba quam Justinianeum Latinos ,  
circa idem ferme tempus , cujusmodi Theo-  
dorus , Dorotheus , Thalelæus Cyrillus ,  
Joannes Stephanus , Enanthiophanon Scri-  
ptor . De horum Basilicorum utilitate fi-  
dem fecit tribus exemplis prolatiis , *doctis-  
sima præfatione in Theophilum* , Viglius ,  
qui quinque ex his Basilicorum libros ha-  
buit , 38. 39. 40. 41. 42. Item Anton. Au-  
gustinus , sed Cujacius & Contius cum ma-  
xime . Ex his LX. Basilicorum Libris vix  
decem cum hæc primum scriberem supe-  
rerant , iique Latini : A Gentiano Herveto  
editi septem , puta 28. 29. 30. 45. 46. 47. 48. A.  
D. 1556. & hi quidem quatuor ultimi in-  
tegrī , priores mutili . A Cujacio Liber LX.  
sue Interpretationis A. D. 1565. Postre-  
mum a V. CL. Carolo Labbæo ex ejusdem  
Cujacii interpretatione editi sunt liber  
38. & 39. Parisiis in fol. A. D. 1609. , una  
cum indice titulorum libri XL. XLI. XLII.

Tandem ex Bibliotheca Regia auspiciis  
Illustr. Franciæ Cancellarii Petri Seguie-  
rii , Græca Basilica cum Interpretatione  
edidit Fabrotus ante triennium ferme :  
novendecim tamen libris mutila : Ita ut  
41. tantum libri extent .

SYNOPSIS seu Ecloga horum Basilicorum  
quoque confecta ; cujus libri auctorem  
quidam vaticinantur Romanum Juniorem  
La-

Lacapenum . Ea *κατάσειχῆον*, id est, secundum ordinem literarum & elementorum confecta fuerat, unde *Μικρον κατάσειχῆον* nuncupatum, quod etiam Budeus viderat; de quo v. Cujac. 4. *observ.* 10. Eam Tarenti apud Calabros a Sambuco repertam edidit, & vertit Joannes Leunclavius Basileæ in fol. A. D. 1575. Adnotationibus etiam additis; non eo tamen ordine, quo composita fuerat, id est, non *κατὰ σειχῆον*, sed juxta ordinem Basilicorum iptorum.

ΑΤΤΑΛΙΑΤῆ Michaelis quoque, Synopsis alia Basilicorum extat, cujus titulus *ποίημα νομικὸν καὶ πραγματικόν*. Michaelis Ducæ Imp. jussu anno ejus Imperii 3. circa A. D. 1070., conscripta Tomo secundo *Juris Græco-Romani* inclusa Leunclavio, a Ftehero edita.

EUSTATHII Antecessoris libellus *περὶ χρονικῶν δράσηματῶ*, seu de intervallis temporum, vel ut alii loqui amabant, *de diversis temporalibus præscriptionibus*, a momento usque ad 100. annorum spatium, qui tam ad Justinianeos, quam ad Basilicos libros refertur, editus primum a Simone Schardio Basileæ in 8. A. D. 1561. Mox plenius a Cujacio: Tandem a Leunclavio Tomo II. *Juris Græco-Romani*.

CONSTANTINI HARMENOPOLI Judicis Thessalonicensis *πρόχειρον* sive *εὐχετηριδιον* circa A. D. 1150. post promulgationem Basilicorum, idque non jam operibus Justinianeis adhærens, conscripsit: allegatis Novellis Impp. usque ad Manuelem

Com-

Comnenum, qui imperavit A. D. 1145.  
Eum extulit primus Sualemborgius.

GLOSSÆ veteres Græcæ hoc agmen  
claudant, quæ docta & concisa brevitate  
ordine Alphabetico verborum, & vocum se-  
cretiorum Juris Romani, quæ in Justinia-  
neis libris & Basilicis occurrunt, interpre-  
tationem continent, seu præstant. Harum  
Glossarum nonnulla scriptis suis jam inse-  
ruerant Alciatus, Cujacius, Brissonius,  
Pithœus, Fornerius. Edidit eas ex Regia  
Bibliotheca, simul & Notis illustravit Ca-  
rolus Labbæus A. D. 1606. Parisiis in 8.  
Sed pleniores adhuc eæ extant apud Jaco-  
bum Sirmondum.

Et hætenus quidem quæ publici juris  
facta sunt hunc ad diem veteris Jurispru-  
dentiae monumenta: & postremum quidem  
Græciæ inclinantis. Multa alioquin alia  
extant adhuc in nonnullis Bibliothecis,  
Vaticana, Parisiensi, inedita ejusdem Græ-  
ciæ: quorum notitiam confecit Josephus  
Maria Suaresius Præpositus Avenionensis,  
mox Episcopus Vasionensis ad Urbanum  
VIII., p. m. scripto quodam, quod *Noti-  
tiam Basilicorum* inscripsit: quodque Basili-  
corum editioni nuper additum est.

F I N E .

## FLORILEGIUM

## ROTUNDIORUM JURIS

SENTENTIARUM,

QUÆ

COMMUNIIUM NOTIONUM

instar sunt, e DIGESTIS,

CODICE & NOVELLIS  
selectarum.

Ex Lib. I. Digestorum.

**B**ONOS non solum metu pœnarum, verum etiam præmiorum quoque exhortatione efficere cupientes, Ulp. l. 1. §. 1. *de just. & jure.*

Jure hoc evenit, ut quod quisque ob tutelam corporis sui fecerit, jure fecisse existimetur. Florent. l. 3. *de just. & jure.*

Cum inter nos cognationem quandam natura constituit, consequens est, hominem homini insidiari nefas esse. Florent. l. 3. *de just. & jure.*

Prætor quoque jus reddere dicitur; etiam cum inique decernit, relatione scilicet facta, non ad id, quod ita Prætor facit, sed ad illud, quod Prætozem facere convenit. Paulus l. 12. *de just. & jure.*

Cujusque rei potissima pars principium est. Cajus l. 1. *de origine jur.*

Tur-



Turpe est Patricio, & Nobili, & causas oranti jus in quo versaretur ignorare.

Q. Mutius apud Pomp. l. 2. §. 43. *de origine juris.*

Pleræque *leges tituli de legibus*, memoria tenendæ.

Legē Regia, quæ de Imperio Principis lata est, populus EI & IN EUM omne suum imperium & potestatem confert. Ulp. l. 1. *de constit. Princip.*

In rebus novis constituendis evidens esse utilitas debet, ut recedatur ab eo jure, quod diu æquum visum est. Ulp. l. 2. *de constit. Princip.*

Beneficium Imperatoris, quod a divina scilicet ejus indulgentia profiscitur, quam plenissime interpretari debemus. Javolenus l. 3. *de const. Princip.*

Constitutiones tempore posteriores, potiores prioribus. Modestinus l. *ultim. de const. Princip.*

Hominum causa omne jus constitutum. Hermogenianus l. 1. *de statu hom.*

Non debet calamitas matris nocere ei, qui in utero est. Marcianus l. 5. §. 2. *de statu hom.*

Qui in utero est, perinde ac si in rebus humanis esset, custoditur, quoties de commodis ipsius partus quæritur. Paulus l. 7. *de statu hom.* vide & l. 26. *eod.*

In multis juris articulis deterior est conditio scæminarum, quam masculorum, Papinianus l. 9. *de statu hom.*

Cum legitimæ nuptiæ factæ sunt, patrem liberi sequuntur: vulgo quæsitus (id est

est (spurius) matrem sequitur. Celsus l. 19. de statu hom. v. & l. 24. eod.

Res judicata pro veritate accipitur. Ulp. l. 25. de statu hom.

Dominorum potestatem in suos servos illibatam esse oportet, neque cuiquam hominum jus suum detrahi. D. Pius apud Ulpianum l. 2. de his qui sui.

Dominorum interest, ne auxilium contra sævitiam vel famem, vel intolerabilem injuriam denegetur his, qui jussè deprecantur. D. Pius apud Ulp. l. 2. de his qui sui.

Filius. in publicis causis loco patris familias habetur. Pomponius l. 9. de his qui sui.

Spem successionis paternæ unusquisque Liberorum obsequio paret sibi. Ulpianus. l. 17. §. 3. de adop.

Adoptio non jus sanguinis, sed jus agnationis adfert. Paulus l. 23. de adop.

Quod divini juris est, id in nullius bonis est. Cajus l. 1. §. 1. de rerum divis.

Res sacra non recipit æstimationem. Ulp. l. 9. §. ult. de rerum divis.

Major dignitas est in sexu virili. Ulpianus l. 1. inf. pr. de senatoribus.

Qui indignus est inferiore ordine, indignior est superiore. Pomponius l. 4. §. 1. de senatoribus.

Quæsitæ dignitas liberis, propter casum patris auferenda non est. Papinianus l. 9. de senatoribus.

Salutem Reipub. tueri, nulli magis credit (Cæsar) convenire, nec alium sufficere ei rei, quam Cæsarem. Paulus l. 3. de off. præf. vigilum.

Plerumque incerta & inopinata turbant provinciales, & actus impediunt. Ulp. l.

4. §. 1. *de off. Procons.*

Vetus proverbium ἔδε πάντα, ἔδε παντοίῃ; ἔδε παρὰ πάντων Nam valde inhumanum est a nemine accipere: sed passim, vilissimum est: & omnia, avarissimum. Ulp. l. 6. §.

2. *de off. Procons.*

Opprimi aliquem per adversarii potentiam non oportet: hoc enim etiam ad invidiam ejus, qui provinciæ præest, spectat. Ulp. l. 9. §. 5. *in fin. de off. Proconsulis.*

Veritas, rerum erroribus gestarum non vitiatur. Ulp. l. 6. §. 1. *de off. Præsidis.*

Sicuti medico imputari eventus mortalitatis non debet, ita quod per imperitiam commisit, imputari ei debet: & prætextu humanæ fragilitatis delictum decipientis in periculo homines, innoxium esse non debet. Ulp. l. 6. §. 7. *de off. Præsid.*

Non tam spectandum est quid Romæ factum est, quam quid fieri debeat. Proculus l. 12. *ff. de Præsidis.*

Observandum est jus reddenti, ut in adeundo quidem facilem se præbeat, sed contemni non patiatur. Nam ex conversatione æquali contemptio dignitatis nascitur. Callistratus l. 19. *de off. Præsidis.*

Animi motum vultus detegit. Callistratus l. 19. *de off. Præsidis.*

E X L I B. II.

**C**Ui jurisdictio data est, ea quoque concessa esse videntur, sine quibus juri-

jurisdictio explicari non potest. Javolenus  
l. 2. ff. de jurisd.

Est receptum, eoque jure utimur, ut si  
quis major vel æqualis subjiciat se jurisdi-  
ctioni alterius, possit ei & adversus eum  
jus dici Ulp. l. 14. ff. de jurisd.

Non consentiunt, qui errant. Ulpianus  
l. 15. ff. de jurisd.

Extra territorium jus dicentis impunè  
non paretur. Paulus l. ult. ff. de jurisd.

Quod quisque juris statuerit in alterum,  
ut ipse eodem jure utatur. Quis enim  
aspernabitur idem jus sibi dici, quod ipse  
aliis dixit, vel dici effecit? Ulpianus l. 1.  
ff. quod quisque juris.

Quid officit conatus, cum injuria nul-  
lum habuerit effectum? Ulpianus l. 1. in  
fin. ff. quod quisque juris.

Una est omnibus parentibus servanda re-  
verentia. Paulus l. 6. ff. de in jus voc.

Demus tutissimum cuique refugium at-  
que receptaculum. Gajus l. 18. ff. de in  
jus voc.

Verba cum effectu sunt accipienda. Ul-  
pianus l. 5. ff. ne quis cum, qui in jus voca-  
vi eximat.

Locuples videtur non tantum ex facul-  
tatibus, sed etiam ex conveniendi facilita-  
te. Ulp. l. 2. in pr. ff. qui satisfacere.

Quoties vitiosè cautum est, non vide-  
tur cautum. Paulus l. 6. ff. qui satisfacere.

Ab utraque parte dolus compensandus.  
Julianus l. ult. §. 3. ff. de eo per quem fact.

Quis de poena laboret, post negotium  
transactum? Ulpian. l. 2. inf. pr. ff. si quis  
cautionib.

Occupati circa rem rusticam in forum compellendi non sunt. Ulp. l. 1. ff. de feriis.

Prætoris factum juri derogare non oportet. Ulpianus l. 1. §. 1. ff. de feriis.

Ea, quæ ad disciplinam militarem pertinent, etiam feriatis diebus peragenda. Ulpianus l. 9. ff. de feriis.

Quid tam congruum fidei humanæ, quam ea, quæ inter eos placuerunt servare. Ulp. l. 1. in pr. ff. de pactis.

Quoties pactum a jure communi remotum est, servari hoc non oportet. Ulp. l. 7. §. 16. ff. de pactis.

Difficile est, ut unus homo duorum vicem sustineat. l. 9. ff. de pactis.

In stipulationibus jus continetur, in pactis factum. Paulus l. 27. §. 2. ff. de pactis.

Expediit timere furti, vel injuriarum pœnam. Paul. l. 27. §. 4. ff. de pactis.

Pacta, quæ turpem causam continent, non sunt observanda. Paulus l. 27. §. 4. ff. de pactis.

Contra juris civilis regulas pacta conventiona, rata non habentur. Gajus l. 25. ff. de pactis.

Jus publicum privatorum pactis mutari non potest. Papin. l. 38. ff. de pactis.

Pactis privatorum formam juris fiscalis convelli non placuit. Papin. l. 42. ff. de pactis.

Licet sui juris persecutionem, aut spem futuræ perceptionis, deteriorem constitutione. Tryph. l. 46. ff. de pactis.

Privatis pactionibus, non dubium est non

lædi jus cæterorum. Antoninus & Verus  
apud Scævola *l. 3. ff. de transact.*

Prætori res quærenda commissa est, non  
negligenda nec donanda. Ulpianus *l. 8. §. 17. de transact.*

### EX LIB. III.

**N**E pœna tempore determinata, con-  
tra sententiæ fidem ulterius porriga-  
tur. Papin. *l. 8. ff. de postulando.*

Ignorantia excusatur, non juris, sed fa-  
cti. Ulp. *l. 20. ff. de his qui not. inf.*

Non qui exhortatur, mandatoris opera  
fungitur. Papin. *l. 30. ff. de his qui not. inf.*

Non oportet ex sententia siue iusta, si-  
ue injusta pro alio habita, alium prægra-  
vari. Paulus *l. 21. ff. de his qui not. inf.*

lctus fustium infamiam non importat,  
sed causa, propter quam id pati meruit,  
Marcellus, *l. 22. ff. de his qui not. inf.*

Nemo alienæ litis idoneus defensor sine  
satisfactione intelligitur. Gajus *l. qui pro-  
prio 46. §. 2. ff. de procurat.*

Defendere est eandem vicem quam reus  
subire. Ulpianus *l. minor 51. §. 1. ff. de  
procuratorib.*

Omnis qui defenditur, boni viri arbitra-  
tu defendendus est. Paulus *l. 77. ff. de  
procuratorib.*

Partes duæ Civitatis, aut amplius quam  
duæ quod faciunt, omnes facere videntur,  
Ulpian. *l. 3. quod cujusque universit.*

Ratihabitio constituet tuum negotium,  
quod ab initio tuum non erat, sed tua  
con-



contemplatione gestum. Julianus l. 6. ff. de negot. gestis.

Iniquum est, eum qui non prohibuit, alieno facto liberari. Ulp. l. 8. ff. de negot. gest.

Pro qualitate personarum & actio formanda, & condemnatio moderanda est Paulus l. 15. ff. de negot. gest.

Culpam contraxisse non videtur, qui ab sententia contra absente dicta, ipse non provocavit. Papinianus l. 31. ff. de negot. gest.

Prædo fidejussor non videtur. Papinian. l. 52. ff. de negot. gest.

Turpia lucra hæredibus extorquentur, licet crimina extinguantur. Ulpian, l. 5. ff. de calumniatorib.

## E X L I B. I V.

**E** T si nihil facile mutandum est ex Scæ-  
lemnibus, tamen ubi æquitas evidens  
poscit subveniendum est. Marcellus l. 6. ff.  
de in integr. restitut.

Ad famosam actionem tunc demum de-  
scendendum est, cum remedio locus esse  
non potest. Marcellus l. 7. in fine.

Vim vi repellere licet. Ulp. l. 12. ff. quod  
metus causa.

Tu vim putas esse solum, si homines  
vulnerentur: vis est & tunc, quoties quis  
id, quod deberi sibi putat, non per Judi-  
cem respicit. Callistratus l. 13. ff. quod  
met. caus.

In alterius præmium verti alienum me-  
tum non oportet. Ulp. l. 14. §. 5. ff. quod  
met. caus.

Licet pœna ad hæredem non transeat, attamen quod turpiter, vel scelere quæsitum est, ad compendium hæredis non debet pertinere. Ulpianus *l. 16. ff. quod met. caus.*

Is nullam videtur actionem habere, cui propter inopiam adversarii inanis actio est. Gajus *l. 6. ff. de dolo malo.*

Nisi ex magna & evidenti calliditate, non debet de dolo actio dari. Ulp. *l. 7. in fin. ff. de dolo malo.*

Debitore liberato, per consequentias fidejussor quoque dimittitur. Papinianus *l. 19. ff. de dolo malo.*

Semel pro libertate dictam sententiam, retractari non oportet. Ulp. *l. 24. ff. de dolo malo.*

Non debet quis lucrari ex alieno damno. Gajus *l. 28. ff. de dolo malo.*

Placet in delictis minoribus non subveniri. Ulp. *l. ff. de minoribus.*

Eventus damni restitutionem non indulget, sed inconsulta facilitas. Ulpianus *l. 11. §. 4. de minor.*

Non semper ea, quæ cum minoribus geruntur, rescindenda sunt, sed ad bonum & æquum redigenda sunt. Paulus *l. 24. ff. de minor.*

Non est excusatio adversus præcepta legum ei, qui dum leges invocat, contra eas committit. Tryphonius, *l. 37. ff. de minor.*

Nemo delictis exuitur, quamvis capite minutus sit. Ulp. *l. 2. ff. capit. minut.*

Injuriarum, & actionum ex delicto venientium obligationes, cum capite ambulant.

lant. Paulus l. 7. §. i. ff. de capit. minut.

Civilis ratio naturalia jura corrumpere non potest. Gajus l. 19. ff. de capit. minut.

Causa facti non continetur postliminio. Papin. l. 19. ff. ex quib. caus. major.

Sacris Dei vacare sacerdotes oportet. Paulus l. 32. ff. de recept. arbit.

EX LIB. V.

**E**RROR litigatorum non habet consensum. Ulp. l. 2. ff. de judiciis.

Non est magnum damnum in mora modici temporis. Ulp. l. 21. ff. de judiciis.

Per minorem causam majori cognitioni præjudicium fieri non oportet: Major enim quæstio minorem causam ad se trahit. Paulus l. 54. ff. de judiciis.

Solemus dicere, id venire in judicium, de quo actum est inter litigantes. Ulp. l. 6. ff. de judiciis.

Cujus rei species eadem consistit, res quoque eadem esse existimatur. Alfenus l. 76. ff. de judiciis.

Judex, prout religio suggerit, sententiam proferre debet. Ulp. l. 79. §. i. ff. de judiciis.

Non sufficit litem instituere, si non in ea perseveret. Papinianus l. 15. ff. de inoff. testam.

Cum inofficiosum testamentum arguitur, nihil ex eo testamento valet. Paulus l. 28. in fin. ff. de inoff. testam.

Pro hærede, quod conditionis implendæ gratia accepit, non possidetur. Ulp. l. 13. §. 6. ff. de hær. petit.

Dolo facit is, qui se offert petitioni. Ulp. l. 13. §. 13. ff. de hær. petit.

Omnis qui se offert petitioni, quasi possidens tenetur. Ulp. l. 13. §. 13. ff. de hær. petit.

Non puto hunc esse prædonem, qui dolo caret, quamvis de jure erret. Ulp. l. 25. §. 5. ff. de hær. pet.

Post litem contestatam omnes incipiunt malæ fidei possessores esse, quinimò post controversiam motam. Ulp. l. 25. §. 7. ff. de hær. pet.

Is cui dolo fecit quò minus possideret, ut possessor condemnatur. Ulp. 23. §. 8. ff. de hær. pet.

Quod semel aut bis existit, prætereunt legislatores. Paulus. l. 3. ff. si pars hær. petat.

#### EX LIB. VI.

**M**EUM est, quod ex re mea superest, cujus vindicandi jus habeo. Celsus. l. 49. §. 1. ff. de Rei vindicat.

Justus est possessor & petitor, qui liberalitatem accepit. Ulp. l. 7. §. 3. ff. de Publiciana in rem act.

#### EX LIB. VII.

**Q**UOD nostrum non est, transferemus (scil. aliquo casu) ad alios. Paulus. l. 63. ff. de usus.

In fructu hominis homo esse non potest. Ulp. l. 68. in prin. ff. de usus.

EX LIB. VIII.

**M**ELIOR vicini conditio fieri potest, deterior non potest. Paulus l. 20. §. 5. ff. de servit. præ urban.

Nulli res sua servit. Paul. l. 26. ff. de servit. præd. urb.

Non sicut viventium, ita & defunctorum actus suspendi, receptum est. Paulus l. 18. ff. communia prædior.

In suo alii facere hætenus licet, quatenus nihil in alienum immittat. Ulp. l. 8. §. 5. ff. quemad. servit. amitt.

EX LIB. IX.

**L**IBERUM corpus æstimationem non recipit. Gajus l. 3. ff. si quadrup. paup. G. l. 7. ff. de his qui effuderint.

Adversus periculum naturalis ratio permittit se defendere. Gajus l. 4. ff. ad l. Aquil.

Levis dumtaxat castigatio concessa est docenti. Ulp. l. 5. in fine ff. ad l. Aquil.

Nullæ partes sunt judicandi in confidentes. Ulp. l. 25. §. 2. in fine ff. ad l. Aquil.

Qui occasionem præstat, damnum fecisse videtur. Paulus l. 30. §. 3. ff. ad l. Aquil.

Vim vi defendere, omnes leges, omniaque jura permittunt. Paulus l. 45. §. 4. ff. ad l. Aquil.

Occupantis melior est conditio. Ulp. l. 4. ff. de noxal. action.

Ex

## EX LIB. X.

**S**ÆPE & solutio & exactio partium, non minima incommoda habet. Gajus l. 3. ff. *fam. ercisc.*

Cum cohærede non contrahimus, sed incidimus in eum. Paulus l. 25. §. 6. ff. *fam. ercisc.*

In re communi nemo Dominorum jure facere quicquam invito altero potest. Papinianus l. 28. ff. *communi dividundo.*

In re pari potiolem causam prohibentis esse constat. Papinianus l. 28. ff. *communi dividundo.*

Mutata forma prope interimit substantiam rei. Ulp. l. 9. §. 3. ff. *ad exhib.*

Non oportet jus civile calumniari, neque verba captari, sed quamente quid dicitur animadvertere convenit. Paulus l. 19. ff. *ad exhib.*

## EX LIB. XI.

**D**EFUNCTORUM interest, ut habeant successores. Ulp. l. 6. ff. *de interrogat. in jure.*

Omnino non respondisse videtur, qui ad interrogatum non respondit. Ulp. l. 11. §. 5. ff. *de interrog. in jure.*

Ea quæ postea emergunt, auxilio indigent. Ulp. l. 11. §. 6. ff. *de interrog. in jure.*

Falsæ confessiones naturalibus convenire debent. Paulus l. 12. ff. *de interrog. in jure.*

Non.



Non oportet laudando augeri malitiam.

Ulp. l. 1. §. 4. ff. de servo corrupto.

Lata culpa plane dolo comparabitur.

Ulp. l. 1. §. 1. ff. si mensor fals.

Summa est ratio, quæ pro religione facit. Papin. l. 43. ff. de religiosis.

E X L I B. XII.

**I**N contrahendo, quod agitur pro cauto habendum est. Pomponius l. 3. ff. de reb. cred.

Jusjurandum alteri neque prodest, neque nocet. Ulp. l. 3. §. 3. ff. de jure jurando.

Nemo invitus compellitur ad communionem. Ulp. l. 26. §. 4. ff. de condit. indeb.

Ex quibus causis retentionem quidem habemus, petitionem autem non habemus, ea si solverimus, repetere non possumus. Pomponius l. 51. ff. de condit. indeb.

E X L I B. XIII.

**G**R A V E est fidem fallere. Ulp. l. 1. in princ. ff. de constit. pecun.

Proprie dicitur res non reddita, quæ deterior redditur. Ulp. l. 3. §. 1. ff. commodati.

Duorum insolidum dominium, vel possessio esse non potest. Ulp. l. 5. §. ult. ff. commodati.

Voluntatis est suscipere mandatum, necessitatis consummare. Paulus l. 17. §. 3. ff. commodati.

Adjuvari nos, non decipi beneficio oportet.

tet. Paulus l. 17. §. 3. ff. *commodati*.

Qua cura, aut diligentia consequi possumus, ne aliquis damnum nobis in iuria det? Julianus l. 19. ff. *commodati*.

Reproba pecunia non liberat solventem. Ulp. l. 24. §. 1. ff. *de pign. act.*

#### EX LIB. XIV.

**I**N re dubia melius est verbis Edicti servire. Ulp. l. 1. §. 20. ff. *de exerc. act.*

Dolus tutoris vel curatoris nocere pupillo, vel furioso non debet. Ulp. l. 3. §. 1. ff. *de tribut. act.*

Filiisfam. in castrensi peculio vice patrum familiarum funguntur. Ulp. l. 2. ff. *de SC. Maced.*

Initium contractus spectandum est. Paulus l. 12. ff. *de SC. Maced.*

#### EX LIB. XV.

**I**N IQUUM est, in plures adversarios distingui eum, qui cum uno contraxit. Gajus l. 27. §. ult. ff. *de peculio*.

Non fraudationis causa latitat, qui si iudicium acciperet, absolvi deberet. Papinianus l. 50. in princ. ff. *de peculio*.

Occupantis melior solet esse conditio, quam cæterorum. Paulus l. 52. in princ. ff. *de peculio*.

Occupantis melior conditio esse debet. Gajus l. 4. ff. *de in rem verso*.

Quodammodo cum eo contrahitur, qui jubet. Ulp. l. 1. in princ. ff. *quod iussu*.

EX

EX LIB. XVI.

**M**ELLIORIS conditionis emptor non fit, quam fuit venditor. Pomponius l. 32. §. 1., ff. ad SC. Vellejan.

Et delicta, & noxæ caput sequuntur. Ulp. l. 1. §. 18. ff. depositi.

Non semper videtur dolo facere, qui reposcenti non reddit. Ulp. l. 1. §. 22. ff. depositi.

Hæc est iustitia, quæ suum cuique ita tribuit, ut non distrahatur ab ullius personæ iustiore repetitione. Triphonius l. 31. ff. depositi.

Depositarius non minorem salva fide rei depositæ, quam suis rebus, diligentiam præstabit. Celsus l. 32. ff. deposit.

EX LIB. XVII.

**N**EMO ex consilio obligatur. Gajus l. 2. ff. mandati.

Bonum nomen facit creditor, qui admittit debitorem delegatum. Paulus l. 26. §. 2. ff. mandati.

Dissoluta negligentia prope dolum est. Ulp. l. 29. in pr. ff. mandati.

Bonæ fidei non congruit de apicibus juris disputare. Ulp. l. 29. §. 4. ff. mandati.

Qui alterius negotia administranda suscepit, id præstare debet in sua persona, quod in aliorum. Julianus l. 31. ff. mandati.

Dolus est si quis nolit persequi quod per-

persequi potest : ut si quis non exegerit ,  
quod exigere , solvere ( *solet* ) Ulp. l. 44.  
*ff. mandati* .

Quoties certum mandatum est , recedi  
a forma non debet . Paulus l. 46. *ff. man-*  
*dati* .

Non oportet cum , qui certi hominis fi-  
dem elegit , ob errorem , aut imperitiam  
hæredum affici damno . Papinianus l. 37.  
*ff. mandati* .

Fides bona contraria est fraudi & dolo .  
Paulus l. 3. §. *ult.* *ff. pro socio* .

Plerumque tanta est industria socii , ut  
plus societati conferat , quam pecunia . Ulp.  
l. 29. §. 1. *ff. pro socio* .

Iniquissimum genus societatis est , ex quo  
quis damnum , non etiam lucrum spectat .  
Ulp. l. 29. §. *ult.* *ff. pro socio* .

Lucrum non intelligitur , nisi omni dam-  
no deducto , neque damnum , nisi omni  
lucro deducto . Paulus l. 30. *ff. pro socio* .

Qui sine dolo malo facit , furti non te-  
netur . Ulp. l. 51. *in princ.* *ff. pro socio* .

Socios inter se dolum & culpam præsta-  
re oportet . Paulus l. 52. §. 2. *ff. pro socio* .

Sicuti lucrum , ita damnum quoque  
commune esse oportet , quod non culpa so-  
cii contingit . Paulus l. 52. §. 4. *ff. pro*  
*socio* .

Æquum est , ut cujus ( quis ) participa-  
vit lucrum , participet & damnum . Ulp.  
l. 55. *ff. pro socio* .

Societas jus quomdammodo fraternitatis  
in se habet . Ulp. l. 63. *in princ.* *ff. pro*  
*socio* .

## E X L I B. XVIII.

**I**N emptis & venditis potius id quod actum, quam id quo dictum sit, sequendum est. Pomponius l. 6. §. 1. ff. de contrah. empt.

Res bona fide vendita, propter minimam causam inempta fieri non debet. Paulus l. 54. de contrah. empt.

Potest, dum res integra est, conventionem nostra infecta fieri emptio. Pomponius l. 2. ff. de rescind. vendit.

Bonæ fidei iudicio exceptiones pacti insunt. Paulus l. 3. ff. de rescind. vend.

Perfecta emptione periculum ad emptorem respicit. Paulus l. 9. in princ. ff. de peric. & commod. rei vend.

Interest hominis, hominem beneficio affici. Papinianus l. 7. ff. de servis [exportand.

## E X L I B. XIX.

**N**ON videtur esse celatus, qui scit; neque certiorari debuit, qui non ignoravit. Ulp. l. 1. in fin. ff. de act. empt.

Non potest videri mora per venditorem emptori facta esse, ipso moram faciente emptore. Labeo l. 31. in pr. ff. de act. empt.

Bona fides exigit, ut quod convenit, fiat. Javolenus l. 21. ff. locati.

Sera est patientia fruendi, quæ offertur eo tempore, quo frui colonus, aliis rebus illigatus non potest. Paulus l. 24. §. 4. ff. locati.

Culpa abest, si omnia facta sunt, quæ diligentissimus quisque obseruaturus fuisset. Gajus l. 25. §. pen. ff. locati.

Qua custodia coniequi quis potest, ne damnum injuria ab alio dari possit? Ulp. l. 41. ff. locati.

Natura rerum conditum est, ut plura sint negotia, quam vocabula. Ulp. l. 4. ff. de præscr. verb.

Nemo societatem contrahendo, rei suæ dominus esse desinit. Julianus l. 13. ff. de præscr. verb.

Quoties deficit actio, vel exceptio, utilis actio, vel exceptio est. Ulp. l. 21. ff. de præscr. verb.

## EX LIB. XX.

**N**ON plus habere creditor potest, quam habet qui pignus dedit. Papinianus l. 3. §. 1. de pignorib.

Per hoc non videtur satisfactum creditori, quod habet iudicati actionem. Marcian. l. 13. §. 4. ff. de pign.

Inter alios res iudicata alii nec prodesse, nec nocere solet. Paulus l. 16. in fin. ff. qui potiores in pignore.

## EX LIB. XXI.

**R**EMITTENTIBUS actiones suas non est regressus dandus. Ul. l. 14. §. 9. ff. de edil. edict.

Judici statim atque Iudex factus est.

om-



omnium rerum officium incumbit, quæcunque in iudicio versantur. Ulp. l. 25. §. 8. ff. de ædil. edict.

Ea quæcunque post litis contestationem contingunt, arbitrium Iudicis desiderant. Ulp. l. 31. §. 13. ff. de ædil. edict.

Ea quæ sunt moris & consuetudinis, in bonæ fidei iudiciis debent venire. Ulp. l. 31. §. 20. ff. de ædil. edict.

E X L I B. XXII.

**Q**UALE est cum petitur, tale dari debet. Papianus l. 2. ff. de usuris, Iniquum est, usuras ab eo exigere qui fructus non percipit. Paulus l. 16. §. 1. ff. de usuris.

Cum reus moram fecit, & fidejussor tenetur. Paulus l. 14. §. 1. ff. de usuris.

Omnis fructus non jure seminis, sed jure soli percipitur. Julianus l. 25. in pr. ff. de usuris.

An mora facta intelligatur, neque constitutione ulla, neque juris auctorum questionem decidi potest, cum sit magis facti quam juris. Marcianus l. 32. in pr. ff. de usuris.

In bonæ fidei contractibus, ex mora usuræ debentur. Marcianus l. 32. ff. de usur.

Inter insolentiam injuriosam, & diligentiam non ambitiosam, multum interest. Ulp. l. 33. ff. de usuris.

Ei incumbit probatio, qui dicit, non qui negat. Paulus l. 2. ff. de probat.

Semper necessitas probandi incumbit illi, qui agit. Marcianus l. 21. ff. de probat.

Qui

Qui solvit nunquam ita resupinus est, ut facile suas pecunias jactet, & indebitas efundat. Paulus *l. 25. in pr. ff. de prob.*

Fiunt scripturæ, ut quod actum est per eas facilius probari possit: sine his autem valet quod actum est, si habeat probationem. Gajus *l. 4. ff. de fide instrum.*

Testimoniorum usus ab his præcipue exigendus, quorum fides non vacillat. Charisius *l. 1. ff. de testib.*

Idonei non videntur testes, quibus imperari potest, ut testes fiant. Rufinus *l. 6. ff. de testib.*

Testis idoneus pater filio, aut filius patri non est. Paulus *l. 9. ff. de testib.*

Nullus idoneus testis in re sua intelligitur. Pomponius *l. 10. ff. de testib.*

Ubi numerus testium non adjicitur, etiam duo sufficient: pluralis enim elocutio duorum numero contenta est. Ulp. *l. 12. ff. de testib.*

Regula est, juris quidem ignorantiam cuique nocere, facti vero ignorantiam non nocere. Paulus *l. 9. ff. de juris & facti ignor.*

## EX LIB. XXIII.

**I**N contrahendis matrimoniis naturale jus, & pudor inspiciendus est. Paulus *l. 14. §. 3. ff. de ritu empt.*

Quæsitæ dignitas liberis, propter crimen patris auferenda non est. Papinianus *l. 32. §. ult. ff. de ritu nupt.*

Factum lex, non sententiam notat. Ulp.  
l. 43. §. 12. ff. de ritu nupt.

Par affectionis causa, suspicionem fraudis  
amovet. Tryph. l. 67. §. 1. ff. de ritu  
nupt.

Reipub. interest, mulieres dotes salvas  
habere, propter quas nubere possunt. l. 2.  
ff. de jure dot.

Bono & æquo non convenit, aut lu-  
crari aliquem cum damno alterius, aut  
damnum sentire per alterius lucrum. Pom-  
ponius l. 6. in fine, ff. de jure dot.

Li qui ex libertate conveniuntur, in id  
quod facere possunt, condemnandi sunt.  
Ulp. l. 33. ff. de jure dot.

Lege rata non habetur autoritas dolo  
malo facta. Terentius l. 61. ff. de jure dot.

EX LIB. XXXIV.

**N**ON donat, qui necessariis oneribus  
succurrit. Ulp. l. 21. in pr. ff. de  
donat. int. vir. & ux.

Voluntas hominis ambulatoria est usque  
ad vitæ supremum exitum. Ulp. l. 32. §.  
3. ff. de donat. int. vir. & uxor.

Coitus matrimonium non facit, sed ma-  
ritalis affectio. Ulp. l. 32. §. 13. ff. de don.  
int. vir. & uxor.

Paria delicta mutua pensatione dissolvun-  
tur. Papinianus l. 39. ff. soluto matrim.

Absurde dicitur, dolo videri eum face-  
re, qui non ipsi quem convenit, sed alii  
restituturus petit. Paulus l. 44. §. 1. ff. so-  
luto matrim.

## EX LIB. XXV.

**I**N honorem matrimonii turpis actio adversus uxorem negatur. Gajus l. 2. ff. de action. rer. amator.

Partus antequam edatur, mulieris portio est, vel viscerum. Ulp. l. 1. §. 1. ff. de vent. inspic.

Publice interest, partus non subjici, ut ordinum dignitas, familiarumque salva sit. Ulp. l. 1. §. 13. ff. de vent. inspic.

Concubinatus, quia per leges nomen assumpsit, extra legis pœnam est. Marcianus l. 3. in fine ff. de concubinis.

## EX LIB. XXVI.

**T**UTELA plerumque virile officium est. Gajus l. 16. ff. de tutelis.

Si nemo hæreditatem adierit, nihil valet ex his, quæ testamento scripta sunt. Pomponius l. 9. ff. de testam. tutela.

Videtur gessisse, qui per alium gessit. Ulp. l. 5. §. 3. ff. de administr. & pericul. tutor.

Nemo jus publicum remittere potest cautionibus, nec mutare formam antiquitus constitutam. Ulp. l. 5. §. 7. ff. de administr. & pericul. tutor.

Tutor non rebus dumtaxat, sed & moribus pupilli præponitur. Paulus l. 12. §. 3. ff. de administr. & pericul. tutor.

Privilegium militum ad alienam injuriam porrigi non oportet. Papinianus l. 40. ff. de administr. & pericul. tutor.

Lu-

Lucrum ex tutela facere tutor non debet. Scævola l. 58. in princ. ff. de admin. & peric. tutor.

Impune puto admittendum, quod per furorem alicujus accidit. Pomponius l. ult. in fin. ff. de admin. peric. tutor.

Regula est juris civilis, in rem suam autorem tutorem fieri non posse. Ulp. l. 1. in princ. ff. de autor. tutor. & l. 7. in princ. cod. tit.

Dolus tutorum puero neque nocere, neque prodesse debet. Papinianus l. 3. ff. quando ex facto tutoris.

E X L I B. XXVII.

**N**ULLA societas maleficiorum, vel communicatio justa damni ex maleficio est. Ulp. l. 1. §. 14. de ff. distrab.

Unusquisque doli sui pœnam sufferat. Ulp. l. 15. ff. de tutel. & ration.

In hoc non administrantur tutelæ, ut mergantur pupilli. Ulp. l. 3. in princ. ff. de contra. tutel. action:

Mea fert opinio, eum, qui aliud fecit, quam quod a Prætore decretum est, nihil egisse. Ulp. l. 7. §. 3. ff. de reb. eor. qui sub tutel.

L X L I B. XXVIII.

**T**ESTAMENTI factio non privati, sed publici juris est. Papinianus l. 3. ff. qui testam. facere.

Licet subtilitas juris refragari videatur, attamen voluntas testatoris ex bono, &

E æquo

æquo tuenda est. Papinianus *l. 17. ff. de in  
jus rapto.*

In re dubia benigniorem interpretationem sequi non minus justius est, quam tutius. Marcellus *l. 3. ff. de his quæ in testam. delent.*

Veteres decreverunt, testamentorum jura ipsa per se firma esse oportere, non ex alieno pendere arbitrio. Cajus *l. 32. in pr. ff. de hæred. instit.*

Quædam in testamentis si exprimantur, effectum nullum habent, quando, si verbis tegantur, eandem significationem habeant, quam haberent expressa, & momentum aliquod habebunt. Pomponius *l. 68. ff. de hæred. instit.*

Improbis est is, qui sollicitus est de vivi hæreditate. Ulp. *l. 2. §. 2. ff. de vulg. & pup. subst.*

Beneficia principalia ipsi Principes solent interpretari. Paulus *l. 43. in pr. ff. de hæred. instit.*

Non videtur defectus conditione is, qui parere conditioni non potest. Ulp. *l. 8. §. 7. ff. de condit. instit.*

Nulla est conditio, quæ in præteritum confertur, vel quæ in præsens. Ulp. *l. 10. in fine ff. de condit. inst.*

Quæ facta lædunt pietatem, existimationem, verecundiam nostram, & (ut generaliter dixerim) contra bonos mores sunt, nec facere nos posse credendum est. Papinianus *l. 15. ff. de condit. instit.*



## EX LIB. XXIX.

**F**URIOSI voluntas nulla est. Africanus *l. 47. ff. de acquir. hæred.*

Iniquum est, damnosum cuique esse officium suum. Gajus *l. 7. testamenta quemadm. aper.*

Commixta familia est, & una domus viri & uxoris. Ulp. *l. 1. §. 1. ff. de SC. Silan.*

Fratris factum, fratri non nocet. Paulus *l. 2. §. 1. ff. si quis aliquem testari.*

Codicilli pro parte testamenti habentur, observationemque, & legem juris inde traditam servant. Scæv. *l. 14. ff. de jure codicill.*

## EX LIB. XXX.

**R**ERUM vocabula immutabilia sunt, hominum mutabilia. Ulp. *l. 2. ff. de legat. 1.*

Legatum in aliena voluntate poni potest, in hæredis non potest. Ulp. *l. 34. §. 2. de ff. legat. 1.*

Nemo potest in testamento suo cavere, ne leges in suo testamento locum habeant. Pomponius *l. 55. ff. de legat. 1.*

Impossibilis conditio pro non scripta habetur. Julianus *l. 104. §. 1. ff. de legat. 1.*

Non plus potest rogari quis restituere, quam quantum ei relictum est. Marcianus *l. 114. §. 3. ff. de legat. 1.*

Hæreditas personæ defuncti, qui eam re-

liquit, vice fungitur, Florentinus l. 116.  
§. 3. ff. de legat. 1.

## EX LIB. XXXI.

**N**EMINEM ejusdem rei legatæ sibi partem velle, partem nolle verius est. Paulus l. 1. ff. de legat. 2.

Exemplo pessimum est, scæminino vocabulo etiam masculos contineri. Pomponius l. 45. in pr. ff. de legat. 2.

Sæpe confines fundos, etiam supra justam æstimationem interest nostra acquirere. Terent. l. 54. ff. de legat. 2.

Plures in uno fundo dominium, juris intellectu, non divisione corporis, obtinent. Papinianus l. 66. §. 2. ff. de legat. 2.

Ulusfructus, etsi in jure non in parte consistit, emolumentum tamen rei continet. Papinianus l. 66. §. 6. ff. de legat. 2.

Facultas necessariæ electionis, proprie liberalitatis beneficium non est. Papinian. l. 67. §. 1. ff. de legat. 2.

Non absumitur, quod in corpore patrimonii retinetur. Paulus l. 72. ff. de legat. 2.

Ordo scripturæ non impedit causam juris, ac voluntatis. Paulus l. 77. §. 2. ff. de legat. 2.

Ignaviam prætendentes, audiri non oportet. Paulus l. 78. §. 2. ff. de legat. 2.

## EX LIB. XXXII.

**P**ROBATIO mutatae voluntatis ab hæredibus exigenda est. Ulp. l. 11. §. 1. ff. de legat. 3.

In fideicommissis præcipue spectanda servandaque est testatoris voluntas. Ulp. l. 11. §. 19. ff. de legat. 3.

Semper sexus masculinus etiam scæminum sexum continet. Julianus l. 62. ff. de legat. 3.

Omne artificium, incrementum recipit. Marcianus l. 65. §. 3. ff. de legat. 3.

In causa testamentorum non ad definitionem utique descendendum est: cum plerumque abusive loquantur, nec propriis nominibus ac vocabulis semper utantur. Marcellus l. 69. ff. de legat. 3.

## EX LIB. XXXIII.

**T**AM labor, quam pecunia divisionem recipiunt. Papinianus l. 20. in prin. ff. de annuis legat.

Servitus servitutis esse non potest. Paulus l. 1. ff. de usu & usufr. legat.

Non potest arbiter, inter alios judicando, alterius jus mutare. Labeo l. 31. ff. de usu legato.

Quicquid demonstratae rei additur satis demonstratae, frustra est. Ulpianus l. 1. §. ult. ff. de dote prælegata.

Non videor consentire, qui sentire non possum. Pomponius l. 8. §. 2. ff. de option. legat.

Error jus facit. Paulus l. 3. in fine ff. de supellect. leg.

Nemo existimandus est dixisse, quod non mente agitaverit. Celsus l. 7. §. 2. ff. de supell. leg.

Et si prior atque potentior est, quam vox, mens dicentis, tamen nemo sine voce dixisse existimatur. Celsus l. 7. in fine ff. de supell. leg.

### EX LIB. XXXIV.

**C**ERTO corpore legato, demonstratio falsa posita non interimit legatum. Pomponius l. 10. ff. de auro & argento legat.

Nullam dubitationem habet, quin hæredes petere a debitore vetito, nec hæres hæredis petere possit. Pomponius l. 2. ff. de liberat. legat.

Solemus dicere, pacti exceptionem fideiussori dandam, quæ reo competit. Ulp. l. 5. in pr. ff. de liberat. legat.

Acceptilatio solutioni comparatur. Ulpianus l. 7. §. 1. ff. de liberat. legat.

Confusione perinde extinguitur obligatio ac solutione. Terentius Clemens l. 22. §. 1. ff. de liberat. legat.

Præsumptio propter naturalem affectum facit, omnia patri videri concessa. Scævola l. 28. §. 3. ff. de liberat. legat.

Ambulatoria est voluntas defuncti usque ad vitæ supremum exitum. Ulp. l. 4. ff. de adim. legat.

Novissima voluntas servatur. Paul. l. 6. in fine ff. de adim. legat.

Super-

Supervacua scriptura non nocet legato.  
Paulus l. 26. in fine ff. de adim. legat.

In ambiguo sermone non utrumque dicimus, sed id dumtaxat, quod volumus. Itaque qui aliud dixit quam vult, neque id dicit quod vox significat, quia non vult, neque id quod vult, quia id non loquitur. Paulus l. 3. ff. de rebus dubiis.

In ambiguis rebus humaniorem sententiam sequi oportet. Ulpianus l. 10. ff. de reb. dub.

Ubi est verborum ambiguitas, valet quod acti est. Paulus l. 21. ff. de reb. dub.

Semper in dubiis id agendum est, ut quam tutissimo loco res sit bona fide contracta, nisi cum aperte contra leges scriptum est. Paulus l. 11. in fine ff. de reb. dubiis, & Julianus l. 12. ff. eod. tit.

Cum in testamento ambigue, aut etiam perperam scriptum est, benigne interpretari, & secundum id quod credibile est, cogitatum credendum est. Marcellus l. 24. ff. de reb. dub.

Cum quæritur in stipulatione, quid acti sit, ambiguitas contra stipulatorem est. Celsus l. 20. ff. de reb. dub.

Catoniana regula sic definit, quod si testamenti facti tempore decessisset testator, inutile foret id legatum, quandocumque decesserit, non valere. Celsus l. 1. in pr. ff. de Regul. Caton.

Quæ in eam causam pervenerunt, a qua incipere non poterant, pro non scriptis habentur. Marcius l. 3. §. 2. ff. de his, quæ pro non scriptis.

## EX LIB. XXXV.

**O**BTINUIT, impossibiles conditiones testamento adscriptas, pro nullis habendas. Ulp. l. 3. ff. de cond. & demon.

In conditionibus primum locum voluntas defuncti obtinet, eaque regit conditiones. Ulpianus l. 19. in pr. ff. de condit. & demon.

Annulorum aureorum jure honor augeatur, conditio non mutatur. Marcianus l. 33. §. 2. ff. de cond. & demon.

Demonstratio plerumque vice nominis fungitur. Flor. l. 34. ff. de cond. & demon.

Quæ facti sunt, non transeunt ad dominum. Paulus l. 44. ff. de cond. & demon.

In alienam voluntatem confertur legatum non potest. Modestinus l. 52. ff. de cond. & demon.

Ferè dies ponitur ad proroganda ea, quæ ad præsens tempus, non etiam quæ in futurum legata sunt. Javol. l. 54. ff. de cond. & demon.

Peticulosum est & triste, libertum conjunctum patroni liberis, eorundem mortem expectare. Papinianus l. 72. §. 1. ff. de condit. & demon.

In conditionibus testamentorum, voluntatem potius quam verba considerari oportet. Papin. l. 101. in pr. ff. de cond. & demon.

Damna post mortem testatoris illata, ad solum hæredem respiciunt. Marcianus l. 10. §. 2. ff. ad l. Falcid.

Favor libertatis sæpe & alias benigniores



E DIGEST. LIB. XXXVI. 105  
res sententias exprimit. Marcian. l. 32. in  
fin. ff. ad l. Falcid.

Ea quæ per errorem omissa vel soluta  
sunt, condici possunt. Ulp. l. 3. in fine,  
ff. si cui plus quam.

### EX LIB. XXXVI.

**N**EMINEM oportet plus legati nomi-  
ne præstare, quam ex hereditate  
pervenit. Ulp. l. 1. §. 17. ff. ad SC. Tre-  
bell.

Dicendum est, Prætorem in Prætorem,  
vel Consulem in Consulem nullum impe-  
rium habere. Ulp. l. 13. §. 4. ff. ad SC.  
Trebell.

Triplici officio fungi nemo potest. Ulp.  
l. 13. §. 4. ff. ad SC. Trebell.

Iniquum est, ad fideicommissarium dam-  
num pertinere, ad quem augmentum non  
pertinent. Marcianus l. 33. ad SC. Tre-  
bell.

Cum semel adita hæreditas, omnis de-  
functi voluntas rata constituitur. Papinia-  
nus l. 55. ff. ad SC. Trebell.

In fideicommissis voluntatem spectari  
convenit. Papinianus l. 57. §. 1. ff. ad  
SC. Trebell.

Neque turpitudinem ullam habeat con-  
ditio, nec impendium (al. impedimen-  
tum) aliquid. Gajus l. 63. §. 7. ad SC.  
Trebell.

Codicillis hereditas neque dari, neque  
adimi potest. Scæv. l. 76. ff. ad SC. Tre-  
bell.

Fideiussores ab eo non petendi, cujus

106 FLOR. SENTENT.  
fidem sequi defunctus maluit. Papinianus  
l. 26. §. 1. ff. *quando dies legator.*  
Fiscus non solet satisfacere. Ulp. l. 1. §.  
18. ff. *ut legator. caus. cau.*

EX LIB. XXXVII.

**P**ROPTER incertum cautio interpoui  
solet. Ulp. l. 1. §. 11. ff. *de colla-*  
*tione.*

Præmatura est spes collationis, cum ad-  
huc vivit is, cujus de bonis quarta debe-  
tur. Ulp. l. 1. §. 21. ff. *de collatione.*

Cum capite fortunas quoque suas in fa-  
miliam & domum alienam (arrogatus)  
transfert. Papinianus l. 11. §. 2. ff. *de bon.*  
*poss. sec. tabul.*

Capitis accusatio ea est, cujus pœna  
mors est, aut exilium. Terentius l. 5. ff.  
*de jure patronat.*

Liberto, & filio semper honesta & san-  
cta persona patris, ac patroni videri de-  
bet. Ulp. l. 9. ff. *de obseq. parent. præst.*

EX LIB. XXXVIII.

**P**ERINDE operæ a libertis, ac pecu-  
nia credita petitur. Pomponius l. 4.  
ff. *de operis libert.*

Unusquisque quod spondit, sub im-  
pendio dare debet, quamdiu id quod debet  
in rerum natura est. Paulus l. 20. in pri.  
ff. *de oper. libert.*

Solutionis vicem delegatio continet.  
Paulus l. 36. §. 4. ff. *de oper. libert.*

Ad-

Advocatus non accusat. Ulpian. l. 14.

§. pen. ff. de bonis libertor.

Iniquum est, & legatum velle percipere, & libertatem servo non dare. Papinianus l. 41. ff. de bonis libert.

Omnia quæ nostra sunt, liberis nostris ex voto paramus. Tryphonius l. 50. §. 2. ff. de bonis libertor.

Verisimile non videtur, tam conjunctum sanguine defuncti valetudinem ignorasse. Papinianus l. 9. in fine ff. unde cognati.

Accedentibus singulis crescit numerus. Paulus l. 10. §. 19. ff. de gradib.

Privatorum cautio legum auctoritate non censetur. Papinianus l. 16. ff. de suis & legitim.

E X L I B. XXXIX.

**P**R O D E S S E sibi unusquisque, dum alii non nocet, non prohibetur. Ulp. l. 1. §. 4. & 11. ff. de aqua pluuv. arc.

Vetustas vicem legis obtinet. Ulpian. l. 1. §. ult. ff. de aq. pluuv. arcend.

Cum minuitur jus alicujus, consequens est exquiri an consentiat. Ulpian. l. 8. ff. de aq. pluuv. arcend.

Nullam potest videri injuriam accipere, qui semel voluit. Paulus l. 9. §. 1. ff. aqu. pluuv. arc.

Non potest quis facere, quo minus agrum vicinus quemadmodum vellet, araret. Alfenus l. 24. in princ. ff. de aq. pluuv.

Tabulæ non faciunt matrimonium. Papinianus l. 31. in princ. ff. de donationib.

## EX LIB. XL.

**C**AUSÆ probationis contradicendum, non etiam causa jam probata retrahenda est. Marcianus l. 9. ff. de manum. vindict.

Verba solemnia, licet non dicantur, ut dicta accipiuntur. Hermognianus l. 23. ff. de manum. vindict.

In obscuro, favorabilius respondetur. Paulus l. 10. in fine ff. de manum. vindicta: & libertas prævalet. Marcianus l. 50. in fin. ff. de fideicom. libert.

Vulgò dicitur, sub pluribus conditionibus data libertate, levissimam conditionem spectandam esse. Modestinus l. 45. ff. de manum. testamento.

Nihil obest, quod in syllaba erratur. Scævola. l. 54. in princ. ff. de manum. testamento.

Cum invitis illis, qui libertatem acciperant, possunt bonis propter libertatem dici, utique etiam absentibus. Ulp. l. 4. §. 2. ff. de fideic. libertat. *Κὰν τὸν ἕτερον ποδαὸν τῇ σαρπὶ ἔχω προσμαδῶν τὶ βελούμιον.* i. e. Et si alterum pedem in tumulo haberem, non pigeret aliquid addiscere. Pomponius l. 20. ff. de fideicom. libertat.

Quid tam contrarium est servituti, quam libertas? Papinianus l. 21. ff. de fideicom. libert.

Non tantum verba fideicommissi, sed & mens testatoris tribuere solet libertatem fideicommissariam. Ulpian. l. 24. §. 8. ff. de fideicom. libert.

Mul-

Multa contra juris rigorem pro libertate sunt constituta. Ulpian. l. 24. §. 10. ff. de fideicom. libert.

Ex justa causa abesse eo demum dicendum est, qui non habent injustam causam absentiae. Ulpian. l. 28. §. ultim. ff. de fideicom. libert.

Fideicommissaræ libertates neque ætate, neque conditione, neque mora non præstantium, tardiusve reddentium corrumpuntur, aut in deteriorem statum perducuntur. Ulpian. l. 30. §. pen. ff. de fideicom. libert.

Libertas dividi, & sic pro parte præstari non potest. Paulus l. 31. in princ. ff. de fideicom. libert.

Humanum non fuerit, ob rei pecuniariae quaestionem, libertati moram fieri. Ulpian. l. 37. ff. de fideicom. libert.

Nihil æque gratum servis præstari potest, quam libertas. Paulus l. 39. in fine ff. de fideicom. libert.

Ea damna, quæ casu ita acciderint, ut servo nihil possit imputari, non pertinent ad reliquorum onus. Scævola l. 41. §. ff. de fideicom. libert.

In hæredis arbitrium conferri, an debeatur, non potest, Ulp. l. 46. §. 4. ff. de fideicom. libert.

Quatenus libertas non privata, sed publica res est, ultro is, qui eam debet, offerre debet. Marcianus l. 53. ff. de fideicom. libert.

Prætor parvulis subvenit. Marcian. l. 55. §. 1. ff. de fideicom. libert.

Libertas nec pecunia lui, nec reparari potest. Ulpian. l. 9. §. 2. ff. de statu lib.

Ines-

Inesse videtur tempus tam operarum præstationi, quam itineri. Paul. l. 20. in fin. ff. de statu liber.

Creditores appellantur, quibus quacunque ex causa actio (cum fraudatore) competit. Paulus l. 16. §. ff. qui & a quib. manum.

Melioris conditionis esse non debet, qui dubiæ libertatis est, quam qui certæ. Paulus l. 24. §. ult. ff. de liberali causa.

Vulgo dicitur, post ordinatum liberale iudicium hominem, cujus de statu controversia est, liberi loco esse. Cajus l. 25. §. 2. ff. de liberali causa.

### EX LIB. XLI.

**T**RADITIO nihil amplius transferre debet, vel potest ad eum qui accipit, quam est apud eum qui tradit. Ulp. l. 20. in princ. ff. de acquir. rer. domin.

Flumina Censitorum vice funguntur, ut ex privato in publicum addicant, & ex publico in privatum Pomponius l. 32. §. pen. ff. de acquir. rer. domin.

Nunquam nuda traditio transfert dominium: Et ita si venditio, aut alia iusta causa præcesserit, propter quam traditio sequeretur. Paulus l. 31. in princ. ff. de acquir. rer. domin.

Substitutio, quæ nondum competit, extra bona nostra est. Paulus l. 29. ff. de adq. rer. domin.

Incorporales res traditionem & usucapionem non recipere, manifestum est. Gajus l. 41. §. 1. ff. de acquir. rer. domin.

Non



Non est novum, ut qui dominium non habet, alii dominium præbeat. Ulpianus l. 46. ff. de adq. rer. dom.

Rem in bonis nostris habere intelligimur, quoties possidentes exceptionem, aut amittentes ad recuperandam eam actionem habemus. Modestinus l. 52. ff. de adq. rer. domin.

Res ex mandato meo empta, non prius mea fiet, quam si mihi tradiderit, qui emit. Callistratus l. 5. ff. de adquir. rer. domin.

Hæreditas in multis partibus juris pro domino habetur, adeoque hæredetati quoque ut domino per servum hæreditarium acquiritur. Hermogenianus l. 61. ff. de adq. rer. domin.

Quæ quisque aliena in censum deducit, nihilo magis ejus fiunt. Scævola l. 64. ff. de adquir. rer. domin.

Non corpore & actu necesse est apprehendere possessionem, sed etiam oculis & affectu. Paulus l. 1. §. 21. ff. de adquir. posses.

Adipiscimur possessionem & corpore & animo, neque per se animo, aut per se corpore. Paulus l. 3. §. 1. ff. de adquir. posses.

Furtum sine contrectatione fieri non potest, nec animo furtum admittitur. Paul. l. 3. §. 18. ff. de adquir. poss.

Non videtur possessionem adeptus is, qui ita nactus est, ut eam retinere non possit. Javolenus l. 22. ff. de adquir. posses.

In usucapionibus non a momento ad momentum, sed totum postremum diem

com-

computamus. Ulpian. l. 6. ff. de usucap.

Partus rei furtivæ pars non est. Ulpian. l. 10. in fine ff. de usucap.

Pignori rem acceptam usu non capimus. quia pro alieno possidemus. Paulus l. 13. in princ. ff. de usucap.

Adversus fiscum usucapio non procedit. Modestinus l. 18. ff. de usucap.

Ubi lex inhibet usucapionem, bona fides possidenti nihil prodest. Pomponius l. 24. ff. usucap.

Sine possessione usucapio contingere non potest. Rufinus l. 25. ff. de usucap.

Nunquam in usucapionibus juris error possessori prodest. Paulus l. 31. in princ. ff. de usucap.

In usucapionibus mobilium continuum tempus numeratur. Paulus l. 31. ff. de usucap.

Incertam partem possidere nemo potest. Pomponius l. 22. §. 2. ff. de usucap.

Non intelligitur quis suæ rei pignus contrahere. Julianus l. 33. §. 5. ff. de usucap.

Furtum sine affectu furandi non committitur. Gajus 37. in princ. ff. de usucap.

Substantia potius (i. veritas) intuenda, quam opinio. Paulus l. 2. §. 2. ff. pro emptor.

Juris error nulli prodest. Paulus l. 2. §. 15. ff. pro emptore.

Emptoris tempus venditoris ad usucapionem procedit. Paulus l. 2. §. penult. ff. pro emptore.

Vulgò traditum est, eum qui existimat quid emisisse, nec emerit, non posse pro em-

emptore usufruere. Africanus l. ii. ff. pro emptor.

Vulgo respondetur, causam possessionis neminem sibi mutare posse. Julianus l. 2. §. 1. ff. pro herede.

In alieni facti ignorantia tolerabilis error est. Neratius l. ult. in fine ff. pro soc.

Solvisse accipere debemus non tantum eum, qui solvit, verum omnem omnino, qui ea obligatione liberatus est, quæ ex causa judicati descendit. Ulpian. l. 4. §. pen. ff. de re judic.

Ex eo tempore quicquid æstimatur novissime solvi poterit. Celsus l. 11. ff. de re judicata.

Inter pares numero Judices si dissensu sententiæ proferantur, in liberalibus idem causis pro libertate statutum obtinet: in aliis autem causis pro reo. Paul. l. 38. ff. de re judic.

Morbus santicus existimandus est, qui cujunque rei agendæ impedimento est. Julianus l. 60. ff. de re judic.

Sæpe constitutum est, res inter alios judicatas aliis non præjudicare. Macer. l. pen. in princ. ff. de re judic.

Confessus pro judicato habetur, qui quodammodo sua sententia damnatur. Paulus l. 1. ff. de confessis.

Non fateatur qui errat, nisi jus ignoravit. Ulp. l. 2. ff. de confessis.

Quid interest, debitor quis non sit, an nondum conveniri possit? Ulpian. l. 7. §. 14. quib. caus. in poss. eat.

Generaliter dicendum est: Quicquid (quis) impendit in rem, si modo sine

lo malo impendit, repetere eum posse. Ulp. l. 9. §. 5. ff. de reb. autor. jud. possid.

Respublica creditrix omnibus chirographariis creditoribus præfertur. Paulus l. pen. in fin. ff. de reb. autorit. jud. poss.

Jus civile vigilantibus scriptum est. Scævola l. 24. in fine ff. quæ in fraud.

### EX LIB. XLII.

**V**IM vi repellere licet, idque jus natura comparatur: Apparet autem ex eo, arma armis repellere licere. Ulp. l. 2. §. 27. ff. de vi & vi armat.

Semper superficies solo cedit. Ulp. l. 3. §. 7. ff. uti possidetis.

Currumpi, aut mutari quod recte transfactum est, superveniente delicto non potest. Paulus l. 2. ff. de itin. actuque priv.

Natura æquum est, tamdiu te liberalitate mea uti, quamdiu ego velim: & ut possim revocare, cum mutavero voluntatem. Ulp. l. 2. §. 2. ff. de precario.

Rei suæ precarium non est. Ulp. l. 4. §. 3. ff. de precario.

### EX LIB. XLIII.

**N**EMO prohibetur pluribus exceptionibus uti, quamvis diversæ sint. Paulus l. 8. ff. de exceptionib.

Et si res judicata sit ex falsis instrumentis, si postea falsa inveniantur, rei judicatæ præscriptio opponi non potest. Modestinus l. 11. ff. de exceptionib.

Omnes exceptiones, quæ reo competunt,

tunt, fidejussori quoque, etiam invito reo, competunt. Marcianus l. 19. ff. de exceptionib.

Generaliter exceptio rei judicatæ obstat, quoties inter easdem personas eadem quæstio revocatur, vel alio genere judicii.

Ulp. l. 7. §. pen. ff. de except. rei jud.

Amplius quam semel res mea esse non potest: sæpius autem deberi potest. Paulus l. 4. §. pen. de except. rei judic.

Dolo facit quicumque id quod quaquam exceptione elidi potest, petit. Ulp. l. 2. §. 5. ff. de doli except.

Accipiendo usuras distulisse videtur (creditor) petitionem in id tempus, quod est post diem usurarum præstitarum, & tacite convenisse, interim se non petiturum. Ulp. l. 2. §. 6. ff. de doli except.

Dolo facit qui petit quod redditurus est. Paulus l. 8. ff. de doli except.

In omnibus temporalibus actionibus nisi novissimus dies compleatur, non finit obligationem. Paulus l. 6. ff. de obl. & act.

Contraxisse unusquisque in eo loco intelligitur, in quo ut solveret se obligavit. Julianus l. 21. ff. de obl. & act.

Omnes pœnales actiones post litem inchoatam & ad hæredes transeunt. Ulp. l. 29. ff. de obl. & act.

Cum ex uno delicto plures nascuntur actiones, omnibus experiri permitti, post magnas varietates obtinuit. Hermogenianus l. 32. ff. de obl. & act.

Non figura litterarum, sed oratione, quam exprimunt litteræ, obligamur: quatenus placuit, non minus valere quod scriptura, quam quod vocibus lingua figuratis

ratis significaretur. Paulus l. 38. ff. de obl. & act.

Creditores accipere debemus eos, qui aliquam actionem vel civilem habent (sic tamen, ne exceptione submoveantur) vel honorariam actionem, vel in factum. Ulp. l. 42. §. 1. ff. de obl. & act.

Ubi de obligando quæritur, propensiores esse debemus, si habeamus occasionem ad negandum: Ubi de liberando, ex diverso, ut facilius sis ad liberationem. Paulus l. 47. ff. de obl. & act.

Ex contractibus venientes actiones in hæredes dantur, licet delictum quoque versetur. Paulus l. 49. ff. de obl. & act.

Quod quis aliquo anno dare promittit, aut dare damnatur, ei potestas est quolibet ejus anni die dandi. Pomponius l. 50. ff. de obl. & act.

Pupillus mutuam pecuniam accipiendo, ne quidem jure naturali obligatur. Lici-  
nius l. 58. ff. de obl. & act.

#### EX LIB. XLIV.

**S**TIPULATIO non valet, in rei promittendi arbitrium collata conditione. Ulp. l. 17. ff. de verb. obl.

Qui bis idem promittit, is eo jure amplius quam semel non tenetur. Pomponius l. 18. ff. de V. O.

Generaliter novimus, turpes stipulationes nullius esse momenti. Ulp. l. 26. ff. de V. O.

Sciendum est generaliter, si quis se scripserit fidejussisse, videri omnia solem-  
niter



niter acta. Ulp. l. 30. ff. de V. O.

Stipulationes commodissimum est ita componere, ut quæcunque specialiter comprehendendi possint, contineantur. Julianus l. 53. ff. de V. O.

Quæ extrinsecus, & nihil ad præsentem actum pertinentia adjeceris stipulationi, pro supervacuis habebuntur, nec vitiabunt obligationem. Florentinus l. 65. ff. de V. O.

Casum, adversamque fortunam spectare hominis liberi neque civile, neque naturale est. Paulus l. 83. §. 5. ff. de V. O.

Nemo rem suam futuram in eum casum, quo sua sit, utiliter stipulatur. Paulus l. 86. ff. de V. O.

Mora rei fidejussori quoque nocet. Paulus l. 88. ff. de V. O.

Veteres constituerunt, quoties culpa intervenit debitoris, perpetuari obligationem. Paul. l. 91. §. 2. ff. de V. O.

Plerumque sub autoritate juris scientiæ perniciosè erratur. Celsus apud Paulum l. 91. §. 3. ff. de V. O.

Quicquid adstringendæ obligationis est, id nisi palam verbis exprimitur, omissum intelligendum est: ac ferè secundum promissorem interpretamur, quia stipulatori liberum fuit verba latè concipere. Celsus l. 99. ff. de V. O.

Conditio in præteritum, non tantum in præsens tempus relata, statim aut perimit obligationem, aut omninò non differt. Modestinus l. 100. ff. de V. O.

Nulla promissio potest consistere, quæ ex voluntate promittentis statum capit. Javolenus l. 108. in fine ff. de V. O.

Si

Si flagitii faciendi, vel facti causa concepta sit stipulatio, ab initio non valet. Papin. l. 123. ff. de V. O.

Plerumque ea, quæ præfationibus convenisse concipiuntur, etiam in stipulationibus repetita creduntur. Paulus l. 134. §. 1. ff. de V. O.

## EX LIB. XLV.

**O**MNI obligationi fidejussor accedere potest. Ulpian. l. 1. ff. de fidejussorib. Et rursus l. 8. §. 6. ff. eod. tit.

Hi, qui accessionis loco promittunt, in leviores caulam accipi possunt, in deteriorem non possunt. Paulus l. 34. ff. de fidejussoribus.

Si quis postquam tempore transacto liberatus est, fidejussorem dederit, fidejussor non tenetur: quoniam erroris fidejussio nulla est. Paulus l. 37. ff. de fidejussor.

Fidejussor antequam reus debeat, conveniri non potest. Scævola l. 57. ff. de fidejuss.

Non possunt conveniri fidejussores liberato reo transactione. Paulus l. 68. in fine ff. de fidejussor.

Maleficiorum fidejussor accipi non potest. Gajus l. 70. §. 3. ff. de fidejussor.

Pœnas ob maleficia solvi, magna ratio suadet. Gajus l. 70. §. 5. de fidejuss.

Non potest pro eodem apud eundem quis mandator esse. Paulus l. 71. in princ. ff. de fidejussor.

Qui sub conditione stipulatur, quæ omnimodo extitura est, purè videtur stipula-

lari. Ulp. l. 9. §. 1. ff. de novationib.

Non ordo scripturæ spectatur, sed potius ex jure sumitur id, quod agi videtur. Paulus l. 6. ff. de solutionib.

Plerique innocentium necessario sumptu egent. Papinianus l. 14. ff. de solutionib.

Satisfactio pro solutione est. Ulp. l. 52. ff. de solutionib.

Qui mandat solvi, ipse videtur solvere. Paulus l. 56. ff. de solutionib.

Solidum non solvitur, non minus quantitate, quam re. Callistratus l. 58. ff. de solutionib.

Aditio hæreditatis nonnunquam jure confundit obligationem. Papinianus l. 95. §. 2. ff. de solutionib.

In perpetuum sublata obligatio restitui non potest. Paulus l. 98. §. ff. de solutionibus.

Hoc agitur in stipulationibus, ut quis cautior sit & securior interposita stipulatione. Ulp. l. 1. §. 4. ff. de stipulat. Prætor.

Prætor beneficium suum nemini vult esse captiosum. Papinianus l. 8. ff. de stipul. Prætor.

## EX LIB. XLVI.

**C**IVILIS constitutio est, pœnalibus actionibus hæredes non teneri, nec cæteros quidem successores. Ulp. l. 1. ff. de privat. delict.

Species lucri est ex alieno largiri. Gajus l. 54. §. 1. ff. de furtis.

Nemini officium suum damnosum esse de-

debet. Africanus *l. 61. §. 5. ff. de furtis.*

Fructus quamdiu solo cohærent, fundi sunt. Africanus *l. 61. §. 8. ff. de furtis.*

Omninò ut in cæteris, ita in hujusmodi causis ex personarum conditione & rerum qualitate, & diligenter sunt æstimandæ, ne quid aut durius aut remissius constitutur, quam causa postulabit. Paulus *l. 4. §. 1. in f. ff. de incendio.*

Peccata nocentium nota esse & oportet, & expedit. Paulus *l. 18. in princ. ff. de injuriis.*

Injuriarum æstimatio non ad id tempus, quo judicatur, sed ad id quo facta est, referri debet. Javolenus *l. 21. ff. de injuriis.*

Res hæreditariæ omnium hæredum communes sunt. Paulus *l. 4. ff. expil. hæred.*

Omnes populares actiones neque in hæredes dantur, neque supra annum extenduntur. Ulp. *l. ult. ff. de popular. action.*

#### EX LIB. XLVII.

**N**ON omnia judicia, in quibus crimen vertitur, publica sunt, sed ea tantum, quæ ex legibus judiciorum publicorum veniunt. Macer. *l. 1. ff. de publ. judic.*

Senatus censuit, ne quis ob idem crimen pluribus legibus reus fieret. Paulus *l. 4. ff. de accusation.*

Lubricum linguæ ad ptenam facile trahendum non est. Modestinus *l. 7. §. 3. ff. ad l. Jul. Majest.*

Neque matrimonium qualecunque, nec spem matrimonii violare permittitur.

Ulp.

Ulp. l. 13. §. 3. ff. ad l. Jul. de adult.

Periniquum videtur esse, ut pudicitiam vir ab uxore exigat, quam ipse non exhibeat. Ulp. l. 13. §. 5. ff. ad l. Jul. de adult.

Plerumque pietas paterni nominis consilium pro liberis capit. Papinianus l. 22. §. 4. ff. ad l. Jul. de adult.

Difficillimum est, justum dolorem temperare. Papin. l. 8. §. 8. ff. ad L. Jul. de adult.

In maleficiis voluntas spectatur, non exitus. Callistrat. l. 14. ff. ad l. Corn. de sicar.

Nihil interest, occidat quis, an causam mortis præbeat. Ulpian. l. 15. ff. ad L. Corn. de sicariis.

Patria potestas in pietate debet, non atrocitate consistere. Marcianus l. 5. ff. de L. Pomp. de parricid.

Sufficit, furiosum ipso furore puniri. Modest. l. 9. in fin. ff. de leg. Pompon. de parricid.

Contumacia cumulat pœnam. Marcianus l. 4. ff. de pœnis.

Satius est, impunitum relinqui facinus nocentis, quam innocentem damnare. Ulpian. l. 5. in princ. ff. de pœnis.

Carcer ad continendos homines, non ad puniendos haberi debet. Ulpianus l. 8. §. 9. ff. de pœnis.

Suadendo juvisse, sceleris instar est. Saturninus l. 16. in pr. ff. de pœnis.

Cogitationis pœnam nemo patitur. Ulpian. l. 18. ff. de pœnis.

Pœna constituitur in emendationem ho-

minum . Paulus *l. 20. ff. de pœnis* .  
 . Unusquisque ex suo admissio sorti subji-  
 citur , nec alieni criminis successor consti-  
 tuitur . Callistratus *l. 26. ff. de pœnis* .

Interpretatione legum , pœnæ mollien-  
 dæ sunt potius , quam asperandæ . Hermo-  
 gen. *l. 42. ff. de pœnis* .

## EX LIB. XLIX.

**C**REDO , humanitatis ratione omnem  
 provocantem audiri debere . Ulpian.  
*l. 6. ff. de appellat.*

In communi causa quoties alter appel-  
 lat , alter non , alterius victoria ei profi-  
 cit , qui non provocavit . Ulpianus *l. 10. §.*  
*final. ff. de appellat.*

Generaliter is erit provocandus ab eo ,  
 cui mandata est jurisdictio , qui provocaretur  
 ab eo , qui mandavit jurisditionem .  
 Ulp. *l. 1. in fin. ff. quis , a quo appelletur* .

Impossibile præceptum Judicis nullius est  
 momenti . Paulus *l. ult. ff. quæ sentent. si-  
 ne appellat.*

Pendente appellatione , morte rei cri-  
 men extinguitur . Macer. *l. 1. in pr. ff. si  
 pendente appellatione* .

Sicut diligenti cultura pretia prædiorum  
 ampliantur , ita si negligentius habita sint ,  
 minui ea necesse est . Callistratus *l. 3. §. 4.*  
*ff. de jure fisci* .

Id bonorum cujusque intelligitur , quod  
 æri alieno superest . Javolenus *l. 11. ff. de  
 jure fisci* .

Disciplina castrorum antiquior fuit pa-  
 rentibus Romanis , quam charitas libero-  
 rum .



EX LIB. L.

**E**RRORE veritas originis non amittitur. Ulpianus l. 6. in princ. ff. ad municipalem.

Magistratum officium individuum, ac periculum est commune. Papinianus l. 11. in princ. ad municipal.

Nullum patris delictum innocenti filio pœnæ est. Ulpianus l. 2. §. 2. & 7. ff. de decurionibus.

Honores & munera non ordinationi, sed potioribus quibusque injungenda sunt. Paulus l. 7. in pr. ff. de decurionib.

Remuneranda pericula eorum (negotiatorum & naviculariorum), quin etiam adhortanda præmiis, merito placuit. Callistratus l. 5. §. 3. de jure immunitatis.

Sancti habentur Legati. Pomponius l. ult. ff. de legationib.

Civilis sapientia res est sanctissima, nec pretio nummario æstimanda, aut dehonestanda. Ulp. l. 1. §. 5. ff. de extraord. cognit.

Quædam tametsi honestè accipiantur, inhonestè tamen petuntur. Ulp. l. 1. §. 5. ff. de extraord. cognit.

Personis data immunitas, cum persona extinguitur; rebus, nunquam extinguitur. Ulp. in l. 1. in fin. ff. de censib.

Finis Florilegii ex Pandectis.

<sup>124</sup>  
F L O R I L E G I U M  
S E N T E N T I A R U M  
E X  
C O D I C E.  
E X L I B R O I.

**N**I H I L est, quod magis hominibus de-  
beatur, quam ut supremæ voluntar-  
tis, postquam jam aliud velle non possunt,  
liber sit stylus, & licitum, quod iterum  
non redit, arbitrium. Constantinus M. l.  
1. C. de SS. Eccles.

Pœna majoris videtur esse, versari in-  
ter homines, & hominum carere suffragiis.  
Valentin. Jun. l. 3. C. de apostatis.

Principes censuerunt, ea quæ in certis  
negotiis statuta sunt, similium quoque cau-  
sarum facta componere. Impp. Theod. &  
Valent. l. 3. C. de LL.

Digna vox est majestate regnantis, le-  
gibus alligatum se Principem profiteri.  
Impp. l. 4. C. de LL.

Non dubium est, in legem committere  
eum, qui verba legis amplexus, contra le-  
gis nititur voluntatem. Iidem Impp. l. 5.  
C. de LL.

Leges & Constitutiones futuris certum est  
dare formam negotiis, non ad facta præte-  
rita revocari. Iidem Impp. l. 7. C. de LL.

Divinæ quidem res perfectissimæ sunt :  
humani vero juris conditio semper in infi-  
nitum decurrit, & nihil est in ea quod  
stare

flare perpetuo possit: multas enim formas edere natura novas deproperat. Justinianus *l. un. §. 28. C. de Vet. jur. enucl.*

Error facti necdum finito negotio nemini nocet. Constantinus & Maximianus *l. 7. C. de jur. & facti ignor.*

Errantis voluntas nulla, consensus nullus est. *l. 8. & 9. C. de jur. & facti ignor.*

Constitutiones Principum nec ignorare quemquam, nec dissimulare permittimus. *l. 12. C. de jur. & facti ignor.*

Multa damnum famæ non irrogat. *l. 1. C. de modo mulctarum, quæ.*

E X L I B. II.

**A**CTORE non probante, qui convenitur, etsi nihil ipse præstet, obtinebit. Antoninus *l. 4. C. de edendo.*

Pacta, quæ contra leges constitutionesque, vel contra bonos mores fiunt, nullam vim habere indubitati juris est. Antoninus *l. 6. & ult. C. de pactis.*

Pacta novissima servari oportere, tam juris, quam ipsius rei æquitas postulat. Alexand. *l. 1. C. de pactis.*

Traditionibus & usucapionibus dominia rerum, non nudis pactis, transferuntur. Diocletian. & Maximian. *l. 29. C. de pactis.*

Regula est juris antiqui, omnes licentiam habere his, quæ pro se introductæ sunt, renunciare. Justinianus *l. penult. C. de pactis.*

Nihil ita fidei congruit humanæ, quam

ea quæ placuerunt custodiri . Diocletian. & Maximian. *l. 20. C. de transact.*

Advocatorum error litigatoribus non nocet . Diocletian. & Maximian. *l. ult. C. de errore advocator.*

Fides veritatis verborum adminicula non desiderat. Severus & Antoninus *l. 1. C. si minor ab hæreditate.*

Melius est intacta jura servari, quam post causam vulneratam remedium quærere. Justinian. *l. ult. C. in quib. caus. rest. in int. necessaria.*

Malitia minoris ætatem supplet. Dioclet. & Maxim. *l. 3. C. si minor se majorem.*

In contractibus, quæ bonæ fidei sunt, etiam majoribus, officio Judicis causa cognita publica jura subveniunt. Dioclet. & Maximian. *l. 3. C. quib. ex caus. majores.*

Juris formulæ, aucupatione syllabarum insidiantes, cunctorum actibus radicitus amputentur. Constantinus *l. 1. C. de formulis & impetrat.*

### EX LIB. III.

**P**LACUIT, in omnibus rebus præcipuam esse justitiæ, æquitatisque, quam stricti juris rationem. Constant. & Licinius *l. 8. C. de judiciis.*

Judices cum veritate, & legum observatione judicium disponere debent. Justinian. *l. 14. C. de judic.*

In re propria iniquum admodum est, alicui licentiam tribuere sententiæ. Valens, Gratian. & Valent. *l. un. C. ne quis in sua causa judicet.*

Invitus agere vel accusare, nemo cogatur. Dioclet. *l. un. C. ut nemo invitatus agere.*

Juris ordinem converti postulas, ut non actor rei forum, sed reus actoris sequatur. Diocl. & Maxim. *l. 2. Cod. de jurisdict. omn. judic.*

In criminali negotio rei forum accusator sequatur. Arcad. & Hon. *l. 5. C. de jurisdict. omn. judic.*

Actor rei forum, sive in rem, sive personam sit actio, sequitur. Valent. Theod. & Arcad. *l. ult. C. ubi in rem actio exerceri*: etiam in status questione. Diocl. & Maxim. *l. 3. C. ubi causa status agi.*

Omnem honorem reatus excludit. Constantinus *l. 1. C. ubi Senatores.*

Melius est occurrere in tempore, quam post exitum vindicare. Valent., Theod. & Arcad. *l. 1. C. quando liceat unicuique se sine iudice.*

Liberi obsequium debitum jugiter, prout ipsius naturæ religio flagitat, parentibus debent adhibere. Constantin. *l. 28. C. de inoffic. testam.*

Meritis magis filii ad paterna obsequia provocandi, quam pactionibus adstringendi sunt. Justinianus *l. 35. §. 1. C. de inoffic. testam.*

Partum ancillæ matris sequi conditionem, nec statum patris in hac specie considerari, explorati juris est. Philipp. *l. 7. C. de rei vindic.*

Indicia certa, quæ jure non respuuntur, non minorem probationis, quam instrumenta continent fidem. Diocl. & Max. *l. 10. C. de rei vindicat.*

Voluntati testatoris per omnia obediendum est. Justinianus *l. 13. circa fin. C. de usufruct.*

Multi casus rebus incidunt mortalium. Justinianus *l. 15. in prin. C. de usufr.*

Est satis durum, ( per hujusmodi difficultates ) amittere, quod semel possessum est. Justinianus *l. pen. §. 1. C. de usufr.*

Longi temporis consuetudo vicem servitutis obtinet. Antoninus *l. 1. C. de servitutib.*

Uti via publica, nemo rectè prohibetur. Dioclet. & Maxim. *l. 11. C. de servitutib.*

Noxa caput sequitur. Alex. *l. 1. C. de noxal. action.*

Locum religiosum distrahi non posse, manifestum est. Philipp. *l. 9. C. de religios.*

#### EX LIB. IV.

**J**URIS JURANDI contempta religio satis Deum ultorem habet. Alexand. *l. 2. C. de reb. credit.*

In bonæ fidei contractibus, nec non etiam in cæteris causis, inopia probationum, per judicem jurejurando causa cognita, res decidi oportet. Diocl. & Maxim. *l. 3. C. de reb. cred. & jurejur.*

Lucrum ex delictis sperare, impium est, Justinianus *l. ult. in fine, C. de reb. cre. & jurejurand.*

Non unde originem pecunia, quæ mutuo datur, habeat, sed qui contraxit si ut propriam numeravit, in hujusmodi obligationibus requiritur. Diocl. & Maxim. *l. 7. C. si certum petatur.*



Incendium ære alieno non exuit debitorem. Dioclet. & Maxim. l. 11. C. *si certum petatur*.

Ante tempus debita exigi non possunt. Dioclet. & Maxim. l. 1. C. *de condict. ex lege*.

Bonam fidem in contractibus considerari æquum est. Diocl. & Maxim. l. 4. C. *de O. & A.*

Sicut initio libera potest unicuique est habendi vel non habendi contractus, ita renunciare semel constitutæ obligationi, adversario non consentiente, nemo potest. Diocl. & Max. l. 5. C. *de O. & A.*

Ob æs alienum servire liberos creditoribus, jura compelli non patiuntur. Dioclet. & Max. l. 12. C. *de O. & A.*

Ob maritorum culpas uxores inquietari, leges vetant. Diocl. & Max. l. 2. C. *ne uxor pro marito*.

Propter æs alienum pupilli, res tutoris, qui nihil ex ejus bonis tenet, pignori capi non oportet. Sever. & Antonin. l. 1. C. *quando fiscus vel privatus*.

Sensum, non vana vocabula amplecti oportet. Justinianus l. 2. §. 1. C. *de constit. pecun.*

Petitori possessionis, non ei qui possidet, onus probandi incumbit. Antonin. l. 2. C. *de probationibus*.

Exemplo perniciosum est, ut ei scripturæ credatur, qua unusquisque sibi adnotatione propria debitorem constituit. Galienus l. 7. C. *de probation.*

Per rerum naturam, factum negantis probatio nulla est. Diocl. & Max. l. 2. C. *de probation.*

Contra scriptum testimonium, non scriptum testimonium non fertur. *l. 1. C. de testib.*

Etiam jure civili, domestici testimonii fides improbat. Valerian. & Galien. *l. 3. C. de testib.*

Sola testatione prolatam, nec aliis legitimis adminiculis causam approbatam, nullius esse momenti, certum est. Carus, Carinus & Numerianus *l. 4. C. de testib.*

Parentes & liberi invicem adversus se, nec volentes ad testimonium admittendi sunt. Diocl. & Max. *l. 6. C. de testib.*

Omnibus in re propria dicendi testimonii facultatem jura submoverunt. Valens, Grat. & Valentin. *l. 10. de testib.*

Scripturæ diversæ fidem sibi invicem derogantes, ab una eademque parte prolata, nihil firmitatis habere potuerunt. Dioclet. & Max. *l. 14. C. de fide instrum.*

In exercendis litibus eandem vim obtinent tam fides instrumentorum, quam depositiones testium, Constantin. *l. 15. C. de fide instrum.*

Hoc quod pro quibusdam introductum est, inferre eis iacturam, minimè rationi convenit æquitatis. Justinianus *l. 19. in fin. C. de fine instrum.*

Plus valere quod agitur, quam quod simulatè concipitur. *Titulus libr. 4.*

In contractibus rei veritas potius, quam scriptura perspicui debet. Valerian. & Gal. *l. 1. C. plus valere quod agitur.*

Sæpe apud antiquos dicitur, jussionem domini non esse absimilem nominationi. Justinianus *l. ult. C. per quas person. nob. acquir.*

Ori-

Origo potius obligationis, quam titulus actionis considerandus est. Severus & Antoninus *l. 3. C. ad SC. Macedon.*

Scimus, favore dotium antiquos juris conditores severitatem legis sæpius molli-  
re. Justinian. *l. ult. C. ad SC. Vell.*

Nimis indignum est, quod sua quisque voce dilucidè protestatus est, id in eundem casum infirmare, testimonioque proprio resistere. Justinus *l. 13. C. de non numerat. pecun.*

In bonæ fidei negotiis usurarum rationem haberi certum est. Alexander *l. 13. C. de usuris.*

Rebus, non verbis lex ponenda est. Justinian. *l. 28. C. de usuris.*

Sux quisque rei est moderator & arbi-  
ter. Constantin. *l. 21. C. mandati.*

Aliena negotia exacto officio geruntur, nec quicquam in eorum administratione neglectum ac declinatum culpa vacuum est. Constantin. *l. 21. C. mandati.*

Societatem uno pecuniam conferente, alio operam, posse contrahi, magis obtinuit. Diocletian. & Maximian. *l. 1. C. pro socio.*

Tamdiu societas durat, quamdiu consensus partium integer servatur. Diocl. Maxim. *l. 5. C. pro socio.*

Voluntates legitimè contrahentium omnimodo observandæ sunt. Justinianus *l. pen. C. pro socio.*

In vendentis, vel elementis voluntatem collata conditione comparandi, quia non adstringit necessitate contrahentes, obligatio nulla est. Diocl. & Maxim. *l. 13. C. de contrah. empt.*

Nominis venditio, etiam ignorante vel invito adversus quem actiones mandantur, contrahi solet. Alexand. l. 3. C. de hered. vel actione vendend.

Malæ fidei emptio irrita est. Alexand. l. 1. C. de rescind. vend.

Dolus bonæ fidei contrarius est. Diocl. & Maxim. l. 5. C. de rescind. vend.

Emptor vilior comparandi, venditor carior distrahendi votum gerentes, ad contractum emptionis atque venditionis accedunt. Diocl. & Max. l. 8. C. de rescind. vend.

Dolus emptoris qualitate facti, non quantitate pretii æstimatur. Diocl. & Maxim. l. 10. C. de rescind. vend.

Quod consensu contractum est, contrariæ voluntatis adminiculo dissolvitur. Gordian. l. 1. C. quando liceat ab empt.

Post perfectam venditionem omne commodum & incommodum, quod rei venditæ contingit, ad emptorem pertinet. Alexander l. 1. C. de pericul. & commod. rei vend.

Dolum auctoris bonæ fidei emptori non nocere, certi juris est. Alex. l. 3. C. de pericul. & commod. rei vind.

## EX LIB. V.

**P**LERUMQUE sceminæ etiam adversus commoda propria, invenitur laborare consilium. Honor. & Theodos. l. 4. C. de sponsalib.

Dos fit propter nuptias, & sine nuptiis quidem nulla dos intelligitur: sine dote autem

tem nuptiæ possunt celebrari. Justinian.  
l. 20. C. de donat. ante nupt.

Nec filium quidem familias invitum ad uxorem ducendam cogi legum disciplina permittit. Diocl. & Max. l. 12. C. 14. C. de nupt.

Imperialis benevolentiae proprium hoc est, ut omni tempore subjectorum com-  
moda tam investigare, quam eis mederi  
procuret. Justinianus l. 23. C. de nup.

Deum imitatur, qui ignoscit. Justinian.  
l. 23. C. de nupt.

Omniño paternum est officium, dotem,  
vel ante nuptias donationem pro sua dare  
progenie. Justinus l. 7. C. de dotis promif-  
sione.

Nulla lege prohibitum est, universa bo-  
na in dotem marito foeminam dare. Ale-  
xander l. 4. C. de jure dotium.

Rei quælitæ dominium auferre nolenti  
nemo potest. Diocl. & Max. l. 23. C. de  
jure dotium.

Ipse naturalis stimulus parentes ad libe-  
rorum suorum educationem hortatur. Ju-  
stinianus l. un. §. 5. C. de rei uxor. action.

Dotem numeratio, non scriptura dotalis  
instrumenti facit. Sever. & Antonin. l. 1.  
C. de dote certa.

Dubium non est, omnia omnino, quæ  
consilio rectè geruntur, jure meritoque ef-  
fectu & firmitate niti. Dioclet. & Max.  
l. 3. C. de repudiis.

Consensu licita matrimonia posse con-  
trahi, contracta non nisi misso repudio  
dissolvi præcipimus. Solutionem etenim  
matrimonii difficiliorem debere esse, favor  
im-

imperat liberorum. Theodos. & Valent. l. 8. C. de repudiis.

Parentum necessitatibus liberos succurrere, iustum est. Antoninus l. 1. C. de alendis liberis.

Desideria morientium ex arbitrio viventium, non sine iusta ratione colligimus. Leo & Anthemius l. 4. C. de naturalib. liberis.

Misericordia indigni non sunt qui alieno laborant vitio. Justinian. l. 7. C. de natural. lib.

Nimis est indignum, nimis itensimpium flagitiis præsidia quærere. Justinian. l. 7. in fin. C. de natural. lib.

Communium rerum utilitas est, lucidis & omni ambiguitate segregatis legibus uti. Justinian. l. 9. de natur. lib.

Naturalis ordo per omnia conservandus est. Justinian. l. 5. C. de legit. tutela.

Nominum & rerum fœda confusio vitanda est. Justinian. d. l. 5. C. de leg. tutel.

Maritus rebus uxoris suæ debet affectionem. Alex. l. 2. C. qui dare tutores.

Tutelam administrare virile munus est, & ultra sexum fœminæ infirmitatis tale officium est. Alexander l. 1. C. quando mulier tutelæ.

In pecunia robur omne patrimoniorum veteres posuerunt. Constantin. l. 22. sub fin. C. de admin. tutor.

Pecuniæ fœnerandi usus vix diuturnus, vix continuus & stabilis est. Idem ibid.

Pauperibus industria, vel augmentum patrimonii, quod laboribus & multis casibus



bus quæritur, interdicens non est. Diocl. & Max. l. 10. C. *arbitrium tutelæ*.

Nemo tam simplex (immo magis stultus) invenitur, ut in publico inventario scribi contra se aliquid patriatur. Justinianus l. ult. in fin. pr. C. *arbitrium tutelæ*.

Quod omnes similiter tangit, ab omnibus debet comprobari. Justinianus l. ult. C. *de autorit. præst.*

Tutoris officium ex sola voluntate pupilli non fit, certissimum est. Diocl. & Max. l. 2. C. *quando tutores esse definant*.

Non debet ignorantiae maritorum, amplissimi ordinis consulto fraus quæri. Antoninus l. 4. C. *de excusat. tutor.*

Voluntariæ tutelæ munera privilegiis nihil derogant. Gordianus l. 12. C. *de excusat. tutor.*

Diversæ excusationis species imperfectæ nihil proficiunt. Sever. & Anton. l. unic. C. *qui numero tutelar.*

## EX LIB. VI.

**P**OST decisionem furti leges agi prohibent. Diocl. & Max. l. 13. C. *de furtis & servo corruptio*.

Furti actione minimè teneri successores ignorare non debueras. Dioclet. & Max. l. 15. C. *de furtis & serv. corr.*

Regula est, qui habet adversus alium furti actionem, ipse ea teneri non potest. Justinian. l. 21. C. *de furt. & corr.*

Ubi periculum, ibi & lucrum collocetur. Justinian. l. ult. §. 3. in ff. C. *de furtis & servo corrupto*.

De-

Delicta parentum liberis non nocent .  
Constantinus l. 2. C. de libertis & eorum  
liberis .

Voluntas militis in expeditione occupa-  
ti pro jure servatur . Antoninus l. 2. C. de  
testam. milit.

Militum testamenta juris vinculis non  
subjiciuntur . Antoninus l. 3. C. de testam.  
milit.

Captatorias institutiones etiam in mili-  
tis testamento nullius esse momenti , ma-  
nifestum est . Philip. l. 11. C. de testamen-  
to militis .

Humana fragilitas mortis cogitatione  
perturbata , minus res plures memoria po-  
test consequi . Justinus l. 8. C. qui testa-  
ment. fac.

Licet lex Imperii solemnibus JurisIm-  
peratorem solverit , nihil tamen tam pro-  
prium Imperii est , quam legibus vivere .  
Alexander l. 3. C. de testam.

Errore scribentis testamentum , juris so-  
lennitas mutilari nequaquam potest . Dio-  
clet. & Max. l. 7. C. de testam.

Jurisdictionis mutare formam , vel juri  
publico derogare , testatoris permissum non  
est . Valer. & Galien. l. 2. C. de testam.

Necessaria prætermilla imminuunt con-  
tractus , & testatoris officiunt voluntati ,  
non abundans cautela . Arcad. & Hon. l.  
17. C. de testamentis .

Mos retinendus est fidelissimæ vetustatis .  
Arcad. & Honor. l. 18. Cod. de testam.

Voluntates hominum audire volumus ,  
non jubere . Honor. & Theod. l. 19. C. de  
testam.

Absurdum est, si promiscuis actibus rerum turbentur officia, & aliis creditum alius subtrahat. Justinian. l. 23. C. de testam.

Opprobrium est clericis, si peritos sevelint disceptationum esse forensium. Justinianus l. 23. in fin. C. de testam.

Coram testibus facere aliquid naturale testator erubescit. Justinian. l. 18. C. de testam.

Mortuo similis est, qui neque scribere, neque articulate loqui potest. Justinianus l. 25. C. de testam.

Neque enim sic homo supinus, imo magis stultus invenitur, ut nomen suum ignoret. Et in fine.

Non est verisimile, in suum nomen quemquam errasse. Justinian. l. ult. C. de hæred. instit.

Cum manifestissimus est sensus testatoris, verberum interpretatio nusquam tantum valet, ut melior sensus existat. Justinian. l. 3. C. de liber. præterit.

Ex rupto testamento nihil deberi neque peti posse, explorati juris est. Antonin. l. 1. C. de posthumis hæred. instit.

Nec emere, nec donatum adsequi, nec damnosam quisquam hæreditatem adire compellitur. Arcad. & Hon. l. 6. C. de jure deliberandi.

Arma magis quam jura scire milites, sacratissimus Legislator existimavit. Justinianus. l. 22. C. de jure delib.

Formidolosi homines ea timent, quæ nulla digna sunt suspicione. Justinian. l. 22. in fin. princ. C. de jure delib.

Con-

Confessos in jure, pro judicatis haberi placuit. Diocl. & Maxim. l. 4. C. de repud. hæredit.

Nihil actum esse credimus, dum aliquid addendum superest. Justinian. l. pen. in fin. C. de his quib. ut indignis.

Oportet servos, ubicunque senserint dominum periclitantem, ad prohibendas infidias concurrere. Justinian. l. ult. C. de his, quib. ut indign., & ad SC. Silan.

In legatis vel fideicommissis necessaria non sit verborum observantia: ita ut nihil prorsus intersit, quistalem voluntatem verborum casus exceperit, aut quis loquendi usus effuderit. Constantinus, Constantius, & Constans l. 21. C. de legatis.

In omnibus testatoris voluntatem, quæ legitima est, dominari censemus. Justinianus l. 23. in fin. de legatis.

Mulieres ad hoc natura progeniit, ut partus ederent: & maxima iis cupiditas in hoc constituta est. Justinian. l. 2. C. de indicta viduitate.

Augeri magis nostram Rempublicam, & multis hominibus legitimè progenitis frequentari, quam impiis perjuriis affici volumus. Justinianus l. 2. C. de indicta viduitate.

Satis inhumanum esse videtur, per leges quæ perjurya puniunt, viam perjuriis aperiri. Justinian. l. 2. in fin. C. de indicta viduitate.

Non ex sola scriptura, sed ex conscientia defuncti voluntatis satisfaciendum est. Antoninus l. 2. C. de fideicommissis.

Voluntatis defuncti quæstio in æstimatione-

tionem Judicis est. Alex. l. 7. C. *de fideicommissis*.

Regulariter traditur, ea quæ in testamento relinquuntur, si ex testamento non adeatur hæreditas, non valere. Valerianus & Galienus l. 14. C. *de fideicommissis*.

Clari & aperti juris est, in fideicommissis posteriores voluntates esse firmiores. Diocletianus, & Maximianus l. 19. C. *de fideicommissis*.

Nos non verbis, sed ipsis rebus leges imponimus. Justinianus l. 2. in fin. C. *communio de legatis*.

Falsa demonstratio non perimit legatum. Alexander l. 2. C. *de falsa causa adjecta*.

Quod semel repudiatum est, redintegrari minime concedimus. Justinianus l. ult. C. *de condition. insertis*.

Non est ferendus is, qui lucrum quidem amplectitur, onus autem ei annexum contemnit. Justinianus l. un. §. 4. C. *de caduc. tollendis*.

Quod communibus omnibus prodest, hoc privatæ utilitati præferendum (Princeps) censeat, suum esse proprium subjectorum commodum imperialiter existimans. Justinianus l. 1. §. pen. C. *de caducis toll.*

Perindignum est, fortuitas ob causas, vel casus humanos, nepotes avita successione fraudari. Theodosius & Valentinianus l. un. C. *de his qui ante apertas*.

Mulieribus ingenuis & illustribus, castitatis observatio præcipuum debitum est. Justinianus l. 5. C. *ad SC. Orfician*.

Satis injuriosum, satisque acerbum est, illustri mulieri spurios habere. Justinianus l. 5. C. *ad SC. Orfician*.

Nihil eorum, quæ probabiliter a natura nascuntur, esse producta respui decet. Justinianus *l. 12. Cod. de legitim. hæred.*

Natura utrumque, tam maris quam feminæ corpus edidit, ut maneat suis vicibus immortale, & alterum alterius auxilio egeat, & uno semoto alterum corrumpatur. Justinianus *l. 14. C. de legitim. hæredib.*

Naturam offendere, & legitimo juri derogare non licet. Justinianus *l. 14. C. de legitim. hæred.*

Testamentariæ successionis spe durante, intestato bona defuncti non recte vindicantur. Dioclet. & Maximian. *l. 8. C. communia de successionib.*

Consequens est, ambiguas, atque legum diversis interpretationibus titubantes causas benigne, atque naturalis juris moderamine temperare. Leo & Anthemius *l. 5. C. de bonis quæ liberis.*

Ut Imperialis fortuna omnes supereminet alias, ita oportet & Principales liberalitates culmen habere præcipuum. Justinianus *l. 7. C. de bonis quæ liberis.*

Ipsa natura & leges a parentibus alendos esse liberos imperant, & ab ipsis liberis parentes, si inopia ex utraque parte vertitur. Justinianus *l. ult. §. 5. C. de bonis quæ liberis.*

Ludibrio leges esse non oportet. Justinianus *l. ult. §. 6. C. de bonis quæ liberis: & paulo ante, eadem lege §. 5.* Melius est coarctare juveniles calores, ne cupidini dediti tristem sentiant exitum.



## EX LIB. VII.

**I**N ambiguis sensibus melius est (& maxime in libertate, favore ejus) humaniorem amplecti sententiam. Justinianus *l. 14. C. de fideicom. libertat.*

Nos, qui veritatem colimus, ea tantummodo volumus in nostris esse legibus, quæ re ipsa obtinent. Justinian. *l. un. C. de dedit. libert. tollend.*

Quod ex re ipsa rationabile est, hoc in jus perfectum deducitur. Justinian. *l. un. in princ. C. de Lat. libert. toll.*

Satis absurdum est, ipsa origine rei sublata, ejus imaginem derelinqui. Justinian. *l. unic. in princ. C. de Lat. libert. toll.*

Satis abundeque imperiale est, humaniorem sententiam pro durioribus sequi. Justinianus *l. 2. in fin. C. de communi servo manumitt.*

Sibi damna debet imputare is, qui in perniciem suam gesta taciturnitate firmavit. Constantinus *l. ult. C. de his qui a non domino manum.*

Religiosa sollicitudo ad augendam provocandamque fidei observationem, juris præmio adfici debet. Dioclet. & Maxim. *l. 1. C. pro quib. causis servi pro præmio libertatem.*

Libertatem fovere & tueri, Romanis legibus, & præcipuè nostro Numini peculiariter est. Justinian. *l. 1. in fin. C. communia de manumission.*

Ampliandam magis civitatem nostram, quam minuendam censemus. Justinian. *l. 2.*

*l. 2. in fin. C. communia de manumission.*

Factum tuum filiis obesse non debet.  
Antoninus *l. 1. C. de liberali causa.*

Nec omiſſa profeſſio probationem generis excludit, nec falſa ſimulatio veritatem minuit. Diocletian. & Maxim. *l. 15. C. de liberali cauſa.*

Servi naſcuntur ratione certa, non confeſſione conſtituuntur. Dioclet. & Maxim. *l. 22. C. de liberali cauſa.*

Placuit, eos qui naſcuntur, matrum conditionibus uti, quarum mox viſceribus exponuntur. Conſtantin. *l. ult. C. de liberali cauſa.*

Irritam facere donationem perfectam nemini licet. Diocl. & Max. *l. 3. C. de uſu-cap. pro donato.*

Improbata poſſeſſio firmum titulum poſſidenti præſtare nullum poteſt. Diocl. & Max. *l. 7. C. de acq. G. retin. poſſeſſ.*

Vitia poſſeſſionum a maioribus contracta perdurant, & ſucceſſorem auctoris ſui culpa comitatur. Arcad. & Honor. *l. 11. C. de adq. poſſ.*

Ex aliena malignitate alienum damnum emergere non debet. Juſtinian. *l. ult. C. de acquir. poſſ.*

Antiqua juris regula definit, deteriorem conditionem domino per ſervum nullo modo fieri poſſe. Juſtinian. *d. l. ult. C. de acquir. poſſeſſ.*

Qui ſuis conſiliis ſuiſque laboribus pro toto orbe terrarum die noctuque laborant, quare non habeant dignam ſua prærogativa fortunam? Juſtinianus *l. 3. in fin. C. de quadriennii præſcrip.*

Incubatio diuturna, aut novella professio, proprietatis privilegium abolere non potest. Arcad. & Honor. l. 3. *C. ne res dominicæ vel templorum.*

Ab his possessoribus initium non requiritur, qui sibi potius quam alteri possederunt. Valent. & Valens l. 2. *C. de præscrip. 30. vel 40. annor.*

Eos possessores non convenit appellari, qui ita tenent, ut ob hoc ipsum solitam debeant præstare mercedem. Valent. & Valens d. l. 2. *C. de præscript. 30. vel 40. annor.*

Sortes humanæ multæ sunt. Justinianus l. 9. *five ult. C. de præscript. 30. vel 30. annor.*

Quis incusare filios familias poterit, si hoc non fecerint, quod etsi maluerint, minime adimplere lege obviante valebant? Justinian. l. 1. *in fin. C. de annali exceptione.*

Firmitatem sententia non habebit, si ei non sit commodatus adensus. Gordian. l. 3. *C. quom. & quando jud. sent.*

Ea quæ statuuntur adversus absentes non per contumaciam, judicatæ rei firmitatem non obtinere certum est. Dioclet. & Maxim. l. 7. & 10. *C. quomodo & quando Judex sententiam.*

Si quid non bene dirimatur, hoc in aliorum Judicum vitium extendi non oportet, cum non exemplis, sed legibus judicandum sit. Justinian. l. 13. *C. de sentent. & interlocut. omn. jud.*

Scimus esse naturæ congruum, eas tantummodo pœnas exigere, quæ vel cum competen-

petenti moderamine proferuntur, vel a legibus certo fine conclusæ statuuntur. Justinianus *l. un. C. de sentent. quæ pro eo quod interest.*

Post absolutum dimissumque judicium, nefas est litem alteram consurgere ex litis primæ materia. Honor. & Theod. *lib. 3. C. de fructib. & litium expensis.*

Rebus judicatis standum est. Antoninus *l. 1. C. de re judicata.*

Res judicatas instaurari, exemplo grave est. Gordianus *l. 4. C. de re judicata, & l. 5. sequ. cod. tit. Diocl. & Maxim. Instaurari finita, rerum judicatarum non patitur autoritas.*

Cognitoris morte publica fides perire non debet. Honor. *l. ult. C. de re judicata.*

Quod ab uno sevari non poterit a cæteris exigi non posse, explorati juris est. Gordianus *l. 2. C. si plures una sententia.*

Res inter alios judicatæ, neque emolumentum his, qui judicio non interfuerunt, neque præjudicium solent irrogare. Gordianus *l. 2. C. quib. res judicata non nocet.*

Quod magno conflictu sententia decerni solet, id paucis literis temerè descriptis definiri fas non est. Constantin. *l. ult. C. Comminationes, epistolas.*

Confessos in jure pro judicatis haberi placet. Antoninus *l. un. C. de confessis.*

Inter alios res gestas, aliis non posse præjudicium facere, sæpe constitutum est. Dioclet. & Maxim. *l. 1. C. inter alios acta alii non nocere: & idem l. 2. cod. tit. Inter alios factam transactionem, absenti non posse facere præjudicium, notissimi juris est.*

Te.

Temere, aut passim provocandi facultas omnibus præbenda non est. Diocl. & Max. l. 6. §. 4. C. de appellat.

Et in majoribus & in minoribus negotiis appellandi facultas est. Constantinus l. 20. C. de appellationib.

Legum austeritatem pactis litigantium mitigare licet. Justinianus l. ult. in fin. C. de temporib. appellat.

Dubium non est, id quod contra jus gestum videtur, firmitatem non tenere. Cæsar, Carinus, & Numerianus l. 5. C. quando provocare non est necesse.

Necessario in contumacem vigor judicarius excitandus est. Valentinus, Valens, & Gratianus l. 4. C. quorum appell. non recip.

Humanior sententia pro duriori eligenda est. Justinianus l. ult. C. qui bonis cedere possunt.

### EX LIB. VIII.

**O**MNES scire debent, quod suum non est, hoc ad alios modis omnibus pertinere. Justinianus l. ult. C. unde vi.

Negotiorum merita, partium adsertione panduntur. Arcad. & Honor. l. 2. C. si per vim vel alio modo.

Nihil dubium aptum est ad tollendam ambiguitatem. Zeno l. 12. §. 2. C. de ædificiis privatis.

Præscriptio temporis juri publico non debet obistere; sed nec Rescripta quidem. Gratian. Valent. & Theod. l. 6. C. de operibus publ.

Imperio magna ab universis secreta debentur. Honor. & Theodos. l. 19. C. de oper. publ.

Creditor ad petitionem debiti urgeri minime debet. Diocl. & Maxim. l. 20. C. de C. de pignor.

Justum est, voluntates contrahentium magis, quam verborum conceptionem inspicere. Justinianus l. ult. C. quæ res pignori oblig.

Prævalet jure, qui prævenit tempore. Antoninus l. 21. C. 24. C. qui potiores in pignor.

Pro Liberorum procreatione, multa nostris legibus inventa sunt privilegia. Justinianus l. ult. §. 1. C. qui potiores in pignor.

Consensu emptionem perfectam, ( si neque dolus adversarii, neque metus causa gesta arguentur ) revocari, exemplo grave est. Diocl. & Maxim. l. 10. C. de distract. pignor.

Mendaci scriptura contra fidem veritatis nemo obligari potest. Alexander l. ult. C. si pign. convent. numeratio pecuniæ.

Exceptio rei judicatæ ei demum obstat, vel successoribus ejus, inter quos cogniturum super ea re, & pronunciatum est. Antoninus l. 2. C. de exceptionibus seu præscriptionibus.

Justum est, propter dolosam mentem & absconditam machinationem quem puniri. Justinianus l. 4. §. 1. C. de litigiosis.

Ea quæ quis promisit, ipse in memoria sua servare, non ab aliis sibi manifestari debet poscere. Justinianus l. 12. C. de contrah. stipulat.



Cur quod in principalibus personis iustum est, non ad hæredes & adversus eos transmittatur? Justinianus *l. 13. C. de stipulat. contrah.*

Pene similis omnium hominum natura est. Justinian. *l. 13. C. de contrah. stipul.*

Ex subtilitate hominum voluntates cadere non debent. Justinianus *l. 13. in fin. C. de contrah. stipul.*

Mulieres, naturalis pudor non omnibus perperam se manifestare concedit. Justinianus *l. pen. C. de contrah. stipul.*

Sensus contrahentium discutiendus est. Justinianus *l. ult. C. de contrah. stipul.*

Libera matrimonia esse antiquitus placuit. Alexander *l. 2. C. de inutil. stipul.*

Omnia quæ contra bonos mores, vel in pactum, vel in stipulationem deducuntur, nullius momenti sunt. Diocl. & Max. *l. 14. C. de inutil. stipul.*

Omnino attestatio pro scriptura haberi debet. Justinianus *l. pen. C. de fidejussoribus.*

Ipsa legis auctoritate non permittitur, ut simplicitas suscipientium contractus ex quacunque causa possit jus creditoris mutilare. Justinianus *l. ultim. in fin. C. de fidejussorib.*

Voluntate solum est, non lege novandum. Justinianus *l. ult. C. de novationib.*

Figmento veritatis extinguere non potest obligatio. Dioclet. & Maxim. *l. 13. C. de solutionib.*

Solutionem adseveranti, probationis onus incumbit. Dioclet. & Maxim. *l. 25. C. de solutionib.*

Emptori etiam venditoris jura prodesse non ambigitur. Diocl. & Maxim. l. 28. *C. de evictionib.*

Si quæ inter patrem & filium controversiæ oriuntur, intra domum eas terminari congruit. Valer. & Galien. l. 4. *C. de patria potest.*

Reverentiam debitam exhibere matri filius debet. Valer. & Galien. l. 4. *in fin. C. de patria potest.*

Filia patri non solum reverentiam, sed etiam subsidium vitæ exhibere debet. Dioc. & Maxim. l. 5. *C. de patria potest.*

Patribus jus vitæ in liberos, necisque potestas olim erat permessa. Constantinus l. ult. *C. de patria potestate.*

Jura patris naturalis nexu divino copulata sunt. Justinianus l. pen. *in pr. C. de adoptionib.*

In patre nullius circumventionis suspicio potest aliquam sibi vindicare licentiam, avita affectione omnia rescecante. Justinianus d. l. pen. *C. de adopt.*

Materna jura non possunt aboleri. Justinianus d. l. pen. §. 1.

In emancipationibus liberorum, nec non donationibus, non tam scriptura, quam veritas considerari solet. Diocl. & Maxim. l. 2. *C. de emancipat. liber.*

Super facultatibus ( viventis ), cujus incerta vita ac fortuna fuit, transigi, aut judicari non potest. Dioclet. & Maxim. l. 50. *C. de postlim. reversis.*

Fortuna matris filiæ injuria fieri non debet. Dioclet. & Maxim. l. 14. *C. de postlim. reversis.*

Unusquisque sobolem suam nutriat. Valent., & Valens, & Gratian. *l. 2. C. de infantibus expositis.*

Voluntas amica misericordiæ esse debet. Idem *d. l. 2.*

Suum dicere nemo potest, quem perentem contemnit, Valent., Valens & Gratianus *l. 2. in fin. C. de infantibus expositis.*

Consuetudinis usufve longævi non vilis auctoritas est: verum non usque adeo sui valitura momento, ut aut rationem vincat, aut Legem. Constantin. *l. 2. C. quæ sit longa consuetudo.*

Leges quoque ipsas antiquitus probata, & servata tenaciter consuetudo imitatur, & retinet. Leo & Anthemius *l. 3. C. quæ sit long.*

Nec ignorans nec invitus quisquam donat. Dioclet. & Maxim. *l. 10. C. de donationib.*

Superfluum est privatum testimonium, cum publica monumenta sufficiunt. Zeno *l. 1. C. de donationib.*

In arbitrio cujuscumque est hoc facere, quod instituit. Justinianus *l. 35. §. ult. C. de donationib.*

Quid verbis opus est, quæ rerum effectus nullus sequitur? Justinianus *l. ult. C. de donationib.*

In liberos collata a patronis liberalitas, magis ad obsequium eos inclinare debet, quam ad insolentiam erigere. Philip. *l. 1. C. de revocand. donat.*

## EX LIB. IX.

**V**OCEM funestam amputari oportet  
potius, quam audiri. Arcad. & Ho-  
nor. *l. pen. C. de his qui accusare non poss.*

Finis explicandi negotii in Judicis po-  
testate ac motu situs est. Diocl. & Max.  
*l. 10. C. de accusationib.*

Nemo de proprio crimine confitentem,  
super conscientia scrutetur aliena. Hon.  
& Theod. *l. ult. C. de recusationib.*

De his quos tenet carcer, id aperta de-  
finitione sancimus, ut aut convictum ve-  
lox pœna subducatur, aut, liberandos cu-  
stodia diuturna non maceret. Gratian.  
Valent. & Theod. *l. 5. C. de cust. reor.*

Morte homicidæ crimen cum pœna ex-  
tinguitur. Antoninus *l. 3. C. si reus vel  
accusat. mortuus.*

Maledictum est, si ex insania, misera-  
tione dignissimum, si ab injuria, remit-  
tendum. Theod., Arcad. & Honor. *l. un.  
C. si quis Imperat. maled.*

Senatus, pars corporis Imperatorii est.  
Arcad., & Honor. *l. 5. C. ad l. Jul. Ma-  
jest.*

Eadem severitate voluntatem sceleris,  
qua effectum, puniri jura voluerunt. Arc.  
& Hon. *l. 5. ad l. Jul. Majest.*

In filiis paterni, hoc est, hæreditarii cri-  
minis exempla metuuntur. Arcad. & Hon.  
*l. 5. §. 1. C. ad l. Jul. Majest.*

Hominibus perpetua egestate sordenti-  
bus mors solatium est, & vita supplicium.  
Arcad. & Honor. *l. 5. §. 1. C. ad l. Jul. Majest.*

Mi-

Mitior circa mulieres debet esse sententia, quas pro infirmitate sexus minus auras esse confidimus. Arcad. & Honor. l. 5. §. 3. C. ad l. Jul. Majest.

Quod legitime est factum, nullam poenam meretur. Alexander l. 4. C. ad l. Jul. de adult.

Nox & dolor justus homicidium relevant. Alexander d. l. 4. in fin. C. ad l. Jul. de adult.

Indignum est, ut ultionem pudoris præstigia versuti juris excludant. Dioclet. & Maxim. l. 28. C. ad l. Jul. de adult.

Ab his scæminis pudicitæ ratio requiritur, quæ juris nexibus detinentur, & matrisfamilias nomen obtinent. Hæ autem immunes a judiciaria severitate, & stupri & adulterii præstantur, quas vitæ utilitas dignas legum observatione non reddidit. Constantinus l. 29. C. ad L. Jul. de adult.

Maritum genialis thori vindicem esse oportet. Constantinus l. 30. C. ad L. Jul. de adult.

Successio pro oneribus portionis suæ respondet. Antoninus l. 2. C. ad L. Jul. de vi.

Multa facinora sub uno violentiæ nomine continentur. Constantinus l. 6. C. ad L. Jul. de vi.

Causam dans cædi vel damno, cædem & damnum intulisse videtur. Colligitur ex d. l. 6.

Crimen non dissimile est rapere, & ei qui rapuit, raptam rem scientem delictum servare. Honor. & Theodos. l. 9. C. ad l. Jul. de vi.

Virginitas vel castitas corrupta, restitui non potest. Justinianus *l. un. in pr. C. de raptu virgin.*

Quos ad vitæ decora, domesticæ laudis exempla non provocant, saltem correctionis medicina compellat. Valent. & Valens *l. un. C. de emendatione propinquor.*

Crimen contrahitur, si & voluntas nocendi intercedat. Cæterum ea quæ ex improviso casu potius, quam fraude accidunt, fato plerumque, non noxæ imputantur. Antoninus *l. 1. C. ad l. Corn. de fscar.*

Melius est ( malo ) occurrere & mederi, quam injuria recepta vindicta perquirere. Gallienus *l. 4. C. ad l. Corn. de fscariis.*

Innocentia purgari crimen, non adulta ætate defendi convenit. Diocl. & Maxim. *l. 6. C. ad l. Corn. de fscar.*

Plus est hominem extinguere veneno, quam occidere gladio. Antoninus *l. 1. C. de maleficiis.*

Culpa similis est tam prohibita discere, quam docere. Valent. & Valens *l. 8. C. de maleficiis.*

Verisimile non est, eam quæ arguitur, non ex fide causam suam defensuram, cum periculum capitis subeat. Antoninus *l. 1. C. ad l. Corn. de falsis.*

Scripturæ veritas, ( si res poposcerit ) per ipsum debet probari auctorem. Constantinus *l. 21. C. ad l. Corn. de falsis.*

Ad honoris insignia non ambitione vel pretio, sed probatæ vitæ testimonio, viri debent promoveri. Theod. & Valent. *l. ult. C. ad l. Jul. repetund.*

Ne-



Neminem divini timoris contemnendo  
iurjurandum, arbitramur immemorem, ut  
saluti propriæ ullum commodum antepo-  
nat. Theod. & Valent. *l. ult. C. ad l. Jul.  
repetund.*

Disputare de Principali iudicio non oportet: Sacrilegii enim instar est dubitare, an is dignus sit, quem elegerit. Grat., Valent. & Theod. *l. 2. C. de crimine sacril.*

Uxor socia rei humanæ atque divinæ domus suscipitur. Gord. *l. 4. C. de crim. expil. hæredit.*

Indulgentia infamiam criminis non tollit, sed pœnæ gratiam facit. Valent., Valens & Gratian. *l. ul C. de generali abolitione.*

Calumniantes ad vindictam poscit similitudo supplicii. Honor. & Theodos. *l. ul. C. de calumniator.*

Impunitas delictis propter ætatem non datur, si modo in ea quis sit, in quam crimen quod intenditur cadere potest. Alex. *l. 7. C. de pœnis.*

Vanæ voces populi non sunt audiendæ. Diocl. & Maxim. *l. 12. C. de pœnis.*

Non remitti pœnam facile, publice interest, ne ad maleficia temere quisquam profiliat. Diocl. & Maxim. *l. 14. C. de pœnis.*

Facies hominis ad similitudinem pulchritudinis cœlestis est figurata. Constantinus *l. 17. C. de pœnis.*

Sancimus ibi esse pœnam, ubi & noxa est, & paulo post. Peccata suos teneant auctores, nec ulterius progrediatur metus, quam reperiatur delictum. Arcad. & Honor. *l. 22. C. de pœnis.*

Tantum ad restitutionem indulgentiæ valet, quantum ad correctionem sententia valuit: utque deportationis ipsum per se nomen rerum omnium spoliatio est, ita indulgentiæ restitutio bonorum ac dignitatis, uno nomine, amissorum omnium est recuperatio. Constantinus *l. ult. in fin. C. de sentent. passis & restitutis.*

## EX LIB. X.

**A**PERTISSIMI juris est, quod ex cujusque patrimonio ceciderit in casum, & legibus & recto juris ordine fisci advocatis agentibus vindicetur. Constantinus *l. 5. C. de delatorib.*

Plerumque inverecunda petentium inhiatione ita constringimur, ut etiam non concedenda tribuamus. Grat., Valent. & Theodos. *l. 1. C. de petit. bon. subl.*

Omne semen alienas appetendi fortunas stirpitus eruere (Princeps) debet. Theod. & Valent. *l. 1. C. de petit. bon. subl.*

Superfluum est hoc precibus postulare, quod jam lege permissum est. Leo *l. 1. C. de thesaur.*

Unusquisque suis fruatur, & non inhiet alienis. Leo *l. 1. in fin. C. de thesaur.*

Obstistere commodis publicis & statutis necessitatibus, non possunt privilegia dignitatum. Arcad. & Honor. *l. 20. C. de annon. & tributis.*

Filios in potestate patris positos ad munera seu honores non posse evocari, falso tibi persuasum est. Diocl. & Maxim. *l. 5. C. de Decurionibus.*

Nul-

Nullus qualibet prærogativa fultus, a debitis muneribus habeatur immunis. Valens, Valent. & Gratian. l. 28. C. de Decurionib.

Utique unumquemque criminofum non dignitas debet, sed pœna comitari. Grat. Valent. & Theod. l. 38. C. de Decurionib.

Duæ partes ordinis in urbæ positæ, totius Curix instar exhibent. Arcad & Honor. l. 45. C. de Decurionib.

Convenit, leges futuris regulas imponere, non præteritis calumnias excitare. Anastasius l. pen. in fin. C. de Decurionib.

Quod summis apicibus dignitatum non est concessum, hoc alii sibi vindicare non audeant. Justinianus l. ult. in medio C. de Decurionib.

Infirma est venditio, si legis forma negligatur. Valent., Theod. & Arcad. l. 1. C. de prædiis Decurionib.

Naturale vitium est, negligi quod communiter possidetur, utque se nihil habere, qui non totum habeat arbitretur; denique suam quoque partem corrumpi patiatur, dum invidet alienæ. Theod. & Valent. l. 2. C. quando & quib. quarta pars deb.

Quid enim tam durum tamque inhumanum est, quam publicatione, pompaque rerum familiarium, & paupertatis detegi vilitatem, & invidiæ exponere divitias. Theod. & Valent. d. l. 2. in fin. pr. C. quando & quibus quarta pars.

In necessariis, sibi que conjunctis personis sub liberalitatis appellatione debitum naturale persolvitur. Theod. & Valent. l. un. in princ. C. de imponenda lucrat. descrip.

Nec enim juris optimi est, matrimonium, cum tot tantisque suis difficultatibus opprimatur, adventitiis etiam cumulare ponderibus. Theod. & Valent. *l. un. C. de impon. lucrat. descript.*

Origine propria neminem posse voluntate sua eximi, manifestum est. Diocl. & Maxim. *l. 4. C. de municipibus.*

Cives quidem origo, manumissio, allectio, vel adoptio, incolas vero domicilium facit. Diocl. & Maxim. *l. 7. C. de incolis.*

Mulieres honore maritorum erigimus, & genere nobilitamus, & forum ex eorum persona statuimus. Valent., Theod. & Arcad. *l. ult. C. de incolis.*

Majoribus honoris functos, ad minores devocari non oportere, rationis est. Diocl. & Maxim. *l. 2. C. quemad. civilia munera.*

Magistros studiorum, doctoresque excellere oportet moribus primum, deinde facundia. Julianus *l. 7. C. de professorib. & medicis.*

Turpe est, ut patriæ functiones ferre non possit, qui etiam fortunæ vim se ferre proficitur, (Philosophus scil.) Valent. & Valens *l. 8. C. de professorib. & medicis.*

Consentire etiam is videtur, qui non testificatur dissentire nominationi. Severus & Antoninus *l. 1. C. de filiisfam. & quemad. pro his pater teneatur.*

In discendis artibus etiam est accommodandum. Constantinus *l. 1. C. de excusat. artificum.*

Publicæ utilitatis interest, non ex amicitia creationes fieri, sed æstimatione ve-

ra, & commodo Reipubl. Alexander. *l. un.*

*C. si propter inimicit. creatio facta sit.*

Consensum, non ignorantiam volumus obligari. Arcad. & Hon. *l. 3. C. de tabulariis.*

Leges inexorabiles. Theod. & Valent. *l. ul. C. de tabulariis, scribis.*

## EX LIB. XI.

**I**NTERCIPERE contractum emendi vendendique fas prohibet. Valent., Valens & Gratianus *l. i. C. de prædiis navi-  
culariorum.*

In aliena calamitate ( Naufragorum ) fiscus jus non habet, ut de re tam luctuosa compendium sectetur. Constantinus *l. i. C. de naufragiis.*

Quod ab uno committitur, id totius delinquitur periculo numeri. Theodos. & Valent. *l. 5. C. de fabricensib.*

Pietas mea dona non expetit, neque regium sibi offerri a privatis cultum requirit. Leo *l. un. C. nulli licere in frenis.*

Quod in initio dispositionis constitutum est, id in posterum nulla addita novatione servetur. Theod. & Valent. *l. un. in fin. C. de collegiatis.*

Linguarum confusio permixta vel locorum aures & mentes a studio literarum avertit. Theod. & Valent. *l. i. in fin. C. de studiis liberal. V. R.*

Rempublicam, ut pupillam, extra ordinem juvari, moris est. Alexander *l. 3. C. de jure Reipub.*

Quo-

Quoties duobus non separatim, sed pro indiviso munus injungitur, unusquisque eorum periculo soliditatis videtur obstrictus. Gordianus *l. 2. C. quo quisque ordine conveniatur.*

Primates viri, populi studiis ac voluptatibus grati esse cupiunt. Valens, Grat. & Valent. *l. 1. C. de spectaculis.*

In lætitia publica servetur honestas, & verecundia castis moribus perseveret. Arcad. & Hon. *l. un. C. de majuma.*

Malæ fidei possessorem esse nullus ambigit, qui aliquid contra legum interdicta mercatur. Valent. & Valens *l. 7. in fin. C. de agricolis.*

Litibus imponenda celeritas. Justinianus *l. 20. in princ. C. de agricolis.*

Nostra jura præjudicium generare nulli debent. Justinianus *l. 22. in princ. C. de agricolis.*

Ignorantiæ locus non est, cum ad criminis rationem solum istud sufficit, quod incognitum sibi tenuit. Valent., Theod. & Arcad. *l. un. C. de colonis Illyricianis.*

Grave est non solum legibus, verum etiam æquitati naturali contrarium, pro alienis debitis alios molestari. Zeno *l. un. C. ut nullus ex vicaneis pro alienis vicaneis debit. teneatur.*

Nulla ratione debet quis ab hoc, quod in commune omnibus profuturum est, sejungi. Constantinus *l. 1. C. collat. fundorum.*

Si privati juris debita non patimur denegari, multo magis præbenda sunt civitatibus quæ jure debentur. Valentinianus



*l. 5. C. de divers. præd. urb. & rust.*

Legibus similiter omne hominum genus tenetur. Theod. & Valent. *l. un. C. de conductor. præd. fiscal. domus Aug.*

Gravior pœna constituenda est in hos qui nostri juris sunt, & nostra debent custodire mandata. Theodos. & Valent. *l. un. in fin. C. de conductor. præd. fiscal. domus Aug.*

## EX LIB. XII.

**P**ATERNOS honores invidere filiis non oportet. Valens, Grat. & Valent. *l. II. C. de dignat.*

Repetiti fasces, virtutes sæpe meriti comprobant, non augent: quia nihil altius dignitate. Theod. & Valent. *l. I. C. de Consulib.*

Sede prior debet esse ante provectis, locus conspectior, decernendi loquendique facultas antiquior, cui est splendor adepti Magistratus vetustior. Gratian., Valent. & Theod. *l. un. C. de Præf. Præt.*

Sicut læsis implorandi præsidii facultatem denegari non convenit, ita nec calumniandi viam patimur diutius esse patefactam. Leo *l. pen. C. de præpos. sacri cubiculi.*

Jurisperiti laudabilem in se probis moribus vitam esse demonstrent, & docendi peritiam, facundiam dicendi, interpretandi subtilitatem, copiamque differendi habere debent. Theod. & Valent. *l. un. C. de professor. qui in urbe Constantinop.*

Indi-

Indignum est, desides a propriis tamdiu muniis aberrantes, (quos esse convenit assiduos) numerari, Theod. & Valent. l. 3. *C. de domesticis & protector.*

Nemini liceat, cum sit posterior tempore, locum præcedentis ambire. Theod. & Valent. l. 7. *C. de prox. sacr. scrinior.*

In controversiis, quas in judiciis moveri contigerit, æqualitatem litigatoribus volumus servari. Anastasius l. 12. §. 4. *C. de proxim. sacr. scrinior.*

Non videatur nostra sanctio aliquid habere imperfectum. Justinianus l. 7. *C. qui militare possint.*

Honoris augmentum non ambitione, sed labore ad unumquemque convenit devenire. Arcadius & Honor. l. 14. *C. de re militari.*

Peregrinationis labor sociatus, commilitii jus, & obeundorum munerum confortium, affectioni fraternæ nonnihil addidisse, quinimò vice mutua chariores invicem sibi eos reddidisse, credendus est. Gordianus l. 4. *C. de Castrensi peculio.*

Plenum æquitate atque iustitia est, ut qui aut successionem fruitur, aut emptione vel extructione gaudet, electam præcipuè iudicio suam partem teneat, & relictam. Arcad. & Honor. l. 2. *C. de metatis.*

Principis salus, populi salus. Constantinus l. 1. *C. de veteranis.*

Veniam delinquentibus non permittimus, nec indulgentiis crimina sublevamus. Grat., Valent. & Theod. l. 6. *C. de cohort. princip.*

Nul-

Nullam possessionem alterius pro alienis debitis publicis vel privatis, præcipimus conveniri. Honor. & Theod. l. 4. C. *de executoribus.*

Utilitas publica præferenda est privatorum contractibus. Diocl. & Maxim. l. 3. C. *de primipilo.*

FINIS Florilegii ex Codice.

# FLORILEGIUM SENTENTIARUM

EX

# NOVELLIS

JUSTINIANI.

**O**MNIBUS hominibus terminus vitæ est mors. *Nov. 1. c. 1. sub finem.*

Leges neminem in paupertate vivere, neque in anxietate mori permittunt. *Nov. 1. in fine Epilogi.*

Mulierem, (quæ inviolatum morientis thorum servat) & miramur pariter & laudamus, & non procul a virginitate ponimus. *Nov. 2. c. 3. in medio.*

Pene nihil immensum bonum est. *Nov. 3. in princ.*

Ecclesia, Imperii mater. *d. Nov. 3. in princ.*

Ecclesiasticæ expensæ hominibus locupletibus non distribuendæ, ita ut inde inopes necessaria non mereantur. *Nov. 3. cap. 3.*

Non minor nobis cura esse debet horum, quæ sanctissimis Ecclesiis profunt, quam ipsius animæ. *Nov. 3. in f. Epilogi.*

Humana natura quodam modo labitur ad delicta. *Nov. 5. c. 2. sub finem.*

Seniorum conversatio, juventutis educa-

ca-

catio perfecta. *d. Nov. 5. c. 3. in fine.*

Maxima in hominibus sunt dona Dei, Sacerdotium & Imperium: illud divinis ministrat, hoc humanis præsidet. *Nov. 6. in princ.*

Pene universa geruntur & competenter, si rei principium fiat decens, & amabile Deo. *Nov. 6. in. f. princ.*

Pudicitia quam maxime mulieres exornat. *Nov. 6. c. 6. in. fine.*

Quid est stabile inter homines, & ita immobile, ut nullam patiatur mutationem? cum omnis noster status sub perpetuo motu consistat. *Nov. 7. c. 2. in. princ.*

Oportet ea, quæ communiter & generaliter in omnium utilitatem sanciantur, potius valere quam ea, quæ circa aliquos studentur agi ad corruptionem communium legum. *Nov. 7. c. 9. §. 1.*

Uno principio illico dato, plura sequuntur. *Nov. 8. in. pr. §. 1.*

Multitudo numerosa nihil habet honestum: quoniam in paucis ex multis, quæ secundum virtutem est, vita salvatur. *Nov. 10. in princ. §. 1. in f.*

Pater, licet legum contemptor & impius sit, tamen pater est. *Nov. 12. c. 2.*

Castitas etiam sola, Deo cum fiducia potis est hominum animas præsentare. *Nov. 14. §. 1.*

Quanto quilibet præest melioribus, tanto major ipse & honestior est. *Nov. 15. in f. princ.*

Et maximorum, & mediocrium & parvulorum nobis cura est: & nihil est tale, quod a nostra sollicitudine removeamus. *Nov. 15. in princ. Epilogi.*

Semper equidem clemens aliquid defini-  
mus: sed quia non hoc cum lege agimus,  
erubescimus. *Nov. 15. in princ.*

Plurimæ necessitates circum assistunt ho-  
minibus. *Nov. 15. c. 7. in medio.*

Nulla maxima cura, per quam semper  
aliquid adjicit Deus sceptris nostris, extra  
nos consistit pro ( subditorum ) sollicitu-  
dine & providentia. *Nov. 18. in f. E-  
pilogi.*

Non erubescimus, si quid melius etiam  
horum, quæ ipsi prius diximus, adinvenia-  
mus, hoc sancire, & competentem prio-  
ribus imponere correctionem, nec ab aliis  
expectare corrigi legem. *Nov. 22. in fin.  
princ.*

Nullus culpabit quare non futurum sci-  
verunt, & hoc quod videbatur quidem &  
tractabatur, omnibus modis crediderunt,  
quod vero nondum factum erat, non for-  
midaverunt. *Nov. 22. c. 1.*

Disponat unusquisque super suis ut di-  
gnum est, & sit lex ejus voluntas. *Nov.  
22. c. 2. in prin.*

Eorumquæ in hominibus subsequuntur,  
quicquid ligatur solubile est. *Nov. 22. c. 3.*

Superveniens servitur non procul a mor-  
te differt. *Nov. 22. c. 9.*

Communicare delicto pessimum omnium  
peccatorum est. *Nov. 22. c. 15.*

Multæ hominibus ad malitiam viæ sunt.  
*Nov. 22. c. 15.*

Mors omnia solvit. *Nov. 22. c. 20.*

Felix & beatum est utrumque contra-  
hentium perdurare in priori conjugio; &  
non precreatam sobolem sequentibus ma-  
tri-



trimoniis forsitan contristare. Nov. 22. cap. 20.

Erubescit lex castigatores filios genitoribus statuere. Nov. 22. c. 24.

Quod ex lege datum est lucrum, privatus auferre modis omnibus non valebit. Nov. 22. c. 33.

Leges etiam in ipsa arma imperium habere volumus. Nov. 25. c. 5. in f.

Quanto ipsum altius in sublime evehimus, si probo se gerat: tanto rursus gravioribus eum percellemus poenis, si quis contra leges deliquerit. Nov. 26. c. 4. sub. fin.

Nihil in pravo magnum existere, cum a nostris dictum est majoribus, tum nos ex ipsius judicavimus probavimusque factis. Nov. 29. c. pen. sub fin.

Concordia nihil unquam inter homines præclarius extitit, & præstantius. Nov. 30. c. 1. in princ.

Depauperatio potius est quam locupletatio, si quis sordidis utendo manibus arbitretur ex eo lucrum facere, quod multifariam postmodum cum impietate & summo probro restituet. Nov. 30. c. 7. in princ.

Iustitia nihil inter homines unquam extitit robustius, aut pulchrius, quodve Deum & Imperatorem placare conciliareque magis possit. Nov. 30. c. 9. sub fin.

Non est inhumanitas, sed potius summa quædam humanitas, cum multi paucorum animadversione salvantur. Nov. 30. cap. 11.

Perperam effuseque posita, si ad comp-

petentem perveniant ordinem, & belle disponantur, aliæ propemodum res apparent, speciosæ pro turpibus, ornatæ pro incultis, articulatæ distinctæque pro incompositis prius & confusis. *Nov. 32. in princ.*

Quod in multitudinem dividitur, onus insensibile propemodum facit eis, qui hoc sustinent. *Nov. 38. in princ.*

Congruens magis est, amplificare rem in paucis corporibus angustatam, quam multitudinem multitudini adjicere. *Nov. 38. c. 6.*

Decursio & varietas humanæ naturæ paulatim egens curatione, non aliter ad bene se habendum revocatur, nisi etiam quod particulariter ei resistit, corrigatur. *Nov. 39. in princ.*

Tempus ferre omnia consuevit. *d. Nov. 39. in princ.*

Nuptiis nihil utilius, tanquam solis facere homines valentibus. *d. Nov. 39. in fin. princ.*

Ea quæ communiter omnibus profunt, iis quæ specialiter quibusdam utilia sunt, præponimus. *Nov. 39. c. 1. in princ.*

Nihil inter homines sic est indubitatum, ut non possit ( licet aliquid sit valde justissimum ), tamen suscipere quandam sollicitam dubitationem. *Nov. 44. c. 1. §. 1.*

Melius est pauca agere caute, quam multis interesse periculose. *Nov. 44. c. 1. §. 3. in fin.*

Conversatio nostra recta sit, & plena orthodoxa fide, omni alia hæresi merito constituta sub odio, *Nov. 45. c. 1. in f.*

Deus

Deus respicit quæ geruntur ab hominibus, & si quid egerint per dolum, aut luctum, aut machinationem, hoc in suis recipient animabus viventes ac morientes.

*Nov. 46. c. 1. in f.*

Veracium solummodo amator est Princeps. *Nov. 58. in præfat.*

Unam esse omnium perfectissimam virtutem arbitrandum est hominibus, quæ jura omnibus distribuit: hæc est ex causa cognominata justitia. *Nov. 60. in pr.*

Nihil est aliud falsitas, nisi veritatis imitatio. *Nov. 78. in princ.*

Nihil est furore amoris vehementius; quem retinere, philosophiæ est perfectæ, monentis etiam, & insipientem atque inhærentem concupiscentiam, refrænantis. *Nov. 74. c. 4. in princ.*

Omne bonum sive a Deo acquiritur hominibus, sive ab Imperio sequente Deum, decet esse mansurum, & omnis malitiæ ac diminutionis extraneum. *Nov. 81. c. 2.*

Multis undique natura novitatibus utitur. *Nov. 84. in princ.*

Multæ sunt homini & anxietates innumeræ, & repentinæ mortes. *Nov. 84. c. 1. in f. princ.*

Omnino oportet non sola delictorum nos contentos esse prohibitione, sed etiam timorem inferre justum transgressoribus. *Nov. 88. c. 1. in medio.*

Diffugiendum quidem quod malum est; inveniendum vero undique quod melius est. *Nov. 89. in præf.*

Oportet semper aliquod inchoare bonum, non ea quæ a quibusdam præ-

existunt, destruere. *Nov. 89. c. 7.*

Non erit decens, ut quæ bene exclusæ sunt, in Rempub. rursus introducantur. *Nov. 89. c. 11. §. 2.*

Necessitas inexcusabilis. *Nov. 91. c. 9.*

Multa quilibet cogitans & considerans inveniet. *Nov. 94. c. 1.*

Quod raro fit (sicut etiam vetus sapientia docet) non observant legislatores, sed quod fit plerumque & respiciunt & mendentur. *Nov. 94. c. 2.*

Quod factum est, infectum manere impossibile est. *Nov. 97. c. 1.*

Per omnia justitiam æquitatemque honorare convenit. *Nov. 97. c. 1.*

Deus est communis omnibus pater. *Nov. 98. c. 2. in f.*

Imperatori & ipsas Deus leges subiecit, legem animatam eum mittens hominibus. *Nov. 105. c. 2. in fin.*

Quod longis ita servatum est temporibus, & tenuit immutabiliter, quomodo non est justum & in aliis omnibus valere, quæ postea erunt? *Nov. 106. c. 1.*

Quid sic proprium est legum, sicut claritas, maxime super defunctorum dispositionibus? *Nov. 107. c. 1. in pr.*

Unam nobis esse in omni nostræ Reip. & Imperii vita, in Deo spem credimus: scientes, quia hæc nobis & animæ, & Imperii dat salutem: unde & leges nostras inde pendere competit, & in eam respicere, & hoc eis principium esse & medium & terminum. *Nov. 109. in præfat.*

Non est justum, æqualibus cum orthodoxis hæreticos dignos fieri privilegiis. *Nov. 109. c. 1.*

Quod

Quod medicamenta morbis, hoc exhibent jura negotiis; unde consequitur, ut nonnunquam a judicio discordet effectus, & quod credebat conjectura prodesse, experimento inveniatur inutile. *Nov. 117. in præf.*

Quod in legum positum est potestate, non egebit aliqua extrinsecus dispositione. *Nov. 113. c. 1.*

Si pro causis corporalibus cogitamus, quanto magis pro animarum salute providentia est nostræ sollicitudinis adhibenda? *Nov. 115. c. 3. sub. fin.*

Considerare debent parentes, quia & ipsi filii fuerint, & eadem a suis parentibus speraverunt: & similiter qui nunc filii sunt, debent studere parentum animos sanare, quia & ipsi parentes fieri desiderant, & a suis filiis optant honorari. *Nov. 115. c. 5. in princ.*

Quis enim ibi delinquit, ubi salutem petat? *Nov. 117. c. 15. in fin.*

In delicto æquali, similes eis imponere pœnas justum esse putamus. *Nov. 127. c. ult.*

Nullum ita magnum subjectorum delictum est, quod non clementia Principis medeatur. *Nov. 129. in præf.*

Primum esse & maximum bonum omnibus hominibus credimus, veræ & immaculatæ Christianorum fidei rectam confessionem. *Nov. 132. in pr.*

Nihil sine via ad quæstionem est imperio (i. e. nihil quidquam est, de quo Princeps non sit sollicitus.) *Nov. 133. in præf.*

Necque enim viros mulierum studia de-

cent, neque rursus virilia mulierum collegiis conveniunt. *Nov. 133. c. 3.*

Multa sunt humana, & nullus potest naturam sic retinere, ut non peccet nihil: hoc enim proprium est solum Dei. *Nov. 133. c. 5.*

Mens frustra (i. e. otio) vacans, nihil bonorum parit. *Nov. 133. c. ult.*

Male adinventæ, malæque consuetudines, neque ex longo tempore, neque ex longa consuetudine confirmantur. *Nov. 134. c. 1.*

Oportet nos humani generis infirmitatem protegere. *Nov. 134. c. 13.*

Unicuique integrum est his, quæ ipsi a lege data & concessa sunt, renuntiare. *Nov. 136. c. 1.*

Nihil in rebus mortalium perinde venerandum est, atque matrimonium: quippe ex quo liberi, omnisque deinceps sobolis series existat, quod regiones atque civitates frequentes reddat: unde denique optimæ Reipubl. coagmentatio fiat. *Nov. 140. in præf.*

Eos qui violento affectu, odioque semel correpti fuerint, perquam est difficile sanare. *Nov. 140. in f. præf.*

Legis interpretationem culmini tantum principali competere, nemini venit in dubium: cum promulgandæ quoque legis auctoritatem fortunæ sibi vindicet eminentia. *Nov. 143. in præfat.*

Nullus misericordiam petens sine actu a facie Principis recedere debet. *Nov. 147. in præfat.*

FINIS.

SERIES



S E R I E S  
DIGESTORUM,  
*E T*  
CODICIS.

1871

DECEMBER

1

1871

## J. G.

## JURIS STUDIOSIS.

**R**EM non novam aggressum me pridem,  
 & nunc repetere, laboremque perexi-  
 guæ utilitatis sumpsisse me sumereque; quis  
 hoc opere cæptoque putet: Ego vero contra  
 contendo, remque hanc uti summæ utilitati  
 deputo, ita novi operis gratiam aliquam  
 mereri pertendo. Utilitatem ejus cum alia  
 commendant, tum istud potissimum, quod  
 cum juris studium usum triplicem potis-  
 simum habeat: de jure inquam publice dis-  
 serere, quæ Recitationum & Disputatio-  
 num materies est: Paratitla juris digerere,  
 qui Tractatum si quando fundus est: de ju-  
 re denique decernere vel respondere, quod  
 Sententiæ, seu Judicia, Consilia, Respon-  
 sa, Decisiones præstant: in his sane omni-  
 bus perspecta semel titulorum series & con-  
 tinentia utramque pene paginam efficit: Quis  
 enim non passim hodie videt, quam multa  
 in Recitationibus desiderentur hujus rei  
 ignorantia: quot Disputantibus remoræ ob-  
 jiciantur, quam multa ibi disfluere, quam  
 inaniter reciprocari oporteat; interea dum  
 mens titulo pervestigando, ejusque sententiæ  
 eliciendæ, intenta, sese bona fide in alia s-  
 mul explicare nequit. Ausim dicere, potis-  
 simam horarum partem his sæpe non sineru-  
 bore absumi. Rursum quis nescit, ad exi-  
 mium illum Paratitlorum usum, non illum  
 dico, quem falso titulo hætenus ementiun-

tur Paratitlon scriptores, verum genuinum illum, quem Justinianus præscripsit, quem Græci exemplo suo firmarunt, quem Leunclavius prodidit, quoties videlicet ex aliis titulis alii replentur, (id enim est παράτιλον) unice conferre titulorum seriem & continentiam in numerato habere? Ausim dicere, potissimam privati studii, vel tractatum partem perire, ni hoc agas, ni hoc scias. Tandem quis nescit, judicantibus, vel de jure Respondentibus, quantum intersit scire cujusque tituli vel minimi continentiam, & sic cujusque materiæ sedem, unde neque vera, neque falsa Oracula sua, si quando usus tulerit, promere possint: ne alioquin indices & sæpe frustra, perrepere: ne aliorum scripta compilare cum propriæ famæ jactura necesse sit? Sane clientum multi hac causa

Inconsulti abeunt, sedemque odere Sibyllæ.

Ausim dicere, hanc potissimam ferme totantium, & flexiloquarum Consultationum causam. Quæ cum ita sint, juris Studiosis auctor esse soleo, ut una cum Institutionibus ante omnia brevem titulorum, qui per Pandectas, & Codicem extant, cognitionem sibi comparasse velint: juxta usui futuram, sive ad privata studia concedant, sive foro sese immergant, ut ferme hodie cruda studia in forum propelluntur, spesque suas multi ambitioni donant.

Id deinceps quamplurimis, ut persuadere possem, visum est, novam hanc seriem concinnare, ad eum modum, ut ne infra, vel supra modum consisteret: Et ad id eo liben-

bentius pertractus sum, quod viderem complurimos titulos nullo satis commodo vinculo hactenus superioribus copulari; imo Triboniani incogitantium, oscitantiam ubique perstringi. Quid enim aliud sit, cum vulgo dicitur, titulum Nautæ, Caupones, itemque titulum de Publicanis, nonnisi sola vocis ambiguitate, & homonymia cum superioribus cohæreere? Quid aliud faciunt hi, qui titulum ad l. Rhodiam de jactu, joculariter titulo de exercitoria actione, velut scapham navi cohæreere scribunt? Quid aliud faciunt, qui actionum species a lib. 9. Digest. & deinceps misere confundunt, unaque specie emensa ad eandem ex intervallo mox redeunt? Vel etiam una actionum divisione proposita, aliam atque aliam subinde comminiscuntur? Liquebit etiam ex hac serie, quam verum sit illud, quod tanto nisu adstruere conabantur, nullos esse in jure titulos generales: Imo quam fædus sit error eorum, qui nullam omnino Ordinis rationem reddi posse putant, atque ideo etiam de nova juris methodo cogitant: cum contra egregie inter se hic cohæreant omnia, & vero ad juris Romani Imperiiq; statum accomodata sint: ut omnino optandum fuerit, spretis aliis omnibus methodis, huic unice adhereri, eoque omnia stygia dirigi. Inter alia jucundum erit & illud videre, quod vulgo hactenus insuper haberi dolendum est, quæ sit trium posteriorum librorum Codicis continentia, quibus alioquin juris publici tractatus continetur. Ex hac ipsa tandem titulorum serie haud contemnendæ observationes quædam desumi possunt. Pri-

mo quidem, si collatio Codicis, & Pandectarum instituat, diversos (nonnullos titulos in his occurrere, pro diversitate videlicet status Imperii, Administrationumque & Officiorum, ac proinde & rerum. Secundo, titulos sæpe alio situ ordineque locatos in Digestis, atque in Codice; sua tamen utrobique ratione. Tertio, specialiores multo titulos in Codice extare, quam in Digestis. Quarto, in Codice plures titulos occurrere, qui perfectam sententiam, jurisque dispositionem continent. Quinto, cum ad Edicti perpetui ordinem ferme utrumque corpus compactum sit, at tamen in Codice magis observatus is. Sexto, ex hac serie apparebit, titulos quosdam pro subjecti ratione suo certoque loco positos, latius tamen sese porrigere, tracto eo adsumptoque vicino affinique tractatu. Septimo, videre est ex hac quoque serie, de eadem materia agi quandoque non uno loco, sed diversis diverso fine. Octavo, notare licet limitaneos, sic ut dicam, titulos quosdam, & velut in confinio positos, seu vicinis utrimque titulis communes, vel uni tantum propiores. Nono, singulares titulos singulare aliquid contra jus commune continentes, modo præmitti, modo subjici liquebit. Tandem occurrunt sui quoque quidam nævi, seu defectus in titulis: Sunt enim, qui quod pollicentur non præstant: contra sunt, qui aliud quid præstant, quam quod pollicentur: & sic Rubrum & Nigrum, ut loquuntur, inter se discrepant. Et hæc quidem postremo loco dicta, repetita hac prælectione monenda putavi: ubi & secretior quædam nunc connexionis ratio aliqui



cubi a me redditur . Tandem quæ paulo  
 prolixius semel in Digestorum serie notata  
 sunt , ea in Codice strictim tantum attigi , ne  
 frustra repetita fastidium parerent . Quæ-  
 cunque hæc sint , iis mactæ estote , & vale-  
 te , juris Studiosi .



## DIGESTORUM.

S E U

P A N D E C T A R U M .

J U R I S P R U D E N T I A

R O M A N A O M N I S ,

*Seu universa Juris Civilis Romani, quod  
Pandectis, seu Digestis continetur, co-  
gnitio, sex partibus absolvitur.*

Pars Prima exhibet F I N E M ultimum,  
aliaque quædam Juris in universum prin-  
cipia.

Secunda O R I G I N E M Juris, Magistratum  
item, & Jurisprudentium Romanorum hi-  
storiam notitiamque edisserit.

Tertia S P E C I E S Juris, causasque adeo  
efficientes ejus proponit.

Quarta S U B J E C T A, & O b j e c t a tria per-  
sequitur.

Quinta V E R B O R U M ad Jus pertinentium  
significationes continentur.

Sexta tandem R E G U L I S quibusdam Ju-  
ris generalibus studiosi animus imbuitur.

# PARS PRIMA DIGESTORUM

E S E P T E M

(QUÆ TA' ΠΡΩΤΑ VOCANTUR)

Constat Libris quatuor prioribus.

*Agitur in ea:*

1. De PRINCIPIIIS Juris: lib. 1. tit. 1.  
2. 3. 4. 5. 6. 7. 8.
2. De PRÆPARATORIIS Judiciorum,  
Eodem libro 1. a tit. 9. ad finem ejus  
libri, & lib. 2. 3.
3. De RESTITUTIONIBUS  $\frac{1}{1}$  lib. 4.
4. Et de RECEPTIS.

## LIBER PRIMUS.

## 1. DE PRINCIPIIS JURIS

*nonnullis.*

## 2. DE MAGISTRATIBUS.

**F**INIS Juris omnis, simul & virtus, quam Juris conditores & professores colunt, est Justitia, de qua, ut & de aliis Juris (i. e. *Æqui bonique*) principiis nonnullis, veluti de ejus divisione, significatione Juris, & Juris arte, scientiaque, quam Jurisconsulti profitentur, agitur *Titulo 1. De justitia & jure.*

2. *Origo Juris ipsius in Republ. Romana, jam inde a Regibus, ejusque processu: 2. ut & Magistratum omnium in eadem Republ., qui jus administrabant, recens: 3. tandem & successio Prudentum (i. e. Jurisconsultorum), qui jura scil. interpretabantur, ut quisque alteri succederet: indicatis quoque eorum sectis (Sabiniorum inquam, & Proculianorum) & quis cuique Sectæ addictus fuerit, retexitur. Titulo 2. De Origine juris & omnium Magistratum, & Successione Prudentum.*

3. *Species, seu partes Juris Romani, atque adeo causæ ejus constituentes, seu efficientes quatuor tantum hic proponuntur, (cum tamen sint & aliæ) puta 1. Leges; quæ expresso videlicet Populi Romani consensu jussq; latæ, non in democratico tantum seu populari statu, verum*

rum etiam aliquandiu adhuc inter initia Monarchiæ Romanæ, ut apparet ex legibus Juliis, Papiis, aliisque nonnullis, quæ tum latæ fuerunt. 2. *Senatusconsulta*, quæ & ipsa de jure privato a Senatu sub Imperatoribus lata, quæque Oratione Principis firmari mos erat. 3. *Longa Consuetudo*, quæ pro jure legeque observari solet, in his quæ non ex scripto descendunt. tit. 3. *de legibus Senatusque consultiis & longa Consuetudine*. 4. *Constitutiones Principum*, seu Imperatorum, verso jam Reipubl. statu, traslataque populi Romani *ei & in eum*, i. e. absolute, & perpetuo jure potestate; nam quod Principi placuit, legis habet vigorem. tit. 4. *De Constitutionibus Principum*.

Et hætenus quidem, quatuor superioribus titulis actum est de principiis nonnullis Juris. Juris, inquam in genere, seu in communi, titul. 1. In specie vero, de principiis Juris 2. civilis seu populi Romani, iisque vel Historicis titul. 2. vel partibus illius Juris efficientibus, seu constitutentibus, de quibus agitur titul. 3. & 4.

4. *Subjècta* nunc *Objèctaque* Juris, circa quæ jus versatur, quoque jus omne collimat, sequuntur: quæ tria, ut in Institutionibus, ita & in his quoque Pandectarum libris ordine pertractantur; Personæ, inquam, Res, & Actiones.

1. *Personarum* differentiæ variæ fuerunt; varioque eæ adeo & diverso Jure per varios Juris articulos, totoque quod deinceps

ps explicabitur, jure, habitæ. Quare divisiones earum speciesque tribus titulis sequentibus nunc proponuntur. Et quidem ex duplici respectu: Primo quidem, ratione status tum naturalis, seu gentium, tum publici: *titulo quinto de statu hominum.*

Hoc respectu sane: 1. alii sunt liberi, alii servi: 2. Ex liberis rursus alii ingenui, alii libertini: 3. Item alii Cives, alii peregrini: 4. Alii juxte, alii injuste nati: 5. Alii sanæ mentis, alii furiosi 6. Alii nati jam, alii nascituri: 7. Mares alii, aliæ foeminæ. &c.

Ratione vero status privati, seu familiæ, (ita enim sequens titulus superiori connectendus est, non ut vulgo fit) alii sunt sui juris, i. e. patres familias, seu familiæ suæ principes, & capita; alii vero alieni, ut servi familiares, filiique familias. *tit. 6. de his qui sui vel alieni juris sunt.* Qui quidem filii familias non juxta modo nuptiis, seu nativitate constituentur, verum etiam legis actione, i. e. Adoptione: uti retro iidem filii. variis modis patria potestate liberantur. *tit. 7. de Adoptionibus & Emancipationibus, & aliis modis, quibus potestas solvitur.*

2. Res quoque, ut in vario discrimine sunt, ac proinde & diverso jure habentur, ita & de earum divisione & qualitate hic agitur. *tit. 8. de Divisione rerum, & qualitate.*

Nempe quod aliæ divini juris sint, extra



era hominum scil. commercium positæ, aliæ vero humani. 2. Item aliæ naturali jure omnibus communes, aliæ publicæ, aliæ Universitatis, aliæ nullius, puta res divini juris, aliæ singulorum; Aliæ corporales, aliæ incorporales, quæ solo jure non corpore aliquo censentur.

3. *Actiones*, (hinc enim jam potissimus *Actionum tractatus* incipit); tertium Juris subjectum sive objectum constituunt: *Actiones*, inquam, si privatos respicias, id est jus persequendi ejus quod cuique debetur: Ad quas quidem actiones diriguntur deinceps sequentes tituli omnes ad finem ferme libri 49., etsi sub his titulis ad quamlibet materiam continentia alia multa occurrant.

Cæterum in actionibus primo loco considerandus venit *Magistratus*, seu *Judex* jus dicturus, seu a quo actionem olim impetrari jussive dici oportuit, coram quo ea institui, a quo demum ea definiri debeat. Hinc adeo sequens tractatus de Magistratibus sub 14. titulis hoc loco positus est.

Porro quæ de *Magistratibus* (quomodo scil. ad Alexandri Severi ferme tempora, hisque proxima, ii fuere: nam sequentium deinceps Imperatorum, quorum potissimum constitutiones in Codicem relatæ sunt, tempestate, alia longe Magistratuum facies seu ratio extitit, ut series Codicis ostendet), hoc libro tractantur, ad quatuor capita referuntur.

1. Primum ostenditur, quodnam *Semi-*  
na:

*narium* ferme Magistratum plerorumque in Reipub. vel Imperio Romano fuerit, seu ex quonam potissimum ordine erant populi namque Romani tres ordines (, Senatorius, Equestris, & Plebejus ) Magistratus plerique sumerentur: nempe ex ordine Senatorio: inde *titulus 9. de Senatoribus*.

Ita enim hic titulus superioribus connectendus venit, ( non ut vulgo ): hoc quippe titulo non agitur de decretis seu de Judiciis Senatus, multo minus de primis Judicibus ordinariis in statu populari, verum de Senatoria dignitate, quænam videlicet ea sit, quibus ea competat, ( uxoribus scil. & liberis quoque Senatorum ), vicissim quibus ea eripiat.

2. Secundo *Genera Magistratum* speciatim proponuntur: erant scil. Magistratus alii Urbani, alii Provinciales: ( de his enim hactenus hic agitur ), nam de Municipali- bus postea demum agetur *lib. 50.*, cum tamen in Codice junctim de his quoque agatur uno eodemque libro, puta *libro primo*.

1. *Urbani* seu *Urbici* Magistratus erant, qui domi, i. e. in ipsa urbe Roma Rempublicam administrabant, jusque dicebant, numero SEX. 1. Et horum quidem alii cum Imperio erant: puta 1. *Consules*, sub Monarchico statu pariter, ac sub populari: quibus tamen, præter voluntariam Jurisdictionem ( puta adoptiones, manumissiones, emancipationes, quæ apud eos celebra-

brabantur, & honorem Fastis nomina dandi, ( i. e. ut annus de eorum nomine designaretur ) hoc ævo sub Imperatoribus pauca admodum relicta fuere. *tit. 10. de Officio Consulis. 2. Præfecti Prætorio*: qui aulicæ disciplinæ primum præpositi erant, & ex Equestri ordine aliquandiu sumebantur, & mox diœceses integras pluresve administravere; sic quidem, ut potestas eorum ad summum post Principem fastigium evecta fuerit, inter alia appellandi ab his jure denegato ( ita enim distinguenda sunt tempora; non vero confuse de Præfectis Prætorio agendum & per saturam ). *tit. 11. de Officio Præfecti Prætorio. 3. Præfectus Urbis*, qui publicæ disciplinæ, quieti & saluti tum Urbicæ, i. e. in ipsa Urbe Roma, tum ad centesimum milliarium usque præerat: ( nam peculiaris hæc ejus diœcesis erat ), cujusque notio erat de omnibus criminibus. *tit. 12. de Officio Præfecti urbi.*

2. Sine imperio erant in Urbe Roma Magistratus nonnulli, & duo quidem hi: puta *Quæstores*, qui quærendæ, ( unde & his nomen inditum, ) servandæ & vicissim erogandæ publicæ pecuniæ præerant, quam & *Quæstorum* nomen officiumque ad alia quoque postea traductum. Nam & *Quæstores* fuere ( qui & *Candidati* Principis dicti ), qui legendis Cæsaris in Senatu Orationibus, libellis & epistolis vacabant. *tit. 13. de Officio Quæstoris. Prætores* item, qui Jurisdictioni tantum Civili præerant, nullo modo vero criminali. *tit. 14. de Officio Prætorum.*

3. *Extra ordinem* jus dicebat in Urbe Roma *Præfectus Vigilum*, qui ex equestri ordine sumebatur, & cum septem cohortibus Civitatis securitati invigilabat, qua diurnæ, qua nocturnæ, ab incendiis & effracturis. *tit. 15. de Officio Præfecti Vigilum*. Et hæc quidem de Urbanis Magistratibus.

2. *Provinciales* Magistratus sunt qui foris (i. e. in Provinciis Imperii Romani) Rempublicam administrabant cum imperio, jusque dicebant: Erant autem hi, 1. *Proconsules*; qui quidem sortiebantur & administrabant olim cum plenissima potestate & imperio Provincias Senatus populi que Romani, & in his jura reddebant. (Notandum enim, Augustum, Principesque his proximos arcano politico Provincias curandas inter se & Senatum divisisse.) Qui & ipsi Proconsules, propter diffusam administrationem, *Legatos* suos, seu adjugas & adjutores quosdam habuere, quibus videlicet suam, si quando vellent, mandarent Jurisdictionem. *tit. 16. de officio Proconsulis & Legati*. At in Cæsaris Provinciis, ac nominatim in Provincia Ægypti, *Præfectus Augustalis* erat (ab Augusto Imperatore ita dictus) qui ex Equitibus olim sumebatur. *tit. 17. de Officio Præfecti Augustalis*. In cæteris vero Provinciis, erant olim qui *Præsides*, seu *Legati Cæsaris* dicebantur. *tit. 18. de Officio Præsidis*.

Verum hæc quidem ita olim observata distinctaque: hoc quippe Juriconsultorum, e quibus Pandectæ conflatae sunt, tempore,

re, quo jam omnes Provinciæ in Cæsaris potestate erant, inter Proconsules & Præfides, id tantum ferme discriminis reliquit, quod illorum dignitas major erat, majusque fastigium, horum vero minus.

*Fiscalibus* speciatim causis in Provinciis, inter fiscum & privatos jus dicturus, præerat *Procurator Cæsaris*, qui & *Rationalis* dicebatur. tit. 19. de *Officio Procuratoris Cæsaris & Rationalis*.

In Urbe denique Alexandrina (quæ erat velut altera Roma) & instar Præfecti Urbis Romæ, erat peculiaris quidam Magistratus, qui *Juridicus* dicebatur, quemque unum Judicem Alexandrini habebant. tit. 20. de *Officio Juridici*; qui quidem titulus, ut dixi, peculiaris est Juridico Alexandriæ, (unde & *Alexandriæ* vox nominatim addita in titulo Codicis): neque enim ulli alii hoc ævo *Juridici* fuere.

Et hæc quidem de Magistratibus in specie, seu de generibus Magistratuum, qui Jurisconsultorum tempestate fuerunt. Nunc communia omnibus Magistratibus duo subiiciuntur, circa formam juris dicendi ab his.

3. *Tertio* igitur observandum hoc loco, (qui & ipsi Edicti perpetui ordo erat,) Magistratus qua Urbanos, qua Provinciales, jus dixisse, non per se tantum, verum etiam *per alios*, quibus videlicet ipsi jurisdictionem suam, jure videlicet Magistratus sibi competentem, non vero specialiter Lege sibi delatam (quam utique mandare non poterant), mandassent. tit. 21. de *Officio ejus, cui mandata est Jurisdictio*.

4. Quar-

4. *Quarto* notandum, Magistratus non solos ferme jus dixisse, verum *Adseffores* insuper suos, seu Consiliarios quosdam habuisse, qui juris peritiam ipsis suggererent: sive quia ipsi ferme Magistratus arma magis, quam jura plerumque nossent; sive quia adiutoribus nonnullis potestas omnis eget, quorum consilio regatur. *tit. 22. de Officio Adsefforum.*

## EX LIB. II.

### 1. DE MODO JURISDICTIONIS.

#### 2. *de* IN JUS VOCANDO.

5. **Q**uinto circa Magistratus, *Modus* seu *Formula Jurisdictionis* attendenda venit, Magistratui videlicet cuique competentis, ab his exerendæ exercendæque, seu Magistratus de causis notio.

Ita enim hujus libri initium superiori cohæret, & quidem juxta ordinem *Edicti perpetui*, (ubi post tractatum de Magistratibus municipalibus, eorumque potestate & officio, ea statim subjieciabantur, quæ ad modum & formulam Jurisdictionis pertinebant), non ut aliter vulgo.

Spectandum scilicet jus imploratorio, seu acturo, quænam Jurisdictionis species cuique Magistratui competat, & in quosnam Jurisdictionem habeat: uti ipsi Magistratui attendendum, quomodo recte riteque, pro dignitate sua, eam exercere possit.

Ca-



Cavendum utique illud inter cætera Magistratui, i. e. ut ne sibi aut suis, nemajori aut æquali, ne extra territorium, ne supra Jurisdictionem suam, nisi partium consensu jus dicat. *tit. 1. de Jurisdictione*: uti retro cavendum, ne quod jurisdictionis perpetuæ causa propositum est in Albo Prætoris, ab aliquo corrumpatur, de quo hoc eodem titulo seu loco agitur, pariter ut in Edicto perpetuo, nempe quia in Albo Prætoris jurisdictionis perpetuæ formula continebatur. Secundo cavendum illud Magistratui, uti æquabiliter omnibus jus dicat, non vero *jus novum* (i. e. iniquum), dolo statuat: eodem alioquin ipse jure, pariter cum eo qui impetravit, (quæ altera hujus Edicti pars est), adversario aliquando postulante, usurus. *tit. 2. Quod quisque Juris in alterum statuerit, ut eodem ipse utatur.*

Tertio, quod auctoritatem vimque Magistratus attinet, pœnali Judicio Magistratus quilibet jurisdictionem vimque suam & auctoritatem tueri potest, imo debet. *tit. 3. Si quis jus dicenti non obtemperaverit.* Et hæc de Magistratibus: quæ prima visio est in Actionibus & Judiciis.

II. IN JUS VOCATIO (i. e. adversarii juris experiundi gratia, ad eum qui Jurisdictioni præest, citatio) munita Magistratus Jurisdictione, secundum est in actionibus caput, seu momentum, præliique adeo velut forensis jam signum, & initium omnium actionum instituendarum §. ult. *Inst. de pœna temere litigantium*: qui quidem etiam Tractatus Personas litigatorum respici-

respicit. Hac vero parte, hæc generalis regula tenenda est, *in jus vocatum quemcumque* (sub eodem Romano videlicet Imperio constitutum) *ad eum qui jurisdictioni præest venire debuisse*, vel hoc ipsum sciatur, num Jurisdictio ejus esset, Hinc adeo lex illa 12. tab. *Si in jus vocat, atque* (i. e. statim incunctanter) *eat. tit. 4. de in jus vocando.*

Cujus quidem regulæ tum ampliaciones, tum exceptiones quædam subjiciuntur. In genere quidem præmittitur *tit. 3. Si quis in jus vocatus non jerit, sive quis eum vocaverit, quem ex edicto non debuerit.* Speciales vero exceptiones sequentes septem proponuntur, quibus & singulis ferme tituli destinati sunt, quibus scil. in jus vocatus a vadimonio deserto excusatur.

*Primo* in jus eundi necessitate in jus vocatus liberatur, si vocatus sit, qui vocari non debuit, i. e. qui jure non potuit, veluti sine permisso Prætoris parens & patronus, &c. *d. tit. 4. sup.;* imo & *Rubrica d. tit. 5.* (nam in nigro seu in ipsis legibus sub eo titulo positus nihil tale hodie continetur.)

*Secundo* in jus vocatus ab in jus eundi necessitate liberatur, si idonee satisfaciat, seu caveat: quo pertinent quatuor tituli sequentes: Idonee, i. e. si de cautione fidejussoria agatur, si idoneis & locupletibus fidejussoribus, seu vadibus datis, non quibuscunque, (nisi qui in jus vocatus est ex necessariis personis sit, ibi enim qualiscunque fidejussor accipiendus est, veluti pro parente & patrono.) Quod etiam lege

12. tabularum cautum fuerat: *tit. 6. In jus vocati, ut eant, aut satis vel cautum dent.* Caveri scilicet hoc casu oportet, non etiam vi reum eximi, alioquin vi eximens pœnali judicio quanti ea res esset, de qua ageretur, tenebatur. *tit. 7. Ne quis eum qui in jus vocabitur, vi eximat.*

Porro *Forma* cautionis judicio vel potius in jure sisti non unius generis erat; verum quadruplex, pro diversitate scilicet reorum seu personarum. Alii quippe satisfacere tenebantur fidejussoribus datis, puta ceteri omnes præter sequentes: Alii jurato tantum promittebant, ut Personæ Clarissimæ. 3. Alii nudæ suæ *promissioni* committebantur (puta rerum immobilium possessores, & Respublicæ. Quæ quidem personarum & cautionum diversitas obtinet & in aliis cautionibus, & stipulationibus Prætoriiis. *l. 1. §. 3. ff. de ripa munienda*) *tit. 8. Qui satisfacere cogantur, vel jurato promittant, vel suæ promissioni committantur.*

4. Ad formam quoque seu diversitatem cautionis, seu satisfactionis, pertinet illud, quod si servi nomine noxalis actio (de qua alioquin agitur *lib. 9.*) ab aliquo intentaretur, dominus servum defendens, tum in eadem causa, in qua tunc erat, donec judicium acciperetur, judicio sisti promittere tenebatur: In eadem causa *sisti*: i. e. sic ut ne jus actoris ad experiendum deterius interea fiat. *tit. 9. Si ex noxali causa agatur, quemadmodum caveatur.*

3. Tertio. Imo & post cautionem quoque

que quandoque excusatur Reus quadante-  
nus, puta si sine dolo ejus, per tertium  
aliquem, ejusque dolo factum fuerit, quo-  
minus Judicio sistatur; tum enim actori  
in factum actio competit, quanti ejus in-  
terfuit reum sissi; & eo demum solvendo  
non existente, in ipsum reum actio resti-  
tuitur, ne propter dolum alienum reus  
lucrum faciat, & actor damno afficiatur.  
*tit. 10. de eo per quem factum erit, quo-  
minus quis in Judicio sistat.*

4. Excusatur vocatus in jus, si ex son-  
tica causa, veluti morbo, aliave qua si-  
mili, in Judicio se non steterit, seu va-  
dimonium deseruerit. *tit. 11. Si quis cau-  
tionibus in judicio sistendi causa facti, non  
obtemperaverit.*

5. Item si eum in diem tempusque vo-  
catus sit, quo in foro Justitiam est (ve-  
luti si feriatus dies sit) item si messis,  
vindemiæque tempore, quibus fora fiebant,  
ut & die pridie Kal. Januarii, quo die  
vota pro Principis salute fiebant, vel si di-  
lationem quis impetraverit. Neque enim  
alio fine hic positus est. *tit. 12. de feriis,  
dilationibus, & diversis temporibus.*

Ubi verbo illa *& diversis temporibus*,  
non sunt accipienda de temporibus dil-  
tionum, quod aliis visum est, quique adeo  
putant, hunc titulum quod pollicetur  
non præstare, verum pro diversis tempo-  
ribus, præter ferias

Et hætenus quidem quinque Exceptio-  
nes. Sequuntur nunc duæ aliæ, quæ in  
Edicto perpetuo ipsum titulum *de in jus  
vocando* præcedebant, tanquam in jus vo-  
ca-

cationem vel eundi necessitatem præcedentes: nempe titulus *de edendo*, & *de Pactis*.

6. Sexto igitur excusabatur Reus, si Actor actionem ei prius non *edidisset*, i. e. si actor non demonstrasset reo, siue in albo Prætoris siue *Libello*, quam actione experiri vellet. *tit. 5. de Edendo*. In jus vocaturus scil. alium, vel qui adversario necessitatem in jus eundi imponere vellet, prius, vel simul actionem edere debebat, ut sciret reus, atque apud se decernere posset, utrum cedere an contendere ultra deberet: & si contendendum putaret, veniret instructus, alioquin nihil agebat actor reum in jus vocando: qua causa ipsa & in Edicto perpetuo, & in Codice titulus hic *de Edendo* præmittitur titulo *de in jus vocando*. Cæterum edendæ actionis occasione, hoc ipso titulo agitur & de editione Instrumentorum litis, ut & de edendis rationibus ab argentario his, ad quos eæ pertinent.

Tandem a vadimonio deserto excusatur Reus, si interea de re vel negotio litigatores inter se *pacti* fuerint, vel *transegerint*, quod honoraria ferme amici opera intercedente, ubi bellum quodammodo indictum est, fieri solet: Equis enim de pœna laboret, post transactum negotium? Quo pertinebat etiam Lex XII. tab. post alias de in jus vocando, *rem uti pacunt, orato; ni ita pacunt, in comitio*, &c. Atque hoc respectu, seu hac in occasione, subjiciuntur hic duo isti tituli, (ut etiam ostendit *lex 2. in pr. si quis cautionibus*):

194 DIGEST. PARS I. LIB. II.  
et si latius sese alioquin illi porrigant, pu-  
ta tit. 14. de Pactis, & titulus ult. de  
Transactionibus.

EX LIB. III.

DE CAUSÆ CONJECTIONE, seu de  
LITIS CONTESTATIONE.

Ubi agitur de Personis,  
quæ liti prosequendæ  
interveniant.

III. **C**ausæ coniectio, seu litis apud  
Magistratum contestatio ad Judi-  
cium accipiendum, tertium momentum est  
in actionibus: quando videlicet post fun-  
datam Magistratus Jurisdictionem, postq;  
rei in jus vocationem, partibus jam co-  
minus pro tribunali constitutis, Prætor  
cognitionem suam & audientiam præbere  
incipit. Nam & ita lex XII. tab. *Nisi ita  
pacunt in comitio aut in foro, ante meri-  
diem causam concito, cum perorant ambo  
præsentes, &c.* Et quisq; pro se quod a  
Magistratu desiderat, postulat. De quo hoc  
libro agitur, servato in hoc quoque Edi-  
cti perpetui ordine. Hac vero parte spe-  
ctanda sunt duo, 1. Personæ liti subsisten-  
tes; 2. Deinde Causæ controversiæq; ade-  
undi Prætoris, seu quarum causa Prætor  
adibatur.

Primo de Personis. Ad litem igitur con-  
testandam, atq; ad negotium tractandum,  
litemque prosequendam, pro tribunali va-  
riæ personæ interveniunt, ut Postulatores,  
qui si pro aliis postulent *Advocati* dicun-  
tur,



tur, de quibus est *tit. 1. de Postulando*: (*postulare* enim est desiderium suum, vel amici sui, in jure exponere, vel alterius desiderio contradicere.) Porro non omnibus, vel non semper postulare, vel Advocatis quibusq; esse licebat, imo tres ordines Edicto suo Prætor complexus fuerat, eorum quibus postulare vel omnino non liceret, vel non promiscue: de quibus in genere *dicto titulo*. Quo sane quoq; numero sunt infames. Neque enim infames ad vocationis munere pro omnibus fungi possunt: Qua quidem occasione seu respectu inferitur, ut in Edicto perpetuo, ita & hic quoque *tit.* (qui sese alioquin latius porrigit), *2. de his qui notantur infamia*. Quo titulo ostenditur, ex quibus causis infamia irrogetur, quomodo etiam titulus in Codice concipitur.

2. Præter Advocatos sunt & aliæ personæ, quæ liti peragendæ supersunt & accedunt: Puta *Procuratores* & *defensores*; Illi Actorum, isti Reorum, de quibus hoc loco ordineq; agitur, (pariter ut in Edicto) *tit. 3. de Procuratoribus* & *defensoribus*.

Qui quidem titulus, etsi ad quoscunque Procuratores negotiorum pertineat, proprie tamen ad *Litium* procuratores spectat: Sic quidem, ut eo inter alia agatur de compellendo procuratore, qui in se litem suscepit, judicium accipere, & retro, de mutandis quandoque Procuratoris causis: tandem de Procuratore dato ab actore ad actionem exercendam, cogendo ad eundem defendendum viri boni arbitrato.

Neque tantum hujusmodi privatorum procuratores existunt, ut defensores; verum etiam *Universitatum* (i. e. Societatum, Collegiorum & Corporum) (sui Procuratores quidem existunt: qui quidem *Actores* & *Syndici* vocantur, qui scil. Universitatum nomine actiones movent, seu exercent, easdemq; defendunt; qui quidem vel a lege designantur, vel lege deficiente a duabus, ut minimum, partibus ordinis seu corporis constituti sunt. tit. 4. *Quod cujusque Universitatis nomine vel contra eam agatur.*

Et hi quidem omnes ex mandato alienas Actiones exercent. Alii quippe sunt *voluntarii*, qui sine mandato, seu ultro, alienis sese negotiis litibusque offerunt, & interveniunt, eaque exercent, vel excipiunt, qui *negotiorum gestores* dicuntur; de quibus tit. 5. *de negotiis gestis.*

Qui & ipse titulus, pariter ut titulus *de Procuratoribus*, etsi ad quorumcumque negotiorum, etiam extra Judicium, gestores pertineat, attamen hoc loco propter lites positus est.

Ab his autem omnibus, sive pro se agentibus, postulantis, sive pro alio intervenientibus, *Calumnia* abesse debet, alioquin is, qui ut calumniæ causa negotium faceret, vel non faceret, pecuniam accepisse probatur, peculiari actione in factum tenetur: intra annum in quadruplum ejus pecuniæ quam accepit; post annum in simplum. Et hæc quidem *tituli ultimi de Calumniatoribus* tum ordinis ratio, ad exemplum quoque Edicti perpetui, tum sensus est.

Ha-

Hactenus Præparatoria Judiciorum: nunc  
de causis & actionibus.

## EX LIB. IV.

*De Causis & Litibus, ex quibus Magi-  
stratus aditur; ac primum* 1. de RESTI-  
TUTIONIBUS: 2. de RECEPTIS.

1 **C**ausæ, seu lites, resque & contro-  
versæ ipsæ, earumque differentiæ,  
ex quibus, vel ob quas Prætor aditur, in  
actionibus quarto loco spectandæ sunt.

Causæ igitur resque, seu Controversiæ  
sunt vel Civiles, vel pœnales, seu crimi-  
nales. Civiles intentantur triplici fine apud  
Prætorem, puta ut vel 1. *Restituat* amis-  
sam actionem, ac proinde & rem: 2. ut  
*Recepta*, officio seu Ministerio quodam  
publico præstato, restitui jubeat: 3. ut  
novum nunc primum *Judicium* constituat.

1. Prima causa resque civilis, ob quam  
Prætor aditur, est *in integrum Restitutio*  
(i. e. redintegrandæ rei, vel causæ actio,  
auctore Paulo.)

Cujus proinde tractatus, ut in Edicto  
perpetuo, ita & hic quoque, hoc ordine,  
hac ratione positus est, non ea, quam red-  
dunt alii, occasione *tituli de postulando*,  
quo infamia notati, nec in integrum resti-  
tuti, postulare pro omnibus prohibentur,  
quod & longe nimis petatum, & ad aliud  
restitutionis genus pertinet.

Cæterum de in integrum restitutioni-  
bus agitur primum generaliter, indicatis  
etiam causis earum. *tit. 1. de in integrum*

*restitutionibus*; qui & ipse titulus generalis in Edicto perpetuo erat. Mox singulæ restitutionum causæ, & sex quidem speciatim pertractantur, ) ex quibus vel lapsis, vel circumscriptis subvenitur, ex causis videlicet extrinsecis vel intrinsecis ) i. e. *Metus*; nam quod metus causa i. e. instantis vel futuri periculi timore, non quocunque, sed majoris malignitatis, qui merito & in hominem constantissimum cadat): gestum est, id ratum non habet Prætor. *tit. 12. Quod metus causa gestum erit. 2. Dolus malus*, si inquam cui alius obfuit calliditate quadam, seu fallacia & machinatione, alterum decipiendi, circumveniendi, fallendi causa. Cæterum actio hæc quia famosa est, tantum datur si de his rebus alia actio non sit. *tit. 3. de dolo malo. 3. Etatis ipsius lapsi lubricum*, ) i. e. si quis infirmitate lapsus sit minor 25. annis ) *tit. 4. de Minoribus 25. annis. 4. Capitis diminutio*; capitis enim seu status sui diminutionem minimam passus si quis esset, (i. e. si quis post contractum a se habitum emancipatus fuisset, vel vice versa cum sui juris esset contractus tempore, postea adrogatus fuisset), stricto olim jure actiones, quæ ei & adversus eum competeabant, extinguiebantur, veluti jam alia novaque persona constituta: verum e Prætoris ei & in eum actio restituebatur, perinde ac si id factum non fuisset. *tit. 5. de Capite minutis.*

Qui titulus ut in Edicto, ita & hic ea ratione quam dixi, positus est: quo titulo tamen de capitis diminutione in universum agitur.

5. *Majores quoque 25. annis*, quandoque ex quibusdam causis restituuntur, veluti propter justam absentiam: item propter casus adversos. *tit. 6. ex quibus causis majores 25. annis in integrum restituuntur.*

6. *Alienatio tandem judicii mutandi causa facta.* Nam si quis rem, vel possessionem alienando dolo modo molestum adversarium pro se adversario suo objecerit, alienatio hæc justa in integrum restitutionis causa est. Sic quidem, ut quamlibet extincta actione, (per hanc videlicet alienationem ejus respectu, qui alienavit) idem nihilominus actione in factum adversario teneatur, quanti scilicet ejus interest, alium adversarium ei non oppositum fuisse. Hinc hoc loco, sicut in Edicto, positus est *tit. 7. de alienatione judicii mutandi causa facta.*

II. Secunda causa, ob quam Prætoris cognitio, non vero actio, postulatur, est *Receptum*: ut id scilicet præstari jubeat: Ita enim hic titulus superioribus cohæret, ut in Edicto perpetuo, ita & hic quoque, non (quod alii volunt) quasi a judicio ad extra judicium transeat, seu a Magistratibus ad Judices, & primum quidem ad compromissarios. *Receptum* est, cum quis ne privata benevolentia (ut Procuratores, negotiorum gestores, Mandatarii, Depositarii, id genus alii, verum officii, vel Ministerii alicujus publici genere, fideque publica, quid in se, fidemque suam recipit. Hoc vero casu Prætor receptam rem præstari reddique jubet: cujusmodi recepti generaliter accepti, (unde titulus quoque generalis *de receptis*, duobus po-

stremis hujus libri titulis communis), duæ species hic proponuntur. 1. Prior est, cum quis ex *compromisso* partium (quod ad similitudinem Judiciorum redigitur) arbitrium in se, *officii* cujusdam *publici* genere, semel recepit. Qua ex re etiam quandoque Iudex aditur, nempe ut arbiter suscepto officio perfungi, i. e. sententiam dicere si detrectet, a Prætore cogatur: pariter ut altero *Edicto* litigatores arbitri sententiæ stare jubentur. *tit. 8. de Receptis qui arbitrium receperunt, ut sententiam dicant.*

2. Secunda Recepti, cujus causa Magistratus aditur, species est, cum *Nautæ, Caupones, Stabularii*, publico quodam Ministerii genere fungentes, quid cujusque salvum fore citra contractum vel stipulationem ullam recipiunt, quod utique fit, etsi res eis assignatæ sive consignatæ non sint, verum eo ipso quod in navim, cauponam, stabulum admissæ sunt: (quod singulare admodum est); quo casu nisi receptum illi restituant, etsi sine culpa eorum res pereant, in eos peculiare Judicium datur. *tit. ult. Nautæ, Caupones, Stabularii, ut recepta restituant.*

Atque ita recte hic titulus superiori, ut in *Edicto* perpetuo, ita & hic quoque cohæret, non vero a Triboniano (quod quidam calumniantur) alieno, aut deserto loco infartus ex sola homonymia, eaque insigni & rustica (ut hoc jam traducunt nonnulli), vocis *Recepti*, sic ut receptum arbitrium non nisi ridicule conferatur cum recepto *Nautæ, Cauponis, Stabularii*.

Quo-



Quorum & hic lapsus est, quod veterem *receptitiam actionem*, his duobus Recepti speciebus connumerant, cui actio de pecunia constituta successit, quia receptum istud ex privato tantum officio & gratia, privatoque contractu descendit.



# PARS SECUNDA DIGESTORUM,

QUÆ DE JUDICIIS INSCRIPTA

Constat libris Septem : puta *lib. 5.*  
*6. 7. 8. 9. 10. 11.*

*Agitur in ea*

1. De JUDICIIS ordinandis, *lib. 5.*
2. De JUDICIIS, seu ACTIONIBUS & contro-  
versis, in quibus agitur de vindican-  
do DOMINIO rei alicujus, *lib. 6. 7. 8.*
3. Ob DAMNUM datum, *lib. 9.*
4. De ACTIONIBUS Ex REI ipsius NATU-  
RA descendantibus, *lib. 10.*
5. Ex nudo FACTO aliquo, *lib. 11.*

EX LIB. V.

1. DE JUDICIO ORDINANDO, seu  
CONSTITUENDO.
2. ET DE ACTIONIBUS, quibus agitur  
de vindicando DOMINIO  
rei universalis.

III. **T**ertia & potissima frequentis-  
simaque causa, ob quam cog-  
nitio Prætoris ab Actore postulatur, est,  
ut in verba litis jus componat : id est,  
ut *Judicium* nunc primum ordinet, seu  
constituat, actionem Judicemque peda-  
neum de negotio cogniturum dando, vel  
cogni-

cognitionem sibi met, prout ferme ipsi videbitur, vindicando. Qua parte duo occurrunt. 1. Primo quidem Judicium ipsum, & processus judiciarius. *Judicium* lata significatione hic accipitur, etiam pro cognitione Prætoris, non modo pro notione Judicium pedaneorum: *Judicium* est legitima quæcumque controversiæ apud Judicem quemcunque tractatio & adjudicatio, *tit. de Judiciis*, & ubi quisque agere vel conveniri debeat.

Et sic quidem hic titulus superioribus apte cohæret, ut in *Edicto* perpetuo, ita & hic quoque, non quasi a Judicibus compromissariis ad Judices ordinarios hic transferatur, quod quibusdam videtur. Quo quidem singulari titulo agitur de processu Judicario omni, in quo potissimum tractatur de Foro Judiceque competente. Qui Judices dare darive possunt: De Legitima persona standi in Judicio: de ordine Judiciorum: De officio Judicis, & cæteris ad processum pertinentibus. Tractatione personarum sive rerum, sive actionum: Quem titulum inter alios Juris Studiosis commendare maxime soleo, ut ita paulatim foro sese immergant: quique in Codice in varios titulos & singulares discerptus est.

2. His ita præmissis, nunc de ipsismet litibus, controversiis, & exinde Actionibus, seu Judiciis. *Lites* igitur resque, seu controversiæ, & notiones civiles, ob quas Judicium constituitur, vel Judex addicitur, varii admodum generis sunt, seu descendunt eæ non ex contractu semper, sed ex actu aliquo, gestione, de quibus

tribus *v. l. 19. de V. S.*, ex variis causarum figuris, & *obligationibus*, ex quibus alter alteri ad aliquid tenetur, etsi non ex contractu, seu crediti semper causa, *l. 1. in pr. de obligationibus. l. omnem 20. de Judiciis*. De his igitur singulis speciatim deinceps agitur, quæ scilicet cujusque natura visque sit, ad librum 44. usque inclusive. Mox generatim seu *complexive* postea de obligationibus, imo & de Actionibus in genere agetur *lib. 44. tit. ult. & lib. 45. 46.* Et initio quidem tenendum, alias actiones petitorias esse, alias possessorias: de primis ad librum usque 41., de postremis, tribus libris 41. 42. 43. De petitoriis primum.

I. Primum igitur actionum civilium, seu controversiarum genus est, in quibus agitur de *Dominio* rei alicujus, seu quæ in id intenduntur, ut dominium alicujus rei *petatur*, vindiceturque: dominium inquam proprietatis. Dominium porro est, vel rei alicujus universalis, vel singularis.

*Universalis rei dominium* voco, quod in jure aliquo universali consistit, qualis est hæreditas: est enim successio in universum jus & dominium quod defunctus habuit, cujusque nomine hæreditatis petitio competit. I. Et *specialis* quidem eo nomine actio, seu qualificata, ut vocant, causamque petendæ hæreditatis singularem habens, vel præparatoria ad hæreditatis petitionem, ut alii volunt, liberis & parentibus competit, frustra, seu immerito, & non ex officio pietatis exhæredatis vel præteritis, (quamdoque etiam his necessaria)

ria ) puta querela seu accusatio inofficiosi, seu petitio hæreditatis ex causa inofficiosi. *tit. 2. de inofficioso testamento* : qui hoc loco ea qua dixi ratione, ut in *Edicto* perpetuo, ita & hic positus est.

2. Generaliter alicui & in universum aliis ex causis ad hæreditatem avocandam, vindicandamque, quæ hæredi, vel ex testamento, vel ab intestato competit, hæreditatis petitio datur. *tit. 3. de Hæreditatis petitione*. Et quidem sub tribus ampliationibus. Nempe enim hæreditatis petitio datur, & cum hæreditatis tantum pars, non etiam assis, id est tota hæreditas petitur, de quo *tit. 4. Si pars hæreditis petatur*.

2. Est & hæreditatis petitio, quæ datur ei, qui etsi non jure civili, verum Prætorio tantum hæres est : neque enim hæredi tantum hæreditatis petitio datur, sed & bonorum possessori, qui similis est hæredi. *tit. 5. de possessoria hæreditatis petitione* 3. Postremum hæreditatis petitio datur & ei, cui non directo jure hæres est, verum obliquo & indirecto ; nam ei, cui restituta est ex fideicommissio hæreditas ex *Scro Trebelliano*, hæc actio, seu hæreditatis petitio competit, quia & hic hæredi comparatur. *tit. ult. de Fideicommissaria hæreditatis petitione*.

## EX LIB. VI.

DE DOMINIO REI SINGULARIS  
*Corporalis.*

2. **S**ingularis rei Dominium ejusque nomine actio petitoria sequitur, servato Edicti perpetui ordine. Singulare dominium est singularis sive corporis, sive juris alicujus dominium: quo nomine quæ actiones competunt, tribus libris explicantur, hoc inquam libro 6., & duobus promixis 7. & 8. Hujusmodi autem res sunt vel corporales, vel incorporales, i.e. *Corporaliū rerū vindicatio* competit rerum dominis, vel iis, qui vice Dominorum sunt; & sic tribus hominum generibus. Primo quidem veris Dominis, & proprietariis, seu ob dominium vere & proprie dictum, quæ actio proprie *Rei Vindicatio* dicitur. *tit. I. de rei vindicatione*: qui titulus hoc nexu hic pariter ut in Edicto perpetuo, positus est.

Secundo, fictitiis quoque Dominis, quique proprietariis similes sunt, & jus dominio simile habent, veluti *bonæ fidei possessoribus*, competit hæc rei vindicatio: his quippe, si rei a se bona fide possessæ nondum a se usucaptæ, possessionem casu aliquo amiserint, peculiaris fictitiaque quædam actio ad eam vindicandam, haud aliter atque si usucapissent, a Præatore accommodatur, quæ *Publiciana* in rem, a Publicio videlicet Præatore ita dicta fuit. *tit. 2. de Publiciana in rem actione*; qui titulus



lus in Edicto pariter hoc situ positus erat.

Tertio, *Emphyteutis* quoque ( qui & ipsi fictitii Domini sunt, verosque Dominos imitantur ) rei vindicatio, seu actio vectigalis, vel de fundo vectigali competit. *Emphyteutis* inquam, id est iis, qui agros plerumque steriles, & jejunos ac squallidos, verum a se deinceps meliores cultioresque cultura reddendos, ( unde *Emphyteuticorum* agrorum nomen, a propagatione & melioratione ), in perpetuum, vel ad tempus non modicum, sub vectigalis, i. e. pensionis cujusdam præstatione, a veris Dominis sive privatis, sive Rebuspublicis & Civitatibus, vel etiam a Principe conductos habent. His scilicet quoque ad agrum *emphyteuticum*, cujus possessionem amiserunt, vindicandum, rei vindicatio competit: Nam etsi *Emphyteuta* revera fundi *emphyteutici* dominus non sit, universa tamen rei utilitas ad ipsum spectat. *tit. ult. Si ager vectigalis, i. e. Emphyteuticarius petatur*: qui ideo hic positus est, pariter ut in Edicto perpetuo.

## EX LIB. VII.

De DOMINIO REI SINGULARIS  
*incorporalis: ac nominatim de USU-  
 FRUCTU, & affinibus ejus.*

2. **I**ncorporalium rerum singularium vindicatio est, qua res singulares in jure, jurisve intellectu consistentes, & quidem a corporis ipsius, in quo jus consistit,

fistit, non domino vindicatur: puta *servitutes*. Servitutes autem sunt vel personales, vel reales.

1. *Personales servitutes* dicuntur, cum res aliqua aliena, veluti fundus, aut servus alienus alteri personæ, ejusque utilitati servit. Ejus vero generis servitutes sunt hæ quatuor. Ususfructus, Operæ servorum, Usus, & Habitatio: De quibus sigillatim prius.

1. *Ususfructus* est jus utendi fruendi integro jure, & sic plenissima servitutis personalis species, rebus alienis, salva rei substantia: de quo sunt sex tituli priores hujus libri. Primo agitur *de modo constituendi* ususfructus, deque jure fructuarii, & intra quem *modum* is uti frui debeat. *tit. 1. de Usufructu, & quemadmodum quis utatur fruatur*. Secundo titulo ostenditur, jure *accrescendi* sæpe usufructuarii jus augeri: altero scilicet, cui idem ususfructus conjunctim legatus fuerat, non concurrente; unde fit ut alter partem ejus retineat, & ob non concursum usumfructum totum, neque diminutum habeat; quod jus accrescendi dicitur: (cui accrescendi juri & in aliis multis juris articulis locus est). *tit. 2. de Usufructu accrescendo*. Tertius titulus est *de Tempore*, seu die ususfructus cedentis, i. e. a quo tempore ususfructus alicui constitutus relictusve deberi incipiat: & sic moriente post id fructuario ususfructus ad hæredes ejus transmittatur; nempe ususfructus semel ab adita hæreditate & statim acquiritur, si pure legatus sit. *tit. 3. Quando dies ususfructus cedat*.

Ha-

Haëtenus de Usufructu acquirendo. Vicissim amittitur is quoque certis modis, de quibus agitur *tit. 4. Quibus modis usufructus amittatur*: Et in his quidem rei ipsius, in qua usufructus consistit interitu: nisi usufructus sit earum rerum, quæ usu consumuntur: tum enim remedio cautionis ex S. C. usufructus rei absumendæ per usum mox absumptæ sustinetur. *tit. 5. de Usufructu earum rerum, quæ usu consumuntur, vel minuuntur.*

Actio tandem usufructus nomine, vel est *confessoria*, qua quis scilicet usufructum sibi in re aliena deberi intendit: vel *negatoria*, qua Dominus rei negat, rei suæ usufructum alii deberi. *tit. 6. Si usufructus petatur, vel ad alium pertinere negetur.*

2. Operæ quoque *Servorum*, speciem quamdam servitutis personalis, imo & usufructus quodammodo obtinent; nam usufructus servorum in operis consistit. *tit. 7. de operis servorum.*

3. *Usus* item circa fructum, i. e. usus ad necessitatem tantum, & ad esse, non ad bene esse. 4., ut & *Habitatio*. *tit. 8. de usu & habitatione.*

Omnibus autem his servitutum speciebus commune est, ut is, cui constitutæ sunt caveat, sese usurum fruiturum boni viri arbitrati: finitoque jure suo possessione cessurum, eamque Domino restitutum. *titulo ultimo, Usufructuarius quemadmodum caveat.* Haëtenus de Servitutibus personalibus.

## EX LIB. VIII.

De SERVITUTIBUS PRÆ-  
DIORUM.

2. **P** *Rædiorum*, seu reales *Servitutes*, (quæ propriæ & absolute *servitutes* dicuntur, de quibus in Edicto perpetuo pariter hoc fitu actum fuit), sunt qualitates & jura quædam, quibus res alterius rei alienæ, puta, prædium prædio servit, de quibus post personales (pariter ut in materia Legatorum *lib. 3.*), in genere agitur. *tit. 1. de Servitutibus.*

Sicut autem prædia vel urbana, vel rustica, quæ quidem ipsa non tam loco seu fitu, quam qualitate & genere usus invicem distinguuntur, ita servitutes quoque, aliæ sunt prædiorum urbanorum: *tit. de Servitutibus prædiorum urbanorum*: Aliæ vero rusticorum: *tit. 3. de Servitutibus prædiorum rusticorum*. Quæ licet ita distinguantur, communia tamen pleraque inter se habent: *tit. 4. Communia prædiorum tam urbanorum, quam rusticorum*. Certe eodem modo vindicantur, confessoria vel negatoria actione. *tit. 5. Si servitus vindicetur, vel ad alium pertinere negetur*. Et utraque certis modis amittitur, veluti confusione (acquisito altero prædio, sive dominante, sive serviente): item non utendo, seu usucapione libertatis, & cessione. *tit. ult. quemadmodum servitutes amittuntur.*

## EX LIB. IX.

## De actionibus OB DAMNUM DATUM.

II. **S**ecundum causarum actionum, seu controversiarum litiumque civilium genus & quidem petitoriarum, est, *damni alicujus in corpus aliquod nostrum dati nomine*, & ad id farciendum comparata.

Ita enim hic liber superiori servato & hic, ut & proximo Edicti perpetui ordine, optime connectitur, non affinitate quadam cum rei vindicationibus, inter alia, quod dominis solis, & adversus dominos hæ actiones dentur; quod Cujacio quoque visum fuit.

*Damnum* porro hoc in quadruplici differentia est; 1. vel enim *damnum* sine injuria ulla facientis datur, puta a *Quadrupede* (quod *damni* genus proprie *Pauperies* dicitur). Ejus actionis, quæ eo nomine competit, vis hæc est, ut aut noxa a Domino farciatur (i. e. æstimatio *damni* offeratur seu præstetur), vel certe animal ipsum quod noxam, *damnumve* dedit, ei cui nocitum est, in noxam dedatur. *tit. 1. Si quadrupes pauperiem fecisse dicatur.* 2. Vel *damnum* injuria a libero homine datur, alieno videlicet servo, vel quadrupede, cæterisque rebus, (quod *damnum injuria* dicitur, vindicaturque lege *Aquila*) *tit. 2. ad legem Aquiliam.* 3. Cui similis est, & ad superiorem accommodata specialis quædam actio legis *Aquilæ* in duplum, adversus eos, e quorum ædibus, ubi

ha-

habitant, eum in locum, qua vulgo iter fit, vel in quo constituitur (puta statione vel græce *στάσις*) quid in liberum hominem effusum, vel dejectum fuerit, etsi ipsi non dejecerint, vel effuderint. *tit. 3. de his qui effuderint, vel dejecerint*. Et ita quidem hic titulus hic positus est: Cum in Edicto perpetuo cohæsisse videatur iis titulis, qui lib. II. continentur, *de servo corrupto, & de aleatoribus*. 4. Denique a Servo damnum datur: quam in rem sunt prodictæ actiones *noxales*: quæ ita dicuntur a *noxa*, i. e. damno, maleficioque fervorum; quarum actionum hæc pariter vis est, ut liceat domino deditione ipsius corporis quod deliquerit, id est servi, liti æstimationem evitare. *tit. ult. de Noxalibus actionibus*: qui quidem titulus non est generalis omnibus noxalibus actionibus (generaliter scilicet acceptis), quæ ob damnum datum competunt, quod Cuiacius hic voluit, verum specialis de noxa a servo data.

### EX LIB. X.

*De Actionibus, quæ ex REI IPSIUS NATURA, seu naturæ factō, oriuntur.*

III. **T**ertium genus controversiarum, seu actionum civilium descendit ex *Rei ipsius natura*, seu *naturæ ipsius factō*: quæ scilicet inter aliquos, citra contractum ullum, vel delictum damnumve, actionem aliquam inducit.

Hæc enim est huiuscæ materiæ connectio,



xio, ut in Edicto perpetuo, ita & hoc libro simul & ejus complexio, continentia: Nam quod ajunt, multas actiones, i. e. tam in personam, quam in rem directas hoc libro contineri, id neque omnino verum est, cum actio ad exhibendum non sit talis, ac proinde connexionis ratio illa consistere non possit, verum mere personalis, licet in rem scripta. *l. 3. §. 3. ad Exhib.*

Hujus vero generis sunt tria sequentia

1. *Vicinia*. Inter confines scilicet prædiorum rusticorum, vicinia ipsa actionem finium regundorum producit, ad agrorum scilicet fines, olim varietate successionum, vel irruptione fluminis, vel aliter confusos, *regundos*, determinandos, amota veteri obscuritate. *tit. 1. Finium regundorum*.

2. *Communio*, quæ est societas involuntaria, in quam nonnulli incidunt, non vero contractus, vel tractatu habito (*v. l. 32. ff. pro socio*) vel affectione societatis consentiunt, seu eos conjungit ad societatem non consensus, sed res. *l. 25. §. 16. 17. fam. ercisc. Re ipsa & negotio. d. l. 32. pro socio*.

Quæ communionis ratio duas actiones seu duo judicia divisoria producit. 1. Actionem *Familiæ Eriscundæ*. Datur ea actio inter cohæredes, volentes a communione discedere, ad res hæreditarias dividendas; (nam *familiæ* appellatione veniunt res hæreditariæ: & *erciscere*, veteri verbo est dividere. *tit. 2. Familiæ eriscundæ*); 2. Item producit communio actionem *communi dividundo*. Hæc, superiori similis datur

datur inter alios quam socios, inter quos scilicet res aliunde communis est; quam & dilerte Gajus l. 2. hoc tit. hanc actionem quoque tribuit contracta societate, veluti in re pariter emenda. tit. 3. *Communi dividundo*. 3. Postremo hujus generis est sola *exhibenda*, seu repræsentandæ rei alicujus, quæ petitur, ratio, seu *interesse*; quia scilicet rem aliquam vindicaturis nobis, & propter rei vindicationem maxime, & ut experiundi sit copia, interest rem aliquam nobis *exhiberi*, i. e. ejus potestatem fieri, eamque repræsentari: & sic hæc actio, ut ex ipsius rei natura descendit, ita & præparatoria ferme est rei vindicationis, & ad *exhibendum* dicitur. tit. ult. ad *exhibendum*.

## E X L I B. XI.

*De actionibus ex NUDO HOMINIS FACTO aliquo nascentibus, citra contractum ullum, damnumve in corpus datum.*

IX. **Q**uartum genus actionum, seu causarum & controversiarum civilium est, quod nascitur ex *Facto* aliquo, non Naturæ, verum nudo hominis facto: rursus non ex contractu ullo, vel ob damnum in corpus datum.

Ita enim hæc materies in Edicto perpetuo, & hic liber integer superioribus & proxime sequenti, cohæret: cujus etiam tituli omnes certa lege invicem optime colligati sunt; quod nemo quod sciam ad-

adhuc vidit. Neque enim placere debet Cujacii sententia, quasi liber hic *supplementum* sit totius hujus partis secundæ Digestorum: atque adeo hujus libri *tituli* 1. 3. 4. 5. *supplementum* sint libri *noni* tit. 2., & 6. libri decimi: tit. 7. & 8. libri texti.

Factum autem hujusmodi nudum est vel legitimum, vel illegitimum: Rursum, factum istud nudum est vel religiosum, vel irreligiosum.

1. *Legitimi* facti nudi, & judicialis quidem, actionem producentis, duæ tantum species hoc libro tractantur. ( Nam & tertia quædam, & primo quidem loco in Edicto perpetuo posita fuerat, puta de Judice litem suam faciente ). Prima est *Interrogatio in jure facta*. Nam si actor in jure ante judicium quandocunque acceptum, intentionis suæ formandæ instruendæque causa, aliquem interrogaverit: *An ne is fieret auctor, & qua ex parte* ( id est an & quatenus sit ille, a quo actor jus suum consequi possit ); v. g. Si quis ignarus utrum talis, vel talis sit, eum interrogaverit, utrum hujus, vel illius ( forte debitoris ) hæres sit, & qua ex parte: item, si noxali actione acturus servi nomine alium interrogaverit, utrum hic ejus servus sit, isque interrogatus responderit, ( quod omnino tenetur ): ex hac jam interrogatione & responso, nascitur actio ( quasi adversus obligatum ex contractu ), *quæ Interrogatoria actio* dicitur. Et sic hæc interrogatio instruendi judicii causa, non litis decidendæ, fiebat. *tit. 1. de Interrogatio-*

*gationibus in Jure faciendis, & interrogatoriis actionibus.*

Altera specialis facti legitimi nudi judicialis est, actionis cum aliis communis ab uno intentatio : Nempe si lis pluribus communis apud Judicem aliquem a quibusdam agi cœperit, ne contentia causæ dividatur, neve varie judicetur, apud eundem Judicem ab aliis quoque agi, aliosve conveniri oportet. *tit. 21. de quibus rebus ad eundem Judicem eatur.*

2. Illegitimi facti, sine damno corporali, species hæc quatuor, quarum nomine actio vel competit, vel denegatur, notentur. 1. Si *corrupti* servi alieni mores (nam de damno in corpus ejus dato actum fuit supra *lib. 9.*) fuerint, eo nomine in eum qui corrumpit quanti ea res est, in duplum judicium datur. *tit. 3. de servo corrupto.* 2. Si *fugitivus* servus receptus, seu celatus fuerit. *tit. 4. de Fugitivis.* 3. Si *aleatoribus* domum quis suam ad ludendum præbuerit, etsi lusor non fuerit, isque verberatus, damnumve ei datum fuerit, sive quid eo tempore de domo ejus subtractum est, susceptori isti actio eo nomine denegatur: contra, si ludendi causa vis facta fuerit, in eum qui vim intulerit, animadvertitur. Denique & ejus quod in alea lusum est, sæpe repetitio datur. *tit. 5. de Aleatoribus.* 4. Facti nudi illegitimi actionem producentis postremo species est, si *falsus modus a Mensore renunciatus* dolo malo fuerit: a Mensore inquam, qui inter aliquos adhibitus fuit, cum de finibus forte inter eos contentio esset, vel cum

emptor scire vellet vel venditor, cuiusmodi ager veniret, vel propter iudicium, vel cuius alterius rei ergo. Hoc scilicet casu in Mensorem actio in factum datur. *tit. 6. Si Mensor falsum modum dixerit.*

Qui quidem titulus eadem ratione hoc situ in Edicto perpetuo positus erat.

3. *Religiosum* factum nudum, sine damno corporali, ut & retro *irreligiosum*, circa funerum & sepulchrorum scilicet religionem, obligationem & actionem civilem quandoque inducit, seu tribuit, tum ei, a quo factum quid circa id fuit: tum adversus eum, qui quid fecit: rursus quia vel ipse quid fecit, vel alium quid facere prohibuit. Et ita quidem hic tractatus superioribus cohæret, pariter ut in Edicto. Quia, inquam, quid ipse fecit: puta, 1. quia *mortuum intulit in locum*, quo jus non erat: nam is eo nomine in factum actione tenetur. 2. Quia *sumptus* in funus alienum erogavit seu fecit, & sic cum defuncto quasi contraxit; quo nomine specialis actio *funeraria* ei ex æquo & bono, & quidem privilegiata, competit. Rursus, quia alium quid circa religionem funerum & sepulchrorum agere prohibuit: velut ne funus duceret. *tit. 7. de Religiosis & sumptibus funerum, & ut funus ducere liceat*: 2. ne mortuus inferretur quo jus erat: 3. ne *sepulchrum* ædificaret. Adversus hos omnes quippe in factum actio eo nomine datur. *tit. ult. de mortuo inferendo, & sepulchro ædificando.*

PARS TERTIA.  
 DIGESTORUM,  
 QUÆ DE REBUS INDIGITATUR.

Constans libris 8., puta *lib. 12. 13. 14. 15. 16. 17. 18. 19.*

DE REBUS CREDITIS.

EX LIB. XII.

De CERTI PETITIONE CERTÆ

ÆSTIMATIONIS.

v. **Q**uintum genus controversiarum, seu actionum, vel Judiciorum civilium, est de REBUS CREDITIS: seu quæ competunt *crediti* nomine, & ob negotium aliquod gestum, vel obligationem contractam, quod & factum quoddam est. *l. consiliis 7. §. ult. ff. de curatore fur. : i. e. tractatus inter contrahentes: qualis eleganter describitur l. 8. vers. quod sic. de rescindenda vend.*

Qui quidem tractatus hic instituitur ad exemplum ordinemque Edicti perpetui, & hoc quidem nexu, non quo nonnulli, qui hic novam Judiciorum & actionum divisionem incipiunt: vel ut alii, qui e vindicationibus ad contractus hic transfiri ajunt.

Est



Est autem *creditum*, quoties fidem alienam secuti, alicui rei adsentimur: *Rerum* vero creditum, eo quod res aliqua intervenit necessario ad constitutionem contractus, seu ad obligationem actionemque constituendam. Atque istud est hujus partis Tertiæ totius argumentum, & sic generalis hic titulus, quod nonnulli perperam negabant.

Rebus porro creditis, vel certum quid nominatim formula actionis comprehenditur, seu petitur, vel incertum.

1. *Certum petitur*, cum apparet quid, quantum sit quod petitur, seu cum res, vel quantitas, qua de agitur, certa, pondere, numero vel mensura expressis formula seu actione *condicitur*, (id est designatur). Unde & eædem certi petitiones *Condições* dicuntur: Nam hoc sibi vult *conditio*. Et his quidem actionibus Judex reum in id præcise quod petitur, vel condemnandum, vel absolvendum habet: & hic actio si *certum petatur*, & *conditio* eadem sunt: hæc suo nomine designatur, illa de primis Edicti verbis.

Certum autem istud rursus habet vel certam æstimationem, vel incertam.

1. *Certa æstimationis* res certa petitur, cum non res ipsa tantum certa est, seu petitur designaturque, verum & æstimatio ejus quoque certa est. Quod in tribus negotiis, & obligationibus, quæ Re contrahuntur evenit. Primo quidem in *Mutuo*, seu in pecunia numerata credita, mutuo-ve data; est enim pecuniæ publicæ solennisque æstimatio, unaque & eadem pote-

flas. tit. 1. de rebus creditis, si certum petatur, & de condictione: cujus tituli proinde (qui tribus appellationibus constat) sententia, ex superioribus jam ita clara esse potest, de quo alioquin tumultuantur Interpretes: Nempe, ut breviter id complectar. 1. *Rerum creditarum* appellationis generalis est. 2. Crediti vero species est ea, ex qua certum petitur. 3. Quæ eadem & *condictio* una voce dicitur, seu certi condictio. 2. Item certa, non tantum res, sed & æstimatio est rei debitæ ex *Jurejurando* decisorio; quo etiam genere quasi contrahitur. (l. 5. §. 2. ff. de *peculio*). tit. 2. de *Jurejurando* sive *voluntario*, sive *necessario*, sive *Judiciali*.

Ita enim hic titulus superiori de rebus creditis, ut in edicto perpetuo, & hic quoque apte cohæret: non vero quod quidam tradunt, quasi jusjurandum frequentius detur de pecuniis creditis.

Ac nominatim certa est æstimatio, si in *litem juratum* fuerit, quia jusjurandum istud in litem nihil aliud est, quam litis seu rei in Judicium deductæ, seu interesse, ab actore facta, per jusjurandum a Judice delatum, æstimatio. tit. 3. de *in litem jurando*.

3. Denique certa æstimatio est *Promutui*, quod est instar mutui: cum videlicet pecunia aliqua alteri data, promissave fuit, non mutui quidem contrahendi animo, verum data promissave sine causa, apud alium residet, quæ condictio, seu repetitioni locum facit.

De quibus conductionibus post titulum  
de

*de rebus creditis & de Jurejurando* in Edicto perpetuo pariter actum fuit, ut hic. Hujusmodi porro conditionum quinque genera hoc libro pertractantur: Vel enim datum quid fuit, promissumve ex causa, vel sine causa.

1. *Ex causa* rursus, vel *futura*, vel quasi præsente: *Futura*, i. e. ob rem vel finem aliquem, eumque vel honestum, vel turpem. Si ob finem *honestum* res aliqua data promissave fuerit, veluti ut Romam eas, causaque secuta non fuerit (i. e. Romam tu non jëris, ejus repetitio omnimodo competat, quæ conditio dicitur *causa dati*, *causa non secuta*. tit. 4. *de causa dati*) nam ita reponendum, non *causa data causa non secuta*. 2. Si vero ob *turpem* causam datum promissumve quid fuerit, non omnimodo, i. e. non semper conditio competit: nam si dantis vel promittentis turpitudine aliqua ea in re versetur, res condici non potest. 3. Cui similis est quoque conditio *ob injustam causam*: si videlicet quid detur ex stipulatione per vim extorta, & sic ex principio dandi injusto. tit. 5. *de conditione ob turpem vel injustam causam*.

2. *Quasi ex præsente causa*, seu quasi existente, cum tamen revera nulla causa existeret, si quis quid per errorem promiserit, dederitve, conditio ei pariter competit, quæ *indebiti conditio* dicitur. tit. 6. *de Conditione indebiti*.

Postremo conditio competit, si *sine causa* ulla res data vel promissa fuerit, vel rediit ad non justam causam. tit. ult.

*de condictione sine causa* : cujus tituli lex  
 2. speciem aliquam præbet. Et sic (ut superiora summam colligam) conditio competit dati promissive : 1. Sive quia ex principio injusto quid datum promissumve fuit, veluti *vi*, vel *ob turpem causam*. tit. 5. 2. Sive quia ab initio causa nulla existerat, & sic per errorem. tit. 6. 3. Sive quia ex causa, verum quæ secuta non est. tit. 7. 4. Sive quia ex causa, quæ finita est, rediitque ad non causam. tit. ult. Ex his autem causis quandoque incerti etiam conditionem competere docent. l. 22. ff. de cond. indeb. l. 3. de condit. sine causa.

*Et hætenus quidem de certi petitione tertæ æstimationis.*

## EX LIB. XIII.

1. DE CERTI PETITIONE INCERTÆ æstimationis.
2. DE MIXTA ACTIONE, modo certæ, modo incertæ æstimationis.
3. DE INCERTI petitione, & contractibus UNIUS PRINCIPALITER utilitatem continentibus.

2. **I**ncertæ variæque æstimationis certi petitio est, quoties res quidem libello certa petitur, condicatur, seu designatur, varia tamen admodum incertaque rei petitæ æstimatio est, ac proinde lis a Judice æstimanda venit. Incerta, inquam æstimatio : idque variis ex causis ; 1. sive ratione interesse alicujus : 2. sive ratione legis, obligationem inducentis : 3. sive ratio-

DE CERT. PETIT. INDERT. ÆSTIM. 223  
tione *materiae* subjectæ. 4. tandem ratione  
*loci*. Et sic quatuor hujus generis incertæ  
æstimationis conditiones sunt.

De quibus in Edicto perpetuo hoc ipso  
situ, ordineque actum fuit.

1. *Condictio furtiva* prima in hoc gene-  
re est: nam cum ea conditio domino,  
singulari furum odio, ad rei furtivæ per-  
secutionem, contra jus commune (quo  
conditio alioquin domino non datur), de-  
tur, in eamq; actionem veniat res, quam-  
libet mortua apud furem, & sic ejus æsti-  
matio: item id quod interest agentis, ac  
proinde in ea in litem juretur; apparet  
utique, rem aliquam, etsi certam (veluti  
servum furtivum), incertæ tamen adhuc  
æstimationis ea condicione peti. *tit. 1.  
de Conditione furtiva.*

2. Item *ex lege conditio* incertam æsti-  
mationem continet. Ex lege conditio est,  
quoties Lex novam aliquam obligationem  
inducit, neque tamen satis actionis genus  
determinat, seu nominatim exprimit: tum  
quippe indefinite *ex lege conditio* datur.  
Ea vero incertæ & variæ æstimationis est,  
quia & obligatio varia & incerta est.  
Exemplum hujus rei ponebat Cujacius  
in condicione ex lege Julia, & ex lege  
Cincia. *tit. 2. de Condition. ex lege.*

3. Hujus generis est etiam *Conditio  
Triticaria*: nam cum alia atque alia cæ-  
terarum, præter pecuniam numeratam,  
specierum (quarum nomine hæc actio sive  
conditio competit) æstimatio sit, ad æsti-  
mationem utique res necessario deducitur.  
Atque hæc est illa conditio, quæ *Triti-*

*caria*, non *triticiaria* dicitur, a tritico videlicet, specierum ut potissima, seu insigniore, & necessaria maxime, ita & omnium maxime incertæ æstimationis, & revera arbitraria, quia æstimat in ea Judex rem arbitrio suo, habita ratione utilitatis temporis & loci. *tit. 3. de Condiotione triticaria.*

4. Denique actio seu condictio *Ejus quod certo loco* ex stipulatione, vel testamento dari (veluti Ephesi) debuit, proxime superiori *de condiotione triticaria* optime cohærens, utpote cum in ea æstimatio rei petitæ pro loci quoque ratione fiat, incertam æstimationem continet, & arbitraria est: Nam cum commemoratio ejus loci, quo dari res debuit, item loci quo dari petitur, in libello fiat, magna autem loci utilitas sit, quia varia sunt rerum per singulas Civitates pretia, & pecunia quoque alibi locorum facilius & levioribus usuris invenitur, alibi vero difficilius & gravioribus, arbitrio utique Judicis, qui huic actioni addictus est, hoc omne æstimandum venit, tum in gratiam rei, si is alio loco conveniatur, quam quo eum conveniri ejus interest: & retro in gratiam Actoris: si ejus intersit alio loco rem accipere; nam hæc actio utriusque utilitatem continet. i. e. alterutrius. Inde igitur condictio, seu actio hæc arbitraria diserte dicitur: de qua est *tit. 4. de eo quod certo loco dari oportet.*

II. Mixtum quoddam actionis genus nunc sequitur, quo modo certum petitur, modo incertum: certum rursus *modo certo*,  
*ta,*



*tæ, modo incertæ æstimationis, puta actio de pecunia constituta, seu constitutoria, id est de pecunia citra stipulationem, pro se vel alio jam obligato, promissa in diem locumve plerumque certum: Nam in constitutum veniunt & aliæ species præter pecuniam numeratam, quæ omnes tamen pecuniæ appellatione hic veniunt. Et hæc est sententia tit. 5. de Pecunia constituta.*

Quique adeo superioribus ita recte cohæret, uti pariter cohæsit in Edicto perpetuo, non vero quasi hic titulus eodem pertineat, quo superior, nempe quod eo quoque peti possit alio die locove, id quod alio dari debuerat, verum medio loco inter certi petitiones (sive certæ sive incertæ æstimationis eæ sint) & incerti petitiones, quia eadem actione modo certum petitur (idque modo certæ æstimationis, modo incertæ), modo incertum.

III. *Incerti tandem petitio est, cum res libello petitur ex obligatione aliqua seu contractu aliquo, incerta generali & vaga formula; puta, quia ita formula concepta est: Quidquid te mihi ex hac vel illa causa dare oportet ex fide bona &c. unde & bonæ fidei Judiciis nomen inditum.*

De quibus hoc ipso loco in Edicto actum fuit.

Porro contractus isti, ex quibus incertum petitur, sunt quinque generum, & varias ideo quoq; præstationes recipiunt. Nam inconnexionis ratio hic reddi potest. Quamquam & hæc non displicet; scil. peti *Incertum* vel ex obligationibus, quæ re contrahuntur; res, puta quatuor, *Commo-*  
dato,

dato, Pignore, ( de quibus duobus titulis postremis hujus libri 12. ): *Gesto alieno & Deposito* ( de quibus *lib.* 14. 15. 16. ) 2. vel ex obligationibus, quæ *consensu* contrahuntur. *lib.* 17. 18. 19.

1. Prima species horum contractuum, ex quibus incertum petitur, & quidem ex obligationibus, complectitur *Commodatum* & *Pignus*, in quibus etiam *unius principaliter e contrahentibus* negotium geri utilitasque verti videtur: *Commodatum* scilicet cum res utenda gratis cum modo, si-ve ad certum usum datur: si-ve certo loco aut tempore datur; quod plerumq; solam commodatarii utilitatem continet. *l. 5. §. 2. ff. commodati*: cujus etiam nomine duplex actio proponitur: Directa domino, rei suæ recuperandæ gratia; contraria vero ei, qui commodato accepit, variis ex causis. *tit. 6. Commodati vel contra. 2. Pignus* ( cujus utilitas in usum irrepsit ) Quod quidem etsi dicatur utriusque gratia dari, & debitoris, quo magis pecunia ei credatur: & creditoris, quo magis in tuto sit creditum. *l. 3. §. 2. ff. commodati. §. ult. inst. quib. mod. re contr. obl.* & in summam, ut dicitur eleganter a Papiniano, pignus proponitur ( supponitur, opponitur ) propter contractus fidem, ac restituendæ rei vinculum; & pignus debitor distrahere potest, ut ad suum commodum perveniat. *l. 6. ff. de distract. pign.* attamen creditoris potissimum utilitatem continet. Ejus porro nomine pariter duæ actiones competunt: una directa, quæ datur debitori adversus creditorem ad pignus re-

recuperandum, soluto debito: Contraria, creditori adversus debitorem, ad impensas forte in rem pignoratam factas recuperandas. Quæ actiones proprie *Pignoratitia* dicuntur (nam de hypothecaria, quæ adversus tertium possessorem competit, agitur proprie libro 20.) *tit. ult. de Pignoratitia actione, vel contra.*

## EX LIB. XIV.

*De Actionibus, & Incerti petitionibus, quæ ex ALIENO GESTO dantur, vel non.*

2. **S**ecunda contractuum, seu obligationum Re species, ex quibus incertum petitur, est eorum, in quibus *alterius alicujus quam contrahentis* negotium geritur quæriturq; adeo, quatenus seu in quantum alter teneatur, & retro is actionem habeat ex alterius gesto, ut quinque casibus sequentibus; de quibus hoc eodem loco ordineque actum fuit in Edicto.

1. *Exercitoris* (i. e. ejus, qui navem exercet.) negotium geritur a Magistro navis (i. e. ab eo, qui navi præpositus est). Nam si ab isto negotium aliquod gestum fuerit, ejus rei nomine cui impositus est, in ipsum Exercitorem, (i. e. dominum) actio eo nomine in solidum transfertur, quæ ab exercitore, *exercitoria* dicitur. *tit. 1. de Exercitoria actione.*

2. *Vectorum* quoque (id est eorum, qui eadem navi vehuntur.) a vectore vel Magistro navis, negotium quodammodo geritur (quodam quasi contractus cum alio

initi genere. ) Ei quippe, qui se mari incerto una cum aliis vectoribus credidit ( ut loquitur Rutilius, inter alios ) maritimaque tempestate oborta, inclementis fortunæ cohibendæ, cum ventis decedit ( ut ad rem loquitur Juvenalis *Satyra* 14. sicut Seneca dixit. 4. *Nat.* 6. cum grandine pacisci ), jactu mercium suarum in mare facto, in vectores alios actio datur, ad agnoscendam scil. jacturæ partem, ut ita quod pro omnibus datum est, omnium contributione sarcitur. Quod quidem Legis Rhodiæ de re nautica caput inter alia fuit : Rhodiæ inquam, i. e. Rhodiensium, quorum, utpote qui & Maris aliquando imperium tenere, nauticæq; rei disciplina excellabant, Leges quædam a Romanis quanquam victoribus receptæ fuerunt. Et hæc est sententia simul & connexio ( de qua hætenus anxie laboratur ) cum superioribus *tit. 2. de Lege Rhodia de jactu* .

Non vero quasi hic titulus ceu scapha superiori subjectus fuerit. In Edicto sane Prætoris de hac lege Rhodia de jactu actum videmus junctum cum titulo de locato, uti colligo ex ordine librorum Pauli ad Edictum, ac nominatim ex ejus *l. 2. de L. Rhodia de jactu* .

3. *Negotiatoris* item alicujus negotium geritur ex alieno gestu, puta ab *Institore* ejus ( i. e. ab eo, qui præpositus est negotiationi alienæ ) contrahente ejus rei gratia, cui præpositus est; sic ut ex negotio *Institoris* ei & in eum actio in solidum competat, quæ *Institoria* vocatur a perso-

na ministrante, ut exercitoria a domino.  
*tit. 3. de Exercitoria actione.*

4. *Domini quoque & Patris negotium* quandoque geritur, resque vertitur, ex filiorum, servorum, liberorumque hominum ab his possessorum contractu, & sic vi potestatis. De quo eodem ordine loquere actum fuit in Edicto. Hac vero parte distinguendum venit; Vel enim filii servive scientibus Parentibus & Dominis, vel nescientibus contrahunt, vel denique expresse jubentibus. 1. Si *scientibus* iis filii servive in merce peculiari negotientur, ejusq; rei causa quid cum his contractum fuerit, Parentibus autem vel Dominis a filiis vel servis aliquid quoque debeatur, quicquid in merce peculiari est, inter illos & creditores pro rata portione *tribui* (i. e. dividi) debet: divisione tamen ipsa domino concessa, vel si divisio inique facta fuerit, reformari: unde *Tributoria* actioni nomen inditum a tribuendo. *titul. 4. de Tributoria actione.*

2. *Nescientibus* Patribus vel Dominis. si quod cum his qui in eorum potestate sunt, negotium gestum erit, actio regulariter non datur. *tit. 5. Quod cum eo qui in aliena potestate est, negotium gestum esse dicitur.* Ac nominatim ex causa mutui contracti, patre incio, filius familias neque patrem, neque se, ne post mortem quidem patris ullo modo obligat. Et hæc est sententia S. C. Macedoniani. *tit. ult. de S. C. Macedoniano.*

## EX LIB. XV.

APPENDIX LIBRI SUPERIORIS  
XIV.

**S**uperior regula de nescientibus Dominis vel Parentibus, ut in eos actio regulariter non detur ex contractu filiorum & servorum, duas patitur exceptiones, & eas tamen non in totum, sed in tantum. 1. Si *Peculium* ii habeant: ad finem quippe peculii Pater, & Dominus tenentur actione de Peculio, ex justa præsumptione *tit. 1. de Peculio*. Et hæc ipsa tamen actio non semper perpetua est, verum annua tantum, extincto videlicet Peculio. *titul. 2. Quando de peculio actio annalis est*. Secunda exceptio est, si in *rem* Patris vel Domini *versum* quid fuerit: nam quatenus in *rem* Patri Dominive *versum* est, hæc quoque actio in eos æquitate suadente competit. *tit. 3. de in rem verso*. 3. *Jubentibus* denique Dominis vel Patribus, si filii servive contraxerint, in solidum jam Patrem vel Dominum ii obligant. *tit. ult. quod jussu*. Et ita quidem hi tres tituli superiori libro subjiciuntur, pariter ut in Edicto eodem situ: at non & ordine, nam in Edicto hi tituli hujus libri paulo aliter positi videntur.



## EX LIB. XVI.

I. APPENDIX altera libri 14.

II. De CONTRACTU, seu obligatione

EX RE: ubi UNIUS tantum e con-  
trahentibus utilitas vertitur.

**D**Ebitori certe cujuscunque negotium Mulier inutiliter gerit, apud creditorem ejus intercedendo; mulieres enim frustra pro aliis sese obligant. Quæ Sententia est Senatusconsulti Vellejani. tit. 1. ad S. C. Vellejanum.

Qui ita superioribus apte cohæret, pariter ut in Edicto cohæsit.

Judiciali quoque aliquo quasi contractu. negotium alterius quandoque geritur, ut ecce, si cum tibi obligatus essem, litem mecum tu contestatus fueris (atque ita judicio quasi contraxeris. leg. 3. §. idem scribit 11. ff. de peculio) rem meam omnino certo casu gesseris: Nam si tu vicissim obligatus mihi ex alia causa sis, adquires mihi exceptionem compensationis: Ac maxime negotium meum hac parte gesseris; si naturaliter tantum mihi fueris obligatus: nam quod natura debetur, etsi peti non possit, venit tamen in compensationem. tit. 2. de compensationibus.

Atque ita hic titulus superioribus recte cohæret, ut etiam cohæsit in Edicto perpetuo.

3. Tertia species contractuum & ultima quidem obligationum ex re, ex quibus incertum formula seu actione petitur, est

est eorum, in quibus *Unius tantum e contrahentibus negotium geritur* : veluti in *deposito* : Dat enim depositarius beneficium in suscipienda re ; cum depositum sit conventio gratis servandæ seu custodiendæ rei alienæ. *tit. ult. Depositi vel contra*. Et ita quoque hic titulus in Edicto positus erat.

## EX LIB. XVII.

### I. De MANDATO 2. & de SOCIETATE.

**S**equuntur actiones, seu petitiones incerti, quæ enascuntur ex obligationibus ex *SENSU*, puta *Mandato*, *Societate*, *Emptione*, *Venditione*, *Locato*, *Conducto*, & similibus. Sic enim hic ordo quoque reddi potest : modo meminerimus, agi de incerti petitionibus. Et primo quidem loco occurrit 4. *Mixtus* quidam contractus, ex quo incertum petitur, puta *Mandatum*, i. e. conventio, qua roganti fides datur gratis procurandæ alicujus rei. Fit enim *Mandatum* modo unius tantum contrahentium, modo utriusque, modo tertii alicujus gratia : Unde & duplex actio nascitur : directa, quæ domino negotii datur : contraria vero, quæ mandatario, seu mandanti. *tit. 1. Mandati vel contra*.

3. *Ultima* contractuum, seu obligationum ex quibus incertum petitur, & quidem obligationum ex *consensu*, species est eorum, qui utriusque contrahentium semper utilitatem continent : unde ex utroque latere directa jam actio nascitur. Quo incen-

DE EMPTIONE ET VENDITIONE. 233  
censu sunt sex : Societas, Emptio, Ven-  
ditio, Locatio, Conductio, Æstimatoria,  
Permutatio, & contractus innominati.  
Potro quæ utilitas in his vertitur, aliquando  
est inæqualis; etsi plerumque æqualis. 1.  
*Inæqualis* inquam aliquando: quod in uni-  
co *Societatis* contractu cernitur seu eve-  
nit. Nam & Societas ita iniri potest, ut  
inæquales partes focii ex societate ferant.  
tit. 2. pro Socio.

EX LIB. XVIII.

*De Contractibus, seu Obligationibus ex  
consensu, UTRIUQUE utilitatem  
æqualiter continentibus: ac  
primum*

DE EMPTIONE ET VENDITIONE.

**Æ** Qualiter tandem utriusque contra-  
hentis utilitas vertitur, in quin-  
que sequentibus contractuum speciebus.

1. Primum quidem in *Emptione vendi-  
tione*: de cuius substantia, forma, materia,  
& effectu, agitur hoc integro libro, & in-  
super tit. 1. lib. proxime sequentis. 1. *De  
substantia* scil. emptionis venditionis, ut  
& de nonnullis in ea *pactionibus* & legi-  
bus, seu conditionibus, quæ scil. ei appo-  
ni possunt, vel quandoque solent, agitur  
tit. 1. *de Contrahenda emptione, & de  
pactis inter Emptorem & Venditorem com-  
positis*. Inter quas leges, conditiones seu  
conventiones, singulares hæ duæ sunt: pu-  
ta, *In diem addictio* (i. e. cum venditioni  
hæc

hæc lex seu conditio adjicitur, ut si melior intra certum tempus conditio ab alio adferatur, a priore emptione discedatur) *tit. 2. de in diem additione. 2. Lex Commissoria* (i. e. pactio, qua convenit, ut si ad diem pecunia soluta non fuerit, res vendita committatur, id est resolvatur, & ad venditorem, si is velit, recurrat sive revertatur). *tit. 3. de lege Commissoria*. Hactenus de substantia, pactisque venditioni emptioni adjectis.

2. Quod materiam venditionis emptionis attinet, non tantum res corporales, sed & incorporales vendi solent & possunt, veluti hæreditas, & actio, in quibus quid venditum intelligatur, quidque alterum alteri ex hac causa præstare oporteat, explicat *tit. 4. de hæreditate vel actione vendita*.

2. *Vis & effectus* perfectæ venditionis quatuor subjiciuntur. 1. Perfecta semel venditio rescindi, seu ab ea ab una parte recedi non potest, exceptis certis casibus, quibus perfecta etiam quandoque venditio rescinditur, & ab ea impune recedere licet. *tit. 5. de rescindenda venditione, & quando liceat ab emptione discedere*.

2. *Periculum & commodum* rei venditæ statim ut perfecta est venditio, ad emptorem migrat seu transit. *tit. 6. de Periculo & commodo rei venditæ*. 3. Regulariter venditori competit actio ad implendum contractum: Exceptis certis & singularibus quibusdam casibus, qui hic præmittuntur titulo mox secuturo de actionibus empti & venditi, quibus ob non impletam

con-

conditionem actione opus non est, verum vel confiscationi locus fit, vel manus injectionem venditor habet, vel ipso jure quid perficitur, quod ab emptore implendum erat; vel denique irritum fit id quod ab ptore factum fuerit: puta, quando conditionem impleri, venditoris peculiariter non interest, ut in tribus sequentibus casibus, 1. si venditus fuerit servus, ea conditione a Domino, *ut exportaretur* ( *ἐξάγωγῇ* ) hoc enim casu, si legi ab emptore non pareatur, vel servus in fiscum redigitur, vel venditori in eum manus injectio est. 2. Si venditus fuit servus ut *manumitteretur*: nam si legem non expleat emptor, servo ex Constitutione Marci & Commodi libertas ipso jure repræsentatur. 3. vel retro, *ut ne manumitteretur*: quæ pactio efficit, ne manumisso ab emptore libertas competat. *tit. ult. de servis exportandis, vel si ita Mancipium venierit, ut manumittatur, vel contra.*

## EX LIB. XIX.

1. De EMPT. ET VENDIT. adhuc. 2.

De CÆTERIS quinque speciebus Obligationum ex consensu, seu contractu, in quibus utriusque contrahentium utilitas æqualiter vertitur.

4. **R**egulariter alioquin, ut dixi, & in commune, venditionis perfectæ effectus hic est, ut *Actionem empti venditi* producat, ad implendum videlicet ultro citroque contractum: (nam tres tituli, qui continentur lib. 21. pertinent ad consequentiam Emptionis, non ad impletionem contractus. (Venditori scil. actio empti venditi competit adversus emptorem ad pretium, ejusque tardius soluti, usuras accipiendas: Et vicissim emptori, adversus venditorem, ad rem emptam accipiendam, & si quid ejus intersit sua die rem traditam. tit. 1. de *Actionibus empti & venditi*. Et hæc quidem de Emptione & venditione.

2. *Locatio conductio* quoque, quæ Emptioni & venditioni proxima est, æqualiter utriusque contrahentis utilitatem continet. tit. 2. *Locati conducti*.

3. Item *æstimatæ rei venditæ traditio*, nam & hic contractus emptionis similis est, unde *æstimatoriæ actioni* nomen. tit. 3. de *Æstimatoria*.

4. *Rerum permutatio* itidem aperte utriusque contrahentium utilitatem continet. tit. 4. de *rerum permutationibus*.

De-



Denique *innominati Contractus* quidam sunt, qui utriusque contrahentium utilitatem continent, & permutationi accedunt, & ex quibus incertum petitur, (unde *incerti Civilis actio* ex iis competere dicitur. *l. 7. §. 2. in fin. de Pactis*) veluti hi quatuor, *do ut des, do ut facias; facio ut des, facio ut facias*: Ex quibus quæ actio competit, *præscriptis verbis* dicitur; ideo scilicet quia negotium, quod certo nomine exprimi non potest, per rei gestæ notationem, narrationem, verborumque circumscriptionem, exprimitur: (videnda est lex 6. *de transactionibus*). *tit. ult. de præscriptis verbis, & in factum actionibus.*

# P A R S   Q U A R T A

## D I G E S T O R U M,

Constans Libris 8.

*Qua agitur*

1. *De Tribus ADMINICULIS & ACCESSORIIS rerum creditarum lib. 20. 21. 22.*
2. *De NUPTIIS lib. 23. 24. 25.*
3. *Et de TUTELIS lib. 26. & 27.*

E X   L I B.   X X.

*De Adminiculis Rerum Creditarum, ac  
primum de PIGNORIBUS  
& Hypothecis.*

**A** *Dminicula*, seu pedissequæ actiones, παράκολουθήματα, rerum creditarum seu contractuum, nunc tribus libris interjiciuntur a Justiniano: interrupto, quod ipsemet profitetur, duabus constitutionibus *de confirmatione Digestorum*, Edicti perpetui ordine.

Nam ut de duobus libris, puta 20. & 21. dicam, in Edicto post titulos de Actionibus empti, locati, de *Æstimatoria*: subjieciatur statim tractatus de Nuptiis; & longo post intervallo in Edicto actum de Actione Serviana, & de Salviano interdicto pignorum nomine: in tractatu videlicet

cet de Interdictis : de Edicto vero *Ædilitio* nihil in Edicto *Prætoris* continebatur, cum de eo proprium esset *Ædilium Curulium* Edictum. De *Exceptione rei venditæ*, actum in tractatu de *Exceptionibus*, De *evictionibus* actum suo, & continuo loco, in tractatu de *empti*, & *venditi* actione. Tandem de duplici stipulatione in materia de stipulationibus. Igitur hæc omnia hunc in locum a *Justiniano* compulsa, congesta, eo fine ut tractatus de pignoribus & hypothecis longe distaret a tractatu de pignoratitia actione: & quia cætera *Emptionum* & *venditionum* consecutanea essent, & actiones hæc quasi *pedissequæ* illarum, ut ita quæ de eodem loquuntur, jungerentur. Quæ omnia *Justinianus* ipse præfatur. Quod librum 22. attinet, non aliam *Justinianus* ordinis rationem reddit, nisi hunc librum seu tractatum excogitatum de *Usuris*, *Probationibus*, & *Præsumptionibus*, & juxta tractatum de rebus collocatum. Nihil scilicet de his in edicto *Prætoris* comprehensum fuerat, & visus hic locus opportunior *Justiniano* huic tractatui interjungendo: Nobis interim hæc series placet, ad tuendum *Justiniani* institutum.

*Admunicula*, seu *pedissequæ* actiones rerum creditarum varii generis sunt: His enim vel securitas creditori conciliatur, vel indemnitas emptori, vel lucrum adventitium quæritur, vel denique mixturæ quid ex his omnibus est.

I. *Securitas creditori* conciliatur *Pignoribus* & *Hypothecis*, quorum tractatus ad sex

sex capita refertur. Primo de his agitur in genere, 2. ut & de modo pignoris contrahendi, *tit. 1. de pignoribus & hypothecis*. Inter quæ & illud est, quod pignora & hypothecæ, non expresse, seu manifestarie tantum, verum etiam tacite quoadque, seu iusta quadam præsumptione, præsumptaque partium voluntate, vel legis seu juris dispositione, potestateque contrahuntur, (unde duæ pignoris & hypothecæ species enascuntur, expressum & tacitum). *titul. 2. In quibus causis pignus vel hypotheca tacite contrahitur*.

Et hæc de modo contrahendi pignoris, ejusque adeo speciebus. 3. Nunc de rebus, quæ pignori obligari possunt: scilicet. non omnes res pignoris obligari possunt, neque ab omnibus. *tit. 3. quæ res pignori vel hypothecæ data obligari non possunt*.

4. Jus in pignore sæpe evenit ut plures habeant: Sic quidem, ut quia modus ejus non omnibus sufficit, alii aliis potiores sint pignore vel hypotheca: veluti. 1. Tempore priores; quive in priorum locum successerunt. 2. Privilegio potiores, seu privilegiati. *tit. 4. Qui potiores in pignore, vel hypotheca habeantur*.

5. Superioribus ita constitutis, utilitas jam pignoris hæc est, ut distractio ejus, debitore in solutione cessante, permessa sit, solennibus tamen juris præmissis. *tit. 6. de distractione pignorum & hypothecarum*.

6. Solvitur denique pignus certis modis, puta satisfaciente quoquo modo debitore. *tit. ult. quibus modis pignus, vel hypotheca solvitur*.

## EX LIB. XXI.

*De Adminiculis, seu Remediis EMPTORI competentibus.*

2. **I**ndemnitas emptori nominatim, conciliatur, seu quæritur remediis, seu adminiculis sequentibus, & actionibus pedisequis seu Ministris *πραχολογήμασι*. Ac primo quidem *Ædilitiis* actionibus arbitrariis, quæ prodiæ sunt ab *Ædilibus* Curulibus (penes quos cura fori rerumque venalium erat, & ut venditiones rite celebrarentur, fraude omni submota.) Nam si damnum sit *in re emptâ*, puta si vitium aliquod in ea sit animi aut corporis, aut morbus occultus, ob eam venditoris reticentiam, emptori actio datur. Item si venditor aliquid dixerit promiseritve circa rem venditam, duplex his casibus *Ædilitii Edicti* remedium competit. 1. *Redhibitionis*, i. e. ut venditione in totum rescissa, venditor rem refuso pretio recipiat. 2. *Æstimatoria quanto minoris*: qua quidem actione venditio non rescinditur, verum ex pretio tantum detrahitur redditurque Emptori, quo minoris res est, & quanto minoris is emisset, si vitia illa scivisset. *tit. 1. de Ædilitio Edicto, & redhibitione, & quanto minoris*. Si vero *Extrinsècus* damnum accidit, ut quia res emptâ a tertio revera evicta fuit, adversus venditorem actio competit, modo in simplum, modo in duplum ex *ædilitia stipulatione*. *tit. 2. de Evictionibus, & duplici stipulatione*.

L

Et

Et ita quidem hic titulus superiori connectitur & continuatur; non quasi *Ædilitio* Edicto applicentur *ædilitiæ* stipulationes.

Adversus evincentem alioquin quemcunque emptori competit exceptio rei venditæ & traditæ. *tit. ult. de Exceptione rei venditæ & traditæ.*

Et hætenus quidem de iis adminiculis, quæ rebus creditis propria sunt.

## EX LIB. XXII.

*De Tribus aliis Adminiculis, puta de*  
*USURIS, PROBATIONIBUS,*  
*& IGNORANTIA.*

**S**equuntur deinceps tria *Adminicula* alia, quæ ut rebus creditis quoque competunt, ita ad personarum quoque nexum, & ad causas alias (imo & Criminales) ambitu suo pertinent. Unde hoc loco posita sunt quasi in confinio, inter tractatum de actionibus descendentibus ex rebus creditis, seu contractu, & iis quæ descendunt ex personarum credito.

3. *Lucrum* igitur *adventitium* creditori cuicunque, seu ex quacunque causa, sive ex contractu, quod frequentissimum, sive ex personarum nexu, quæritur, extra seu præter rem ipsam, usuris, fructibus & causis, & omnibus aliis accessionibus; Quæ ex sola mora quandoque debentur. *tit. 1. de Usuris & Fructibus, & causis, & omnibus accessionibus, & mora.*

Cæterum uberrimæ maximæque usuræ per-



permittuntur, quoties pecunia (i.e. res quælibet credita) periculo creditoris est, veluti si navigaturo ea conditione credatur, idque est, quod nauticum scœnus, & pecunia *trajectitia* dicitur. *tit. 2. de Nautico scœnore.*

4. *Mixtam* causam superioribus omnibus, obtinent sequentia adminicula & accidentia rerum & actionum, non tantum in actionibus, quæ descendunt ex rebus creditis, verum etiam in iis, quæ descendunt ex nexu personarum, imo & in criminalibus. 1. Primum *Probationes* & *Præsumptiones*. *tit. 3. de Probationibus & Præsumptionibus*: quæ quidem fiunt vel per instrumenta: *tit. 4. de Fide Instrumentorum & amissione eorum*: vel per testes, *tit. 5. de testib.*

2. Item *Ignorantia*, cujus in contrahendo, vel quasi contrahendo aliisque juris materiis, seu articulis sæpe ratio habetur. Ignorantia enim, quandoque lucro captando, modo ad damnum saltem evitandum, prodest. Qua parte, (ut breve faciam) tenenda est Papiniani regula: *Errorem facti ne maribus quidem in damnis vel compendiis obesse*: *Juris autem errorem ne quidem scæminis in compendiis prodesse*: *Cæterum, omnibus juris errorem in damnis amittendæ rei, non nocere*. *tit. ult. de Juris & facti ignorantia.*

Hactenus de rebus creditis, & adminiculis seu pedisequis actionum, quæ ex iis descendunt, siue propriis, siue communibus cum iis, quæ descendunt ex personarum nexu, de quibus mox statim.

E X L I B. XXIII.

De NUPTIIS. *Ac primum de tempore ;  
Nuptias præcurrente.*

6. **S**extum civilium controversiarum genus nascitur ex quodam *Personarum nexu*, seu credito, sic ut dicam, seu ex quasi contractu, ob aliquod scilicet animorum & personarum vinculum, quandoque etiam, nulla re intercedente. Hujus vero generis sunt duo sequentia. 1. *Nuptiæ* seu Matrimonium. 2. *Tutela*. De quibus deinceps agitur, libris sequentibus quinque, servato hac quoque parte Edicti perpetui ordine. Nuptiæ, inquam, crediti, seu nexus personalis species est, & ideo de eo hic agitur per se, non occasione dotis dictionis tantum, quod nonnulli parum apte censebant.

1. In *Nuptiis* tria tempora spectanda sunt. 1. Præcedens eas. 2. Intercedens, & constantis Matrimonii. 3. Succedens, seu tempus contrahendi, constantis, soluti Matrimonii: duo scilicet ἐπισήματα, tertium vero, μίσθον.

1. In *contrahendis* nuptiis hæ tres visiones occurrunt. 1. *Sponsalia*, quæ sunt mentio & repromissio futurarum Nuptiarum. tit. 1. de *Sponsalibus*. 2. *Ritus Nuptiarum*, ( verbo Pontificali ) i. e. quomodo seu qua solennitate, & inter quas personas rite, seu secundum leges nuptiæ contrahi, vel consistere possint. tit. 2. de  
Ri-

*Rita Nuptiarum*. 3. *Dotis* ab uxore dato, dictio, vel promissio. Cujus sane jus varium admodum est & multiplex, imo & singulare. *tit. 3. De Jure Dotium*. Sed & aliquando, prout pacta dotalia intercesserunt, quæ utique admittuntur, si modo dotis conditionem deteriore non faciant, neque bonis moribus, aut Juri Civili adversentur. *tit. 4. de Pactis dotalibus*. Illud Dotis inæstimatæ singulare est, ex L. Julia, ut ne maritus, licet dominus dotis, fundum dotalem inæstimatum (ἀδιατίμητον) alienare vel obligare possit. *tit. ult. de fundo dotali*.

E X L I B. XXIV.

*De his quæ spectant ad TEMPUS constantis Matrimonii, & ad consequens, ex parte Mulieris.*

**C**onstante matrimonio hæc duo incurrunt. 1. *Donationes* inter virum & uxorem; quæ utique prohibitæ sunt. *tit. 1. de Donationibus inter virum & uxorem*. Quanquam hic titulus in Edicto positus videtur in censu, seu ordine eorum, qui pertinent ad actiones, soluto Matrimonio. 3. *Mali mores* conjugum, qui divortiis causam dare solent, uti & repudiis inter sponsores. *tit. 2. de Divortiis & repudiis*.

3. *Soluto Matrimonio*, seu dirempto jam, actiones sequentes enascuntur, tum a parte mulieris, tum a parte viri, tandem & ab utraque parte.

1. *A parte Mulieris*, dotis repetitio instituitur ( neque enim constante matrimonio dos repeti potest , nisi marito ad inopiam vergente ). Cæterum , a quo , quando , qua formulâ , quatenus dos peti soluto matrimonio possit , tractatur *tit. ult. Soluta Matrimonio dos quemadm. petatur*. A quo titulo digestum *Infortiatum* , quod vocant , initium ducit .

## E X L I B. XXV.

*De his quæ spectant ad*

1. *TEMPUS CONSEQUENS Nuptias* , tum a parte viri , tum ab utraque .
2. *De Adfini quodam Nuptiarum* .

1. **A** *Parte viri* soluto matrimonio actio , seu reputatio adversus repetitionem dotis sæpe competit ; puta impensarum in res dotales factarum nomine . *tit. 1. de Impensis in res dotales factis* .

3. *Ab utraque tandem parte* soluto matrimonio sequentes actiones competunt ; cæque partim rerum , partim liberorum nomine . 1. *Rerum* , puta rerum constante matrimonio amotarum , i. e. sublatarum , *amovendi* enim vox hæc electa , ut alia nonnulla , ad mitigandam scilicet lenitate verbi rei tristitiam , propter reverentiam memoriamque veteris conjugii : quæ quidem actio , ut dixi utrique conjugum communis est : ( quo etiam nomine peculiaris marito retentio ex dote olim dabatur ) ob res inquam amotas . *tit. 2. de Actione rerum amotarum* . 2. *Liberorum* etiam

etiam nomine soluto matrimonio non jam retentiones , ut olim quandoque , verum actiones hinc inde variæ competunt : idque qua susceptorum vel editorum , qua suscipiendorum liberorum nomine ( quo pertinent sequentes quatuor tituli ) 1. *Susceptorum* liberorum nomine , soluto scilicet matrimonio maritus ex se susceptos liberos agnoscere alereque tenetur , si modo uxor ei post divortium testato denunciaverit , se ex eo prægnantem esse , neque is contra denunciavit : quæ sententia est SC. Planciani . *tit. 3. de agnoscendis & alendis liberis* , ubi ob cognationem materiæ additum *vel parentibus , vel patronis , vel libertis* .

2. *Suscipiendorum* item liberorum soluto matrimonio nomine , hæ duæ actiones quandoque incurrunt . I. Inspiciendus scilicet venter , & custodiendus partus quandoque venit , idque tribus ex causis , vivo partim , partim mortuo marito . 1. *Vivo* , si mulier post divortium dicat se ex viro esse prægnantem , idque maritus neget . 2. Retro si mulier neget , se ex viro esse prægnantem . 3. Denique si *mortuo* marito dicat se esse prægnantem . *tit. 4. de Inspiciendo ventre , custodiendoque partu* . 2. *In possessionem* quoque bonorum , ante editionem partus , mulier mittenda quandoque venit . Qua parte tamen , ne fraudibus mulierum locus fiat , neve aliis prædæ inde occasio præbeatur , duobus titulis sequentibus occurritur . Primo ne in possessionem missa mulier circumscribendi alicujus causa , clam , & per quandam

machinationem alium in possessionem introducat. tit. 5. si ventris nomine muliere in possessionem missa, eadem possessio dolo malo ad alium translata esse dicatur. Secundo, ne sciens prudens se prægnantem non esse, vel ex alio, in possessionem veniat. tit. 6. si mulier ventris nomine in possessione calumniæ causa esse dicetur.

Adfine tandem nuptiarum, seu imitamentum quoddam matrimonii, hic subijcitur, quod est Concubinatus, licita potius vel permixta jure Romano civili conjunctio, seu consuetudo, quam legitima seu ritu ullo riteque contracta. tit. ult. de Concubinis.

## EX LIB. XXVI.

DE TUTELA, deque his quæ spectant ad Tutelam. 1. Deferendam,  
2. Constantem.

II. **T**utela, secunda est personarum nexus, sive crediti, quasque contractus, species: Tutori quippe pupilli persona creditur, fideique ejus committitur, servandaque commendatur: (Hæc enim etiam credendi nominis vis est). De Tutelis porro in genere primo agitur, quinam videlicet & quibus tutores constituentur, vel non, & quemadmodum. tit. 1. de tutelis.

In specie, in tutelis (pariter ut in nuptiis) tria tempora spectare oportet: Eas præcurrens, iis concurrens, denique (sic ut dicam facilioris traditionis causa) post-



postcurrens : seu tempus tutelæ deferendæ ,  
delatæ seu constantis , & finitæ .

1. Defertur , seu mandatur Tutela tri-  
bus modis ; unde & tres tutelæ species  
enascuntur : Primum *Testamento* ( unde  
*testamentariæ* tutelæ nomen ) a parenti-  
bus Tutores dari solent liberis in potestate  
habentibus , cujus prima potissimaque ra-  
tio habetur . *tit. 2. de testamentaria tu-  
tela* . Adeo quidem , ut etiam si inutili-  
ter , seu mero jure , non recte datus sit  
Tutor testamento , confirmandus tamen  
quandoque veniat : & quidem aliquando ,  
sine inquisitione . *tit. 3. de confirmando  
Tutore vel Curatore* .

Secundo *Lege* Tutela defertur ; ( quæ  
*legitima* ideo dicitur , & Tutores ipsi *le-  
gitimi* ) testamentaria scilicet deficiente :  
nam semper legitimam testamentaria præ-  
vertit . *tit. 4. de Legitimis Tutoribus* .

Denique *Magistratus providentia* tute-  
la mandatur , ( quæ *honoraria* seu *dativa*  
dicitur ) deficientibus duabus superioribus .  
*tit. 5. de Tutoribus & Curatoribus datis  
ab his , qui jus dandi habent , & qui , &  
in quibus causis specialiter dari possint* .  
Idque petentibus personis nonnullis ex of-  
ficio , seu necessitate : qualis est mater ,  
avia , & libertus : Tenentur enim hæ per-  
sonæ liberis suis , & Patroni liberis tu-  
tores petere ; Alioquin mater & avia suc-  
cessionem liberorum multantur , ex Consti-  
tutione D. Severi ; & liberti puniuntur :  
De quo , ut & de loco ubi Tutores ita peti  
possint , est *tit. 6. qui petant Tutores , vel  
Curatores , & ubi petantur* .

2. Post delatam & acceptam tutelam, tria capita, seu tres visiones incurrunt, quæ officium Tutoris respiciunt. Primo, in quibus consistat officium Tutoris, nempe in duobus. 1. In *Administratione*: Administrare scilicet tutelam (Inventario ante omnia perfecto) si plures sint, vel omnes debent, vel unus, si id utilius sit, vel de parentis, vel de majoris partis tutorum sententia, vel ejus, cujus ea de re jurisdictio est: quo casu nihilominus cæteri honorarii Tutores administrationis alienæ periculum agnoscunt, seu Periculi vicarii sunt. Administrationis porro istius ut variæ sunt partes, ita neque ultima pars est, Actiones pupilli exercere, & excipere. tit. 4. de administratione & periculo Tutorum & Curatorum, qui gesserint vel non, & de agentibus vel conveniendis uno, vel pluribus. Officium Tutoris consistit in *Auctoritate* & consensu pupillis caute præbendo, i. e. in approbando eo quod cum pupillis agitur. Quæ quidem auctoritas quando necessaria sit, & qualis, explicatur tit. 8. de Auctoritate & consensu Tutorum & Curatorum.

3. Secundo, vice versa, quando ex Tutoris vel Curatoris facto, i. e. administratione, gesto, contractu, dolo, culpa, pupillus vel adultus actionem exercere, vel conveniri possit, tractatur tit. 9. Quando ex facto Tutoris vel Curatoris minores agere, vel conveniri possunt.

3. Suspecti denique si sint Tutores, i. e. si tutelam non ex fide gerant, ordinaria & publica accusatione removendi veniunt,

DE TUTELIS SEU TUTOR. 251  
modo cum infamia, modo sine infamia.  
*tit. ult. de suspect. Tutorib. & Curato-*  
*rib.*

E X L I B. XXVII.

1. *De his quæ spectant, tum ad TUTE-*  
*LAM deferendam, tum ad delatam*  
*jam: 2. De his quæ ad Finitam.*

3. **M** Ixta quædam capita sunt, quæ  
modo deferendæ, modo constan-  
tis tutelæ tempore incurrunt: idque tum  
a parte Tutoris, tum a parte pupilli. 1.  
A parte Tutoris sunt *Excusationes*: Sunt  
enim causæ quædam, quæ a deferenda tan-  
tum tutela excusant (aliæ vero a cœpta  
quoque. *tit. 1. de Excusationibus*. 2. A  
parte pupilli actiones seu tractatus hi in-  
currunt. 1. Ubi *educari* & morari pupillus  
debeat; quod quidem & ab initio, & du-  
rante tutelæ officio agitari potest. In eo  
vero multum situm est, sive ut moribus,  
sive ut vitæ pupilli consulatur: sane apud  
eum ante omnes educari pupillus debet,  
quem pater destinavit, nisi id pupillo  
non expediat: alias apud matrem, nisi  
vitricum superduxerit: denique apud alios  
parentes non suspectos, superioribus defi-  
cientibus. 2. Ut *alimenta* pupillo præ-  
stentur, quæ certe facultatum & dignitatis  
ratione habita, decreto Prætoris consti-  
tuuntur. *tit. 2. ubi pupillus educari, vel*  
*morari debeat, vel de alimentis pupillo*  
*præstandis.*

Et ita quidem hi tituli superioribus, & proxime sequentibus, cohærent.

4. *Finita tandem tutela & cura, Actiones* ultro citroque competunt. Et *directa* quidem pupillo, eaque duplex: prior actio *tutelæ*, ad rationes administratæ tutelæ sibi reddendas a Tutore, & in id libris rationum edendis: quæ & ipsa (utilis scilicet) adulto accommodatur contra Curatorem: Altera, *rationibus distrahendis*; quæ quidem actio pupillo datur in duplum adversus eum, qui in gerenda tutela, pecuniam, vel quam aliam rem avertit, subripuit. *tit. 3. de Tutelæ & rationibus distrahendis, & utili curationis causa actione.*

*Contraria* vero tutelæ actio Tutori competit, ad impensas, si quas de suo probomore fecit, recuperandas. *tit. 4. de contraria tutelæ & utili actione*: & hæc omnia, non in veris tantum Tutoribus locum obtinent, verum etiam in eo, qui pro Tutore vel Curatore negotia gessit, *tit. 5. De eo, qui pro Tutore*: vel etiam in eo, qui falsus Tutor fuit. In tantum, ut in integrum restitutio detur, si quid falso Tutore (vel pro Tutore) gestum erit.

Qua causa hic titulus in Edicto perpetuo positus est in materia de *Restitutionibus in integrum*, inter titulum de *capitis diminutione*, & titulum, de *quibus causis majores*.

Et in falsum Tutorem judicium detur, ut quanti ea res erit, in tantam pecuniam condemnetur. *tit. 9. Quid falso Tutore auctore gestum esse dicatur.*

Neque adversus Tutores, aut Curatores tantum actio ex causa tutelæ, vel curationis pupillo competit, sed & adversus alias insuper personas quasdam; & tres quidem. 1. Primo quidem adversus Fidejussores, qui rem pupilli salvam fore caverunt, ut & Nominatores eorum, qui fidejussorum vicem sustinent, & hæredes. *tit. 7. de Fidejussoribus & nominatoribus, & hæredibus Tutorum & Curatorum.*

2. Adversus Magistratus municipales, seu Duumviros, qui idonee caveri curare debuerunt, neque fecerunt; idque in subsidium. *tit. 8. de Magistratibus conveniendis.* 3. Postremum adversus Possessores rerum, qui res pupilli vel adulti perperam sine decreto alienatas, puta prædia rustica, urbana, suburbana) possident, actio datur ad eas recuperandas. *tit. 9. de rebus eorum quæ sub tutela vel cura sunt, sine decreto non alienandis, vel supponendis.*

Adfines tandem Tutoribus & Curatoribus (minorum scilicet), sunt Curatores furiosorum, aliorumque præter minores: de quo *tit. ult. de Curatoribus furioso, & aliis extra minores dandis.*

Hic jam Ediçti perpetui ordo invertitur: nam post titulos de Tutelis subjiciuntur tituli de Furtis servorum, de Publicanis, deque furto a familia eorum factò, de operis libertorum: Tandem & de Bonorum possessionibus, ante tractatum de Testamentis. Nos Justinianæum ordinem persequamur.

# PARS QUINTA DIGESTORUM,

*Quæ de Testamentis, Legatis, & Fideicommissis inscripta.*

*Atque ita est*

De TESTAMENTARIA SUCCESSIONE, *commodisque aliis ex Testamento.*

Constans libris 9., puta 28. 29. 30. 31. 32. 33. 34. 35. 36.

EX LIB. XXVIII.

De TESTAMENTI SUBSTANTIA,  
& FORMA.

VII. **S** *Eptimum* Actionum, seu controversiarum genus nascitur occasione successionis, commodique alicujus, post mortem alterius alicui oblatis: ad vindicanda videlicet bona ejus, vel partem ex his aliquam.

Hic enim nexus est, hæc series hujusce materiæ, per se, non ob additionem tantum hæreditatis, quæ quasi contractus species est.

Successionis commodique post mortem oblatis porro tres species sunt. Vel enim  
de-



deferuntur ea 1. ex *Patrisfamilias* cuiusque dispositione & destinatione: 2. Vel ex *Prætoris* Jurisdictione: 3. Vel ex sola denique *Legis* provisione; unde totidem successionum species confurgunt: Aliæ scilicet testamentariæ sunt, seu commoda alia ex testamento profisciscuntur. 2. Aliæ *Prætoris*, quæ *bonorum possessiones* dicuntur. Aliæ legitimæ.

3. De *Patrisfamilias* dispositione. Primum enim quoque semper locum ea inter omnes obtinet.

Etsi in *Edicto Prætoris*, ut jam dixi, de *Prætoris* successionibus, seu de *Bonorum* possessionibus prius actum fuerit, qui ordo etiam in *Codice* observatur.

*Paterfamilias*, scilicet (quod erat in XII. tabulis) uti super pecunia rei suæ legasset, ita jus esto. Dummodo scilicet justum sit testamentum ejus, seu defunctus jure testatus sit, i. e. formam, præscriptaque legum secutus sit, seu observaverit. Testamento scilicet condito propositoque, ut id valeat, sequentia exploranda attendendaque veniunt. 1. Utrum Is testamentum fecerit, qui jure facere potuit. 2. Solemniter ne, seu rite testamentum factum fuerit, seu ordinatum: Quare de utroque agitur statim. tit. 1. qui testamenta facere possunt, & quemadmodum testamentum fiant.

3. Requiritur, ut si Testator Liberos habeat, sive jam natos, sive post testamentum nascituros (qui *Posthumi* dicuntur), eos vel nominatim hæredes instituat, vel nominatim exhæredet; alioquin præter-

teritio liberorum, vel statim injustum testamentum reddit, vel postea rumpit. *tit. 2. de Liberis & Posthumis hæredibus instituendis, vel exhæredandis.*

4. Executiendum est, num forte testamentum casu aliquo, (alioetiam quam ex superioribus causis) injustum, ruptum, irritumve in totum factum fuerit. 1. *Injustum*, idque quia non jure factum est, ubi scilicet solemnia juris defuerunt: de quo *tit. 1.*; Vel nullius momenti, ob præteritionem filii, de quo ut dixi *tit. 2.* 2. *Ruptum*, puta vel alio testamento, vel sui hæredis agnatione, posthumique. 3. *Irritum*, vel secuta capitis diminutione Testatoris, vel non adita hæreditate. *tit. 3. de injusto, rupto, irritato facto testamento.*

5. Spectandum venit in testamento, num quædam ibi deleta sint, seu literis corrupta, consultoque inducta cancellis, vel aliis literis inscripta: Nam si quid horum fuerit, quasi mutata Testatoris voluntate, testamentum ea parte rumpitur. *tit. 4. de his, quæ in testamento delentur, inducuntur, vel inscribuntur.*

6. Denique illud spectandum in testamento venit, num hæres aliquis eo institutus sit, vel ex testamento existat: id enim caput est, & fundamentum testamenti; eoque vel deficiente, vel corruente, cætera jure veteri corruiebant. Quare jam de hæredibus instituendis, & hæredis existentia quatuor titulis sequentibus agitur. Ac primo quidem, *quinam hæredes* institui possint, & quemadmodum: & de partibus faciendis inter cohæredes, & de  
ju-

DE TESTAM. SUBST. ET FORM. 257  
jure accrescendi. *tit. 5. de Hæredibus instituendis.*

Et hic tamen tractatus, ut dixi, ut & reliquorum, qui sequuntur ad titulum usque de *Legatis*, rejectus fuerat in Edicto perpetuo post tractatum de Legitimis successioneibus. Nos Justiniano ordini insistamus.

Excipiuntur tres casus tribus titulis sequentibus, quibus etsi hæres testamento institutus, vel non omnino, vel nondum hæres existat, testamentum nihilominus stat; puta si substitutus alius fuerit. *tit. 6.*; vel conditio nondum extiterit. *tit. 7.* Si tempora deliberandi nondum præterlapso sint. *tit. ult.* Vel si hæc connexio minus placet, dicamus, tres titulos sequentes, tum ad formam hæredis instituendi pertinere, tum existentiam ejus. Ad *formam*: nempe hæredes instituuntur non primo tantum gradu, sed & secundo, tertiove substituuntur. *tit. 6. de vulgari & pupillari substitutione. 2.* Item non pure tantum, sed & sub conditione hæredes instituuntur; & sic conditione institutioni adjecta hæredis jus suspenditur, sic ut hæres nondum existat. *tit. 7. de Conditionibus institutionum. 2.* Ad existentiam pariter hæredis pertinet: quod si Testator testamento tempus ad deliberandum hæredibus non præstitisset, hæres sæpe a Præ-tore tempus postulabat, ad deliberandum, utrum expediret ei nec ne agnoscere hæreditatem; quod quidem tempus non minus erat centum dierum. *tit. ult. de Jure deliberandi.* Hactenus de testamenti substantia formaque.

Ex

## EX LIB. XXIX.

## APPENDIX AD LIBRUM SUPERIOREM:

Et

*de Hæreditate, deque Fraudibus  
Hæredum coercendis.*

**M**ilitibus sane in testamento conden-  
do, superior ferme omnis diligentia  
formaque remittitur. *tit. 1. de Testamento  
militis.*

Et ita quidem hic titulus cum super-  
rioribus connectendus est: non ut alii ali-  
ter. Qui quidem eadem semper ratione,  
veluti singularis, ut in Codice, ita & in  
Edicto perpetuo, præcedebat titulum de  
testamentis.

*Materia* testamentorum sequitur, seu  
commoda, quæ Testamentis deferuntur,  
quæ triplicia sunt; vel enim *Hæreditas*  
testamento deferitur, vel *Legatum*, vel  
*Fideicommissum*: (quibus adde & tute-  
lam, de qua *lib. 25.*; & libertatem, de  
qua *lib. 40.*)

De *hæreditate* primum. De hæredis  
equidem institutione ipsa, ut & de hæ-  
redis deliberatione, jam superius actum  
fuit: nunc de *hæreditatis acquisitione*, quæ  
hæredem dominum facit: vel *omissione*,  
quæ eum oneribus hæreditatis liberat. Ti-  
tulis quinque sequentibus.

Qui tamen tractatus in Edicto perpe-  
tuo post bonorum possessiones, post te-  
sta-

amentarias successiones, tandem post legitimas & extraordinarias, ultimo loco subijciebatur: eumque excipiebant tituli de Legatis & fideicommissis.

*Hæreditas* delata hæredis voluntate vel acquiritur, vel retro omittitur. *tit. 2. de acquirenda vel omittenda hæreditate.* Ad quem tractatum pertinent sequentes quatuor tituli, qui in Edicto perpetuo in materia bonorum possessionum jacebant. Eum scilicet in finem *aperiuntur* testamenta solenniter Prætoris officio, & convocatis signatoribus (i. e. Testibus.) Idque statim post mortem Testatoris: Quorum & postea inspiciendi describendique (juramento prius calumniæ præstito) desideranti cuique potestas fit. *tit. 3. Quemadmodum testamenta aperiuntur, inspiciantur & describantur.*

*Hæreditatem* cujusque hæredis instituti voluntate omitti modo diximus; ac proinde institutum omissa hæreditate ex testamento, oneribus hæreditariis non illigari; Et retro hæreditatis acquisitione hæredem dominum deinceps in perpetuum fieri. Et tamen excipiuntur hi casus. Et primo quidem quod *omissionem* attinet, quandoque qui hæreditatem omisit ex testamento, hæreditariis oneribus obligatur: nam si hæres institutus, omissa causa testamenti, ut legatarios defraudet, (quia scil. hæres, qui hæreditatem omisit testamento delatam, non obligatur legatariis, &c.) hæreditatem ab intestato, vel alio modo possideat, Prætor in eum actionem pollicetur, non minus quam si hæres ex testamento exitisset.



*set. tit. 4. Si quis omiſſa cauſa teſtamenti ab inteſtato, vel alio modo poſſideat hæreditatem.*

2. Retro, adquiſita quandoque hæreditas hæredi, ob fraudem factumque aliquod ejus, velut indigno, poſtea eripitur; ut duobus ſequentibus caſibus. Ex *Senatusconſulto Syllaniano & Claudiano*, eripitur hæreditas hæredi, ſi Teſtatore occiſo ante quæſtionem *de familia* (i. e. de ſervis) habitam, ſuppliciumque de noxiis ſumptum, hæreditatem adierit. *tit. 1. de Senatusconſulto Syllaniano & Claudiano.*  
 2. Si quis aliquem teſtari prohibuerit, vel coegerit, hæreditas ei eripitur. *tit. 6. Si quis aliquem teſtari coegerit, vel prohibuerit: quo etiam pertinet in materia poſſeſſionis. tit. 13. lib. 38.*

Diximus teſtamento hæreditatem deferri, ejusque ſolemnia executi ſumus. *Codicillorum* juſ diverſum eſt: nam jure civili neque *Codicillis* hæreditas, niſi per *fideicommiſſum* & *fideicommiſſi* interpretationem dari poteſt, neque eædem ſolemnitates in *Codicillis*, quæ in Teſtamento, requiruntur. At quæ mox ſequuntur *de Legatis & Fideicommiſſis*, ea tam *Codicillis*, quam teſtamenti communia ſunt: Ideo *tit. ult. de Jure Codicillorum*, ſeu limitaneus, ſit ut dicam, ac velut arbor in confinio hæreditatum & legato- rum, poſitus eſt.



## EX LIB. XXX. XXXI. XXXII.

## DE LEGATIS IN GENERE.

**L**egata & Fideicommissa singularia, quæ secunda Testamentorum & Codicillorum materies est, seu commodum quod ultima dispositione defertur, sequuntur; de quibus agitur ordine libris tex sequentibus. Ad tria porro capita diffusus horum tractatus refertur. Primo quidem de Legatis agitur *generatim*, & per satutam libris tribus, puta *lib. 30. de Legatis primo. 31. de Legatis 2. , 32. de Legatis 3.* Qui tractatus in tres sive libros, sive titulos, a Triboniano conjectus fuit, non alio exemplo, quam quo Gajus olim alii-que nonnulli idem quoque præstiterant: Uberrate ne materiæ (quod vero proprius) an vero alia de causa, minus liquet: Nam etsi initio cujusque libri nescio qui librorum & lctorum, unde leges desumptæ sunt, ordo servetur, nullus tamen perpetuus & certus, perpetuoque canali in his decurrit. Et inanis est Accursii, seu Glossæ sententia, in primo libro tractari quid & quantum legari possit: in secundo, quibus & a quo, & quibus verbis: in tertio, de significatione verborum.

## EX LIB. XXXIII.

De LEGATIS quibusdam singularibus; Seu quæ singularem Interpretationem recipiunt, 1. Ex rei legatæ natura. 2., vel ex usu verborum.

POST tres titulos generales de Legatis, de quibusdam Legatis in species hoc libro agitur, ut & tribus præterea titulis libri sequentis. Idque ideo, quia ea legata singulari quodam jure proprioque censentur, interpretandaque veniunt, causis quatuor. Partim 1. ex Rei ipsius legatæ natura: 2. partim ex Verborum proprietate: 3. partim ex Favore quodam: 4. denique ex Circumstantiarum varietate.

1. Ex rei ipsius legatæ natura sequentia legata interpretationem singularem, quæ ad alia legata temere transferri non potest, recipiunt. 1. *Annua*, seu *anniversaria* Legata: quæ plerumq; ideo legabantur, quod legatarii sequioris vitæ essent, & ab alimentis penderent. Hujusmodi vero legata plura sunt, neque semel cedunt, sed per annos singulos, sic ut primi quidem annuarius sit legatum, cæterorum vero conditionale, atque ideo morte finiuntur. Deniq; anni initio debentur. tit. 1. de *Annuis legatis & fideicommissis*. 2. Item *Usus & Ususfructus*, & habitationis, & redditus, & operarum (de quibus lib. 7. sup.) legatum hujus generis est: Nam & hæc legata pariter morte finiuntur, imo & capitis minutione: Sed neque ex-

tremi anni fructus, nisi percepti, ad hæredem transmittuntur. *tit. 2. de usu & usufructu, & reditu & habitatione, & operis per Legatum vel fideicommissum. 3.* Item servitutis realis seu prædiorum (de qua *lib. 8. sup.*) legatum, & ipsum singularia quædam habet; nam & jus reale est, & nisi prædium habenti relinqui non potest, & præstatio ejus individua est, *tit. 5. de Servitute legata. 4.* Item, Dos prælegata, vel relegata, multa singularia habet. Primum quidem statim id præstari debet: prælegatæ sc. vel relegatæ doti inest emolumentum repræsentationis, ut inquam præsentī die solvatur, quæ alias annua, bima, trima tantum die reddenda foret. 2. *Falcidia* hoc legati genus non subiacet. 3. Denique, quamlibet bonorum possessione contra tabulas petita debetur. *tit. 4. de Dote prælegata.*

5. Postremo *Optionis & Electionis* legatum hæc habet singularia, ut ante aditam hæreditatem optio non fiat. 2. Item, ut cum cætera legata ab hærede præstentur, hæc suo jure legatarius occupare videatur. *tit. 5. de optione vel electione legata.*

2. Ex communi *Verborum usu* & proprietate, vel etiam testatoris consuetudine, recipiunt interpretationem quinque legata sequentia, in quibus id unum quæritur, quid quaq; appellatione veniat, quidve Testator intellexerit. 1. *Triticum, Vinum, vel Oleum* legatum. *tit. 5. de Tritico, Vino, vel Oleo legato. 2. Instructum, vel Instrumentum* (veluti Urbanum, rusticum, balneatorium) legatum. *Tit. 7.*  
de

264 DIG. PARS V. LIB. XXXIV.  
*de instructo, vel instrumento legato. 3. Peculium legatum. tit. 8. de Peculio legato. 4. Penu legata. tit. 9. de penu legata. 5. Denique supellex legata. tit. ult. de supellectile legata.*

## EX LIB. XXXIV.

1. De LEGATIS singularibus, quæ singularem ex favore aliquo, vel Circumstantiis interpretationem recipiunt. 2. De vitiis Legatorum quinque.

3. **E**X Favore aliquo singularem interpretationem recipiunt *Alimenta & cibaria* legata. Horum scil. singularia hæc sunt, ut deportatis, & servis pœnæ, ut servis propriis etiam sine libertate, relinqui possint: ut relicta ad pubertatem usque, ad plenam pubertatem debeantur, (i. e. ad annum 8. ): ut non minuantur sed augeantur, ob prædia, quæ Testatoreo nomine jussit esse obligata: ut de iis transigi non possit (futuris scil. ), nisi causa cognita a Prætoribus: ut alimentis legatis, non tantum quæ ad victum pertinent debeantur, sed & vestitus & habitatio (pariter ut *Educandi* onere imposito); Quod in Cibariis legatis secus est, tit. 1. de *Alimentis vel cibariis legatis*.

4. Ex Circumstantiarum varietate interpretationem recipiunt sequentia legata: puta auri, argenti, tacti, infecti, mundi muliebris, ornamentorum, unguentorum, vestis, vestimentorum, statuarum legata. Tit. 2. de *Auro, Argento, mundo, ornamentis*.

*mentis, unguentis, veste vel vestimentis, & statuis Legato. Item liberationis legatum, nam etsi alias res sua nemini legari possit, id tamen fieri videtur in liberatione legata, cujus vis hæc est, ut si a me petatur debitum, exceptione doli mali tueri me possim; si non petatur, agere possim ut liberer. tit. 3. de Liberatione legata.*

3. *Vitia* quædam legatorum sequuntur, i. e. causæ, ex quibus legata in irritum sæpe recidunt, seu pereunt in totum, vel in partem. Quæ quidem vitia quinque numero sunt: puta Ademptio, Dubietas, Inutilitas, pro non scripto, Ereptitium.

1. *Adimit* scil. interdum Testator legatum, quod prius adscripserat, & ita quidem, ut quandoque etiam ademptum in alium simul transferat. *tit. 4. de adimendis, vel transmittendis legatis.*

2. Dubium interdum legatum est, sive ob ambiguum sermonem, sive ob causam aliquam, ob quam legatum in suspensio est, sive ob eventus & ordinis (veluti natiuitatis, aut mortis, quo pertinet tractatus *de commorientibus*) personave incertum, sic ut voluntatis quæstio incidat. *tit. 5. de Rebus dubiis.*

3. *Inutilia* legata quædam ab initio sunt, quale olim erat pænæ causa relictum. *tit. 6. de his, quæ pænæ causa relinquuntur.* In huiusmodi sane legatis ab initio inutilibus regula, seu sententia Catoniana tenenda est, videl. ut quod ab initio testamenti facti tempore inutile fuit, id ex post facto non conualescit. *tit. 7. de Regula Catoniana.*

4. *Pro non scriptis* habentur, & sic pænes hæredem remanent ea, quæ quis sibi in testamento adscriptis; Item sic scriptum, ut intelligi penitus non possit. *tit. 8. de his, quæ pro non scriptis habentur.*

3. *Ereptitia* sunt, quæ etsi testamento utiliter legata fuerint, attamen variis ex causis, ut indignis, postea auferuntur & eripiuntur, fiscoque acquiruntur. *tit. ult. de his, quib. ut indignis legata auferuntur.*

## EX LIB. XXXV.

*De MODO Legati, vel a Testatore,  
vel a Lege imposto.*

**M**odus quoque quidam legato sæpe tum a testatore ipso expresse adjicitur, tum a Lege. 1. *A testatore*, sive quia is conditionem legato adjecit, sive demonstrationem, sive causam, sive modum. Quod conditionem attinet legato adjectam, usque quo ea impleatur, legatum interea suspenditur, & si deficiat, legatum quoque deficit. 2. *Demonstrationis* adjectæ alia ratio est: nam etsi falsa ea sit, legatum tamen non vitiat, si modo de rei veritate constet. 3. *Ut & si causa* (i. e. ratio) legandi addita fuerit; nam & hæc etsi falsa, legatum non vitiat. 4. *Quod modum* legato adjectum attinet, i. e. si quid testator legatarium ex legato facere voluerit, id utique implendum est. *tit. 1. de Conditionibus & demonstrationibus, & causis, & modis etiam, quæ in Testamento scribuntur.*

3. Mo-



3. *Modus* quoque quidam *civilis* ut Tacitus loquitur, per Leges legatis statutus est: quem si Testator egrediatur, pro ea parte legata & fideicommissa viciantur, minuuntur: Lege scil. Falcidia cautum fuit, ne ultra dodrantem hæreditatis suæ testatori legare liceret, & si quid ultra legatum fuerit, diminutionem patiatur. *tit. 2. ad L. Falcidiam.* Adeo quidem, ut si cui plus quam per L. Falcidiam licuit, legatum esse dicatur, hæres non ante legata solvere cogatur, quam deducta Falcidia: ut & si incertum sit, an alia legata emerfura sint, non ante ea hæres solvere cogitur, quam Legatarius caverit se restitutum ea, si Falcidiæ postea locus futurus sit. *tit. ult. si cui plus quam per legem Falcidiam licuerit.*

Hactenus de Legatis & Fideicommissis singularibus.

## EX LIB. XXXVI.

1. *Fideicommissa Universalia.* 2. *Communia Legatis & Fideicommissis.*

3. **F**ideicommissa Universalia sequuntur: Quo pertinet S. C. Trebellianum: (in quod transfusa fuit sententia S. C. Pegasiani) quo hæres plus quam dodrantem, vel totam hæreditatem restituere rogatus, quartam pariter deducere potest, ut ex legatis hæres ex L. Falcidia. *tit. 1. ad S. C. Trebellianum.*

Communia postremum legatis & fideicommissis tria subjiciuntur. 1. *de Die Le-*

*gatorum & fideicommissorum*; quando videlicet is dies cedat, i. e. legata & fideicommissa deberi incipiant; nempe si pura sint, vel in diem certum, a morte testatoris statim eorum dies cedit; ideoque ad hæredes legatariorum, & fideicommissariorum ea transmittuntur: hic enim *cessionis diei* effectus est: At si conditionalia sint, vel in diem incertum, nonnisi existente conditione, vel die, dies legatorum & fideicommissorum cedit. *tit. 2. Quando dies legatorum & fideicommissorum cedat.*

2. Secundum Legatis & Fideicommissis commune est, *Cautiois* genus quoddam ab hærede præstandum, legatorum seu fideicommissorum nomine, sc. si legati vel fideicommissi præstatio moram patiat (i. e. si ob conditionem, aut diem a testatore adjectam) nondum legatum præstari debeat, aut fideicommissum, vel si purum legatum hæres præstare differat, tum hæres cavere debet legatorum seu fideicommissorum nomine. *tit. 3. Ut legatorum seu fideicommissorum servandorum causa caveatur.* 3. Quod si hæres non fecerit, legatarii & fideicommissarii in possessione rerum hæreditariarum, custodiæ causa mittuntur. *tit. ult. ut in possessionem Legator. vel fideicommissorum servandor. causa esse liceat.* Hactenus de Testamentis, deque testamentaria successione, aliisque exinde commodis.

## PARS SEXTA

## DIGESTORUM,

*Constans Libris VIII., puta lib. 37. 38.*

*39. 40. 41. 42. 43. 44.*

## EX LIB. XXXVII.

DE SUCCESSIONIBUS PRÆTORIIS,  
*seu de BONORUM POSSESSIONIBUS:*

*& primo quidem de his, quæ competunt  
 Tabulis Testamenti extantibus.*

I. **P** Rætoricæ successiones sequuntur,  
*quæ dicuntur Bonorum possessiones,*  
*δικαιωροί.*

De quibus & in Edicto, & in Codice  
 primo loco actum fuit antetestamentarias  
 successiones.

Quæ scil. a Prætoribus constitutæ sunt par-  
 tim adjuvandi, partim corrigendi, partim  
 supplendi juris civilis gratia. Et quia bo-  
 norum possessiones partim ex Testamento  
 dantur, partim ab intestato, ideo de bo-  
 norum possessionibus agitur medio loco,  
 inter testamentarias successiones, & legi-  
 timas: de iis vero agitur in genere tit.

I. *De bonorum possessionibus.* Sunt autem  
 bonorum possessiones vel ordinariæ, vel  
 extraordinariæ, seu subsidiariæ.

I. *Ordinariæ* bonorum possessiones dan-  
 tur, vel tabulis testamenti extantibus,  
 vel nullis extantibus. De primis prius.

Pariter ut in edicto perpetuo.

1. *Si tabulae testamenti extant*, prima ea possessionis bonorum causa est: Testamentaria quippe causa semper præcipua est, ut jure Civili, ita & Prætorio. *tit. 2. Si tabulae Testam. extabunt*. Et hæc quidem bonorum possessio, si furioso, & infanti, vel muto, surdo, cæcove competat, tum quæritur, an eam admittere possint. Hi tres postremi sane eam admittere possunt: pro duobus vero prioribus, alii eam possunt, veluti Curatores & Patres. *tit. 3. de bonorum possessione furioso, & infanti muto, surdo, cæco, competente*.

Porro tabulis Testamenti extantibus, vel contra, vel secundum tabulas bonorum possessio deferitur.

De bonorum possessione contra tabulas prius.

Pariter ut in Edicto.

*Contra tabulas* bonorum possessio deferatur liberis & posthumis vel præteritis, vel non ut oportet exhæredatis. Neque suis tantum, sed & emancipatis, imo & Adoptivis. Item parentibus & patronis: *tit. 4. de bonorum possessione contra tabulas*.

Singularia autem multa habet hæc bonorum possessio, pro ratione personarum, quibus competit: puta ratione emancipatorum, nasciturorum, pupillorum. *Emancipatorum* ratione, tria singularia hujus bonorum possessionis contra tabulas sunt.

De

De quibus in Edicto perpetuo quoque hic eodem ordine.

Nempe, solutionis Legatorum certis personis, collationis, & concursus cum filiis, seu nepotibus. Primum igitur singulare est, ut quanquam legata & fideicommissa tabulis adscripta petita bonorum possessione regulariter corruant, excipiantur tamen certæ personæ: nam petita quamlibet contra tabulas bonorum possessione, legata testamento adscripta emancipati certis personis edicto comprehensis præstare tenentur, puta, parentibus, liberis, uxori, & nurui dotis nomine. *tit. 5. de legatis præstandis, contra tabulas bonorum possessione petita*. Secundum singulare est *Collationis*. Nempe petita bonorum possessione contra tabulas, conferre quoque emancipati non emancipatis fratribus bona propria tenentur, quæ scil. communi patre moriente habuerunt, sic ut tam ex propriis, quam ex paternis in unum confusis, contingentem portionem ferant. *tit. 6. de Collatione*. Et nominatim filia dotem conferre tenetur, & quidem profectitiam dotem, non modo emancipata, sed & sua. *tit. 7. de Dotis collatione*. Tertium singulare est, *Concursus* cujusdam ut dixi: Nempe patri emancipati petenti bonor. poss. contra tabulas, concurrunt jungunturque, unam & eandem in partem liberi ex eo nati, & in potestate ab avo retenti, ex edicto seu clausula nova, Edicto inserta a Juliano. *tit. 8. de con-*

*jungendis cum emancipato liberis ejus.*

2. *Nasciturorum* quoque liberorum ratione, singularis hæc bonor. poss. est: nam Prætor ventrem quoque mittit, per bonorum possessionem contra tabulas, in possessionem bonorum defuncti, ut alatur, eidemque insuper curatore dato prospicit, rebus scil. administrandis. *tit. 9. de ventre in possessionem mittendo, & Curatore ejus.*

3. *Pupillorum* denique ratione, quibus status controversia movetur, singularis hæc contra tabulas bonorum possessio est, nam & his Prætor, si qua eis status controversia moveatur, dilata in pubertatis tempus controversia, causa cognita, bonorum possessionem interim decernit. Idque est quod Carbonianum Edictum dicitur. *tit. 10. de Carboniano Edicto.* Et hæc de bonorum possessione contra tabulas.

2. *Secundum tabulas* bonorum possessio omnibus hæredibus sive scriptis, sive nuncupatis datur. *tit. 11. de bonorum possessione secundum tabulas.*

Sic absolutus est bonorum possessionis extantibus tabulis tractatus. Antequam ad bon. poss. sec. tabul. transitus speciatim fiat, communis utrique bon. possessioni, eaque singularia, tam secundum, inquam, quam contra tabulas, nonnulla interjiciuntur.

Primum scil. *parenti* quoque manumissori bonorum possessio competit, quasi patrono. *tit. 12. si a parente quis manumissus sit.*

Secundo ex testamento quoque militis, utcumque minus solenni bonorum possessio datur: non vero contra tabulas militis.

*tit.*



tit. 3. de bonorum possessione ex testamento militis.

Tertio, (qui & ipse Edicti perpetui ordo erat) *Patronis*, eorumque liberis tabulis extantibus, iisque præteritis, contra tabulas libertorum bonorum possessio datur, si liberi non extent ad dimidiam partem bonorum avocandam: tabulis vero non extantibus, similiter certis casibus. Cujus occasione omnia illa *Patronatus jura* commodaque, inter quæ non ultimum est bonorum possessionis petendæ jus, in antecessum exponuntur: ut ex quibusmodis jus patronatus adquiratur, vel amittatur. tit. 14. de jure patronatus.

*Patronatus* vero jus & in his quoque rebus cernitur, quæ & ipsa hic per occasionem & propter viciniam tractantur, puta, in obsequiis: Obsequia scil. honorem, reverentiam, pietatem, utrisque debent liberti & liberi: cujus ratione 1. neque in jus, nisi venia petita, vocari. 2. deque famosa actione conveniri. 3. neque Jusjurandum calumniæ exigi. 4. neque in solidum condemnari. 5. neque fidejussores locupletes judicio sisti dare cogi possunt. tit. ult. De obsequio parentibus & *Patronis præstando*: ubi notandum, hac occasione, propter materiæ personarumque vicinitatem, & de obsequio parentibus præstando agi.

## E X L I B. XXXVIII.

*Quo quatuor continentur.*

1. APPENDIX ad *superiorem librum*.
2. *de bonorum possessione ab Intestato*.
3. *de Extraordinaria bon. poss.*
4. *de Legitimis successioneibus*.

2. **O**pera quoque sunt pars juris patronatus: Opera 1. officia diurna sive in ministerio, sive in artificio libertatis causa imposita libertis per stipulationem, vel iuramentum. Has sane operas, si patronus elegerit, a bonorum possessione repellitur. *tit. 1. de Operis libertorum.*

Nunc e diverticulo in viam: Bonorum igitur possessio patrono præterito, in partem dimidiam, adversus hæredem scriptum competit: ut & bonorum possessio unde legitimi. *tit. 2. de bonis libertorum.* Eademque & de libertis Universitatum, & municipiorum dicenda sunt. *tit. 3. de libertis Universitatum.* Item quæ de Patronis dicta sunt, eadem & de liberis patroni dicenda sunt: Et quidem omnibus, nisi pater uni libertum assignaverit, i. e. significaverit, cujus ex liberis suis libertum eum esse velit. *tit. 4. de assignandis libertis.* Denique bonorum possessioni proxima est, jurisque patronatus portio est, revocatio eorum, quæ in fraudem legitimæ patrono debita a liberto facta sunt. *tit. 5. si quid in fraudem patroni factum sit.*

2. *Non extantibus tabulis testamenti,*  
at-

DE BONORUM POSSESSION. 275  
atque adeo ab intestato bonorum possessiones nunc sequuntur.

Pariter ut in Edicto perpetuo, in tractatu tamen de legitimis successionibus, de quibus generatim ut in Edicto, ita & hic agitur: hic vero alio ordine, de gradibus seu ordine hac in re servando. In Edicto quippe perpetuo, cum de legitimis successionibus agitur, & de gradibus illis agitur. Hic aliter, nempe ordine illo in tractatu de bonorum possessionibus reservato: sed tamen servato Edicti ordine in eorum dispositione.

Ergo bon. poss. hæc, de qua in genere etiam prius agitur, 1. *Liberis* primum datur, quæ bonorum possessio, *unde liberi*, vocatur. *tit. 6. Si tabulæ testamenti nullæ extabunt, unde liberi.* 2. Legitimis, i.e. agnatis, quæ poss. bon. vocatur unde legitimi. *tit. 7. Unde legitimi.* 3. Cognatis, quæ bonorum possessio per fœminas conjunctis, cæterisque a superioribus exclusis competit. *tit. 8. Unde Cognat.* In his autem bonorum possessionibus hoc observandum est, quod unis repudiantibus, vel non petita bonorum possessione decedentibus, vel tempore præstituto exclusis, ne creditores diutius justo fraudentur, sequenti in eodem gradu locus fiat; & gradu non exhausto, sequens gradus admittatur: idque est *Edictum* quod *successorium* dicitur. *tit. 9. de successorio Edicto.* Proinde exacta graduum cognitio habenda est, qua causa hic positus est *tit. 10. de Gradibus & adfinibus, & nominibus eorum.* Qui titulus seu tractatus alioquin  
M 6 & ad

& ad legitimas successiones, & ad tractatum de nuptiis quoque pertinet, ubi de gradibus cognationum quoque agitur.

Quarta bonorum possessio Tabulis testamenti non extantibus, est ea, quæ *Vi-ro. & Uxori* competit. Tribus enim gradibus superioribus deficientibus, seu post agnatos & cognatos ad decimum usque gradum, Prætor virum & uxorem, mutuo ad alterius intestati bonorum possessionem vocat. *tit. 11. unde vir & uxor.* His tandem omnibus deficientibus (qui & ipse ordo Edicti fuit) fit locus *Fisco*, vel etiam iisdem extantibus, cum capitali sententia, is de cuius bonis agitur, damnatus fuerit; hoc enim casu capite damnato Fiscus succedit. Qua tamen parte excipitur miles & veteranus. Nam si ex militari delicto hi condemnati fuerint, de bonis castrensibus testari possunt. Sed & ab intestato, castrensia eorum bona, adgnatis vel cognatis ad quintum usque gradum deferuntur. *tit. 12. de Veteranorum & militum success.*

Item Fisco locus fit, si quasi indigno bonorum possessio ablata fuerit, ut quia volentem testamentum facere quis prohibuit; ut ita ad se potius hæreditas ab intestato perveniret (de quo etiam in Civili successione actum supra lib. 29. tit. 6.) *tit. 13. quibus non competit bonorum possessio.*

2. *Extraordinaria* seu *subsidiaria* bonorum possessio est,

( De qua & in Edicto perpetuo hoc ipso loco actum )

Ea, qua de re agitur *tit. 14. Ut ex Legibus Senatusconsult. bonorum possessio detur*, quoties scilicet Leges, Acta, vel Constitutiones bonorum possessionem specialiter deferunt. Postremo loco agitur *tit. 15. Quis ordo in bon. possessionibus servetur. De Temporibus* petendæ bonorum possessionis, seu intra quæ tempora bonorum possessio peti, vel admitti debeat, quia finito tempore sequens gradus ordine succedit.

3. *Legitima successio* est, quæ defertur vel Lege, ut puta suis & Legitimis. *tit. 26. de Suis & Legitimis hæredibus*: Vel *Senatusconsulto*, ut matribus & filiis in mutua inter eos successione. *tit. ult. ad Senatuscons. Tertullianum & Orphitianum*.

Et hætenus quidem de septimo actionum seu controversiarum, Judiciorumque fonte, occasione videlicet *mortis alicujus*, deque commodis ex ejus bonis.

## EX LIB. XXXIX.

TRES Actionum fontes, finesque: puta  
8. *Damnum imminens*. 9. *Vectigalium conductio*. 10. & *liberalitas*.

VIII. **O** Gravum Controversiarum genus actionumque, seu Judiciorum descendit ex *Damno aliquo imminente*, seu

seu impendente, i. e. nondum dato, verum propediem dando, nisi in tempore occurratur; atque adeo actiones hæc prodiitæ ad averruncandum damnum.

Qua etiam parte secutus est Tribonianus ordinem Ediæti perpetui, ubi pariter hic tractatus post tractatum de bonorum possessionibus & successionibus, deque legatis subiciebatur; & quidem propositis eodem ordine tribus Ediætis.

*Damnum* autem dandum, seu impendens metuitur 1. vel ab *Opere* aliquo *novo* faciendo: 2. vel a *Ruina* operis alicujus veteris impendente: 3. vel ab *Aqua*.

1. A *novo opere* si damnum metuatur, si quis novum opus faciat, quo pristina facies mutetur, vicinarum ædium dominus juris sui conservandi causa novum opus ædificanti nunciare potest, (i. e. denunciare, ne faciat, ne pergat.) Postquam nunciationem demum committunt se litigatores Prætoris Jurisdictioni. tit. 1. *de Operis novi nunciatione*.

Et hinc jam incipit Digestum Novum, ita dictum ob titulum istum. tit. 1. *de Operis Novi nunciatione*.

2. A *Ruina* veteris ædificii, si damnum metuatur, i. e. si vicini ædificium ruinam minetur, vicino jus est nunciandi, in id, ut damni infecti sibi caveatur (i. e. de sarciendo damno, si quod inde sibi contingerit. Quod si factum non fuerit, vice cautionis mittitur vicinus, decreto Magistratus cujuscunque in possessionem illarum ædium, quæ ruinam minantur: imo & si perseveraret non cavere, etiam



cas ædes nunciator secundo decreto possidere jubetur. Cæterum, quæ de damno imminente ab ipsarummet ædium ruina dicuntur, eadem & de eo damno accipienda sunt, quæ a suggrundiis & projectionibus metuuntur) i. e. tabulis, omnibusque aliis, quæ circa extraque ædificia ipsa eminent foras, vel projecta sunt, ædibusque applicata: id enim sibi vult vox *suggrundiorum & projectionum*. tit. 2. de Damno infecto, & de suggrundiis, & projectionibus.

(Quod malo quam *protectionum*, alioquin *prosectorum* vox magis hic congrueret.)

3. *Ab Aqua* damnum si metuatur, aquæ arcendæ nomine vicino actio competit, si videlicet damno nondum dato, verum opere in agro jam manufacto, puta structura aquatili aqua, sive pluvia, sive pluviatilis nocitura sit. Qua actione id efficitur, ut opere in pristinam faciem restituto, aqua avertatur. tit. 3. de *Aquæ pluvia arcenda*.

ix. Nonum controversiarum genus oritur ex *Vestigalium* seu *publicorum* conductione, quæ inter privatos quoque actionem parit, & duplicem quidem. Nam si *Publicani*, i. e. *Vestigalium* conductores ipsi vel familiæ eorum, *vestigalium* occasione, quid super exegerint, propria actione tenentur: vicissim, si negotiatores merces suas *vestigali* obnoxias, apud *publicanum* professi non fuerint (uti tenentur) merces improfessæ in commissum cadunt, (i. e. *Fisco* vindicantur). tit.

tit. 4. de Publicanis & vectigalibus & commissis.

Et ita quidem hoc nexu hic titulus a Triboniano locatus est: non vero ex homonymia vocis *publici*. In Edicto sane perpetuo hic titulus locatus est proxime post titulum de *Furtis*, quia de Furti genere a Publicanis, vel eorum familia admissio in eo agitur. Quamquam, & illic & hoc loco utrobique inquam, de eo Jurisconsultos, qui ad Edictum scripserunt, egisse reperio.

x. *Decimum* controversiarum genus descendit ex mera liberalitate, seu donatione, de qua agitur hoc loco, & in genere quidem tit. 5. de *Donationibus*.

De qua quo loco in Edicto Prætoris actum fuerit, vix liquet, nisi quod suspicari licet ex nonnullis fragmentis; de eo actum in tractatu de *Exceptionibus*, sub tit. *quarum rerum actio non datur*.

Donationis vero duæ species sunt, inter vivos una, altera mortis causa (i. e. ob mortis periculum vel cogitationem.) Quæ donationis species, non nisi morte donatoris eadem in voluntate deficientis, confirmatur. tit. ult. de *mortis causa donationibus*.

## EX LIB. XL.

### STATUS CAUSÆ.

xi. **U**ndecimum controversiarum genus est de *statu personæ*, seu de *Causa status*; *Præjudiciales* actiones dicuntur. De

De qua hoc ipso loco Edictum perpetuum scriptum erat.

Quæ ipsa status causa triplex est : 1. Libertinitatis. 2. Liberalis causæ. 3. Ingenuitatis.

1. *Libertinitatis* causa seu controversia est, cum quæritur, servus ne sit quis, an vero libertinus? Huc vero pertinet tractatus de *manumissionibus* ( id est de datione libertatis. ) Ubi primum quæritur, qui manumitti vel manumittere possint : & apud quos, de quo *tit. 1. de Manumissionibus*.

3. *Species*, seu modi manumissionis, quæ ab homine fiebat, & justæ quidem, duæ hic pertractantur, quæ olim in usu erant, cæteris Justiniani ætate vel ab ipso abolitis. 1. *Vindicta* manumissio, quæ videlicet apud Magistratum, apud quem legis actio erat, fiebat, præsentem domino, non per procuratorem. *tit. 2. de Manumissis Vindicta*, nisi quod per Syndicum servi Universitatum ( i. e. Collegiorum, Municipiorum, Provinciarum, Rerumpublic. ) vindicta manumitti possunt. *tit. 3. de Manumissionibus*, quæ servis ad Universitatem pertinentibus imponuntur.

Secunda species justæ manumissionis est ea, quæ *Testamento* fiebat. *tit. 4. de manumissis testamento*. Varia tamen ratione adhuc, varioque eventu : nam 1. Libertas testamento non tantum seu non semper directo adscribebatur, sed & per fideicommissum sæpe verbis precariis. *tit. 5. de*

3. *de fideicommissariis libertatibus*. Libertas quandoque testamento adscripta, & ipso jure valida, ex post facto lege adimebatur, seu eripiebatur, tanquam indigno: veluti L. Papia, ei qui tacitam fidem testatori in fraudem legum accommodasset. *tit. 6. de Adoptione libertatis*.  
 3. Sub die, aut conditione sæpe testamento libertas adscribebatur, ac proinde suspendebatur: ita vero manumissus interim servus erat statuliber dicebatur. *tit. 7. de statuliberis*.

11. Et hæc quidem de manumissione, seu liberatis-datione, quæ ab homine, seu a dominis fiebat, & regulariter non nisi a dominis, eorumque consensu: sic ut si domini consensus intercederet, libertas omnino competeret. Et tamen utrumque secus quandoque eveniebat: Nam quædam erat libertatis datio *legitima*, seu quæ a lege fiebat, ipso jure publico: quandoque scilicet, seu certis casibus, etiam sine manumissione ad libertatem perveniebant, solo legis seu juris beneficio: Veluti si servi necem domini detexissent, si ob gravem infirmitatem pro derelicto a dominis habitui fuissent, aliisque de causis. *tit. 8. qui sine manumissione ad libertatem perveniunt*. Ex adverso, quidam manumissi a dominis liberi tamen ipso jure non fiebant, lege impediente, & manumissio inutilis erat, ex duplici potissimum ratione Politica: Ne videlicet ut ipsi domini hoc facto suo, & promiscuis manumissionibus bonis suis evolverentur, aut aliis, creditoribus puta, fraud

fraus fieret, quam in rem lex *Ælia Sentia* lata fuit. *tit. 9. Qui & a quibus manumissi liberi non fiunt, & ad leg. Æliam Sentiam.*

III. Et hæc de hominis & legis facta circa statum libertinitatis. Nunc de singulari beneficio *Principis*, & quidem circa effectum manumissionis. Nam cum effectus manumissionis hi essent, ut & manumissos deinceps quoad statum publicum libertinos faceret, ab ingenuis & statu ingenuorum diversos, & privato patronatus juri obnoxios, ob utrumque tamen liberari beneficio *Principis* quandoque poterant; a statu, inquam, libertinorum, si jus aureorum annulorum (ferreis enim tantum utebantur libertini) a Principe impetrassent: hoc enim casu jura ingenuitatis adipiscebantur, salvo tantum Patronatus jure. *tit. 10. de Jure aureorum annulorum.* Ab ipso vero etiam patronatus jure, si a Principe natalibus (in quibus homines initio fuerunt) restituti fuissent, patronorum consensu; hoc enim casu plenam ingenuitatem adipiscebantur, extincto etiam Patronatus jure. *tit. 11. de Natalibus restituendis.* Et hæc de libertinitate, seu causa libertinitatis.

2. Secunda status controversia est *Liberalis*: qua videlicet quæritur, liber quis an servus sit. *tit. 12. de liberali causa.* Sive quis in libertate constitutus petatur in servitutem ab aliquo, sive in servitute constitutus ipse ad libertatem e servitute proclamet: Quod sane non omnibus licet, quidam enim ad libertatem proclamare non

non possunt. *tit. 13. quibus ad libertatem proclamare non licet.*

3. Tertia controversia status est Ingenuitatis, qua quæritur, ingenuus quis sit, an vero Libertinus. *tit. 14. Si ingenuus esse dicatur.*

Omnibus istis tribus status controversiis commune est, ut ne de statu defunctorum in deteriorem causam post quinquennium quæri possit, in meliorem, possit. *tit. 15. Ne de statu defunctorum post quinquennium quærat.*

Vivo certe eo, qui liber, aut ingenuus pronunciatus est, de statu ejus semper quæri potest: ita quidem etiam, ut ad collusionem detegendam, omnes præmio domini ejus qui liber judicatus est, aut ingenuus, invitentur. *tit. ult. de collusione detegenda.*

## EX LIB. XLI.

### DE POSSESSORIO JUDICIO.

**H**Actenus petitoriæ actiones: nunc Possessoria, sequentibus tribus libris  
41. 42. 43.

Hæc enim mihi connexionis ratio placet: non quasi ad Interdicta transiturus Justinianus rem aliquanto longius repetat, quia scil. interdicta pleraque de possessione sunt, quod Cujacio placebat.

XII. Duodecimum igitur Civilium controversiarum genus est, in quibus agitur de tuendo penes dominum & possessorem rei dominio, vel possessione, idque firmo per-



perpetuoque jure. Quo pertinet hic liber.

Quo proinde agitur de modis vel pleni domini una cum possessione, cui dominium est conjunctum, acquirendi, vel nudæ possessionis. 1. De modis acquirendi rerum (& quidem corporalium, nam de his tantum agitur) domini, *tit. 1. De Acquirendo rerum Dominio*. 2. De modis acquirendæ possessionis, & vicissim amittendæ, *titul. 2. De Acquirenda vel amittenda possessione*. 3. de *Usucapione*, quæ est adeptio seu acquisitio domini per possessionem prolixam justamq; , cui contraria est usurpatio, i. e. possessionis interruptio. *tit. 3. de Usurpationibus*. Cæterum causæ possessionum; seu Usucapionis tituli sunt onerosi, vel lucrativi, vel mixti. Onerosi, vel pro *Emptore*, quando ex causa emptionis, vel ex negotio emptioni proximo quis rem bona fide a non Domino nactus est, & possidet. *tit. 4. pro emptore*. Lucrativi tituli sunt quinque sequentes. Pro *Hærede*, vel pro *possessore*; quando quis ex causa hæreditatis, vel bonorum possessionis rem aliquam singularem, quam defunctus possedit, cum reliqua hæreditate possidet, eique incumbit: Nam licet aliena sit, longo tempore eam capere potest. *tit. 5. pro hærede vel pro possessore*. Item pro *donato*. Pro *derelicto*, quando quis rem a domino vel possessore derelictam occupavit. *tit. 7. pro derelicto*. Pro *legato*, cum ex causa legati, vel legati nomine, quis rem alienam a testatore sibi relictam habet. *tit. 8. pro legato*. Mixtus titulus, partim lucrativus, partim onerosus

rosus est titulus *dotis*, quia dos datur ad onera matrimonii sustinenda, ejusque fructus lucro mariti cedunt. *tit. 9. pro Dote*. His omnibus adde titulum *pro suo*, qui titulus & superioribus communis est, & subsidiarius, nam iis quoque accommodatur, qui civilem titulum non habent, sed naturalem tantum. *tit. ult. pro suo*.

## EX LIB. XLII.

### De EXECUTIONIBUS in Bonis, ex quatuor causis.

XIII. **E**xecutiones in bonis, tertio decimo loco nunc sequuntur, quibus possessio bonorum iusto alioquin domino, iudicio seu via juris, vique Judiciorum, eripitur: sic ut ea vel distrahantur, vel possidenda aliis dentur. Quod quidem ipsum fit quatuor ex causis, quarum nomine etiam Prætor seu Magistratus adiri solet, Ob rem scil. Judicatam, ob confessionem, ob cessionem bonorum: Denique iustis de causis fit & decernitur a Prætore missio in bonorum possessionem.

Qui quidem ipse ordo fuit Edicti perpetui: nisi quod inter hunc tractatum, quem nunc ingredimur, & tractatum de Usucapionibus, interjacebant ibi tractatus de Vi bonorum raptorum, de Incendiis, deque Injuriis, qui a Triboniano rejecti sunt in tractatum de Delictis. De singulis ordine.

I. *Res Judicata* igitur executionis jus parit seu acquirit, seu per rem judicatam  
ad

ad executionem pervenitur. Post Judicati scil. faciendi tempora elapsa, si judicatus judicatum facere recuset, executio rei judicatæ fit, captis officio Magistratus pignoribus: mox, duobus mensibus elapsis, ea ipsa publice sub hasta distrahuntur; vel non repertis emptoribus actori adjudicantur: vel etiam si judicatus non defendatur, creditor in possessionem mittitur omnium bonorum judicati servandi causa. *tit. 1. de re Judicata, & de effectu Sententiarum & de interlocutionibus.*

2. *Confessionis* in jure factæ a non errante in facto, eadem quæ rei judicatæ vis est, confessusque adeo pro judicato est: sic ut eodem modo eorum qui confessi sunt, pignora capi, distrahique possint. *tit. 2. de Confessis.*

3. *Cessionis* item bonorum in jure eadem ratio est, sic quidem, ut ei qui creditoribus suis bonis cessit, infamia non irrogetur, ac si ex Edicto ea possiderentur, & proscripta venirent bonorum emptori. *tit. 3. de cessione bonorum.*

4. *Latitante* item vel absente, vel non defendente se debitore, Prætor actores & creditores mittit in possessionem ejus bonorum, (quam & ipsam Q. Mutius ponebat inter genera possessionum, *leg. 3. 5. ult. de acqui. vel amittend. poss.*) triplici ferme fine, rei servandæ causa, legatorum servandorum gratia, & ventris nomine, ut omittam quæ sit damni infecti nomine, de qua *sup. lib. 39. tit. 4. Quibus ex causis in possessionem eatur.*

Et hæc quidem de Executionum, in-  
que

que bonorum possessionem missionis causis : sequitur *Forma* ejus , quatuor titulis seu capitulis sequentibus.

1. Nempe pignora capi auctoritate Judicis oportet , deinde ea vendi , ut ex pretio creditoribus satisfiat ; privilegiariorum & hypothecariorum prima ratione habita . *tit. 5. de rebus auctoritate Judicis possidendis , vel vendendis .*

2. Sæpe etiam *separanda* veniunt bona debitoris Prætoris auctoritate , puta hæredis bona , a defuncti debitoris bonis , petentibus creditoribus hæreditariis , qui alias suum consequi non possent , si confusis bonis hæredis creditores in participatum rerum hæreditariarum venirent . Item necessarii hæredis bona post mortem domini quæsitæ a dominicis bonis separanda veniunt , ut & castrensia militis bona a paganis . *tit. 6. de separationibus .*

3. *Curator* quoque sæpe creditoribus petentibus bonis debitoris custodiendis , & denique administrandis , mox , & vendendis , denique & ex pretio redactæ solutionibus faciendis , constituendus venit . *tit. 7. de Curatore bonis dando .*

4. Tandem etiam , quæ in fraudem creditorum facta sunt revocari oportet . *tit. ult. quæ in fraudem creditorum facta sunt , ut restituantur .*

## EX LIB. XLIII.

## DE INTERDICTIS.

XIV. **I**nterdicta quarto decimo seu ultimo loco sequuntur.

Pariter ut in Edicto perpetuo.

Interdicta, inquam, seu extraordinariæ actiones, quæ pro his competunt, quæ in id movebantur, dabanturque, apud quem interim *possessio* rei controversæ manere deberet, dum iudicium de proprietate agitur; quod ideo *momenti beneficium* dicitur, seu *beneficium momentaneæ possessionis*. Et sic, pariter ut duobus superioribus libris, *Judicia possessoria* hic continentur, & hoc quidem ad momentaneam possessionem impetrandam: illa ad perpetuam adsequendam. De his igitur interdictis in genere primum agitur, *titul. i. de interdictis, sive extraordinariis actionibus, quæ pro his competunt*; Quæ quidem postrema verba ideo addita sunt, quod hodie ordo interdictorum non observetur, sed statim agatur utili in factum actione, ut iudicetur cujus *possessio* sit, de qua agitur.

Interdicta autem illa manant vel ex jure aliquo universali, vel singulari. *Universali*, puta ex successione, vel præcedente missione in possessionem. Hujus generis quatuor sunt Interdicta; Et priora quidem duo, a primis Edicti verbis ita

N

de-

denominata. 1. *Quorum bonorum* (possessio scil.) ei data est. &c. Quod interdictum ei competit, cui Prætor bonorum possessionem dedit, ad rerum hæreditarium possessionem adipiscendam. tit. 2. *quorum bonorum*. 2. *Quod legatorum* (nomine scil. quis non ex voluntate hæredis occupavit, &c. Quod interdictum competit hæredi, vel bonorum possessori, parato satisficere legatorum nomine, ad recuperanda ea, quæ sine voluntate ejus legatorum nomine a legatariis propria auctoritate occupata fuerunt, ut scil. adepta possessione sibi Falcidiam servet per retentionem. tit. 3. *Quod Legatorum*.

3. In possessionem quoque misso ex causis, de quibus superiore libro 42. interdictum competit: ne vis sibi fiat, i. e. ne impediatur in bonorum possessione esse, & sic in eam venire, & redire si expulsus sit. tit. 4. *Ne vis fiat ei, qui in possessionem missus erit*.

Interdictum *de tabulis exhibendis*, ad testamenti causam pertinentibus, omnibus quorum interest competit, adversus eum, penes quem tabulæ sunt. tit. 5. *de tabulis exhibendis*.

Singulari ex jure quæ interdicta manant, vel religionem spectant, vel hominum utilitatem: seu alia juris sunt divini, alia humani.

1. *Divini Juris seu Religionis tuendæ causa*, Interdictum propositum est tituli. 6. *Ne quid in loco sacro fiat*.

2. *Humani juris causa interdicta*, vel publicam rem spectant, vel privatam. Pu-  
bli-



*blicam* quæ spectant utilitatem interdicta, ea vel locorum publicorum, vel Fluminum nomine competunt.

1. Locorum publicorum, veluti *itinerum aliorumque*, quo pertinent sequentia interdicta: idque partim ad usum eorum fruitionemque, partim ad tuitionem seu refectionem.

1. Ad *usum* inquam, locorum & itinerum publicorum, fruitionemque eorum interdicta competunt, quibus cuilibet in publicum petere permittitur, quæ ad usum omnium pertinent. *tit. 7. de locis & Itineribus publicis*. Ac nominatim Interdicto prohibitorio experiri licet, ne quid in loco publico vel itinere fiat, aut ædificetur, inve eum immittatur, qua ex re quid damni detur; neve vis fiat ei, qui utitur via publica. *tit. 8. Ne quid in loco publico vel itinere fiat*.

2. Ne publicanis, qui loca publica, veluti porticus, areas, insulas, balnea, lacus, stagna, &c. conduxerunt, vis fiat: quo minus ex lege locationis, locis publicis conductis fruantur. *tit. 9. de loco publico fruendo*.

3. Ad *tuitionem* locorum publicorum duo quoque remedia & interdicta spectant, ut si quid in via urbana fiat, huic rei Aediles occurrant, jure potestatis suæ. *tit. 12. de via publica*, & si quid in ea factum esse dicatur: 2. Ne vis fiat ei, qui viam publicam iterve rusticum scil. reficere velit. *tit. 11. de via publica & itinere publico reficiendo*.

II. FLUMINUM, & RIPARUM NOMI-

mine quoque varia interdicta proposita sunt: & quatuor quidem sequentia: pariter partim vel ad usum eorum, partim ad tuitionem. *Ad usum* 1. ne deterior videl. navigatio fiat, facto vel immisso aliquo in flumine publico ripave ejus. *tit. 12. de fluminibus*, ne quid in flumine publico ripave ejus fiat, quo pejus navigetur. 2. Ne fluxus aquæ aliter quam priore æstate fluxit, mutetur. *tit. 13. Ne quid in flumine publico fiat*, quo aqua aliter fluat, atque uti priore æstate fluxit. 3. Ne naviganti, vel piscanti, vel ripa utenti vis fiat. *tit. 14. ut in flumine publico navigare liceat*. 2. *Ad Tuitionem* quoque fluminum comparatum est Interdictum: puta ne vis fiat tuenti, reficienti, muniendi ripam fluminis, agrumve, qui circa ripam est. *tit. 15. de ripa munienda*. Et hæc de Interdictis publicam utilitatem spectantibus.

11. *Privatam* rem interdicta quæ respiciunt, competunt vel ratione rei immobilis juriumve, vel rei mobilis. Prioris generis sunt quindecim interdicta sequentia: Eaque spectant ad triplicem finem, vel ad tuendam fundi proprii possessionem, vel ad tuendum jus aliquod in alieno fundo, vel ob commune & personale interesse.

1. Ad prius pertinent duo sequentia interdicta. Interdictum *de vi & vi armata*. Quod datur ad amissam possessionem recuperandam, sive quis fundo sine armis dejectus est, quæ vis quotidiana dicitur: sive cum armis. *tit. 16. de vi & vi armata*

*mata.* 2. Interdictum item *uti possidetis*, ad retinendam fundi possessionem. *titul.*

17. *uti possidetis*. Secundi generis interdicta, quæ ad tuendum jus aliquod in alieno fundo dantur, sunt decem sequentia.

1. Interdictum *de superficiebus*. Hoc interdicto is, qui jus ædificandi habet in alieno solo, jus suum quasi possessionis tuetur. *tit. 18. de Superficiebus*.

2. Interdictum quoque *de itinere actiue privato*, ad retinendam quasi possessionem itineris, actus, viæ privatæ, per fundum alienum. *tit. 19. de Itinere actiue privato*.

3. Interdictum *de aqua quotidiana & æstiva*, ad retinendum usum, vel adipiscendam quasi possessionem aquæ ducendæ ex alieno. *tit. 20. de aqua quotidiana & æstiva*.

4. *de Rivis*, per quos aqua ducitur, reficiendis scil. *tit. 21. de Rivis*.

5. *de Fonte*, i. e. haurienda aqua ex fonte alieno. *tit. 22. de Fonte*.

6. *de Cloacis* reficiendis, purgandis. *tit. 23. de Cloacis*.

7. Quod *vi aut clam* interdictum: quod competit ei, cui a vicino, vi aut clam opere facto damnum datum est. *titul. 24.*

*quod vi aut clam*: cujus tituli exceptio est *tit. 25. de remissionibus*: nam si post

nunciationem novi operis remissionem nunciationis nunciatus impetraverit, eo interdicto is tenetur, ipsique nunciato interdictum

*de remissionibus* datur. 8. *De Precario* Interdictum ejusdem generis est. Precarium est

concessio rei, vel possessionis, quam prece ita impetravimus, ut uteremur quamdiu libuerit concedenti. Ergo si ea res mihi ablata sit,

competit hoc interdictum. *tit. 6. de precario*.

9. Item *de Arboribus cædendis* interdictum; quo vicinum arbores suas in ædes meas impendentes, vel in agrum meum conlucare seu sublucare, coercereque oportere intendo. *tit. 27. de arboribus cædendis.*

10. Interdictum *de glande legenda*, id est, ut fructum omnem meum in fundum vicini cadentem tertio quoque die colligere mihi liceat. *tit. 28. de glande legenda.*

Tertium genus Interdictorum, quæ privatam rem jusque respiciunt, est eorum, quæ dantur ob commune aliquod personarum interesse: cujusmodi duo hic proponuntur. 1. Interdictum *de homine libero exhibendo*, quod datur in eum, qui supprimit hominem liberum; Quod quidem officii causa introductum est, quia hominem beneficio affici, hominis interest. *tit. 29. de homine libero exhibendo.* 2. Interdictum *de liberis exhibendis*, item *ducendis*: quod datur, ut quis filium vel nepotem exhibeat, qui in potestate mea est, etsi bona fide eum retineat. *tit. 30. de Liberis exhibendis, item ducendis.* Et hæc de interdictis, quæ rei immobilis, jurisve alicujus nomine competunt.

2. *Mobilis*, vel *moventis* se rei ratione interdicta tria sequentia prodita sunt.

1. Interdictum *Utrubi*, quod servi nomine competit ei, apud quem majore parte anni fuisset. *tit. 31. Utrubi.*

2. Interdictum *de Migrando*, quod competit inquilino migraturo ex ædibus ad abducenda frivola sua, quæ intulit, soluta pensione. *tit. 32. de Migrando.* 3. & retro *Salvianum* interdictum domino seu locatori

295

DE INTERDICTIS

tori competit, ad prosequendam possessionem rerum conductoris, pro mercede pignori obligatarum. *tit. ult. de Salviano interdicto.*

Et sic de possessoriis etiam actionibus & judiciis, sive ad justam alicujus possessionem proprio & perpetuo titulo firmandam, tuendamque, de quo *lib. 41.*, sive ad possessionem justo alioquin domino jure eripiendam, de quo *lib. 42.*: sive ad momentaneam tantum possessionem tribuendam, de quo *lib. 43.*

EX LIB. XLIV.

I. De EXCEPTIONIBUS.  
2. deque OBLIGATIONIBUS in genere.

I. **E**XCEPTIONES nunc reorum adversus actiones sequuntur, seu quibus actiones excluduntur.

Eodem ordine, quo & in Edicto perpetuo.

Quas & ipsas Exceptiones Prætor olim formulis addebat: de quibus agitur in genere *tit. 1. de Exceptionibus, præscriptionibus & præjudiciis*. Speciatim vero quinque exceptionum genera, præter alias, quæ jam supra titulos peculiares sua ratione habuere, proponuntur. 1. *Rei Judicæ Exceptio. tit. 1. de exceptione Rei Judicæ.* 2. *Temporis exceptio. i. e. præscriptionis & possessionis. tit. 3. de diversis temporalibus præscriptionibus, & de ac-*

*cessionibus possessionum*. 2. *Doli mali & metus Exceptio*. tit. 4. *de Doli mali & metus exceptione*. 4. *Actionis non impetratæ exceptio*. tit. 5. *Quarum rerum actio non detur*. 5. *Postremum exceptio litigiosi*. tit. 6. *de litigiosis*.

11. Post speciales & singulares civilium Judiciorum actionumque species, earumque causas seu fontes referatos, finesque propositos, quæ scil. ex *Obligatione* aliqua speciali quæque illa sit, ex qua quis alteri obligatus est, oriuntur: atque adeo post *actiones*, quæ a libro 5. pertractari cæperunt, ipsæ jam in commune obligationum contrahendarum firmandarumque, (unde & *actiones* enascuntur) & retro solvendarum (unde exceptiones oriuntur) formæ seu rationes deinceps proponuntur: contrahendarum, inquam, ut actionem producere possint: unde tit. ult. *de Obligationibus & Actionibus*, & quidem civilem, de qua *supra*: vel pænalem, de qua postea lib. 47. & 48. Inter quæ duo actionum genera hic de obligationibus tractatus medio loco, ceu in confinio positus est, quandoquidem & quædam obligationes sunt ex delicto.

Hæc inquam, ordinis istius ratio reddi possit, & *Edicti* tamen perpetui ordinem attendenti, quo scil. ultima ejus parte de *stipulationibus* conventionalibus, de *satisfactionibus*, deque *stipulationibus Prætoriiis* (quæ & ipsæ instar actionum sunt. *l. actionis 7. de obligat. & action.*, & *edicto* de edendo continentur) actum fuit, apparet, de *Obligationibus & stipulationibus*  
in



in genere, rum & de modis solvendæ obligationis, hac tantum satisfactionum & stipulationum occasione hic actum: & sic hætenus quoque Edicti ordinem hic servasse Tribonianum; nisi quod de obligationum tollendarum modis nulli ibi tituli extitere. Quare autem de eo hic actum fuerit, suspicari libet, quia materia hæc universum jus perambulat: & velut omnium obligationum, actionum & negotiorum *Pandectæ* est; sive ad ea statuminanda, firmanda, sive tollenda.

# PARS SEPTIMA

# DIGESTORUM,

a libro 45. ad finem Pandectarum,

E X L I B. XLV.

## DE STIPULATIONIBUS.

3. **H**Arum igitur obligationum, quod secundo loco tenendum est, *Vin-  
cula* & accessiones proponuntur: quæ sunt *Verborum obligationes*, seu *stipulationes*, id est conventiones solemnibus verbis ex interrogatione & responsione confectæ, quæ utique ab aliis obligationibus pendent, & inventæ sunt cæterarum obligationum firmandarum causa. *titul. 1. de verborum obligationibus*. Porro circa has stipulationes, & quidem personarum respectu, ad singularem effectum, notanda sunt hæc tria. Primo, *Duos* quandoque pluresve reos, tum stipulandi, tum & promittendi una eademque stipulatione promissioneque sæpe constitui: sic ut duo tum creditores sint, quibus singulis solidum debetur; duo contra debitores obligati in solidum singuli: quod quomodo fiat declaratur *tit. 2. de duobus reis constituendis*.

Secundo notandum, *servos* quoque interdum stipulari: & recte quidem, persona videlicet dominorum inspecta, *tit. 3. seu de stipulatione servorum*.

E x

## EX LIB. XLVI.

I. DE OBLIGATIONUM ACCESSIONIBUS: *DE ACCESSIONIBUS*

## 2. Deque Actionum &amp; Obligationum SOLVENDARUM modis.

## 3. Tandem de stipulationibus PRÆTORIIS.

**T**ertio notandum, *Fidejussores & mandatores* quandoque obligationibus alienis accedere: *fidejussores*, inquam, i. e. qui pro debitore, suo nomine stipulanti, promittunt, citra novationem: *Mandatores*, qui fidejussorem fidejubere, vel creditorem ipsum alii credere rogant. *tit. 1. de Fidejussoribus & Mandatoribus.*

Et hæc de obligationibus contrahendis stipandisque, seu firmandis.

*Extinguuntur* vicissim obligationes variis modis. 1. *Novatione*. 2. & *Delegatione*. *Novatione* inquam, id est mutatione debitoris, vel causa debendi: *Delegatione*, i. e. mutatione creditoris simul, & debitoris. *tit. 2. de Novationibus & delegationibus*. 3. *Solutione*, qui modus tollendæ obligationis maxime naturalis est. *tit. 3. de Solutionibus & liberationibus*. 4. Tandem & *Acceptilatione*, quæ imaginaria solutio est *tit. 4. de Acceptilationibus*. Et hæc de stipulationibus conventionalibus.

2. *Prætoriae* quoque quædam stipulationes sunt, quæ Edicto Prætoris interponi jubentur, quæ multa habent præcipua, de quibus in genere *tit. 5. de stipulationibus*

*Prætoris*. Istiusmodi stipulationes Prætoris tres hic speciatiim proponuntur. 1. *Rem pupilli salvam fore*, quam præstat tutor vel curator legitimus, vel datus sine inquisitione, & uno tantum casu testamentarius, & ex inquisitione datus, puta si unus ex pluribus solus administrare velit. *tit. 6. Rem pupilli vel adolescentis salvam fore*. 2. *Judicatum solvi* stipulatio. *tit. 7. judicatum solvi*. 3. *Ratam rem haberi*, quam regulariter reus a procuratore actoris stipulatur, antelitem contestatam. *tit. ult. Ratam rem haberi, & de ratihabitione*.

Et hætenus quidem de civili iudicio.

Ubi & *Edictum* Prætoris desinebat, quod is de civilibus tantum causis cognosceret, exceptis privatis, furti, vi bonorum raptorum, incendii, injuriarum actionibus, de quibus in Edicto alio loco situmque actum fuit.

## EX LIB. XLVII.

*De DELICTIS* 1. *Privatis*, 2. *Extraordinariis*, 3. *Popularibus*.

**P***Oenalia* nunc *Judicia* sequuntur, seu pœnales actiones, delictorum nomine: Quorum varia admodum persecutio est, unde & delictis illis varia quoque nomina indita, & ideo in quatuor species divisa: Alia quippe *privata* delicta vocantur, alia *Extraordinaria* crimina: alia *po-*  
pu-

*pulares actiones, alia denique publica iudicia.*

1. *Privata delicta* dicuntur, quæ me-  
ram utilitatem causamque privatam atti-  
nent, & attentant; denique quæ privatam  
persecutionem continent.

Quorum nomine Prætor quoque Edi-  
cto suo ad privatam persecutionem seu fo-  
renses actiones proposuit, de quibus in  
Edicto Prætoris actum fuit aliis locis.

De his in genere agitur *tit. 1. de pri-  
vatis delictis*. Hujus generis delicta tria  
sunt: Furtum, Rapina & Injuria; e quibus  
duo priora *bona* respiciunt, postremum  
famam, honorem, existimationem.

De Furto agitur in genere *tit. 2. de  
furtis*. Sed enim speciales quædam sunt  
furti actiones, quæ singularia quædam ha-  
bent: sive ratione objecti, sive respectu  
personarum, quæ furtum admittunt, sive  
ratione subjecti. 1. Ratione *objecti* pecu-  
liaris est actio *de Tigno injuncto*, ex l. 12.  
Tabul.: qua actione is qui alienam mate-  
riam quamcunque, ( quæ omnis *tigni* ap-  
pellatione comprehenditur ) ædibus suis  
vel vineæ junctam habet, quia eam sol-  
vere non potest, neque tenetur, ne vel  
ædificia sub hoc prætextu diruantur, vel  
vinearum cultura turbetur, in duplum  
ejus nomine tenetur etiam ignorans. *tit.*  
*3. de tigno injuncto*. 2. Ratione *persona-  
rum* quæ furtum admiserunt, tres hic spe-  
ciales furti actiones proponuntur. Prima,  
quæ prodita est Edicto Prætoris in du-  
plum, adversus eum, qui liber esse jussus  
est testamento, si ante hereditatem adi-  
tam,

tam, aliquid ex ea surripuit, vel depopulatus est, seu dissipavit. *tit. 4. Si is qui testamento liber esse iussus erit post mortem domini, ante aditam hæreditatem surripuisse, aut corripuisse quid dicetur.* Secunda, & ipsa Prætoris Edicto prodita, adversus Nautas, Caupones, Stabularios, licet ipsi furtum non fecerint, sed eorum aliquis, quorum opera ipsi utuntur. *tit. 5. Furti adversus nautas, caupones, stabularios.*

Tertia, si familia, i. e. grex fervorum unius domini, eo ignorante furtum fecerit: quamvis enim verum sit singulos servos furtum fecisse, attamen dominus liberatur præstando quantum si unus tantum liber, nisi malit omnes servos noxæ dedere, fecisset. *tit. 6. Si familia furtum fecisse dicetur.* 3. Tandem ratione subiecti singularis furti actio arborum furtim cæsarum nomine competit, ex l. 12. tab. & ex l. Aquilia: cæsarum inquam, licet earum furtum factum non fuerit. *tit. 6. Arborum furtim cæsarum.*

2. Secundum privatum delictum est *Rapina*, de qua Edicto Prætoris actio privatam persecutionem continens prodita est. *tit. 8. Vi bonorum raptorum.* Ad quam ea quoque actio pertinet peculiaris, quæ ex Edicto Prætoris competit adversus eum, qui ex incendio, ruina, naufragio, rate vel nave expugnata, quid rapuit, dolove malo recepit, vel damni quid in his rebus fecit. *tit. 9. de incendio, ruina, naufragio, rate, nave expugnata.*

Tertium privatum delictum est *Injuria*,



ria, quæ vel citra scripturam, vel scripto admittitur. *tit. 10. de Injuriis & famosis libellis*. Hactenus de privatis delictis.

2. *Extraordinaria crimina* sequuntur. Sunt ea vero, quibus principaliter quidem causa & utilitas privata attentatur, sed nihilominus vel religio, vel publica securitas, vel honestas etiam publica quodammodo etiam attaminatur: quæ & ideo non multa pecuniaria plectuntur, verum coercitione, eaque non ordinaria, verum extraordinaria, arbitrio Magistratus, & pro modo admissi. *tit. 11. de Extraordinariis Criminibus*. Cujusmodi crimina extraordinaria undecim hic memorantur, seu pertractantur, partim religionem spectantia, partim communem usum. 1. Sepulchri violati actio. *tit. 12. de sepulchro violato*. 2. *Concussio*, i. e. crimen pecuniæ extortæ per terrorem injectum sub specie publicæ alicujus potestatis. *tit. 13. de Concussione*. 3. *Abigeatus*. *tit. 14. de Abigeis*. 4. *Prævaricatio*, i. e. collusio accuſatoris vel advocati cum reo. *tit. 15. de Prævaricatione*. 5. *Receptatorum* crimen, i. e. eorum, qui reos criminum recipiunt vel dimittunt, pecunia accepta. *tit. 6. de receptatoribus*. 6. *Fures balnearii*, vestimentorum scilicet, eorum qui in balneis lavabantur. *tit. 17. de Furibus balneariis*. 7. *Effractura*. *tit. 18. de Effractoribus & Expilatoribus*. 8. *Expilata hæreditas*. *tit. 19. expilatæ hæreditatis*. 9. *Stellionatus*, i. e. omnis versutia, impostura, dolus omnis qui proprio caret nomine: veluti si quis rem jam obligatam dissimulata obligatione per

per calliditatem alii diffraxit, permutavit, in solutum dedit, vel si merces supposuit, veluti vitrum pro smaragdo. *tit. 20. felonatus. 10. Termini moti actio. tit. 21. de Termino moto. Postremum Collegii illiciti crimen tit. 22. de collegiis & corporibus,*

3. Tertia species delictorum est eorum, qui suum quodammodo jus populo adiungunt: unde ideo nascuntur actiones, quæ *Populares* vocantur, quæ suum jus populo tuentur. (*l. 1. 3. 4.*) veluti alibi corrupti, similesque aliæ. *tit. ult. de popularibus actionib.*

## EX LIB. XLVIII.

### DE PUBLICIS DELICTIS.

4. **P**ublica delicta, quæ quartam delictorum speciem constituunt, sunt, quæ vigorem publicæ disciplinæ non tantum attentant, sed etiam quæ lege aliqua publicorum Iudiciorum exerte vindicabantur: & de quibus olim *publicum* seu totius populi *Judicium* erat: quæ vita, vel libertate, vel civitate, aliave qua simili pæna vindicabantur: De his agitur in genere *tit. 1. de publicis judiciis*. Speciatim vero de his hæc quinque capita hoc libro pertractantur: 1. *Antecedentia* iudicium criminale. 2. Ipsæ delictorum seu publicorum criminum *species*. 3. *Processus* in his Iudiciarius. 4. *Pænæ* criminum. 5. Tandem & *consequentia*.

1. *Antecedentia* iudicium criminale duo sunt.

sunt. 1. *Accusatio & inscriptio in crimen*: nam quod in aliis est actio, id in his est accusatio & inscriptio. tit. 2. *de Accusationibus & inscriptionibus*. 2. *Custodia reorum & eorum exhibitio*. tit. 3. *de custodia & exhibitione reorum*.

2. *Species publicorum Judiciorum* ducdecim totidem titulis pertractantur. 1. *Majestatis crimen*. tit. 4. *ad l. Juliam Majestatis*. 2. *Adulterii*. tit. 5. *ad l. Juliam de adulteriis*. 3. *Vis publica*. tit. 6. *ad l. Juliam de vi publica*. 4. *Vis privata*. tit. 7. *d. l. Juliam de vi privata*. 5. *Homicidium & veneficiium*. tit. 8. *ad l. Cornelianam de Sicariis & veneficiis*. 6. *Parricidium*. tit. 9. *de l. Pompeja de parricidiis*. 7. *Falsi crimen*. tit. 10. *de l. Cornelia de Falsis*. 8. *Repetundarum crimen*. tit. 11. *ad l. Juliam repetundarum*. 9. *Annonæ fraudatæ*. tit. 12. *de l. Julia de Annona*. 10. *Peculatus*, item *sacrilegium*, & *crimen Residui*. tit. 13. *ad l. Juliam Peculatus & de Sacrilegiis & de residuis*. 11. *Ambitus*. tit. 14. *de l. Julia de Ambitu*. 12. *Plagium*. tit. 15. *de l. Fabia de plagiaris*.

3. *Processus criminalis* sequitur: de quo tria hoc libro tractantur. 1. *Primo* quidem accusatores cæptam accusationem peragere coguntur: alioquin *Senatusconsulto Turpilliano* vindicantur, nisi forte abolitione impetrata ab accusatione quis destiterit. tit. 16. *ad Senatusconsultum Turpillianum & de abolitionibus criminum*. 2. Si rei absint, requirendi veniunt, citatique absentes damnantur. tit. 17. *de de requirendis, vel absentibus damnandis*. 3. *Quæstio*

tionibus seu tormentis ad eruendam veritatem locus est. *tit. 18. de Quæstionibus.*

4. *Pœna* reorum sequitur. *tit. 19. de Pœnis*, de quorum bonis quid juris sit definitur: siue damnati sint. *tit. 20. de bonis damnatorum*: siue ipsi de se statuerint & damnationem quandoque anteverterint. *tit. 21. de bonis eorum qui mortem sibi consciverunt.* De interdictionis & Relegationis nominatim pœna agitur. *tit. 22. de interdictis & relegatis, & deportatis.*

5. Ad consequentia Judicii criminalis pertinent duo tituli postremi: quibus ostenditur, quandoque sententiam passos solere posseque restitui. *tit. 23. de Sententiam passis & restitutis.* Cadaver item punitorum quibuscunque petentibus ad sepulturam dari. *tit. ult. de Cadaveribus punitorum.*

Et hætenus quidem de Judiciis Civilibus & pœnalibus primæ instantiæ.

## EX LIB. XLIX.

### 1. De APPELLATIONIBUS.

### 2. Deque Jure PUBLICO.

**S**ecundæ instantiæ judicium sequitur ad *Appellationem* videl., de qua est titulus generalis *1. de Appellationibus.* In appellationibus speciatim tria tempora spectanda veniunt: 1. Interponendæ: 2. Interpositæ: 3. & proseguendæ appellationis.

1. In *interponenda* jure appellatione, horum ratio habenda, 1. Judicis, 2. Tempo-

poris, 3. Appellantis, 4. Causæ denique.  
 1. Judicis, inquam, a quo & ad quem:  
 sunt enim a quibus appellare non licet.  
*tit. 2. a quibus appellare non licet: Retro,*  
*definiti certique sunt Judices, ad quos ap-*  
*pellandum est. tit. 3. Quis a quo, appelletur.*  
 2. Tempora etiam certa statuta sunt, in-  
 tra quæ appellandum est. *tit. 4. Quando*  
*appellandum sit, & intra quæ tempora.*  
 3. Appellantis tandem ratio quædam pe-  
 culiaris est: puta ut & alii quoque quan-  
 doque appellare liceat, quam qui iudicio  
 victus est, humanitatis ratione. 4. Item  
 causæ sunt, in quibus appellatio non reci-  
 pitur. *titul. 5. de Appellationibus recipien-*  
*dis, vel non.*

3. Interposita appellatione debebat is a  
 quo appellatum erat, ad eum ad quem  
 appellabatur, libellos dimissorios, qui &  
*Apostoli* dicti, emittere, quibus ille judi-  
 cem appellationis certiores faciebat, Lu-  
 cium Titium v. g. a sententia sua appel-  
 lasse, cujus etiam sententiæ tenorem in-  
 dicabat. *tit. 6. de Libellis dimissoriis qui*  
*Apostoli dicuntur.*

Duobus superioribus capitibus commu-  
 ne illud est, seu interpositæ appellationis  
 vis hæc est; Primum ut nihil innovetur,  
 seu novi fiat appellatione interposita. *tit.*  
*7. Nihil innovari appellatione interposita.*  
 Secundo frustra quæri de interponenda ap-  
 pellatione, & frustra eam interponi, si sen-  
 tentia ipso jure nulla sit: veluti, quia  
 manifeste erronea, contra leges, contra  
 mortuum, impossibile quid continens, a  
 non suo & competente Iudice, inter non  
 con-

consentientes, lata fuit. *tit. 8. Quæ sententia sine appellatione rescindantur.*

3. Circa *prosequendam* & *pendentem* causam appellationis hæc quæstiones seu visiones incurrunt. Primo per quem causæ appellationum reddi possint, num etiam per alium. *tit. 9. an per alium causa appellationum reddi possunt.*

Secundo, appellator si causas appellationis non probaverit, periculum medii temporis præstat: veluti si quis tutor vel curator aut Magistratus creatus appellaverit, & causas appellationis non probaverit. *tit. 10. Si Tutor, vel Curator, vel Magistratus creatus appellaverit.*

Tertio, si quis appellaverit, & appellationis suæ causa peregre in aliqua provincia degat, ibidem in cæteris causis suis in eadem provincia alias actiones excipere, seque defendere necesse habet. *tit. 11. Eum qui appellaverit in provincia defendi.* Et retro alias causas apud eundem nihilominus Judicem, a quo appellavit, agere compellitur, neque ideo ejus forum vel cognitionem declinare potest. *tit. 12. apud eum a quo appellatur aliam causam agere compellendum.* Tandem, si pendente appellatione mors intervenerit, iudicium civile in hæredem transit: non & criminale. *titul. 13. Si pendente appellatione mors intervenerit.*

## HACTENUS DE JURE PRIVATO.

II. PUBLICUM jus sequitur. Publicum jus VOCO, quo præcipue Respublica con-



continetur, & in quo nervi Reipublicæ consistunt. Cujusmodi sunt hæc duo. Fisci jura : de quibus *tit. 14. de jure fisci*. Secundo res *Militaris*, quo pertinent quatuor tituli sequentes : *tit. 15. de captivis & de postliminio*, & *de redemptis ab hostibus*. *tit. 16. de re militari* : *tit. 17. de Castrensi peculio* : *tit. ult. de Veteranis*.

## EX LIB. L.

De Jure MUNICIPALI, deque Verbis  
& REGULIS Juris.

III. **M**unicipale denique jus sequitur, id est, quo non jam universa Resp. Rom. continetur, verum quo singulorum municipiorum & civitatum jura reguntur, definiuntur. *tit. 3. ad Municipalem* (legem, vel rem scil.) & *de incolis*. Consistit autem jus istud municipale seu res municipalis, primo in personis. Erant, scil. in singulis municipiis non promiscua tantum *incolarum* manus, de quibus *d. tit. 1.* verum etiam Senatores, qui *Decuriones* vocabantur, qui ut & eorum filii, huic conditioni adstricti erant. *tit. 2. de Decurionibus & filiis eorum*. quorum etiam certa matricula seu album erat : cujus ordinem Decuriones in sententiis dicendis, & honoribus muneribusque suscipiendis, sequebantur. *tit. 3. de Albo scribendo*. Secundo, jus municipale consistit in *Muneribus & honoribus*. A quibus tamen vocatio & excusatio, & immunitas certis de causis competebat. *tit. 5. de vacatione*  
& ex-

& *excusatione munerum*: & *tit. 6. de jure immunitatis*. Inter hæc vero munia erat & munus Legationis seu Legati, videlicet quum quis a Republica ad Principem municipalis negotii ergo mittebatur. *tit. 7. de Legationibus*. Tertio, jus municipale consistit in *Rebus & Pecuniis* municipalibus: quarum administratio nonnullis injungebatur. *tit. 8. de administratione rerum ad Civitatem pertinentium*. Quarto, in decretis ab ordine faciendis: *Ordo* enim, i. e. Senatus municipalis de quibusdam rebus ad communem utilitatem pertinentibus decreta facere poterat, deinde certa erat decretorum forma, ut ea valerent. *tit. 9. de Decretis ab ordine faciendis*. Quinto, in *Operibus quoque publicis* jus rei que municipalis consistit, quorum sane præcipua cura erat. *tit. 10. de Operibus publicis*. 6. In *Nundinarum* etiam jure jus municipale consistit: non nisi certa quippe Municipia nundinarum jus habebant, vel ex longa consuetudine, vel ex Principis indulgentia. *tit. 11. de Nundinis*. 7. In *Pollicitationibus* item earumque exactione jus municipale consistebat: nempe enim multi passim hoc ævo, ob honorem sibi in patria decretum, vel decernendum, vel ob alias justas causas, Reipublicæ pollicebantur, opus aliquod se facturos, vel pecuniam daturos: ex hac igitur pollicitatione tenebantur: de quo *tit. 12. de Pollicitationibus*. Octavo, in jure municipali observandum. Duumviros seu Magistratus Municipales, de omnibus rebus & negotiis in Municipiis cognovisse: exceptis non-

DE JURE MUNICIPALIT. 311  
nonnullis cognitionibus, quæ Præsidibus  
reservatæ erant: quæ & ideo *extraordina-*  
*riæ* dicebantur. *tit. 13. de extraordinariis*  
*cognitionibus*, & *si Judex litem suam fe-*  
*cisse diceretur*. Cujusmodi est inter alias co-  
gnitio de *Proxenetis*. *tit. 14. de Proxe-*  
*netis*. Postremum, ad Jura Municipalia  
pertinent *Census*, cujus etiam diversa ra-  
tio erat, pro diversitate municipiorum, ci-  
vitatum & coloniarum. *tit. 15. de Censi-*  
*bus*.

Postremo Pandectarum loco pro colo-  
phone quodam subjiciuntur duo. 1. *Ver-*  
*borum* ad jus spectantium significationes.  
*tit. penult. de verborum & rerum signifi-*  
*catione*. 2. & *Regulæ* nonnullæ Juris,  
hinc inde sparsim, spicilegii vel racema-  
tionis cujusdam instar, collectæ conjun-  
ctæque. *tit. ult. de diversis regulis Juris*  
*antiqui*.

## ORDO, SEU SERIES CODICIS JUSTINIANEI.

I. **P**OST tres Constitutionum Imperatoriarum *Codices* seu compilationes, Gregorianum, inquam, Hermogenianum & Theodosianum, quorum priores duo Principum Paganorum, seu Gentilium constitutiones, ab Hadriano Imperat. ad Diocletianum & Maximianum usque, non divisis, ( ut nonnullis visum ) Epochis, verum promiscue complectebantur, postremus vero, Constitutiones Imperatorum Christianorum, initio ducto a Constantino M. ( qui primus veneranda Christianorum fide munivit Imperium, seu primus Imperatorum Christianus extitit ) ad Theodosium Juniorem usque, & quidem ad ann. Domini 438. continebat. 2. Post *Novellas* item quasdam, i. e. constitutiones post Codicem Theodosianum editum, tum ab ipsomet Theodosio Juniore, tum ab aliis deinceps insequentis Imperatoribus latas, atque adeo extra Theodosianum Codicem vagantes. 3. Deniq; post constitutiones complurimas a semet promulgatas, *Justinianum* impetus cepit, Codicis de nomine suo (*Justiniani*) conficiendi, i. e. superiorum omnium Principum constitutiones, suasque ad ævi sui usum forumque unum in Codicem undique colligendi compingendique. Quod & duplici editione præstitit: Quarum posteriorem, oblitterata priore, con-

confectam, anno Domini 534. in manibus hodie habemus : Quæ causa est , ut Codex hic *Repetitæ prælectionis*, i. e. novæ seu secundæ editionis *ῥεπετιτῆς πρæλεκτῆως* inscribatur.

## EX LIB. I.

Agitur hoc libro de his tribus.

1. *De Jure SACRO.*

2. *de SPECIEBUS Juris.*

3. *de MAGISTRATIBUS.*

**H**Is ita generaliter præmissis, tenendum est, Jus omne hoc Justiniano Codice comprehensum, vel ad jus sacrum vel ad privatum, vel denique ad publicum pertinere. (Nam & ita nonnulli jus olim divisere, quorum numero fuit quoque *Ausonius*); vel ita brevius, Jus omne vel ad jus divinum, vel ad jus humanum spectare.

§. I. *De Jure SACRO.*  
Tituli 13.

**A SACRO**, seu divino jure, initium hic ducit Justinianus, aliter atque Codicis Theodosiani conditores, qui in decimum sextum seu novissimum librum constitutiones ad jus sacrum pertinentes coniecerant: quomodo & in postremam seu decimam Tabulam e duodecim jus sacrum a Decemviris relatum.

Jus SACRUM (quod quidem ratione objecti ita dicitur) vel cultum divinum

O

re-

respicit, vel extrinseca quædam alia eodem pertinentia.

1. *Cultus* rursus *divinus est*, vel Catholicus seu rectus, veræq; Religionis, vel falsus & profanus. Circa cultum veræ religionis quatuor sequentia capita spectanda veniunt. Primo quidem *Mysteria* & capita ipsa fidei Catholicæ seu orthodoxæ: cuius utique præcipuum caput est, verus & intemeratus de Summa Trinitate sensus: regula vero seu obrussa fidei istius, Evangelica & Apostolica doctrina, exemplis insuper pro rerum usu summorum ex antiquitate Episcoporum, firmata. tit. 1. *de summa Trinitate & fide Catholica*.

2. Secundo, *Loca* seu Ecclesiæ, in quibus cultus divinus exhibetur, seu celebratur: quarum res seu bona, simul & privilegia, varia olim fuere: eaque vel in commune omnium Ecclesiarum, vel singularia certe *προνόμια* præcipuarum quarundam & Patriarchalium in orbe Romano Ecclesiarum. tit. 2. *de SS. Ecclesiis, & de rebus & privilegiis earum*.

Tertio *Personæ*, muniis locisque cultus Christiani deservientes: puta Episcopi & Clerici, quibus accedant & alii pietatis officia publicitus peragentes: puta Orphanotrophii, brephotrophii, prochotrophii, xenodochi, ascetriæ item & Monachi. tit. 3. *de Episcopis, & Clericis, & Orphanotrophis, & brephotrophis, & ptochis, & xenodochis, & asceteriis, & Monachis, & privilegiis eorum, & castrensi peculio; & de redimendis captivis, & de nuptiis Clericorum vetitis sive permissis*.

Quar-



Quarto *Actiones* : veluti *Judicium* de rebus & personis Ecclesiasticis , ( quæ *Episcopalis audientia* proprie dicitur ) cæteraque ad jus curamque Episcoporum eorumque reverentiam pertinentia . *tit. 4. de Episcopali audientia* , & *de diversis capitulis* , quæ ad jus curamque & reverentiam pertinent Pontificalem . Hactenus de vero cultu .

2. Ad *Falsam* religionem , seu falsum cultum & profanum , eosque qui a Catholicæ Religionis veneratione alieni sunt , & extra Ecclesiam positi , sequentes tituli septem pertinent . Nempe , qui falsam religionem præ se ferunt , aliterve erga veram irreverentes sunt , in quadruplici differentia sunt . 1. Vel enim in ipsamet Ecclesia constituti pernitiōsa dogmata præfracte , contumaciter & obstinate foveant , qui *hæretici* dicuntur : & inter hos quidem Manichæi & Samaritæ insigniores . *tit. 5. de hæreticis & Manichæis & Samaritis* ; ut & qui Baptisma iterabant ( veluti Donatistæ , Novatiani , Eunomiani , qui a Catholicis baptizatos rebaptizabant ) *tit. 6. Ne sanctum Baptisma iteretur* . 2. Vel *prodita Religione* Christi ab ea deficiunt , sive ad Judæismum , sive ad Paganismum , qui utrique *Apostatæ* dicuntur . *tit. 7. de Apostat.* 3. Vel quodammodo *Profani* , atque in religionem Christianam contumeliosi sunt ( qualēs habentur ex Theodosii Jun. constitutione ) qui signum Salvatoris Nostri Jesu Christi , id est crucem , in solo vel in silice , denique in pavimento sculpunt pinguntve , atque

O 2

adeo

adeo pedibus conculcandum præbent. *tit. 8. Nemini licere signum Salvatoris Christi humi vel in silece seu marmore aut sculpe-  
re aut pingere. 4. Vel denique sunt ex-  
tra Ecclesiam Christianam propalam consti-  
tuti: quales sunt 1. Judæi & his proximi Cælicolæ. tit. 9. de Judæis & Cæli-  
colis. (Quibus etiam Judæis Christianum  
mancipium habere seu possidere, ac multo  
magis circumcidere non licebat. tit. 10.  
Ne Christianum mancipium hæreticus vel  
Judæus vel Paganus habeat, vel possideat,  
vel circumcidat) 2. Pagani seu Gentiles,  
sacrificiis Templisque dediti. tit. 11. de  
paganis, & sacrificiis, & templis. Et  
hactenus quidem de iis quæ ad cultum  
Religionis pertinent.*

Sequuntur enim nunc duo tituli, non  
quidem ad cultum pertinentes, verum ad  
*Extrinfeca* quædam eo pertinentia: de sin-  
gularibus inquam *Adionib.* quibusdam &  
negotiis quæ in *Ecclesia* peraguntur, &  
singulari eorundem privilegio. Quorum  
prius est, perfugium, seu refugium reo-  
rum, debitorum, confugarum ad Eccle-  
siam. *tit. 12. de iis qui ad Ecclesiam con-  
fugiunt vel ibi exclamant.* Altera vero,  
Manumissio in Ecclesia. *tit. 13. de his  
qui in Ecclesiis manumittuntur.* Hactenus  
de jure divino seu sacro.

## §. II. De JURIS SPECIEBUS.

## Tituli 22.

*Respondet liber 1. Digestorum.*

**HUMANUM** jus sequitur, quod partim privatam, partim publicum esse diximus. Qua parte initio statim de quinque Juris Civilis, seu positivi, per Orbem Rom. speciebus seu partibus, quæ publice invocabantur, & quibus quisque tutus erat, agitur: Et quidem hæ sunt. 1. *Leges & Constitutiones Principum. tit. 14. de Legibus & Constitutionibus Principum.* 2. *Mandata Principum*, quæ personis extra ordinem (nam de his est hic titulus, non de illis quæ Præsidibus aut Procuratoribus in provincias proficiscentibus de more dabantur, etsi eo quoque trahi possit) ad rei seu negotii alicujus, sive cognitionem, sive executionem missis a Principe, dabantur, mox & ab iis publice, propositis Edictis, vulgabantur, (secreta enim mandata non credebatur) *tit. 15. de Mandatis Principum.* 3. *Senatusconsulta. tit. 16. de Sanatusconsultis.* 4. *Responsa prudentum*, seu Jurisconsultorum veterum sententiæ & opiniones in Digesta relatæ. *tit. 17. de veteri jure enucleando, & de auctoritate Jurisprudentium qui in Digestis referuntur.* Quibus superioribus omnibus, at non & Rescriptis de quibus mox, id commune est, ut ne ea ignorare vel negligere cuiquam liceat;

utpote, cum certa jam sint publicaue .  
*tit. 18. de juris & facti ignorantia.* At-  
 que hoc quidem nexu titulus hic superio-  
 ribus recte connectitur, proximeque se-  
 quentibus præmittitur, qui alio alioquin  
 in censu sua quoque ratione stat in Dige-  
 stis *lib. 12. 5.* Sunt denique *Rescripta Prin-*  
*cipum*, ob preces videl. & libellos priva-  
 torum Principi oblatos pro re nata (imo  
 & ad Relationes seu Consultationes Ma-  
 gistratuum) emissi. Quo pertinent tituli sex  
 sequentes, ubi primum agitur de *Libellis*  
 seu de precibus ipsis, ad quas Rescripta  
 emittuntur: & quidem in genere *tit. 19.*  
*de precibus Imperat. offerendis, & de qui-*  
*bus rebus supplicare liceat.*

Secundo in specie de vi & effectu va-  
 liditateque libellorum, si jure oblatis fue-  
 rint: puta ut litis contestatæ vim obti-  
 neant. *tit. 20. Quando libellus Principi*  
*datus litis contestationem facit.* Contra  
 ostenditur, sæpe non Jure eos offerri: ve-  
 luti duobus casibus sequentibus. 1. *Lite* sc.  
*pendente*, vel post appellationem, vel an-  
 te definitivam sententiam Principi suppli-  
 care non licet. *tit. 21. Ut lite pendente,*  
*vel post provocationem, aut ante definiti-*  
*vam sententiam nulli liceat Imperatori sup-*  
*plicare.*

Secundo, neque contra jus vel utilita-  
 tem publicam petere quid licet, impetra-  
 tumve valet. *tit. 22. si contra jus vel uti-*  
*litatem publicam, vel per mendacium fue-*  
*rit aliquid postulatum vel impetratum.* Et  
 hæc quidem de precibus, seu Libellis &  
 supplicationibus. De Rescriptis deinceps ip-  
 sis

DE MAGISTRATIBUS. 319  
sis speciatim agitur *tit. 23. de diversis  
rescriptis & pragmaticis sanctionibus*.

Utrisque vero, libellis, inquam, seu precibus supplicationibusque, & rescriptis, haud absimilia, imo adfinia maxime, sunt *ad Statuas Principum*, juris sui obtinendi causa, perfugia: ita enim tractatus hic superioribus optime cohæret, non quasi inter beneficia personalia quæ rescriptis conceduntur, sint quoque statuæ & imagines: est enim hic tractatus proprie de *Statuis Principum*: ut neque ideo, quod de ipsorum Principum statuis vel imaginibus in Civitate statuendis in ornamenta Civitatis necesse erat a Principibus concedi beneficium. Nam & Principi aperte supplicat, juraque publice invocat, qui ad statuam ejus confugit, & retro Principis nomine tutus est qui id facit, haud aliter atque qui Rescriptum ab eo impetravit: imo, haud aliter atque qui ad loca sacra & Ecclesias confugit: Unde & Cod. Theod. cohærent inter se *tit. de his qui ad statuas confugiunt*, & *titul. de his qui ad Ecclesias confugiunt*. Hinc igitur jam de ipsis statuis seu imaginibus Principum hic agitur *tit. 24. de statuis & imaginibus*: tum deinde de confugientibus ad eas, *tit. 25. de iis qui ad statuas confugiunt*.

### S. III. DE MAGISTRATIBUS

#### Tituli 32.

**J**uris species proxime excipunt ii, qui *Jura tuentur*, seu jura publice reddunt,  
O 4

dunt, effectuique tradunt, id est *Magistratus*; de quibus prima est quoque semper in judiciis & actionibus inspectio seu visio (ita enim sequens tractatus, pariter ut in Digestis, superioribus aptatur, non quasi Magistratum Edicta nunc, ceu pars juris civilis sequantur, atque adeo hac occasione de Magistratibus nunc agatur, quod Cujacius tradidit. Et certe hic quoque ordo servatur in Edicto, ubi primus tractatus habitus de Magistratibus & de eorum Jurisdictione: ut docent Pauli & Ulpiani ad Edictum libri duo priores: Gaii liber primus.

*Magistratus* porro, de quibus hoc Codice ferme agitur, erant alii Illustres, alii Spectabiles; alii denique Clarissimi: Hæc enim Magistratum distinctio seu divisio jam inde a Constantini M. ferme seculo cæpit.

*Illustres* erant octo sequentes, iique in triplici differentia. 1. *Præfecti Prætorio*, quorum proxima a Principe dignitas plenaque erat & ἀποκρως quædam βασιλεια: alterumque ab Augusto imperium: qui & plures ut sæpius Diæceses sub administratione sua habuere; ut erat *Præfectus Prætorio Orientis & Illyrici*. tit. 26. de officio *Præfectorum Prætorio Orientis & Illyrici*. Item *Præfectus Prætorio Africæ*, qui a Justiniano post Africam a Vandalis liberatam Romanoque restitutam Imperio, institutus, unicam tantum diæcesin illam regebat. tit. 27. de officio *Præfecti Prætorio Africæ*; & de omni ejusdem diæceseos statu. 2. Secundo *Præfectus urbi* tam



tam veteri, inquam, Romæ, quam novæ seu Constantinopoli, tandem qui Præfecto Prætorio dignitate pares erant. *tit. 28. de off. Præfecti urbis.*

Et hi quidem Illustres res civiles adcurabant: Alii vero Illustres erant, qui res militares administrabant, Magistri, inquam, militum. *tit. 29. de off. Magistrorum Militum.* Alii denique Comitatus, seu aula Principis adcurabant, cujusmodi quinque sequentes erant, distinctis inter se muniis. 1. *Quæstor* scil. dictandis legibus, & similibus, præerat. *tit. 30. de offic. Quæstoris* (nam ita titulus hic superioribus cohæret, non quasi Magisteriæ potestatis partem Quæstura sibi vindicaret, quod nonnullis visum.) 2. *Palatinis* officiis, i. e. ministris in aula Principis ejusque usibus deservientibus, eorumque disciplinæ præerat *Magister Officiorum.* *tit. 31. de Officio Magistri officiorum.* 3. *Pecuniis* vero Principis (quæ trium generum erant, sacræ videl. largitione, res privatæ, & sacrum patrimonium) præerant hi tres, 1. *Comes sacrarum largitionum.* *tit. 32. de officio Comitis sacrarum largitionum.* 2. *Comes rerum privatarum.* *titul. 33. de off. Comitis rerum privatarum.* 3. denique *Comes Sacri patrimonii.* *tit. 34. de off. Comitis Sacri patrimonii.* Hactenus Illustres.

2. *Speſtabiles* Magistratus sequuntur: quorum numero erant, & primo quidem loco, seu dignissimi, *Proconsules.* *tit. 35. de officio Proconsulis.* 2. *Comes Orientis:*

qua amplissima Orientis diæcesi variæ provinciæ comprehendebantur) *tit. 36. de officio Comitis Orientis*. 3. *Præfectus Augustalis* (i. e. *Ægypti*) *tit. 37. de officio Præfecti Augustalis*; 4. ut & *Vicarii Præfectorum Prætorio per singulas diæceles*. *tit. 38. de officio Vicarii*.

3. *Clarissimi*, tertium Magistratuum ordinem constituebant: cujusmodi erant in Urbe ipsa *Prætores*; quorum hoc tempore nulla ferme jurisdictio erat, sed nudum atque inane tantum nomen, ludis edendis destinatum dicatumque. *tit. 39. de off. Prætorum*. 2. In Provinciis vero *Rectores* provinciarum: puta *Præsides*, *Correctores* & *Consules*. *tit. 40. de off. Rectoris Provinciae*. De quibus duo singularia subjiciuntur. 1. Nulli provinciae suæ administrationem permissam olim fuisse, ne videlicet aut graciosus aut ambitiosus apud suos foret, vel etiam parentelis aut clientelis subnixus, spoliandorum Provincialium occasionem inde arriperet. *tit. 41. Ut nulli Provinciae suæ administratio sine speciali permissu Principis permittatur*. 2. *Rectorum* Provinciarum inter alia eorum munia, & præcipuum quidem fuisse *Tributorum exactionem*: Quam in rem & quadrimestri breves ad eos trans mittebantur, ex quorum videl. præscripto quatuor mensium tributa exigebantur. (Tribus enim pensionibus tributa annua olim exigebantur) *tit. 42. de quadrimestris brevibus*. Hætenus de Ordinariis Magistratibus.

*Extraordinarii* Magistratus in Urbe Roma duo hi erant. 1. *Præfectus Vigilum*, qui  
disci-

disciplinæ præerat nocturnæ urbis, quique incendiariorum & furum indagator erat: sic tamen, ut ne de capitalibus causis statuere posset. *tit. 43. de officio Præfecti Vigilum.* 2. *Præfectus annonæ*, ad quem cura seu dispositio rei annonariæ pertinebat. *tit. 44. de officio Præfecti annonæ.*

Et hæc quidem de singulis Magistratibus, qui in orbe Romano erant. *Generales* enim deinceps & communes tituli quidam sequuntur, qui non uni Magistratui, verum certo Magistratuum ordini seu generi communes sunt, vel etiam omnibus Magistratibus. 1. Ac primo quidem, de officio eorum, quodnam videlicet *Officium* sit: Civilium primo Judicium. *tit. 45. de officio civilium Judicium.* Dein & militare. *tit. 46. de officio militare Judicium.* Quorum proprium istud erat, ne his (Comitibus, inquam, rei militaris vel Tribunis) provinciales lavacra præstare cogerentur. *tit. 47. ne Comitibus rei militaris vel Tribunis lavacra præstentur.*

Tam Civilium vero, quam Militarium Judicium officium in genere pertractatur *tit. 48. de officio diversorum*) i. e. omnium seu quorumcumque) *Judicium.* Mox & communia aliquam multa his subjiciuntur: quæ partim integritatem eorum respiciunt, partim personas his proximas, partim vero commoda eorundem, & retro incommoda, tandem & Majestatem seu auctoritatem eorum: *Integritatem* inquam; Scil. Judices post officium depositum quinquaginta dies in Civitatibus facere (i. e. permanere)

cogebantur, ad excipiendas Civitatum & provinciarum, si quæ forent, querelas, neque ante e provincia sese subducere poterant. *tit. 49. Ut omnes Judices tam Civiles, quam Militares post administrationem depositam 50. dies in Civitatibus vel certis locis permaneant.* 2. Personæ Magistratibus proximæ erant 1. vel vices eorum gerentes: vices scilic. eorum quandoque extra ordinem nonnulli obibant, & obtinebant. *tit. 50. de officio ejus qui vicem alicujus Judicis vel Præsidis obtinet.*

2. Vel Adjuvæ eorum ordinarii erant, puta Adseffores: domestici item & Cancellarii eorum. *tit. 51. de Adsefforibus & domesticis & Cancellariis Judicum.*

3. Commoda seu salaria Magistratibus quoque certa constituta erant, quæ Annonis & capito de publico accipiebant (capito, inquam, pabulo pro animalibus) *tit. 51. de annonis & capitationibus administrantium & eorum adsefforum aliorumve publicas sollicitudines gerentium, vel eorum qui aliqua consecuti sunt dignitate.*

4. Incommoda vicissim hæc erant, quod durante Administratione in Provinciis, neque ipsi neque Domestici emere quidquam, præter ea quæ victus quotidiani sunt, neque contrahere, neque donationes accipere, neque proprias ædes navesse ædificare poterant, publica utilitate id rependente. *tit. 52. de contractibus Judicum vel eorum qui sunt circa eos, & inhibendis donationibus in eos faciendis, & ne administrationis tempore proprias ædes ædificent sine sanctione pragmatica.*

5. Ad Majestatem denique auctoritatemque Magistratum pertinent Multæ infligendæ jus (quod sane Rationalibus, aut Curatoribus Reipubl. non competebat;) quod quidem intra certum & definitum quique dignitatis suæ modum habuere. *tit. 54. de modo multarum quæ a Judicibus infliguntur.*

Sequuntur nunc singularum Civitatum seu singulorum municipiorum Magistratus, puta 1. *Defensores Civitatum*, qui Tribunis similes, atque adeo plebis defensores erant; de quibus est *tit. 55. de Defensoribus Civitatum.* 2. *Et Duumviri.* *tit. 56. de magistratibus municipalibus*: de quibus in Digestis agitur proltremo libro. In urbe certe Alexandrina qui Magistratus erat, *Juridicus* dicebatur; qui post municipales aliarum scilic. hic ponitur, vel uti præcipuo jure, de quo jam in Digestis, ubi alio loco is positus est: de cujus officio est *tit. ult. de officio Juridici Alexandriae.*

## EX LIB. II.

Agitur hoc libro de his tribus.

1. De ORDINE JURIS SUI PERSE-  
QUENDI.
2. De RESTITUTIONIBUS in Inte-  
grum.
3. De RECEPTIS.

*Respondent huic libro tres libri Dige-  
storum: puta liber 2. 3. 4.*

- S. I. De ORDINE Juris sui persequendi.  
Tituli 13.

*Respondet lib. 2. Digestorum.*

**P**ost Magistratus (quæ quidem prima  
semper est in Actionibus seu Judiciis  
inquisitio) eorumque Officia descripta,  
proxime persequendi juris sui ordo sequi-  
tur: In quo prima omnium est Actionis  
editio, scil. qui alterum in jus vocaturus  
erat, eum speciem futuræ litis seu actio-  
nem a Magistratu, impetratam prius, vel  
simul, edere & demonstrasse adversario  
oportuit: adeo ut nisi actionem is edidif-  
set, in jus vocatus impune non iret. *tit.*  
*1. de edendo.* Atque hæc causa est, cur  
hic titulus titulum de In jus vocando  
præcedat, pariter ut in Edicto, cujus or-  
do hic observatur. Secundum igitur est  
*In jus vocatio. tit. 2. de in jus vocando.*  
Qua parte hæc regula observanda venit,  
*Ex omni causa in jus vocatum sequi seu*  
*siste-*



sistere sese oportuisse ; Paucis admodum causis & personis exceptis ; Atque inter alia, si interea inter se litigatores de negotio pacti fuerit, transegerintve. *tit. 3. de Pactis. tit. 4. de transactionibus.* Quæ tamen transactio non usquequaque semper tenet : nam & si error calculi intercesse- rit, sæpe computatæ rationes & quantumlibet transactione subduciæ, denuo retrahari possunt. *tit. 5. de errore calculi.*

*Respondet liber 3. Digestorum.*

3. Post actionem editam, & in jus vocationem, sequitur *Causæ apud Prætores conjectio*, i. e. causæ seu litis, qua de agitur, propositio seu desiderii expositio. In quo personæ ante omnia attendendæ veniunt, quæ judiciis intervenire solent & negotiis adstant. Hujus vero generis sunt, Primo causæ Oratores & *Advocati*, de quibus agitur titulis tribus. *tit. 6. de postulando, tit. 6. de advocatis diversorum judiciorum, & tit. 8. de advocatis diversorum Judicum.* Neque privatorum tantum advocati, sed & peculiare *fisci advocati* fuere, qui ex corpore togatorum, seu advocatorum sumebantur. *tit. 9. de advocatis fisci.* Cæterum de advocatistria singularia notanda sunt. 1. *Errorem* ab iis, ut & a libellionibus admissum, litigatoribus absentibus, vel præsentibus & contradicentibus intra triduum, non nocere. *tit. 10. de errore advocatorum, vel libellos seu preces concipientium.* 2. Secundo, ea quæ *desunt* advocatis partium ) i. e. ea quæ advocati minus dixerint legibus juriq; publico convenientia ) *Judicem supplere* pos-

posse . *tit. 11. ut quæ desunt advocatis partium Judex suppleat* . 3. Tertio , infames foro atque advocacy ferme interdici . *tit. 12. ex quibus causis infamia irrogatur* .

2. Judiciis interveniunt , negotiisque assistunt & *Procuratores* , i. e. ii qui negotia aliena , jure , proboque more , mandato domini agenda defendendaque suscipiunt . *tit. 13. de Procuratorib.* Jure inquam , moreque probo : Hactenus scil. alieno sese quis patrocínio tueri potest , non vero quæsitis malisve artibus . Cujusmodi quinque hic perstringuntur damnanturque . 1. Non licet , inquam , *Potentioribus* ) i. e. iis qui gratia opibusque præpollent ) veluti Clariss. Viris , *patrocinium* seu procuracionem litigantibus præstare ( quia potentioribus pares esse non possumus ) vel etiam actiones in se transferre . *tit. 14. Ne liceat potentioribus patrocinium litigantibus præstare , vel actiones transferre* . 2. Non licet item reis conventis , seu possessoribus adversarii submovendi terrendique gratia , *Potentiorum titulos* prædiis controversis affigere , aliterve eorum nomina in litem prætendere . *tit. 15. de his qui potentiorum nomine titulos prædiis adfigunt vel eorum nomina in lite prætendunt* , &c. 3. Non licet quoque *Titulos fraudas* , i. e. tabulas *Principis* ejusve necessitudinum nomine , sine Judicis auctoritate , prædiis suis vel alienis imponere , etsi injustus possessor prædove sit is quis ea tenet , vel etiam si in ea causa sint prædia , ut fisco vindicari debeant : sed neque vela Regia seu Principis ædibus suis vel alienis suspendere .  
*tit.*

*tit. 16. ut nemo privatus titulos prædiis suis vel alienis imponat, vel vela Regia suspendat.*

4. Non licet signum ( σφραγίδα ) imprimere rei mobili quem alius detinet, ipse vero suam forte vel sibi debitam obligatamve contendit, ante sententiam. *tit. 17. ut nemini liceat sine Judicis auctorit. sing. reb. imponere alienis.*

5. Denique ut potentiores, ita & Fiscus & Respub. procuracionem alicui præstare (debiti forte alicujus obtentu, vel donationis mercede) prohibentur. *tit. 8. Ne Fiscus vel Respub. procuracionem alicui patrocinii causa in lite præstet.*

3. Interveniunt quoque litibus *Negotiorum gestores*, seu procuratores voluntarii, qui videl. sine mandato negotiis sese alienis litibusque probo more ingerunt. *tit. 19. de negotiis gestis.* Et hæc de personis.

§. II. de RESTITUTIONIBUS in integrum.

### Titul. 36.

*Respondet liber 4. Digestorum.*

Nunc de *Causis* ipsis, atque adeo de liti-  
tium seu controversiarum generibus, quarum nomine Magistratus adiri solet jusque adeo implorari. Magistratus igitur aditur, r. vel ad litem actionemque amissam restituendam. (Ita enim hic tractatus superioribus cohæret, non quasi negotia gesta, de quibus supra, traxerint Juris conditores ad gesta vi metusve causa, &c.)

&c.) 2. Vel ad Receptum præstandum .  
 3. Vel ad Actionem impetrandam, judi-  
 ciumque constituendum. Qui idem ordo  
 in Edicto & in Digestis servatur.

1. *De lite actioneve restituenda* sunt se-  
 quentes tituli 36. Qua parte primum tra-  
 ctatur, seu offenditur, *Quibus ex causis*  
*restitutio in integrum postulari possit.*  
 Nempe hæ restitutionum causæ sunt: 1.  
*Vis, Metus. tit. 20. De iis quæ vi metus-*  
*ve causa gesta sunt.* 2. Dolus malus. *tit. 21.*  
*de Dolo malo.* 3. *Ætatis infirmitas* seu  
 lubricum, quod est in minoribus 25. an-  
 nis: de qua minorum restitutione sunt  
 tituli 29. sequentes: Ac generalis primum  
*tit. 22. de in integrum restitutione mino-*  
*rum:* speciales vero sequentes 24. Circa  
 minorum scil. restitutionem variæ admo-  
 dum considerationes, atque adeo & quæ-  
 stiones speciales incurrunt, ratione tum  
 personarum tum causarum.

1. *Personarum* inquam. Quæritur scili-  
 cet aliquando 1. de *Filio familias* minore  
 restituendo, & quisnam hujus restitutionis  
 effectus sit; ubi negatur eam patri pro-  
 desse. *tit. 23. de Filiofamilias minore.*

2. Quæritur & de *Fidejussoribus* mino-  
 rum, utrum hi quoque, minore ob lubri-  
 cum juventæ restituto, restituantur: quod  
 & ipsum regulariter negatur. *tit. 24. de*  
*Fidejussoribus minorum.*

3. Quæritur & de eo, *Si tutor vel cu-*  
*rator negotio intervenerit, & definitur re-*  
*stitui nihilominus minorem.* *tit. 25. si Tu-*  
*tor vel Curator intervenit.* 4. Quæritur &  
 de *Majore minoris consorte.* (i. e. cui com-  
 mu-

munis est cum minore causa ) & definitur minorem solum restitui, *tit. 26. Si in communi eademque causa in integrum restitutio postuletur.* Et sic in summam definitur, neq; patri, neq; fidejussori, neq; Tutori, neq; consorti restitutionem minoris prodesse.

2. *Causæ* quoque in argumento restitutionis in integrum minoris in considerationem veniunt: scilicet minores 1. etiam adversus *Rem judicatam* restituuntur, *tit. 17. si adversus rem judicatam.* 2. adversus venditionem ( nisi ea jurata sit corporaliter ) *tit. 28. si adversus venditionem.* ( 3. ac nominatim adversus pignorum venditionem, si ex ea re magno damno minor adficiatur. *tit. 29. si adversus venditionem pignorum.* ) 4. Donationem enormem. *tit. 30. si adversus donationem* 5. Libertatem seu manumissionem, magna ex causa, & id quidem non a Prætorē, verum a Principe. *tit. 31. si adversus libertatem.* 6. Transactionem vel divisionem celebratam. *tit. 32. si adversus transactionem vel divisionem minor restitui velit.* 7. Solutionem a se, vel a debitore sibi factam. *tit. 33. si adversus solutionem a debitore vel a se factam.* 8. Dotem ultra vires bonorum suorum datam. *tit. 34. Si adversus Dotem.* 9. Delictum per ignorantiam, non si opera consulta ( malorum quippe mores infirmitas animi non excusat, & in delictis ætate nemo excusatur. ) *tit. 35. si adversus delictum.* 10. Usucapionem rei suæ. *tit. 36. si adversus usucapionem.* 11. Adversus fiscum quoque. *tit. 37. si adversus fiscum.* 12. Adversus Creditorem, si credita

ta ei pecunia in rem ejus versa non sit .  
*titul. 38. si adversus creditorem . 13. Ad-*  
*tionem hæreditatis , abstinendi causa . tit.*  
*39. si minor ab hæreditate se abstineat . 14.*  
 Et retro , adversus repudiatam hæredita-  
 tem , acquirendæ ejus ergo . *tit. 40. si ut*  
*omissam hæreditatem vel bonorum possessio-*  
*nem , vel quid aliud adquirat .*

Et hæc de minorum restitutione , cau-  
 sisque , in quibus restitutio minoris neces-  
 saria est .

Sequuntur enim casus quidam , seu cau-  
 sæ , in quibus restitutionem minoribus su-  
 pervacaneam esse ostenditur , definiturque  
 adeo non redintegrationem causæ his dari ,  
 verum integram ipso jure causam servari .  
*tit. 41. in quibus causis in integrum resti-*  
*tutio necessaria non est .* Et retro , lex ca-  
 sus subjiciuntur , in quibus minor restitui  
 non potest ; 1. puta si diligens paterf. is  
 fuit , actibusque publicis industriam sese  
 præbuit . 2. Item si adversus parentem  
 vel patronum restitui sese postulet : adver-  
 sus hos quippe minor restitui non potest .  
*tit. 42. Qui & adversus quos in integrum*  
*restitui non possunt .* 3. Item si majorem  
 sese dixerit . *tit. 43. si minor se majorem*  
*dixerit .* 4. Si sæpius restitutio in una ea-  
 demque causa in qua repulsam semel pas-  
 sus est , ab eodem postuletur , nisi novas  
 forte defensiones proferat . *tit. 44. si sæ-*  
*pius in integrum restitutio postuletur .* 5.  
 Si veniam ætatis impetravit , & aliquid  
 post impetratam veniam gesserit . *tit. 45.*  
*de his qui veniam ætatis impetraverunt .*  
 6. Postremo si major factus , gestum a se  
 in



in minore ætate ratum habuerit, seu aliquo facto confirmaverit. *tit. 46. si major factus ratum habuerit.*

Post tractatum de in integrum restitutionibus minorum, antequam de Majorum restitutione separatim quoque agatur, interjiciuntur nunc sex, tam minorum quam majorum restitutioni communia. 1. De *Judice*, apud quem restitutionis causa agitari debeat & possit, seu in quo foro. *tit. 47. Ubi & apud quem cognitio in integrum restitutionis agitanda sit.* 2. De *Reputationibus*, i. e. de iis quæ restitutionem in integrum petenti imputantur, ut ea scil. vicissim vel reddat vel compenset. *tit. 48. de reputationib. quæ sunt in judicio in integrum restitutionis.* 3. De *Actore* in hoc judicio: Nam & istud quæri solet, utrum per procuratorem causa restitutionis in integrum agi possit, quod utique affirmatur utilitatis causa. *tit. 49. Etiam per procuratorem causam in integrum restitutionis agi posse.*

4. De *Effectu* petitæ restitutionis. Est autem hic effectus, ut ne quid postulata in integrum restitutione interea novi fiat, i. e. ut medio tempore nihil deintegretur, verum omnia maneant in integro atque in suo statu, donec judicium restitutionis finitum fuerit. *tit. 50. in integrum restitutione postulata, ne quid novi fiat.*

5. Tam minores quam Majores etiam restituuntur ob militiam vel absentiam Reipub. causa. *tit. 51. de restitutionibus militum & eorum qui Reipub. causa absunt.* In tantum ut & uxores militum aliorum-

rumque qui Reipublicæ causa absunt, in integrum restituantur, si secutæ viros interim, per absentiam aliquid damni fecerint, vel retro aliquid lucri non fecerint, *tit. 52. de uxoribus militum & eorum qui Reipublicæ causa absunt.*

6. Minoribus & majoribus commune id quoque est, ut certa Tempora intra quæ restitutiones in integrum peti debent, præstituta sint. *tit. 53. de temporibus in integ. restitutionis tam minorum & aliarum personarum quæ restitui possunt, quam etiam heredum eorum.*

Nunc de Majorum restitutione separatim. Scil. ex nonnullis quoque causis majores in integrum causa cognita restituntur, i. e. si jura eorum læsa fuerint, impedimento aliquo intercedente, veluti si jura eorum læsa fuerint Legationis ad Principem, vinculorum, aut captivitatis tempore; Imo & Resp. pariter. *tit. 54. Quibus ex causis majores in integrum restituantur. 2.* Vel facto adversarii: puta si alienatio judicii mutandi causa facta fuerit, i. e. si quis rem, ne secum ageretur, venundedit, aliove quo modo alienavit dolo malo, obijciendi durioris & molestioris adversarii causa: in eum quippe actio restituitur, atque si rem non alienasset. *tit. 55. de alienatione judicii mutandi causa facta.*

## §. III. De RECEPTIS.

## Titulus I.

Et hæc quidem de prima causa Prætoris seu Magistratus adeundi, puta ob restituendam actionem litemve amissam.

II. *Secunda* causa, ob quam Magistratus aditur, est, ut eum qui quid in se fide publica, Officii vel Ministerii cujusdam publici genere, recepit, id præstare cogat; puta, uti cogat arbitrum, qui ex compromisso partium in se *recepit* arbitrio suo litem dirimere, ut sententiam dicat. *titul. 56. de receptis arbitris*. Et ita quidem hic titulus hac ratione hic positus est: non quasi post Magistratus & Judices ordinarios, & de ordine quo apud eos agi solet, nunc de aliis Judicibus sermo instituat, qui ordinarii non sunt.

## §. IV. De ORDINATIONE Judicii.

## Tres Tituli.

III. *Tertia* Prætoris adeundi causa, eaque frequentissima est, uti Judicium inter litigatores constituat seu ordinet, vel cognitionem sibi vindicando, vel Judicem pedaneum dando. Antequam vero Judicium inchoaretur, nonnulla a partibus facta prius oportuit, quæ fræni instar inducta fuerunt, ad cohibendam litigatorum calumniam; neve litibus se temere immergerent, quæ tria hic memorantur, & qui-

& quidem partim ad ordinem Edicti per-  
petui. 1. *Satisfactiones* quædam utrimque  
interponebantur : Et quidem ab actore ,  
de persequenda lite ejusque expensis , &  
decima præterea litis , si succumberet : a  
reo vero , judicio sisti : & si procurator  
alterius nomine interveniret , tum is de  
*rato* itemque *judicatum* solvi , deque re  
defendenda prius satisfabat , i. e. fidejuf-  
sores dabat . tit. 57. de *satisfando* , Dein-  
de *Formulam* actionis a Magistratu impe-  
tratam & exhibitam quoque Judici oportuit . tit. 58. de *formulis & impetrationi-*  
*bus actionum* . 3. Tandem *Jusjurandum*  
propter calumniam ab utraque parte initio  
litis interponebatur . tit. ultim. de *Ju-*  
*rejurando propter calumniam dando* .

EX LIB. III.

Agitur hoc libro de duobus.

1. De JUDICIO ipso, deque PROCES-  
SU Judiciario.
2. Deque quatuor primis Actionum fonti-  
bus, seu Controversiarum generibus.

Respondent huic libro septem libri Dige-  
storum, puta liber 5. 6. 7. 8. 9. 10.  
& 11.

Et sic Pars secunda integra Digestorum.

§. I. De PROCESSU JUDICIARIO.

Tituli 27.

Concordat liber 5. Digestorum.

**J**udicium ipsum nunc sequitur, seu Pro-  
cessus Judiciarius: de quo Titulus est  
generalis 1. de Judiciis: in quo de vi ju-  
dicii cæpti, ordine judiciorum, Judicis  
officio in disceptatione seu cognitione li-  
tium aliisque nonnullis ad processum Judi-  
ciarium pertinentibus, generatim quædam  
monentur. Deinceps vero 25. titul. seqq.  
speciatim agitur de processu omni judicia-  
rio, pro circumstantiis personarum, tem-  
porum, locorum, rerumque, seu de iis  
quæ ad litem ordinandam pertinent: un-  
de & præscriptiones & in his quædam  
moratoriæ initio litis enascebantur: tum  
ratione 1. Impensarum. 2. tum respec-  
tu

Et personarum . 3. Rerum . 4. Temporis . 5. & Loci.

1. Impensarum ratione præscriptio . 1. Primo scil. loco hic agitur de *Impensis* judiciorum , & ut loquebantur , *sportulis* , quas utraque pars in persequendo jure suo erogabat , & speciatim de his quas reus conventus executoribus litium dabat : eorum enim hoc onus proprium fuit . *titul. 2. de sportulis & sumptibus in diversis judiciis faciendis & de executionibus litium.*

*Secundum* Præscriptionis moratoriæ genus est , ratione *Personarum* , ex quibus judicium constat : & primo quidem adversus personas *Judicum* datorum ( qui *Pedanei Judices* vocabantur ) quasi illegitimorum : Nempe enim , neque omnes Judices dari poterant , neque ab omnibus . *tit. 3. de Pedaneis Judicibus , & qui Judices dari possint , & a quibus . tit. 4. Qui pro sua jurisdictione Judices dare dædere possunt.*

Neque ad omnem causam : illud certe inter alia generaliter constituendum est , neminem in causa sua , i. e. cujus utilitas aliqua sua vertitur , judicare , jussive dicere posse . *tit. 5. Ne quis in sua causa judicet , vel jus sibi dicat.*

*Secunda* præscriptio moratoria ratione personarum est adversus *Litigatorum ipsorum personas* , quasi illegitimas : neque enim omnes , etsi velint , legitimam in Judiciis standi personam habent , veluti pupilli & adulti sine Tutoris aut Curatoris auctoritate : atquin , ut sententia valeat , sicut



sicut legitimum Judicem, ita & legitimum litigatorem esse oportet. *titul. 6. qui legitimam personam standi in Judiciis habeant vel non.* Uti contra nemo invitus agere vel accusare cogitur. *tit. 7. Ut nemo invitus agere vel accusare cogatur.*

Tertium præscriptionis moratoriæ genus est, ratione *Ordinis*. Quoties scil. in uno Judicio plures res seu quæstiones versantur, seu disceptationi principaliter mortæ alia quæstio incidit, ita plerumque judicium ordinatur, ut prius de una disceptandum veniat, ceu præjudiciali vel potiore, quam de altera. *tit. 8. de ordine judiciorum.*

Quarta præscriptio est respectu *Rei* seu litis ipsius in judicium deductæ, quæ oritur vel ex Actoris petitione insecutaque Rei conventi responsione, unde *litis contestatio* seu *status causæ* enascitur: cum videl. Judex per narrationem negotii, & responsionem seu contradictionem causam audire cæpit, (id enim est Litis contestatio) *tit. 9. de Litis contestatione.* Vel ex quantitate petitionis, si videl. actor plus peteret. *tit. 10. de plus petitionibus.*

Quinta præscriptio est, respectu *Temporis*: quo aperte pertinent tituli duo sequentes, *tit. 11. de dilationibus, & tit. 12. de feriis.*

Sexta præscriptio est, ratione *Loci* seu fori, & *Competentiæ* Judicis, quæ præscriptio quoque initio litis proponi debebat: Itaque hoc loco jungitur commode, titulis quatuordecim, amplissimus tractatus de

*foro competente*, id est, Quis qua de re Judex esse possit. Ac primum quidem in genere ea de re agitur, ostenditurque quæ cujusque Judicis notio sit. *tit. 13. de jurisdictione omnium judicum, & de foro competente*. Imo quæ cognitiones Principi reservatæ sint: nempe inter miserabiles personas. *tit. 14. Quando Imperator inter pupillos vel viduas vel miserabiles personas cognoscat & ne exhibeantur*. Sequentibus autem titulis duodecim speciatim agitur de singulis causarum personarumque generibus, ubi videlicet eas causas tractari, personasve conveniri oporteat: puta, ubi agitari oporteat.

1. *Criminales* causas: nempe promiscue vel ubi crimen admissum est, vel ubi reus reperitur. *tit. 15. ubi de criminib. agi oporteat*.

2. *Possessorias*: nempe ubi vis facta dicitur, aut momentaria possessio postulatur. *tit. 16. ubi de possessione agi oportet*.

3. *De Fideicommissis*: nempe ibi ubi hæreditas relicta est. *tit. 17. ubi fideicommissum peti oporteat*.

4. *Si certo loco dari* quid promissum fuerit, neque solutioni satisfiat: nempe ubique, æstimatione tantum habita interesse loci. *titul. 18. ubi conveniatur qui certo loco dari promisit*.

5. *Reales actiones*, ubi res sitæ sunt. *tit. 19. ubi in rem actio exerceri oporteat*.

6. *Hæreditatis petitio*: nempe ibi ubi qui eam possidet constitutus est, pariter ut hæres scriptus, cui sit controversia hæreditatis, ibi postulat se mitti in possessionem

sionem ubi res hæreditariæ sunt. *tit. 20. ubi de hæreditate agatur vel ubi hæredes scripti in possessionem mitti postulare debeant.*

7. Super Ratiociniis : ibi scil. ubi ea quisque gessit : ubi , inquam , & instructio sufficiens , & nota testimonia , & verissima documenta possunt præstari. *tit. 21. ubi de ratiociniis tam publicis quam privatis agi oportet.* Et hæc de causis in quæstione de suo & Judice competente. Sequuntur in eodem argumento quæ statum personarum respiciunt : & sic ubi agitari oporteat.

8. Status causæ , *tit. 22. ubi causa status agi debeat.*

9. Quibus similes sunt causæ , in quibus agitur de Curiali vel Cohortali similive qua publica conditione. *tit. 23. Ubi quis de Curiali vel Cohortali aliave conditione conveniatur.*

10. Item ubi Senatores conveniri debeant. *tit. 24. ubi Senatores vel Clarissimi civiliter vel criminaliter conveniantur.*

11. Ubi milites. *tit. 25. in quibus causis militantes fori præscriptione uti non possunt.*

12. Denique ubi Fiscales causæ vel Principis agitari debeant. *tit. 26. ubi causæ fiscales , vel divinæ domus hominumque ejus agantur.*

Et hæc de Processu Judiciario. Quibus subjungitur commode *titul. 27.* singularis , quando videlicet processu Judiciario nil omnino opus sit , neque necesse sit Judicem adire , seu Judicia invocare , verum licet unicuique sese vel publicam discipli-

nam & quietem sine Judice vindicare, in abrupto videl. periculo, & ubi vel impossibile, vel serum est punire iudicio juraque invocare: veluti adversus latrones & desertores. tit. 27. *Quando liceat unicuique se sine Judice vindicare, vel publicam devotionem.*

## S. II. De Actionibus de DOMINIO.

### Tituli 7.

Postremus jam circa judicia tractatus est, de ipsismet *Actionum seu Controversiarum generibus*, earumque fontibus. Qui quidem tractatus pertingit ad decimum usque librum.

Fontes porro hi promanant vel ex Jure Gentium, vel ex Jure civili.

Eorum qui ex *jure gentium* promanant, 1. alii respiciunt privatas res actusque extrajudiciales. 2. Alii Judiciales. 3. Alii sunt Mixti.

De *Extrajudicialibus* rebus seu privatis actibus primum.

Primus ergo actionum fons est, atque adeo primum actionum, seu controversiarum genus, in quibus agitur de *Dominio privato rei*: quod quidem est vel universale vel singulare.

1. *Universale* dominium dicitur, veluti hæreditatis: quæ quidem vindicatur, vel a liberis aut parentibus, imo & fratribus quoque certis casibus, ab iis qui instituti sunt hæredes, si videlicet immerentes præteriti vel exhæredati fuerint:

quæ

DE ACTIONIBUS DE DOMINIO. 343

quæ actio *inofficiosi querela* dicitur. *tit. 28. de inofficioso testamento*. Cui actioni similis est actio de *inofficiosa donatione*, quæ exemplo querelæ *inofficiosi testamenti* comparata est, eaque revocatur donatio *inofficiosa*, i. e. profusa patris donatio inter vivos in fraudem liberorum facta. *tit. 29. de inofficiosis donationibus*. Idemque dicendum est & *de inofficiosis dotibus* ( quæ & ipsæ inter donationes connumerantur : ) nam si mater secundo marito in dotem dederit, ut liberis prioris matrimonii legitima salva non sit, dos huiusmodi velut *inofficiosa* a filiis revocari potest. *tit. 30. de inofficiosis dotibus*. Vindicatur quoque hæreditas, non tantum adversus hæredem scriptum, verum & adversus quemvis extraneum possessorem, per actionem quæ vocatur hæreditatis petitio. *tit. 31. de petitione hæreditatis*.

*Respondet liber 6. Digestorum.*

2. Singulare dominium est, vel rei corporalis vel incorporalis : *Corporalis* rei singularis, veluti mancipii, fundi petitio, cujus nomine quæ actio competit, dicitur rei vindicatio. *tit. 32. de rei vindicatione*.

*Respondet liber. 7. Digestorum.*

*Incorporalis* rei singularis dominium est inter cætera, *Ususfructus* & habitatio. *tit. 33. de usufructu & habitatione*.

*Respondet liber 8. Digestorum.*

Item servitutes prædiorum. *tit. 34. de servitutibus & aqua*.

S. III. *Actionibus* [ob DAMNUM datum .

Titulus unicus .

*Respondet liber 9. Digestorum .*

*Secundus* Actionum fons , seu secundum Controversiarum de re actuque privato extrajudiciali genus , oritur *ex damno injuria dato* in corpus : quo pertinet lex Aquilia . tit. 35. de l. Aquilia . Ita enim hic titulus superioribus cohæret , non quasi l. Aquilia de servitute aliquid actum fuerit eaque plecteretur , qui non imposita servitute , vel contra servitutem constitutam , damno vicinum affecisset ; Quæ Cujacii sententia est .

S. IV. *De actionibus ex IPSA REI  
NATURA* descendentibus .

Tituli 7.

*Concordat liber 10. Digestorum .*

*Tertius* Actionum de re privata fons est , seu tertium Controversiarum genus descendit *ex ipsa rei* , qua de , vel cujus occasione agitur , *natura* , citra domini vindicationem , citra damni dati a nobis , citra obligationis ullius contractæ causam . Hujus vero generis sunt sex sequentes actiones , quæ nobis vel in nos dantur , & quatuor quidem priores ob communionem rei competentes . 2. Quinta , ob id solum quod



quod res nostra est. 3. Sexta, ob nudum interesse in re, quam alius detinet.

1. Prima ob communionem rei competentem actio est, *Familia erciscundæ* actio, qua inter cohæredes res hæreditariæ dividuntur. *tit. 36. familia erciscundæ*. Secunda *Communi dividundo*, qua pariter res inter aliquos communi dividitur: Communis, inquam, ferme ex communionem seu societate contingente, vel necessaria, non voluntaria. *tit. 37. de communi dividundo*. Quibus duabus superioribus actionibus quædam communia proponuntur. *tit. 38. communia utriusque iudicii tam familia erciscundæ quam communi dividundo*. Tertia actio est, actio *Finium regundorum*, quam actionem parit vicinia, non dominium damnumve datum, aut obligatio ulla contracta; ad fines videlicet, i. e. terminos agrorum vicinorum, vetustate oblimatos, regundos, i. e. dirigendos, designandos. *tit. 39. finium regundorum*.

Quarta, non jam actio, verum exceptio ex rei ipsius natura fluens, fuit aliquando *Consortium litis*, i. e. litis cum altero communio: (Nam ut rei ita & litis societas quædam est:) Id vero est *consortium litis*, quod ex Constantini M. constitutione exceptionem producebat; quæ a Juliano abrogata fuit: sic ut unus ex consortibus pro parte sua hodie agere, & pro parte sua reus conveniri possit. *tit. 40. de consortibus ejusdem litis*.

Quinta actio ex rei ipsius natura seu qualitate sola descendens, & in alium

competens, est *noxalis actio*: quæ & ipsa dici potest ex peculiari quadam rei ipsius natura seu qualitate profluere: ex conditione, inquam, rei ob quam agitur, nempe ideo tantum in me servi dominum hæc actio ob noxam seu delictum a servo meo admissum sine ullo facto meo vel obligatione, datur, quia res mea est, servus inquam. *tit. 41. de noxalibus actionibus*. Atque ita quidem hic titulus hoc loco recte positus est, ratione seu respectu personæ, cum alio contemplatu, neque minus bene, ut in Edicto ita & in Digestis relatus fuerit, in censu videlicet actionum, quæ ex damno dato enascuntur.

Sexta actio est, *ad exhibendum*, seu exhibitoria: quam actionem parit ipsa rei pariter conditio, ut quia mea interest, rem aliquam, quam alius detinet, mihi exhiberit, veluti instrumenta aut servum, quem vindicaturus sum: quo nomine ea actio datur. *tit. 42. ad exhibendum*.

§. v. *De Actionibus, ob FACTUM quoddam nudum competentibus.*

## Tituli 2.

*Respondet Liber II. Digestorum.*

*Quartus* Actionum ex facto privato descendendum fons est, *Factum nudum* aliquod, ut citra damnum datum, dominiumve, vel obligationem contractam, ita neque ex rei natura descendens, cuius

DE REBUS CREDITIS. 347  
jus tamen nomine actio datur. Hujus  
vero facti nudi duæ species hic propo-  
nuntur; prior est, *lusu alearum*: in eo  
scil. deperditi repetitio lusori ejusque hæ-  
redibus competit, imo & his cessantibus,  
publicis personis. *titul. 43. de aleatoribus*  
& *alearum lusu*. Altera est sumptuum  
in alienum *Funus* erogatio: hi quippe  
peculiari actione repetuntur. *tit. ult. de*  
*religiosis & sumptibus funerum*.

EX LIB. IV.

Agitur hoc libro.

De OBLIGATIONIBUS nominatim  
contractis, seu de REBUS  
CREDITIS.

Respondent huic libro undecim libri Dige-  
storum: puta liber 12. 13. 14. 15.  
16. 17. 18. 19. 20. 21. 22.

**Q**uintus Actionum titulus fonsque, seu  
quintum Controversiarum genus de-  
scendit ex *Rebus creditis Negotioque*  
*gesto*, seu ex *Obligatione*. Quoties videl.  
re aliqua nominatim contracta interve-  
niente fidem alienam sequimur, *Rebus-*  
*que creditis* ( unde & *Rerum creditarum*  
nomen, quod & hujus libri argumentum  
est ) quoties videlicet res aliqua necessa-  
rio ad obligationem, ac proinde & actio-  
nem constituendam, intervenit. Cui &  
proxima, atque adeo hic pariter ut in  
Edicto, subjicitur, *Jurisjurandi delatio*:  
P 6 quo-

quoties videlicet jurejurando alteri delato vel relato, fidem ejus sequimur. *tit. 1. de rebus creditis & jurejurando.*

Porro rebus creditis vel certum aliquid formula seu actione petitur, vel incertum.

1. *Certum petitur*, & certæ quidem æstimationis, ex *Mutuo* vel stipulatione. *tit. 2. si certum petatur.*

2. Item ex suffragio. *tit. 3. de suffragio*; puta si quis alteri quid promisit pro suffragio (i. e. faventia, intercessione pro re aliqua a Principe impetranda.) Nam ut ipsa intercessio, ita & res pariter pro suffragio promissa *suffragium* dicitur. Hinc & titulus in Codice Theodosiano plenius quam in hoc conceptus: *Si certum petatur, de suffragiis.*

Porro in *Certæ* pecuniæ petitione illud observari oportet, quoties ea petitur, etsi certa sit, eam tamen lite pendente non sequestrari, quia quantitatis nullum subest corpus quod interverti facile possit. *tit. 4. de prohibita sequestratione pecuniæ*: *Certum* quoque eadem actione, seu conditione certi, qua & mutuum, petitur ex *Promutuo*, i. e. quod est instar mutui: *l. 5. §. 3. ff. de obligat. & act.* Quo pertinent quinque tituli seu conditiones sequentes, quas in *serie Digestorum* plenius expensas reperies: 1. Vel enim datum quid promissumve fuit, quasi ex præsentis seu quasi existente causa; *tit. 5. de conditione indebiti*. 2. Vel ob futuram eamque honestam. *tit. 6. de condition. ob causam datorum*: vel turpem. *tit. 7. de conditione ob turpem causam*. Hactenus

nus de certi petitione certæ æstimationis.

*Incertæ* vero æstimationis certi petitio sequitur: de qua sunt duo tituli & conditiones sequentes. *tit. 8. de conditione furtiva* & *tit. 9. de conditione ex lege, & sine causa.*

Post explicatas certi petitiones utriusque generis, antequam ad alteram obligationum seu contractuum speciem, ex quibus videl. *Incertum petitur*, pergatur, interjiciuntur hic, haud absurdo prorsus ordine, tredecim tituli, qui ad duo capita referuntur. 1. Generalis primum tractatus *de obligationibus*. 2. *de adminiculis rerum creditarum seu obligationum*: Medio scilicet loco, inter duas species, inter certi inquam petitiones, de quibus hætenus, & incerti, de quibus postea: quibus utrisque hæc communia sunt. Ergo generalis primum titulus præmittitur: *titulus* inquam 10. *De obligationibus & actionibus*: Sequentes vero tituli octo subjiciuntur, spectantes ad trium axiomaticum & capitum generalium circa obligationes explicationem. Primum caput seu axioma respicit *Ortum & Initium* obligationum, & actionum ubi quæritur, a quo tempore actio incipere possit, & num ab hærede primum; veluti si stipulatio aliufve contractus concepta sint post mortem: quod affirmatur. *tit. 11. Ut actiones & ab hæredibus & contra herædes incipiant.* Secundum axioma respicit *Exercitium* obligationis & actionis; ubi per varias species demonstratur, *ex alterius obligatione* (qui scil. alterius negotium vel reapse, vel juris potestate, vel expressa conventionem non gessit) *neminem alterum obligari*: eo solo obtentu quod

quod arctissime alteri cohereat, nexusve sit, vel beneficio alteri teneatur. Scil. non tenetur 1. Conjux pro conjuge. *tit. 12. Ne uxor pro marito, vel maritus pro uxore, vel mater pro filio conveniatur.* 2. Non liberi pro parente. 3. Non libertus pro patrono. 4. Non servus pro domino. *tit. 13. Ne filius pro patre vel pater pro filio emancipato, vel libertus pro patrono conveniatur.* 5. Immo neque servus olim, hodie liber, & sic jam alius novusque quodammodo homo, pro suo facto, seu antegesto obligationeque contracta in servitute. *tit. 14. an servus pro suo facto post manumissionem teneatur.*

Excipiuntur tamen a superiore Regula tres casus sequentes: Nam & 1. *Debitor debitoris recte conveniri potest. tit. 15. Quando fiscus vel privatus debitoris sui debitores convenire possit vel debeat.* 2. Et *Hæres ex obligatione defuncti recte convenitur: sive ex contractu ejus. tit. 16. de hæreditariis actionibus: sive ex delicto: sub hac tamen distinctione & temperamento: In solidum scil. hæres tenetur, si lis contra defunctum contestata fuerit judicative, alias quatenus ex ea re tantum locupletior ad eum hæreditas pervenit, non ultra. tit. 17. ex delictis defunctorum in quantum hæredes conveniantur.*

3. Constitutæ quoque pecuniæ pro alio nudo pacto reus, pro eo recte convenitur. *tit. 8. de constituta pecunia.* Nam ita hic titulus superioribus optime cohæret: non vero ideo, ut sciretur hanc quoque actionem hæreditariam esse, quod Cujacius pu-



tabat ; cum alioquin in Digestis titulus hic alio ordine positus sit : nempe non habita ratione *Originis* actionis ( ut hic ) verum finis ejus & formulæ respectu, quia scil. modo certum, modo incertum ex ea causa petitur. Hactenus de obligationibus & actionibus.

Sequuntur nunc *Adminicula Obligationum seu rerum creditarum* : puta probationes legitimæ, de quibus in genere agitur *tit. 19. de probationibus*. Mox, in specie de Testibus, *tit. 20. de testibus*; & instrumentis: *tit. 21. de fide instrumentorum & amissione eorum & de antapochis faciendis, & de his quæ sine scriptura fieri possunt*. Cujus tituli appendix est quoque *tit. 22. Plus valere quod agitur, quam quod simulate concipitur*. Hoc quippe titulo ostenditur, veritatem rei gestæ magis obtinere seu prævalere, quam instrumenta conficta & simulata. Nunc a diverticulo in viam.

1. *Incertum* petitur ex sequentibus sex obligationum, negotiorum & contractuum generibus. 1. Ex iis, ubi *unius* e contrahentibus *principaliter* negotium geritur, veluti duobus sequentibus, in Commodato. *tit. 23. de commodato*; 2. & Pignore. *tit. 24. de pignoratitia actione*.

2. Ex iis contractibus & actibus nonnullis, ubi ( reapse seu juris potestate, intra certum tamen modum ) *Alterius* quam contrahentis negotium geritur. Ad quem tractatum pertinent tres tituli sequentes. *tit. 25. De institoria & exercitoria actione*. *tit. 26. Quod cum eo qui in aliena potestate est negotium gestum esse dicetur, vel de*  
pe-

*peculio, sive quod jussu, aut de in rem verso. tit. 27. Per quas personas nobis adquiratur. A quibus speciebus separandi sunt omnino sequentes casus duo. 1. Nam neque Filiusfamilias mutuam sumens pecuniam patrem unquam obligat. tit. 28. ad SC. Macedonianum. 2. Neque Mulier intercedendo alterius negotium utiliter gerit. tit. 29. ad SC. Vellejanum. Contra, non extrajudiciali modo contractu alterius quandoque quam contrahentis negotium geritur, sed & quasi contractu seu judiciali (nam & iudicio quasi contrahitur) vi potestateque juris; 1. veluti, si tu pecuniam non numeratam a me petas, chirographi repetitionem mihi adquies. tit. 30. de non numerata pecunia.*

2. Item si petas quod compensatione elidi potest. tit. 31. de compensationibus.

3. Incertum petitur, ubi de Usuris & interesse agitur. tit. 32. de usuris: & tit. 33. de nautico fœnore: hac enim ratione hic titulus hoc loco positus est: cum in Digestis in eorum titulorum censu locatus sit, qui ad pedissequas contractuum actiones pertinent.

4. Incertum petitur ex contractu, in quo Unius tantum e contrahentibus negotium geritur, ut in Deposito, tit. 34. Depositi vel contra.

5. Incertum petitur ex contractu Mixto, puta mandato. tit. 35. Mandati, vel contra, & tit. 36. si servus extero se emi mandaverit.

6. Incertum petitur ex contractibus, in quibus utriusque semper contrahentium utilitas vertitur: quandoque tamen inæqualiter,

liter, ut in Societate. *tit. 37. pro Socio.* Æqualiter vero semper, ut in sequentibus quatuor contractibus; 1. puta, in *Emptione venditione*: Ad quem tractatum pertinent tituli 26. Qui ad sequentia capita referri debent. 1. Primum caput est, de *substantia emptionis venditionis. tit. 8. de contrahenda empt. & venditione.* 2. Secundum caput est de *Materia emptionis & venditionis.* Scil. non corporalis seu rei corporalis tantum emptio est, sed & juris, veluti hæreditatis aut actionis; *hæreditas* enim nomen juris est, etiam sine corpore juris intellectum habens: ut & *actio* pariter juris nomen est: est enim actio jus persequendi ejus quod nobis debetur. *tit. 39. de hæreditate vel actione vendita.* Vicissim quædam res sunt, quæ emi vendi non possunt: & eæ quidem quatuor generum: sunt enim quædam 1. *Reservata Principis usibus*, puta purpura, vel exercitus usibus, ut frumentum ei destinatum, quæ utique emi vendi non possunt. *tit. 40. quæ res venire non possunt & qui vendere vel emere vetantur.* 2. Res quædam seu species in *Barbaricum* (i. ad hostes) etiam induciarum tempore exportari iisque vendi non possunt, veluti arma, ferrum, vinum, oleum, liquamen, atque id genus alia, quibus hostes armari alive possunt. *tit. 41. Quæ res exportari non debeant.* 3. *Eunuchi* facti emi vendique non possunt: Eunuchi inquam Romani, barbarorum quippe Eunuchorum commercium fuit. *tit. 42. de Eunuchis.* 4. *Filios suos patres vendere non possunt*, nisi forte nimia paupertate adigente; & hætenus qui-

quidem, ut non nisi sanguinolentos vendant: & hac adhuc conditione tacita, puta ut hujusmodi liberi venditi servi non ideo maneant, verum quodocunque libertatem relegere possint; quocunque adferente; idque vel vicario (i. alio pro se) servo dato, vel sui pretio oblato. *tit. 43. de patribus qui filios suos distraxerunt.*

3. *Tertium* caput est, de *Rescindendæ irritandæque venditionis* causis: quænam videl. causæ ad id probabiles sint vel non sint. Idque vel privata quadam ratione vel publica. *Privata* scilicet ratione. 1. Præter vim, metum, dolumve, probabilis hæc causa est, si *justi pretii* ne dimidium quidem quo res vendita valet, solutum fuerit, & sic dolus in re versetur. *tit. 44. de rescindenda venditione.* 2. Est & probabilis maxime legitimæ irritandæ venditionis ratio, *mutuus contrahentium consensus*: etenim quod consensu contractum est contrariæ voluntatis adminiculo dissolvitur. *tit. 45. Quando liceat ab emptione discedere.* 3. *Publica* vero ratione irrita est venditio, si propter publica tributa bona debitoris, vel nulla Præsidis auctoritate, vel per ambitionem gratiamve, minus justo pretio venierint: uti contra rata est, si solemniter ea sinceraque fide sub hasta facta fuerit, etiam per dominum postea pretium offeratur, vel creditor in re vendita jus hypothecæ prætendat. *tit. 46. si propter publicas pensiones venditio fuerit celebrata.* Denique irrita est venditio contracta ea lege, siue conventionem adjecta, uti

uti ne fundum qui censum vel reliqua quædam fisco vel Reipub. debet, onus census vel reliquorum emptorem sequatur. *tit. 47. sine censu vel reliquis fundum comparari non posse.*

4. Quartum caput in tractatu emptio-  
nis venditionis est, *de effectu* perfectæ ven-  
ditionis. 1. Ac primum quidem, cujus sit  
*periculum & commodum* rei venditæ, em-  
ptorisne an venditoris. *tit. 48. de periculo  
& commodo rei venditæ.* 2. Quænam A-  
ctiones civiles, & ad quid empti-venditi  
nomine dentur, de eo scil. quod alterum  
alteri ex æquo & bono præstare oportet,  
& ad implendum contractum. *tit. 49. de  
actionibus empti & venditi.* Quæ quidem  
actiones regulariter inter emptorem & ven-  
ditorem dantur, ubi 1. res venditoris pro-  
pria, 2. ab emptore, 3. suo nomine, 4.  
suaque pecunia empta fuerit.

Et sunt tamen quidam casus singulares,  
in quibus empti-venditi actio inter emptor-  
em & venditorem datur, etiam re alie-  
na vel alieno nomine, vel aliena pecu-  
nia empta. Idque duplici adhuc jure seu  
effectu. 1. Aliquando quidem sic, ut statim  
firmo perpetuoque jure res emptoris fiat:  
veluti si res venditoris propria ab emptor-  
e alieno nomine pecuniave aliena empta  
fuerit. *tit. 50. si quis alteri, vel sibi sub  
alterius nomine, vel aliena pecunia emerit.*  
2. Aliquando vero ita, ut etsi inter emen-  
tem & vendentem obligatio contrahatur,  
attamen res emptoris non fiat jure firmo.  
ut tribus casibus sequentibus, 1. puta si  
aliena res vendita fuerit. *tit. 51. de rebus  
alie-*



*alienis non alienandis & de prohibita rerum alienarum hypotheca.* 2. Si res communis inter venditorem & alium vendita fuerit: nisi si fiscus rem sibi cum alio communem vendiderit, hoc quippe casu emptor statim securus est. *tit. 52. de communium rerum alienat.* 3. Si res Hypothecæ alii nexa vendita fuerit: veluti si rem alienam gerentes res suas vendiderint, v. g. Tutores & Curatores: nam etsi rerum suarum alienatione non interdican- tur: atamen, eas nonnisi cum sua causa alienare possunt, i. e. sic ut in his hypothecæ jus pupillis & adolescentulis salvum sit. *tit. 53. Rem alienam gerentibus non interdici rerum suarum alienatione.*

Et hæc quidem de actionibus, quæ ex ipso jure descendunt danturque inter emptorem & venditorem, ac proinde & de effectu venditionis-emptionis: Sequuntur nunc ea quæ ex *Conventione* descendunt, ac proinde formam & legem exinde accipiunt: Quod quidem *quintum* caput est in hoc tractatu emptionis venditionis: de *Pactis* inquam, inter emptorem & venditorem initis, & quatenus ex his actio detur. *tit. 54. de pactis inter emptorem & venditorem compositis.* Inter cætera vero pacta quædam in Mancipiorum venditionibus olim quandoque addi solebant: cujusmodi tria singularia hic proponuntur, quorum nonnulla in odium, alia in favorem servorum addebantur. Et primum quidem, quod *securitatem* venditoris ipsius spectabat, puta, ut servus exportaretur, i. e. ne in ea urbe vel provin-



vincia moraretur, in qua pristinus dominus seu venditor commoratur, quod Græci vocabant *ἐν ἑξαγαγῇ servum vendere. tit. 55. si servus exportandus veneat. 2.* Secundum ad pudicitiam ipsius Mancipii venditi tuendam spectabat: puta ut ne ancillam emptori prostituere liceret, & ut si prostituta fuisset, venditori in eam manus injectio esset. *tit. 56. si Mancipium venierit ne prostituatur. 3.* Tertium respiciebat *statum* servi: nam & hæc quandoque conditio servi venditioni aliique alienationi addebatur, ne intra hoc vel illud tempus manumitteretur, vel ne unquam manumitteretur, & vicissim ut manumitteretur intra certum tempus. *tit. 57. si Mancipium ita fuerit alienatum ne manumittatur vel contra.*

6. Sextum caput est de *pedissequis* & *adminiculis* actionis civilis rei emptæ & venditæ: Cujusmodi sunt actiones *Ædilitiæ* seu redhibitoriæ: veluti si servus fugitivus venditus sit, si ager pestibilis (qui pestibiles herbas vel lethiferas producit) *tit. 58. de ædilitiis actionibus.* Et hæc quidem de privata forma venditionis emptionis, & actionibus empti-venditi.

Sequuntur nunc *Publicæ conditiones*: publicæ inquam, ratione publicæ utilitatis: Et quatuor quidem: Definitor scil. 1. *Monopolii* jus, i. e. jus a se solo vendendæ certæ mercis, neminem a Principe quidem concedere posse: pariter ut illicitæ pactiones sunt inter negotiatores, de non vendenda merce sua minore pretio, quam quo inter eos convenisset: item inter artifices, puta ne quis forte

opus

opus quod alter inchoaverat, absolvat. tit. 59. de Monopoliis & conventu negotiatorum illicito vel artificio ergo laborum, nec non balneorum, prohibitis illicitisque passionibus. 2. Nundinarum & Mercatum jus non esse, nisi in hisce locis, in quibus jus eos habendi datum est, vel longa consuetudine, vel beneficio Principis, vel Senatus, vel Ordinum decreto. tit. 60. de Nundinis & Mercationibus 3. Vectigal quoddam, i. e. portorium publico rerum venalium nomine præstari, atque eo nomine mercem quemque suam apud publicanum profiteri oportere, alioquin ob improfessas merces ipsas committi, seu in commissum cadere, i. e. fisco adquiri. tit. 61. de vectigalibus & commissis: Ut & contra, nova vectigalia sine præcepto Principis institui non possunt. tit. 62. vectigalia nova institui non posse. 4. Commerci seu mercaturæ jus non omnibus esse, neque cum omnibus; ut ecce neque cum Barbaris, etiam fæderis tempore, commercium rerum quarundam est (de quo supra) neque ubique, sed disinitis tantum locis: neque potentioribus mercaturam facere licet, eo quod cum eis difficile sit commercium. tit. 63. de commerciis & mercatoribus.

Post contractum emptionis sequuntur tres alii contractus e quatuor, in quibus æqualiter utriusque contrahentium utilitas vertitur, & ex quibus incerti petitio competit. 2. puta, Permutatio. tit. 64. de rerum permutatione. 3. Locatio-conductio, tit. 65. de locato & conducto. 4.

Emphyteuticus contractus. tit. ult. de jure Emphyteutico.

Et hac quidem ratione hic titulus ultimo loco positus est, habita ratione ipsiusmet Contractus: cum in Digestis sedem obtineat ratione finis, ad quem actio agri Emphyteutici nomine comparata est, puta ad Dominium vindicandum.

## EX LIB. V.

Hoc Libro agitur de duobus.

De NUPTIIS, & de TUTELIS.

Respondent huic libro quinque Digestorum libri, puta liber 23. 24.  
25. 26. 27.

## §. I. De NUPTIIS.

Tituli 27.

**S**EXTUS Actionum fons nascitur ex Nexu quodam Personarum. Et primo quidem liberarum & æqualium inter se ratione status cujusmodi nexus duo hoc libro tractantur. Primo Matrimonium si-  
ve Nuptiæ: Qua parte tria tempora spectanda veniunt. Præcurrens eas, Concurrrens, seu Circumstans, Postcurrens, (dixisse liceat) seu sequens.

1. Præcurrunt seu præcedunt nuptias 1. Sponsalia & arræ sponsalitiæ, & proxeneticiæ (i. e. præmia quæ dabantur conciliatoribus sponsalium aut nuptiarum, quorum

rum & certus modus olim definitus fuit.)  
*tit. 1. de sponsalibus & arris sponsalitiis*  
*& proxeneticis*. In arris sponsalitiis ab  
 eo qui officium in Provincia administrat  
 datis, id singulare observandum est, ut si  
 sponsa postea ei qui eas dedit nubere no-  
 lit, libera ea sit, reddendo tantum arras  
 in simplum. *tit. 2. si Rector provinciae*  
*vel ad eum pertinentes sponsalitia dede-*  
*rint*. 2. Præcurrebant quoque olim tan-  
 tum nuptias donationes ante nuptias (quæ  
 videl. in vicem dotis a marito dantur; un-  
 de a Græcis ἀντιδότην dicitur) quæ tamen  
 postea propter nuptias dictæ sunt, quia & post  
 nuptias hodie fieri possunt. *tit. 3. de do-*  
*nationibus ante nuptias vel propter nuptias*.

2. Nuptiæ ipsæ sequuntur, de quibus ea-  
 rumque ritu, i. e. inter quas personas rite  
 nuptiæ contrahi possint, tractatur genera-  
 tim *tit. 4. de nuptiis*. Contra, inter quas  
 nuptiæ prohibitæ sint, sive ratione natura-  
 li, sive civili, quæ incestæ dicuntur & inu-  
 tiles. *tit. 5. de incestis & inutilibus nuptiis*.  
 Quo numero sunt & quæ deprædandi mate-  
 riam alioquin præberent si permitterentur,  
 ut sunt 1. Nuptiæ inter pupillam & Tuto-  
 rem seu Curatorem. *tit. 6. de interdicto ma-*  
*trimonio inter pupillam & Tutorem seu Cur-*  
*ratorem*. 2. Item nuptiæ inter provincialem  
 mulierem & eum qui in provincia potesta-  
 tem aliquam gerit, vel qui ejus potestati  
 sunt suppositi. *tit. 7. si quacunque præditus*  
*potestate, vel ad eum pertinentes ad supposi-*  
*tarum Jurisdictioni suæ adspirare tentave-*  
*rint nuptias*. In tantum vero omnes hæ  
 nuptiæ inutiles sunt, ut etsi Rescripto  
 Prin-

Principis impetratæ fuerint , contra jura forte , vel partium aut parentum consensum , non ideo magis valeant . *tit. 8. si nuptiæ ex rescripto petantur .*

Neque unico tantum matrimonio contenti , verum ad secundas multi nuptias festinare solent : quæ & ipsæ illicitarum nuptiarum vicinitatem sequuntur , si Patrum quorundam sententiæ stamus . Certe , pænis quibusdam subicere eas , vel saltem frænis cohibere jus visum , quia scil. mutato concubitu parentes facile depravantur . *tit. 9. de secundis nuptiis ; & tit. 10. si secundo nusperit mulier , cui maritus usumfructum reliquit .*

3. Ad tempus , partim nuptias præcurrens , partim vero iis concurrens , pertinet Dos , seu Dotis promissio . *tit. 11. de Dotis promissione , & nuda & pollicitatione .* Cujus multa singularia sunt jura & privilegia , de quibus agitur *tit. 12. de jure dotium .*

Ac præsertim ubi de ejus repetitione post divortium agitur : quo pertinet *tit. 13. de rei Uxoræ actione in ex stipulatu actionem transfusa , & de natura dotibus præstita .* In quo tamen pactorum conventorum ratio haberi debet . *tit. 14. de pactis conventis tam super dote , quam super datione ante nuptias & paraphernis .* Quod omne tamen de dote revera numerata , non etiam cauta tantum , accipi oportet , alioquin exceptio non numeratæ pecuniæ objici potest , intra annum videl. a morte vel remissione repudii . *tit. 15. de dote cauta non numerata .*

4. Constantis matrimonii tempus sequitur :

Q

tur :

tur: constante scil. matrimonio donationes inter virum & uxorem prohibitæ sunt. *tit. 16. de donationibus inter virum & uxorem.*

5. *Solutitandem* matrimonii tempus sequitur: quo pertinent novem tituli sequentes: non generales modo: *tit. 17. de Repudiis & iudicio de moribus sublato*: verum specialiores de omnibus controversiis, quæ soluto matrimonio nasci solent. Ac prima quidem quæstio est super *Dote*: partim inter conjuges ipsos, partim adversus extraneos. 1. *Inter conjuges* scil. ipsos, vel etiam personas quæ dotis dationi accesserunt, ut soluto matrimonio dos petitur a parte uxoris. *tit. 18. soluto matrimonio quemadmodum dos petatur*: ita vicissim, a parte mariti quædam excipi solent & possunt, adversus uxorem dotem repetentem: cuiusmodi quatuor exceptiones hic proponuntur.

*Prima exceptio* est, si maritus constante matrimonio uxori dotem restituerit: mortua quippe uxore non tantum dotem, verum etiam dotis fructus ab uxore perceptos, maritus ab ejus hæredibus percipiet. *tit. 19. si dos constante matrimonio soluta fuerit*. *Secunda exceptio* est, quod fidejussores dotium a maritis dati, conveniri non possint. *tit. 20. ne fidejussores vel mandatores dotium dentur*. *Tertia exceptio* est, ob res amotas ab uxore. *tit. 21. rerum amotarum*. *Quarta exceptio* est, ut maritus in quantum facere possit, dotis nomine conveniatur. *tit. 22. Ne pro dote mulieris bona quon-*  
*dam*



*dam mariti addicantur, i. e. in solutum dentur. Et hæc quidem de actionibus inter conjuges ipsos, vel etiam personas, quæ dotis dationi accesserunt super dote soluto matrimonio: Sane, cum in fundo dotali inæstimato illud peculiare sit, ut nunquam eum alienare marito liceat, alienatus tam ab eo, quam ab extraneo qui eum accepit, evinci potest. tit. 23. de fundo Dotali.*

*Secunda Quæstio soluto matrimonio quæ incurrere potest, est propter liberos: super eorum videl. educatione & alimentis. Quo pertinent tituli duo sequentes: tit. 24. divor- tio factò apud quem liberi morari vel educari debeant; & tit. 25. de alendis liberis ac parent.*

*Ad fines tandem nuptiarum & uxorum sunt Concubinæ & Concubinatus inter solu- tos. tit. 26. de contubinis. Ex quibus susce- pti liberi naturales sunt & dicuntur: qui certis tamen modis justii efficiuntur. tit. 27. de naturalibus liberis & matribus eo- rum, & ex quibus causis justii efficiantur.*

## §. 2. De T U T E L I S.

*Respondet liber 26. 27. Digestorum.*

*Secundum personarum nexus, unde actio- nes enascuntur, genus, est Tutela & Cura: Qui tractatus a tit. 28. ad finem libri per 48. titulos decurrit. Ac primum de Tu- tela, & conjunctim mox deinceps de Cu- ra agitur: In qua eadem tempora spe- ctanda sunt, quæ in nuptiis.*

*1. Præcurrens tutelam tempus continet species tutelæ, seu modos ejus deferendæ.*

Tutela scilicet defertur, 1. vel Testamento : *tit. 28. de Testamentaria tutela* ( Quæ tamen sæpe etsi non jure Testamento data fuerit, confirmanda nihilominus venit. *tit. 29. de confirmando tutore.* ) 2. vel lege : *tit. 30. de legitima tutela.* 3. vel denique datur a Magistratu. Qua parte sequentia spectanda sunt. Quinam videlicet tutores & curatores ex Testamento, vel a lege non habentibus petere partim possunt ( nempe amici, imo & adversarii & creditores in litem ) partim vero ex officio pietatis petere teneantur, puta liberis liberis patroni, & mater, ut & avus & avia, liberis suis quibuscunque. *tit. 31. qui petant tutores vel curatores.* Secundo, Quo loco peti debeant tutores & curatores: nempe ubi pupillus vel minor originem a patre ducit, vel ubi patrimonium is habet. *tit. 32. ubi petantur tutores vel curatores.* Tertio, Quibus, a quibus & qui dari debeant: speciatim scil. Illustribus vel Clarissimis Personis a Præfecto urbis, adhibitis in consilium decem Senatoribus & Prætoribus tutelari, ex quocunque ordine; non tamen Curiales dari debent, *tit. 33. de tutoribus vel curatoribus illustrium vel clarissimarum personarum;* Cæteris vero personis, quibus inquam, & a quibus, & qui dari possint, definitur *tit. 34. qui dari tutores vel curatores possunt.* Inter alia vero tenendum, neque Mulierem dari tutricem posse, neque tutorem habenti alium regulariter dari posse. Et ab utroque tamen excipiuntur hi duo casus. 1. Nam & mater & avia, si id velint,

sint, tutrices esse darive possunt, certis tamen adhuc sub conditionibus. *tit. 36. Quando mulier tutelæ officio fungi potest. 2. Et certis casibus tutorem jam vel curatorem habenti, alius dari potest. tit. 36. In quibus casibus tutorem vel curatorem habenti tutor vel curator dari potest.*

II. Secundum in Tutelis tempus, est *Delatæ* jam sive *Constantis* tutelæ. Qua parte tria in considerationem veniunt: 1. *Administratio rerum pupillarium.* 2. *Pupillorum educatio.* 3. *Alimentorum præbitio.*

De *Administratione* primum. Officium scil. Tutoris est, ut fideliter res pupilli administret. *tit. 37. de administratione tutorum vel Curatorum & pecunia pupillari fœneranda vel deponenda: suo scilicet periculo. tit. 38. de periculo Tutorum & Curatorum.* Cujus administrationis pars quoque est 1. ut *Actiones* pupilli & minoris nomine exerceat & excipiat. Qua parte tenendum est, regulariter ipsos Tutores & Curatores pupillorum nomine actiones exercere & excipere, & omnes quidem tutores seu Curatores. Et separantur tamen ab hac regula duo casus: 1. Nam & ex facto Tutoris vel Curatoris, puta condemnatione ejus, & mutuo in rem pupilli verso, pupillus utili actione conveniri potest, & ipse vicissim agere de pecunia sua credita, reque sua locata. *tit. 39. quando ex facto tutoris vel curatoris minores agere vel conveniri possint.* Item unus tutor, seu curator & agere & conveniri potest, si divisa sit tutela a testatore vel Magistratu: item si indivisa sit defendi ab uno pupillus potest.

test. tit. 40. si ex plurib. tutorib. vel curatorib. omnes vel unus agere pro minore vel conveniri possint. 2. Ut ab his absteat, quibus officii tutorii & curatorii administratio conturbaretur: v. g. Tutor vel Curator *Veſtigalia* conducere prohibetur, priusquam minoribus suis paria fecerit (i. e. rationes administrationis reddiderit.) tit. 41. ne Tutor vel Curator *veſtigalia* conducatur.

3. Imo & ut ab administratione ipsa absteat, neque ad administrationem admittatur, priusquam satisfecerit *rem pupilli salvam fore*: gesta a tutore & curatore alioquin qui non satisfecit in præjudicium minoris, sunt ipso jure nulla. tit. 42. de tutore vel curatore qui satis non dedit. 4. Ut suspicione omni pravæ administrationis vacet: ne alioquin tanquam suspectus removeatur. tit. 43. de suspectis tutoribus vel curatoribus. 5. Ut si durante tutela vel cura inter eum & pupillum intercedat, Tutor vel Curator specialis in litem detur. tit. 44. de in litem dando Tutore vel Curatore.

Diximus supra, periculum administrationis ad tutorem & curatorem pertinere, quandoque tamen periculum administrationis & ad alios quoque pertinet, quam ad Tutores & Curatores. 1. Nam & qui pro tutore negotia gerit, etiam mulier, etsi non justus tutor, ad ratiocinia tenetur. tit. 45. de eo qui pro tutore negotia gessit. 2. Imo & periculum administrationis quandoque ad matrem pertinet, si securitatem pupillo vel tutori promiserit. tit. 46. si mater indemnitate promisit: uti retro contra

tra matris ultimam voluntatem tutor datus, a tutelæ administratione citra damnum existimationis removendus est. *tit. 47. si contra matris voluntatem tutor datus sit.*

Diximus quoque supra, *Constate* tutela administrationis periculum ad tutorem pertinere. Imo, non ideo statim ut finita tutela est, etiam periculum administrationis semper finitur, sed tutela adhuc durare creditur: Antequam enim rationes tutor reddiderit, defensionis causarum pupillariorum adistere tenentur. *titul. 48. ut causæ post pubertatem adsit tutor.*

I. Et hæc de administratione. Cum administratione vero tutoris nil commune habet *Educatio pupilli*. Apud alium quippe sæpe pupilli educandi veniunt, penes alium est administratio, veluti apud matrem, cumve de quo Præses cognoverit. *tit. 49. ubi pupilli educari debeant.* Denique *Alimentorum* pupillo præstandorum modus pro modo facultatum a Judice sæpe decernendus venit. *tit. 50. de alimentis pupillo præstandis.*

Sequitur jam *Actio tutelæ*, quæ quidem duplex est, directa & contraria: *Directa*, quæ pupillo adversus tutorem competit. *titul. 51. arbitrium tutelæ.* Circa quam actionem sequentia notari oportet. I. *Dividi* sæpe actionem inter tutores si videlicet divisa fuerit administratio a testatore vel a Judice in certas partes, regiones, sive provincias. *tit. 52. de dividenda tutela, Et pro qua parte quisque tutorum conveniatur.* Secundo *Jusjurandum in litem* sæpe interponi oportere in arbitrio seu actione tutelæ. *tit. 53. de in li-*

*tem jurando. Tertio, Hæredes tutorum & curatorum quomodo conveniri possint hac actione, tractatur tit. 54. de hæreditibus tutorum vel curatorum. Quarto, etiam adversus Cessatorem, id est Tutorem qui tutelam non gessit, hæc actio nihilominus competit. tit. 55. si tutor vel curator non gesserit. Quinto, Usuræ quoque in tutelæ actionem veniunt, si videlicet tutor pecuniam in usus suos vertit, vel otiosam habuit. tit. 56. de usuris pupillaribus. Postremo & adversus Fidejussores tutorum vel curatorum quomodo agi possit, definitur tit. 57. de fidejussoribus tutorum vel curatorum.*

*Contraria actio tutelæ quoque ex tutelæ gestione nascitur, quæ videlicet tutori adversus pupillum competit, si quid in rem pupilli probabiliter impendit. tit. 58. de contrario judicio tutelæ. Atque hæc de administratione tutelæ & actionibus ejus nomine proditis. Neque tamen eo fine statutoris officium: Nam & ejus pars est Auctoritatis interpositio. Quæ omnino necessaria est sese obliganti. tit. 59. de auctoritate præstanda.*

III. Postremum Tutelæ tempus est, Tutelæ finiendæ vel finitæ. Certis videlicet modis tutela finitur, de quibus agitur tit. 60. quando tutores vel curatores esse desinant. Inter quos non est legitima causa tutoris absentia: In absentis quippe locum datur actor. tit. 61. de Actore a tutore seu curatore dando. Legitima vero causa est, si tutor causis legitimis a tutela excusari meruit. tit. 62. de excusa-

tion-



*tionibus tutorum & curatorum.* Non etiam si falsis allegationibus excusatus fuerit : nihilominus enim tutor manet ; & periculum tutelæ ad eum pertinet. *tit. 63. si tutor vel curator falsis allegationibus excusatus sit.*

Cæterum de sex excusationum causis speciatim sex titulis sequentibus agitur. Nempe a tutela & cura excusationem præstat 1. Absentia Reipub. causa. *tit. 64. si tutor vel curator Reipub. causa aberit.* 2. Emerita militia. *tit. 65. de excusationibus Veteranorum.* 3. Liberorum numerus. *tit. 66. qui numero liberorum se excusant.* 4. Morbus. *tit. 67. Qui morbo.* 5. Mala ætas. *tit. 68. Qui ætate.* 6. Numerus tutelarum. *tit. 69. Qui numero tutelarum.* Et hæc quidem de pupillorum tutela & minorum cura, atque adeo de tutoribus & curatoribus.

Cura furiosorum & prodigorum succedit *tit. 70. de curatore furiosi & prodigi.* Superioribus omnibus id commune est, ut prædia pupillorum, eorumque qui sub cura agunt sine decreto Prætoris vel Præfidis alienari vel obligari non possint. *tit. 71. De prædiis & aliis rebus minorum sine decreto non alienandis vel obligandis.* Exceptis certis casibus, puta ex voluntate testatoris, vel Principis concessione. *tit. 72. quando decreto opus non est.* 2. Si ignorans, seu bona fide quis rem minoris sine decreto emerit, moxque legitimo tempore præscripserit. *tit. 73. Si quis ignorans rem minoris esse sine decreto comparaverit.* 3. Si major factus, facto aliquo alienationem

antea factam firmaverit. tit. 34. si major factus alienationem factam sine decreto firmaverit.

Ultimo hujus libri titulo ultimum quoque seu subsidiarium remedium sive auxilium proponitur, quo minoribus succurritur, qui alia ratione servari indemnes non possunt. tit. ult. de Magistratibus conveniendis.

## EX LIB. VI.

Agitur hoc libro de duobus:

1. De Actionibus seu Judiciis ex inæquali PERSONARUM inter se conjunctarum nexu.

2. & de SUCCESSIONIBUS.

Respondent huic libro undecim libri Digest., nempe a libro 28. ad 38. inclus.

**H**Actenus de Actionibus, quæ enascuntur ex nexu personarum liberarum, interque se æqualium, ratione status.

Nunc de personis, quæ nexu inæquali conjunguntur, sic ut unus ab altero majore pendeat: puta Servi & Liberti: deque actionibus, eo nomine publico competentibus.

Sic enim nova jam hac ratione tractatum hunc hoc loco positum deprehendo, qui & Edicti perpetui ordo fuit, & a Paulo quoque in sententiis servatus. Quem qui non tenent, varia admodum comminiscuntur,

tur, ut ordinis rationem aliquam reperiant.

Igitur agitur hic primo de *Vitiis* duobus servorum & libertorum, puta de Fugitivis, tum servis, tum libertis, sive privatorum, sive Civitatum. *tit. 1. de servis fugitivis & libertis mancipiisque Civitatum*: Et de furtis servorum usque ab alio corruptis. *tit. 2. de furtis & servo corrupto*. Et sic recte hic titulus superiori cohæret tanquam vicinus; sunt enim hæc cognata crimina, fuga, furtumque. Secundo agitur de omni *Patronatus* jure circa personas, resque libertorum, quod quidem consistit primum in *Operis* libertorum. *tit. 3. de operis libertorum*.

Secundo in jure *succedendi* in bonis libertorum, quod & per eminentiam *jus patronatus* vocari solet. *tit. 4. de bonis libertorum & jure patronatus*.

Tertio in *revocandis* iis, quæ in necem, i. e. in fraudem patronorum, a libertis alienata sunt, ad legitimam usque partem seu portionem. *tit. 5. si in fraudem patroni a libertis alienatio facta sit*.

Quarto consistit *jus patronatus* in *Obsequiis* quibusdam, quæ patrono a libertis debentur, veluti ut ne libertus adversus patronum famosam actionem instituere possit, ut ne protinus ad litigandum cum patrono procedere debeat: adeo quidem, ut hæc obsequia, & similia, etiam patronæ, etiam liberis Patronis damnati debeantur. *tit. 6. de obsequiis patrono præstandis*.

Quinto *jus patronatus* consistit in actione *Ingrati*, seu actione impietatis, qua liberti probatis ingratitude causis, in ser-

vitutem revocantur. *tit. 7. de libertis & eorum liberis*. Et hæc quidem ita demum, nisi libertis jus aureorum annulorum impetraverint, vel natalibus restituti sint. *tit. 8. de Jure aureorum Annulorum, & de Natalibus restituendis*.

VII. *Septimus* Actionum titulus, seu Judiciorum & controversiarum fons nascitur ex *Occasione Mortis alicujus*, jure successionis vel aliter, ad vindicanda videlicet ejus bona, eorumve partem quandam: qui & Edicti perpetui ordo fuit. Idque primum vel jure successionis Prætoriæ, vel Civilis.

Ad *Prætorias successiones* (quæ bonorum possessiones dicuntur) de quibus hic primo loco agitur, pariter ut in Edicto perpetuo, aliter atque in Digestis, pertinent 12. tituli sequentes: ubi primum tractatur de *Personis* & de *Tempore petendæ bonorum possessionis*. *tit. 9. Qui admitti ad bonorum possessionem possunt, & intra quod tempus*: Quo tempore elapso, si videl. intra id quidam ex his qui eodem jure & gradu vacantur non petant, cæteris qui petierunt non petentium partes adcrescunt. *tit. 10. Quando non petentium partes petentibus adcrescant*.

Secundo loco sequuntur *species earum*: Bonorum scil. possessiones, vel dantur ex testamento, vel ab intestato. Ex testamento, i. e. testamento condito: idque dupliciter, vel secundum tabulas testamenti. *tit. 11. de bonorum possessione secundum tabulas: vel contra tabulas*: idque vel contra parentum tabulas, quæ liberis dantur, *tit. 12. de bonorum possessione contra*

*Vra tabulas, quam Prætor liberis pollicetur: vel retro liberorum, quæ parentibus. tit. 13. de bonor. posses. cont. tabul. liberti.* Ab intestato bonorum possessiones sequuntur. Ac primum quidem bonorum possessio *Unde liberi*, quæ scilicet liberis competit in bonis parentum. *tit. 14. Unde liberi.* Secundo, quæ legitimis agnatis, ut & quæ cognatis competit. *tit. 15. Unde legitimi & unde cognati.* In his porro duabus prætoris successione speciebus duo observanda sunt. Primo, *successorio* Edicto locum esse, i. e. liberos, agnatos, & cognatos prioris gradus, si omittant vel repudiant successionem, eam ad insequentem gradum transmittere. *tit. 16. de successorio Edicto.* 2. *Edicto Carboniano* hic locum esse. Nam etsi impuberibus status controversia moveatur, nihilominus eis bonorum possessio interim datur, dilata status questione in tempus pubertatis. *tit. 17. de Carboniano Edicto.*

Post superiores bonorum possessionis gradus, sequitur alius, quo mutue successionis jus inter conjuges superioribus deficientibus tribuitur. *tit. 18. unde vir & uxor.* Atque hæc de iis, quibus bonorum possessio ab intestato defertur, earumque speciebus. Nunc de agnoscenda, vel repudianda bonorum possessione. De repudiatione est *titul. 19. de repudianda bonorum possessione.* Contra, agnita bonorum possessione emancipati ad collationem tenentur. *tit. 20. de collationibus.*

2. *Civilis* successio sequitur, & quidem secundum ordinem Edicti perpetui: Ac  
pri-

primum ea , quæ ex *testamento* defertur : quo pertinent tituli 33. hujus libri . In testamentaria successione sequentia capita spectentur . Primo loco præmittitur tractatus de singulari quodam testandi jure , quod militibus concessum est , non observatis juris solemnibus . *titul. 21. de testamento militis* . Secundum caput est de *causa efficiente* testamenti , i. e. quibus liceat testari , vel non liceat . *tit. 22. Qui testamenta facere possint vel non* . Tertium est de *forma & ordinatione* , seu solemnibus testamentorum . *tit. 23. de testamentis & quemadmodum testamenta ordinentur* . Quartum occupatum est circa *Materiam* testamentorum intrinsecam . Materia hæc triplex est : vel enim hæreditas testamento defertur , seu hæredes instituuntur , vel legatum , vel fideicommissum testamento relinquitur . Circa hæredes & hæredum institutionem quatuor hæc notanda sunt :

Hæredis institutionem esse vel primam vel secundam : de prima agitur *tit. 24. de hæredibus instituendis , & quæ personæ hæredes institui non possunt* .

Secundo hæredis institutio , ut & substitutio , sub certis sæpe conditionibus defertur . *tit. 25. de institutionib. & substitutionib. & restitutionib. sub conditione factis* .

Tertio , de secunda hæredis institutione , quæ vulgo *substitutio* dicitur , est *tit. 26. de impuberum & aliis substitutionibus* .

Quar-



Quartum caput est de Qualitate hæredum. Ea scil. varia est. Alii quippe necessarii sunt. *tit. 27. de necessariis servis hæredibus instituendis*; alii vero sui & necessarii, ut sunt liberi, quos institui necesse est, ac non etiam præteriti, vel immerentes exhæredati. *tit. 28. de liberis præteritis vel exhæredatis*. Neque tantum natorum, sed & nasciturorum, i. e. posthumorum ratio habenda. *tit. 29. de posthumis hæredibus instituendis*.

Post species hæredum, sequitur Adquisitio hæreditatis, quo pertinent 4. sequentes tituli. Ac primo quidem de Jure & tempore adeundæ & acquirendæ hæreditatis agitur *tit. 30. de jure deliberandi, & de adeunda vel acquirenda hæreditate*. Et retro de Jure repudiandæ vel abstinendæ. *tit. 31. de repudianda vel abstinenda hæredit.* In id vero ferme aperiuntur testamenta: de quo *titul. 32. Quemadmodum testamenta aperiuntur, inspiciantur & describantur*. Post aperturam tandem & recitationem testamenti, hæres mittitur in possessionem: de quo *tit. 33. de Edicto D. Hadriani tollendo, & quemadmodum scriptus hæres in possessionem mittatur*.

Vice versa certis casibus hæreditas alicui aufertur & eripitur: ut duobus casibus sequentibus. Primo, si quis defunctum testari coegerit, vel impediverit. *tit. 34. Si quis aliquem testari prohibuerit vel coegerit*. Secundo velut indigno quandoque hæreditas aufertur: veluti, si necem defuncti inultam reliquit. *tit. 35. de his quibus*

*bus ut indignis hæreditates auferuntur, & ad senatusconsultum Syllanianum.*

Superioribus omnibus colophonis loco velut in confinio subjungitur *tit. 36. de Codicillis*: quia scil. *Codicillis hæreditas*, de qua supra, relinqui non potest: cætera, de quibus mox, relinqui possunt.

2. *Legata* ad materium testamentorum quoque pertinent, de quibus speciatim agitur titulis quinque sequentibus: Nempe de *Legatis* primum in genere agitur *tit. 37. de legatis*.

Secundo agitur de verborum significatione ad legata pertinentium. *tit. 38. de verborum & rerum significatione*.

Tertium est de legatorum *validitate*, adversus fraudes hæredum, & testatorum, ut tribus casibus sequentibus: Consistunt scil. legata, & si quis in fraudem legatariorum ab intestato succedere maluerit. *tit. 39. si omissa sit causa testamenti*. 2. Item legata nihilominus valent, etiamsi aliquando quis conditioni a testatore appositæ non paruerit, veluti si sub conditione viduitatis relictum aliquid fuerit. *tit. 40. de indicta viduitate, & l. Julia Miscella tollenda*. 3. Item si pœnæ nomine relictum quid fuerit, legatum nihilominus valet. *tit. 41. de his quæ pœnæ nomine in testamento scribuntur*. Et hæc de *Legatis* in specie.

3. *Fideicommissa* ad materiam testamentorum quoque spectant, de quibus agitur *tit. 42. de fideicommissis*.

Posteaquam de *Legatis* & de *Fideicommissis* sigillatim actum fuit, *Communia com-*  
pluri-

plurima legatis & fideicommissis subjiciuntur titulis II. sequentibus. Et quidem in genere *titul. 43. communia de legatis & fideicommissis*. Speciatim vero ratione 1. Modi, 2. Incrementi, 3. Personarum, 4. Imminutionis, 5. Caducitatis, 6. Diei cedentis, 7. Tutionis. Quoad *modum* his adjectum, definitur. 1. Falsam causam adjectam legato vel fideicommisso, neque legato, neque fideicommisso obesse. *tit. 44. de falsa causa adjecta legata vel fideicom.* 2. Modum legato vel fideicommisso adjectum omnino explendum esse. *tit. 45. de his quæ sub modo legata vel fideicommissa relinquuntur*: 3. Ut & Conditionem legato vel fideicommisso insertam. *tit. 46. de conditionibus insertis tam legatis quam fideicommissis*.

Ratione *Incrementi* commune & illud habent legata & fideicommissa, ut post litem contestatam, atque adeo post moram, usuræ & fructus legatorum & fideicommissorum præstari debeant. *tit. 47. de usuris & fructibus Legatorum seu fideicommiss.*

3. Ratione *Personarum* commune & illud habent legata & fideicommissa, ut etiam incertis personis relinqui possint. *tit. 48. de incertis personis*.

4. Ratione *Imminutionis*: fideicommissa scil. & legata quandoque *falei* & *Falcidiæ* subjacent: quo pertinet *tit. 49. ad SC. Trebellianum*. & *tit. 50. ad legem Falcidiam*.

5. Ratione *Caducitatis* sunt caducorum leges, quæ in his hodie locum amplius  
non

non obtinent. *tit. 51. de caducis tollendis.*

6. *Ratione diei cedentis* : quando dies legatorum & fideicommissorum cedat. Nempe liberis, etiam ante apertas tabulas. *tit. 52. de his qui ante apertas tabulas hereditatem transmittunt.* Quibuscunque vero aliis quando dies cedat, definitur *tit. 53. Quando dies legati vel fideicommissi cedit.*

7. Postremo servandis legatis & fideicommissis nisi satisfaciat hæres de his recte præstandis, legatarii & fideicommissarii in possessionem bonorum pignoris jure mittuntur. *tit. 54. Ut in possessionem legatorum vel fideicommissorum servandorum causa mittatur, & quando satisfacere debeat.*

III. Hactenus de Prætoriiis & Testamentariis successionebus : *LEGITIMÆ*, seu ab intestato successiones, nunc eodem ordine quo in Edicto perpetuo sequuntur. Ac primo quidem de ordinariis successionebus legitimis, earumque gradibus. Primus gradus successionis Legitimæ est suorum & liberorum. *tit. 55. de suis & legitim. liberis*, & vice versa parentum, etiam matrum : de quo est *SC. Tertullianum*, *tit. 56. ad SC. Tertul.*, quibus retro succedunt liberi ex *SC. Orficiano*. *tit. 57. ad SC. Orfia.*

Tertius gradus est legitimorum hæredum, i. e. agnatorum & cognatorum. *tit. 58. de legitimis hæredibus.*

IV. Hactenus de Civilibus & Prætoriiis successoribus : utriusque vero communia quædam proponuntur *tit. 59. Communia de successionebus.*

V. Ex-

v. *Extraordinariæ & qualificatæ tandem successiones quædam sequuntur.*

Primo quidem peculiaris quædam ratio est bonorum maternorum & materni generis : de quo *tit. 60. de bonis maternis & materni generis* : ut & bonorum, quæ liberis ex matrimonio vel alias adquiruntur. *titul. 61. de bonis quæ liberis in potestate patris constitutis ex matrimonio vel alias adquiruntur, & eorum administratione.*

Secundo, extraordinariæ quædam successiones, deficientibus superioribus, certis corporibus deferuntur ; quæ designantur *tit. ult. de hæreditatibus decurionum, naviulariorum, cohortalium, militum & fabricensium.*

## EX LIB. VII.

Hoc libro agitur de tribus :

1. De *Causis STATUS.*
2. De *POSSESSORIA ACTIONE*, seu *judicio.*
3. De *Actionibus ad obtinendam EXECUTIONEM in bonis ex triplici fonte, seu VI REI JUDICATÆ, CESSIONIS bonorum, & BONORUM possessionis.*

*Respondent huic libro Libri 40. 41. 42. Digestorum.*

VIII. **O**ctavus Actionum fons, seu octavum Controversiarum genus est super *statu personarum* : Cujus causa

sa duplex est. Prima causa est *Libertinitatis*, ubi quæritur: servusne sit quis an libertinus, quove jure. Quo pertinet tractatus de *Manumissionibus*. Ubi primo loco tractantur *species* manumissionum. Puta vindicta manumissio. *tit. 1. de vindicta libertate*, & apud Concilium manumissione. Deinde manumissio, quæ fit testamento. *tit. 2. de testamentaria manumissione*. Circa quam duo adhuc notanda. Primo, fibulam quandam seu modum huic manumissioni impositum per Legem Caniniam, quam iussit Justinianus velut caninam. *tit. 3. de Lege Fusia Caninia tollenda*. Secundo, eam non directo tantum, sed & per fideicommissum relinqui solitam verbis directis, de qua *tit. 4. de fideicommissariis libertatibus*,

Erant & aliæ manumissionum species, quibus non Civitas Romana, verum aliud genus libertatis inferius & deterius conferebatur, quæ a Justiniano sublatae fuerunt; puta Dedititia. *tit. 5. de Dedititia libertate tollenda*: Et Latina. *tit. 6. de Latina libertate tollenda*. Et hæc de speciebus manumissionum & Libertatis.

Secunda in manumissionibus materia seu inspectio est de *statu Servorum* quorundam: de quibus speciatim quæritur, an & quomodo manumitti possint: puta de servo communi inter plures. *titul. 7. de communi servo manumisso*: de servo pignori dato. *tit. 8. de servo pignori dato manumisso*: de servo Reipublicæ. *tit. 9. de servis Reipublicæ manumittendis*: de servo denique alieno. *titul. 10. de his qui a non domino manumissi sunt*. Ter-



Tertia in manumissionibus inspectio est *de Dominis manumittentibus*: Neque enim omnibus manumittere licet. *tit. 11. Qui manumittere non possunt, & ne in fraudem creditorum manumittatur.*

Quarta, circa servos manumittendos. Quidam scil. servi manumitti non possunt, veluti qui in perpetua vincula damnati sunt: Item qui in testamento vetiti sunt manumitti propter pœnam. *tit. 12. qui non possunt ad libertatem pervenire.*

Quinto observandum, singulares quosdam casus esse, quibus servi non a domino, sed pro præmio publice seu lege manumittuntur, liberique fiunt; veluti si cædem domini vindicaverint, vel ut alii legere malunt, *indicaverint*: si publicorum criminum reos quosdam detulerint, veluti monetæ adulteratores, virginum raptores, militiæ desertores. *tit. 13. Pro quibus causis servi pro præmio libertatem accipiunt.*

Sexto observandum, quoad *Effectum* manumissionis, cum regulariter manumissio libertinos faciat, quosdam manumissos non ideo tamen libertinos fieri: veluti si qui ingenui sunt, per errorem manumissi fuerint. *tit. 14. de Ingenuis manumissis.*

Tandem subjicitur titulus, quo communia quædam manumissionibus continentur. *tit. 15. Communia de manumissionibus.*

Et hæc de prima causa status, puta Libertinitatis: sequitur secunda causa status: *Causa* inquam *liberalis*, qua quæritur, liber quis sit, nec ne. *titul. 16. de liberali causa.*

Circa hanc vero liberalem causam sequentes inspectiones occurrunt. Pri-

Prima, *Adfertore* olim opus fuisse in liberali causa, i. e. eum, de cujus statu quærebatur, sive e servitute in libertatem proclamaret, sive e libertate ad servitutem ab alio peteretur, non potuisse per se litigare, verum alioqui eum adfereret in libertatem iudicium peragente, liberalem causam actam: Quod Justiniano displicuit. *tit. 17. de adfersione tollenda.*

Secundo, non omnibus ad libertatem proclamare licuit, veluti maioribus 20. annis, qui ad pretium participandum venundari se passi essent: Item ex latronum familia descendentes, qui Principis auctoritate servi facti fuerant: his enim libertatem relegere non licuit. *titul. 18. quibus ad libertatem proclamare non licet.*

Tertia inspectio respicit ipsum *Judicium*; ubi duo notanda: Primo *Ordo* cognitionis liberalis. Status scil. quæstio prius decidenda est, quam ulla alia cum qua concurrat. *tit. 19. de ordine cognitionum.* Secundo, collusioni occursum inter servum & dominum, ut servus liber pronuncietur. *tit. 20. de collusione detegenda.*

Quarta inspectio est de *Tempore*, intra quod de statu alicujus quærere licet, vel non. Ac primum de *statu mortui*, nempe post quinquennium de statu defuncti quærere non licet in peiorem partem: in meliorem vero sic. *tit. 21. ne de statu defunctorum post quinquennium quærat.* De statu superstitis si quærat quænam præscriptio locum habeat, definitur *tit. 22. de longi temporis præscriptione, quæ pro libertate & non adversus libertatem opponitur.*  
Sub

Subjiciuntur tres tituli singulares. Primus qui ad superiorem causam status libertinitatis scil. pertinet, de peculio manumissi: ubi quæritur, quando peculium manumissum sequatur. *titul. 23. ne peculio ejus qui libertatem meruit.*

Secundus, (contrarius titulo 11.) quo singularis admittendæ libertatis modus proponitur & aboletur. Olim scil. ex Senatusconsulto Claudiano mulier libera, quæ alieno se se servo contra domini denunciationem junxerat, ancilla fiebat ejus domini; idque a Justiniano sublatam fuit. *tit. 24. de Senatusconsulto Claudiano tollendo.*

Tertius, quo nudum jus Quiritium, quod spectabatur olim in dominis manumittentibus, tollitur. *tit. 25. de nudo jure Quiritium tollendo.*

*Concordat liber 41. Digestorum.*

11. Nonum Actionum seu Controversiarum genus est, in quibus agitur de Possessione, eaque firma; & sic Judicium possessorium: Quo pertinet tractatus de usucapionibus & præscriptionibus. Quaparte primo loco Tituli usucapionum speciatim pertractantur. Et quidem Onerosi. 1. Pro emptore vel transactione. *tit. 26. pro emptore vel transactione*: 2. de usucapione pro Donato. *tit. 27. de usucapione pro Donato*. 3. Pro dote. *tit. 28. de usucapione pro dote*. 4. Pro hærede. *titul. 29. de usucapione pro hærede.*

Secundo, communia quædam omnibus usucapionibus pertractantur *titul. 30. communia de usucapionibus.* Ter-

Tertio agitur de Rebus, quæ in usucapionem cadunt. Nempe magna olim erat differentia rerum quoad usucapionem, quæ sublata est a Justiniano, *titul. 31. de usucapione transformanda, & de sublata differentia rerum Mancipi & nec Mancipi.*

Quarto agitur de Medio usucapionis: nempe de Possessione, sine qua usucapio non procedit. *titul. 32. de acquirenda & retinenda possessione.*

Quinta inspectio est, de Temporibus præscriptionum, quo pertinent octo tituli sequentes. Ac primo quidem agitur de præscriptione longi temporis 10. vel 20. annorum: Deque ea agitur in genere *tit. 33. de præscriptione longi temporis 10. vel 20. annorum.* Speciatim vero de Causis, in quibus, & de personis, quibus ea opponitur. Quod prius attinet, sunt causæ, in quibus cessat longi temporis præscriptio, quo pertinet *titul. 34. In quibus causis cessat longi temporis præscriptio.* Quod posterius attinet, sunt quoque personæ, quibus obijci non potest longi temporis præscriptio. *tit. 35. quibus non obijcitur longi temporis præscriptio.* Contra creditori hypothecario ea recte opponitur ab extraneo bonæ fidei possessore. *tit. 36. si adversus creditorem præscriptio opponatur.*

Imo & citioris spatii seu brevioris quidam excluduntur: puta Quadriennii præscriptione, ea scilicet datur fisco, & adversus fiscum. *titul. 37. de quadriennii præscriptione.*

Contra alia ratio est rei Dominicæ, vel Templorum. Nam horum vindicationi

temporis præscriptio non obest. *titul. 38. ne rei Dominicæ vel Templorum vindictio temporis præscriptione submoveatur.* Et hæc de præscriptione decem vel 20. annorum, vel quadriennii. Alia est præscriptio longissima 30. vel 40. annorum. *tit. 39. de præscriptione 30. vel 40. annorum.* Erant & peculiares quædam præscriptiones, de quibus *tit. 40. de Annali exceptione Italici contractus tollenda, & de diversis temporibus & exceptionibus, vel præscriptionibus & interruptionibus.*

Postremo tandem titulo definitur, quid servandum sit circa alluviones, paludes & pascua alium in statum translata. *tit. 41. de Alluvionibus & paludibus & pascuis ad alium statum translatis.*

*Concordat liber 42. Digestorum.*

III. Decimum Actionum genus est, ad obtinendam Executionem in bonis. Quæ ex triplici fonte tituloque & vi profluit. Primus est *Res judicata* iudicio legitimo. Iudicium porro est vel primæ, vel secundæ instantiæ. Ad iudicium primæ instantiæ pertinent *tituli. 19. proximi*: ubi sequentes occurrunt tractatus. Primus est de summorum Iudicum sententiis, a quibus appellare non licet: puta Præfectorum Prætorio. *tit. 42. de sententiis Præfectorum Prætorio.*

Secundus est de forma & substantia sententiæ proferendæ, ut legitima sit, & executionem pariat: atque adeo Iudicis animus his informatur: quæ quidem sex sunt.



Primo regulariter partium præsentia requiritur. *tit. 43. quomodo & quando Judex sententiam proferre debeat præsentibus partibus, vel una parte absente.*

Secundo requiritur, ut sententia ex periculo recitetur, i. e. ex scripto. *titul. 44. de sententiis ex periculo recitandis.*

Tertio requiritur, ut condemnationem vel absolutionem contineat, alioquin sententia non est: quod de sententia definitiva accipiendum est, non de Interlocutoria. *tit. 45. de sententiis & Interlocutionibus Judicum.*

Quarto, sententiam certam esse oportet, pecuniæ reive certæ, alioquin sententia non est. *titul. 46. de sententia, quæ sine certa quantitate profertur.* Ac maxime certam esse oportet, ubi incerta actoris petitio est, veluti cum id quod interest petitur: de cujus æstimatione agitur *tit. 47. de sententiis, quæ pro eo quod interest proferuntur.*

Quinto, sententiam a competente Judice latam esse oportet; alioquin sententia non est. *tit. 48. si a non competente Judice judicatum esse dicatur: ut & si a corrupto Judice: de cujus, ut & corruptoris ejus, vel adversarii, pæna est titul. 49. de pæna Judicis, qui male judicavit, vel ejus, qui judicem vel adversarium corrumpere curavit: Item si decessoris sui sententiam posterior Judex, quod non licet, retractet. tit. 50. sententiam rescindi non posse.*

Sexto, Judicem fructuum quoque & expensarum rationem habere oportet. *tit. 51. de fructibus & litium expensis.*

Postremus tractatus & potissimus, quo præ-



præstruebatur superioribus titulis, est *Auctoritas rei judicatæ*, ejusque *Executio*: Quo pertinent tituli sequentes.

Et in genere primum agitur de re judicata *titul. 52. de re judicata*: 2. de executione rei judicatæ. *tit. 53. de execut. rei judicatæ*. Tertio de usuris rei judicatæ. *tit. 54. de usuris rei judicatæ*. Quarto agitur de personis, adversus quas executio rei judicatæ fieri potest, vel non, & quomodo. Quo pertinent duo tituli, nempe *titul. 55. si plures una sententia condemnati sunt*: & *tit. 56. quibus res judicata non nocet*.

Quinto a re judicata removentur seu distinguuntur, & sic rei judicatæ vim & auctoritatem non obtinere definiuntur sequentia. Primum, *Commonitiones & Epistolæ*, &c. *tit. 57. Commonitiones, Epistolæ, programmata, subscriptiones auctoritatem rei judicatæ non habere*. Secundo, res judicata ex falsis instrumentis, vel testimoniis. *tit. 58. si ex falsis instrumentis vel testimoniis judicatum sit*. Contra rei judicatæ auctoritatem obtinet propria confessio in jure facta: confessi quippe pro judicatis habentur. *tit. 59. de confessis*.

Postremum inter alios judicata, pariter ut acta, aliis non nocent. *titul. 60. Inter alios acta vel judicata aliis non nocere*.

*Secundæ instantiæ* judicium fit vel per relationem, vel per appellationem. Per relationem, i. e. cum Judex incertus quid inter partes pronuntiandum habeat, ad Principem ea de re refert. *tit. 61. de relationibus*. Per *Appellationem*, quoties ip-

fœmet partes ad majorem Judicem provo-  
 cant: Ad quem Tituli 9. sequentes. Ac  
 primum in genere agitur de appellationibus.  
*tit. 62. de appellation.* Speciatim vero, in-  
 tra quæ tempora appellandum sit, *tit. 63.*  
*de temporibus & reparationibus appellationum.*  
 Secundo, quando appellatio super-  
 flua sit, *titul. 64. Quando provocare non est*  
*necesse.* Tertio vice versa, quorum appel-  
 lationibus nihil deferatur, atque adeo sen-  
 tentia, non obstante appellatione execu-  
 tioni mandetur. *tit. 65. Quorum appella-*  
*tiones non recipiantur.* Quarto, morte ap-  
 pellantis non extinguere appellationem, sed  
 ad hæredem transmitti. *tit. 66. Si penden-*  
*te appellatione mors intervenerit.* Quinto,  
 omissam appellationem non repeti quocun-  
 que prætextu, etiam metus, nisi vis ad-  
 hibita fuit. *titul. 67. de his qui per metum*  
*Judicis non appellarunt.* Item, nisi una ea-  
 demque causa sit inter plures, & unus  
 tantum appellaverit, & obtinuerit in cau-  
 sa appellationis, ejus victoria correo non  
 appellanti prodest. *titul. 68. Si unus ex*  
*pluribus non appellaverit.* Sexto, non li-  
 cere appellare in casu momenti, id est mo-  
 mentaneæ possessionis & interdicti. *tit.*  
*69. si de momentanea possessione fuerit ap-*  
*pellatum.* Denique non licere ter provo-  
 care in una & eadem causa. *tit. 70. ne liceat*  
*in una eademque causa tertio provocare.*

Secundum actionis genus ad obtinendam  
 Executionem in bonis, est ob Cessionem  
 bonorum a debitore factam, seu vi cessio-  
 nis factæ. *titul. 71. qui bonis cedere possunt.*  
 Tertium est petitio Missionis in possessionem

*nem bonorum.* Quo genere pignus Prætorium constituitur, possessionemque sequitur proscriptio & distractio sub hasta. *tit. 72. de bonis auctoritate Judicis possidendis.*

Porro hac parte, possessis ex Edicto Prætoris judicati bonis & venditis, habenda est in primis ratio eorum creditorum, qui privilegiati sunt: qualis est Fiscus. *tit. 73. de privilegio fisci:* Itemque Mulier, dotis causa. *tit. 74. de privilegio dotis.*

Neque bona tantum possessa & distracta creditoribus solvendis cedunt, verum etiam illa, quæ in fraudem creditorum alienata sunt, actione Pauliana revocantur. *tit. ult. de revocandis his quæ in fraudem creditorum alienata sunt.*

## EX LIB. VIII.

Cujus quinque sunt partes.

1. De INTERDICTIS, seu de P O S S E S S I O N E momentanea.
2. De PIGNORIBUS & HYPOTHECIS.
3. De EXCEPTIONIBUS.
4. De OBLIGATIONUM vinculis & dissolutione.
5. De SINGULARIBUS quibusdam juribus. 1. de Patria potestate. 2. de Statu quarundam liberarum personarum in suspenso. 3. de Consuetudine. 4. de Donationibus. 5. de Jure maritorum & parentum.

Respondet liber 43. Digestorum.

U Udecimum Actionum genus constituunt Interdicta, ad momentaneam

possessionem obtinendam. Interdicta quippe nihil aliud sunt, quam formulæ, quibus Prætor possessionem interim dum de proprietate litigatur, apud alterutrum litigatorem momenti beneficio collocari jubet. Interdicta, quasi interim dicta, non ut Cujacio placebat, inter duos dicta. De Interdictis porro agitur in genere *tit. 1. de Interdictis*. Mox sequuntur speciales tituli de singulis Interdictis. Ac primo quidem duo Interdicta *adipiscendæ* possessionis: Interdictum *Quorum bonorum*, quod datur ei, cui Prætor dedit bonorum possessionem ex testamento vel ab intestato, ad persequendum patrimonium, quod cuiusque cum moreretur fuit. *tit. 2. Quorum bonorum*. 2. Interdictum *Quod legatorum*: quod competit hæredi, vel bonorum possessori ad adipiscendam possessionem eorum, quæ a legatariis propria auctoritate occupata sunt. *tit. 3. Quod legatorum*. Et hæc quidem, ut dixi, duo interdicta sunt *adipiscendæ* possessioni. Quod sequitur, est *recuperandæ* possessionis: Interdictum scilicet *unde vi*: cum quis vi de possessione fundi vel ædium dejectus fuit. *titul. 4. unde vi*. Ac nominatim si absentis possessio turbata fuit per vim aliove modo. *tit. 5. si per vim, vel alio modo absentis perturbata sit possessio*; ut proinde hic titulus superioris sit quædam appendix. *Retinendæ* possessionis interdictum est *uti possidetis*: Quod quidem interdictum pertinet ad res immobiles, & datur ei qui tempore redditus interdicti nec vi, nec clam, nec precario possidet (uti rerum mobilium aut se mo-  
ven-

ventium nomine *utrubi* interdictum datur. ) *tit. 6. uti possidetis. Exhibitoria* Interdicta duo sequuntur, ad Tabulas exhibendas. *tit. 7. de Tabulis exhibendis*: ad Liberos exhibendos. *tit. 8. de liberis exhibendis*. Postremo loco subiiciuntur duo Interdicta, quæ & ipsa restitutoria sunt, *Precarium & Salvianum*. *Precarium* est, quo scil. res petenti precibus concessa, ei qui concessit, restituitur. *Salvianum* vero, quod datur locatori ad persequendam possessionem rerum conductoris, pro mercede seu pensione pignori obligatarum tacite vel specialiter. *tit. 9. de Precario & Salviano interdicto*.

Sunt & interdicta, quæ ædificiorum operumque nomine competunt: idque vel privatorum vel publicorum. Privatorum, de quo *tit. 10. de ædificiis privatis*: quo titulo potissimum tractatur de modo & forma privatorum ædificiorum, deque refectione & demolitione eorum. Eodemque pertinet *tit. 11. de operis novi nunciatio*ne: si quis videlic. contra veterem formam novum aliquod opus faciat, in fraudem vicini. Publicorum itidem operum nomine interdicta quædam sunt: *tit. 12. de operib. publicis*: cui subicitur, etsi extra rem ceu appendix, *tit. 13. de ratiociniis operum publicorum*.

*Respondet lib. 20. Digest.*

XII. Duodecimum actionum genus est, quod *Pignora & hypothecas* respicit. Ac primo quidem in genere agitur de his *tit. 14. de pignorib. & hypothecis*. Mox sigillatim de pignorum speciebus: quæ quidem

quatuor sunt : Tacitum pignus, de quo *tit. 15. in quibus causis pignus vel hypotheca tacite contrahitur*. 2. Conventionale : ubi circa res pignori datas varii tractatus incurrunt. 1. Quando scil. res aliena pignori dari possit. *tit. 16. si aliena res pignori data sit*. 2. Quæ res pignori dari non possint, veluti monumenta, servi, boves aratorii & similia. *tit. 17. Quæ res pignori obligari possunt vel non*. 3. De re eadem Pluribus creditoribus pignori data, nexave : Qua parte hæc regula tenenda est, priorem tempore posteriori præferri, atque adeo posteriores excludi, nisi privilegiati sint. *tit. 18. qui potiores in pignore habeantur* : Item nisi in priorum creditorum locum posteriores successerint, oblata videl. eis solutaque pecunia debita cum usuris. *tit. 19. de his qui in priorum creditorum locum succedunt*. Dixi oblata & soluta pecunia : aliud enim fuerit, si antiquior creditor extraneo pignus vendiderit : hujusmodi enim pignus posterior creditor oblata pecunia evincere non potest : fera est hoc casu creditoris oblatio. *tit. 20. si antiquior pignus vendiderit extraneo*. 4. Res communis quoque pro parte collegæ non consentientis non obligantis, obligari non potest. *tit. 21. Si communis res pignori data sit*. Et hætenus quidem de duabus pignorum speciebus. 3. Sequitur tertia species pignoris, quæ est pignus Prætorium, quod quidem est missio in possessionem rerum debitoris, ut interea dum solvitur, in tuto sit ei creditum. *tit. 22. de Prætorio pignore, & ut in actionibus debitorum*



*rum missio pignoris procedat . 4.* Postrema species pignoris est , pignus *Judiciale* , quod ex causa judicati ex bonis condemnati capit executor rei judicatæ jussu Magistratus . *tit. 23. Si in causa judicati pignus cap-  
tum sit :* Tertius circa pignora tractatus est , de vi & effectu pignoris , deque jure , quod creditor habet in pignore ipso jure . Nempe primum in ipso pignore id jus habet , ut alii pignori id dare possit , cum sua tamen causa , i. e. ut tamdiu secundum pignus duret , donec primus debitor debitum luerit . *tit. 24. si pignus pigno-  
ri datum sit .* Secundo in accessionibus pignoris , non minus juris habet creditor , quam in ipsomet pignore : veluti in partu ancillæ pignoratæ : in fructibus & operis , sic quidem ut hæc duo postremain usuras , primum mox in sortem imputentur . *tit. 25. de partu pignoris & omni causa .* Terti-  
tio , tamdiu jus habet in pignore creditor , quamdiu remissum non est pignus : remittitur autem pignus non modo expresse , sed & quandoque remissum creditur . *tit. 26. de remissione pignoris .* Quarto , etsi pi-  
gnus ex alia causa datum sit , tamen adhuc ob chirographariam pecuniam sine pignore mutuo datam , revocari potest . *titul. 27. etiam ob chirographariam pecuniam pignus  
teneri posse .* Quinto , præcipuum est jus creditoris in pignore , ut cessante debitore in solutione , pignus distrahere possit . *tit. 28. de distractione pignorum .* Neque id de-  
bitor ullo modo impedire potest : veluti si quis cum prædia quædam oppignorasset , testamento caverit , nequa prædia sua ex-

tra nomen vel familiam suam vendantur: hæc enim prohibitio jus creditoris non lædit, neque venditionem impedit. *titul. 29. debitorem venditionem pignoris impedire non posse.* Et hæc quidem ita, si modo pignus jure vendatur & solemnibus juris observatis. *tit. 30. si vendito pignore agatur.* In tantum vero hoc jus creditori competit, ut nisi integrum debitum ei solutum fuerit, pignus a se dimittere non cogatur, idque nihilominus distrahere quoque possit, & in eo jus duret. *tit. 31. de Luitione pignoris:* pariter ut durat, si unus ex pluribus hæredibus creditoris partem suam tantum acceperit, vel unus ex pluribus hæredibus partem suam tantum debiti solverit. *tit. 32. si unus ex pluribus hæredibus creditoris & debitoris partem suam debiti solverit vel acceperit.* Et hæc quidem omnia, nisi pignoris conventionem numeratio pecuniæ secuta non fuerit. *tit. 33. si pignoris conventionem numeratio pecuniæ secuta non fuerit.*

Imo & subsidiario jure creditor, non reperto extraneo emptore, a Principe pro modo debiti dominium ejus impetrare potest. *tit. 34. de jure domini impetrando.* Et hæc quidem de jure: At enim pacta quædam quandoque pignorum dationi adjiciuntur, quæ jus creditoris informant, si modo iusta sint: injusta enim non valent, ut est commissoria lex seu conventio in pignoribus, i. e. ut non soluta ad diem pecunia, pignus creditori committatur, i. e. pleno domini jure adquiratur; id est enim lex commissoria in pignoribus. *tit.*

35. *de pactis pignorum*, & *de lege commissoria in pignoribus rescindenda*.

*Respondet lib. 44. Digestorum.*

Exhaustis actionum fontibus, sequuntur nunc *Exceptiones*, seu reorum defensiones: & hac quoque parte Edicti perpetui ordine servato. De his vero agitur in genere *tit. 36. de exceptionibus*, & *prescriptionibus*: speciatim autem de exceptione litigiosi *tit. 37. de litigiosis*.

Sequitur tractatus, velut actionum omnium & obligationum pandectes: De obligationum scil. vinculis & solutione: qui & ipse eodem situ positus est in Digestis.

*Respondet lib. 45. & 46. Digestorum.*

Ibi porro primo agitur, quibus modis stipulatio contrahatur. *tit. 38. de contrahenda & committenda stipulatione*. Secundo, quænam inutiles stipulationes sint. *tit. 39. de inutilibus stipulationibus*. Tertio agitur de duobus reis stipulandi & promittendi, quatenus conveniri vel agere possint. *tit. 40. de duob. reis stipulandi & promittendi*. Et hæc quidem de his, qui suo nomine principaliter promittunt. Quarto igitur loco agitur de his, qui pro altero aliquid stipulanti promittunt, salva manente priore obligatione rei principalis: qui fidejussores dicuntur, ut & mandatores. *tit. 41. de fidejussoribus & mandatoribus*. Nunc de modis solvendæ obligationis; qui quatuor hic pertractantur. I. No-

vatio scil. 2. & delegatio. *titul. 42. de novationibus & delegationib.* 3. Solutio. *tit. 43. de solutionibus.* 4. Acceptilatio, quæ est imaginaria solutio. *titul. 44. de Acceptilationib.*

Ad stipulationum quoque materiam pertinet *Eviçtio*, pro qua stipulationes ferme interveniebant, quibus venditor emptori cavebat in casum quo res emptori evinceretur. *tit. 45. de Eviçtionibus.* Creditoris alia ratio hac parte est: nam si rem jure pignoris vendiderit, de eviçtione non tenetur. *titul. 46. Creditorem eviçtionem pignoris non debere.*

Subjiciuntur tandem hoc loco Jura quædam singularia, Legesque singulares quædam civiles, quinque numero: quorum tractatus omnes nullo satis nexu sibi invicem cohærent: verum, ceu spicilegium quoddam post messem, antequam ad Criminalia transitus fiat, in unum congeruntur, nos non sine aliquo interea Codicis Theodosiani imitamento.

1. Primus tractatus est de *Patria potestate*: ubi primum de ea ejusque vi in genere agitur *titul. 47. de patria potestate.* Tum deinde de modo civili acquirendæ ejus, puta Adoptione. *tit. 48. de adoptionibus:* & retro de modis amittendæ ejus, veluti emancipatione. *tit. 49. de emancipationibus liberorum:* instaurandæ denique seu revocandæ propter ingratitudinem: in emancipationem scil. ingrati actio datur patri, per quam rescissa emancipatione ingratus in potestatem patris revocatur. *tit. 50. de de ingratilibus liberis.*

II. Subjiciuntur duo tituli pertinentes ad

ad tractatum de *statu & conditione* quarundam personarum liberarum, quæ ob calamitatem aliquam in suspenso est; mox tamen convalescit, ut sunt 1. *Captivi*, quibus utique postliminii jus competit, & inter alia patria quoque potestas, de qua proxime supra integratur: 2. ut & *Redempti* ab hostibus, de quibus utrisque agitur *tit. 51. de postliminio reversis & redemptis ab hostibus*. 3. Item *Expositi* vel sanguinolenti empti. *tit. 52. de infantib. expositis liberis & servis, & de his qui sanguinolentos emptos vel nutriendos acceperunt*.

III. His cohæret proxime tractatus de longa *Consuetudine*, cujusque scil. municipii, ejusque vi. *tit. 53. quæ sit longa consuetudo*. Et hi quidem duo tractatus postremi ita quoque sibi invicem cohærent in Codice Theodosiano lib. 5. proxime antequam ad jus publicum ibi transeat.

*Respondet lib. 39. Digest.*

IV. Mox de *Donationibus* agitur: de quibus fuit olim lex Cincia: quo pertinent quatuor tituli, ubi agitur primo de donationibus in genere. *tit. 54. de donationibus*. In specie vero de donationibus modalibus & conditionalibus. *tit. 55. de donationibus quæ sub modo vel conditione*. Tertio, de revocandis donationibus, quibus ex causis scil. donatio revocari possit. *tit. 56. de revocandis donationibus*. Et hæc de donationibus inter vivos. Quarto loco agitur de mortis causa donationibus. *tit. 57. de donationibus causa mortis*.

V. Hujus libri agmen claudunt duo tituli

tuli ad l. Jul. & Papiam pertinentes. Primus de *pœnis cælibum & orborum*, quæ tandem sublatae fuerunt. *titul. penul. de infirmendis pœnis cælibatus*: alter retro, de privilegiis parentum: quæ quidem omnibus simul & semel indulta tandem fuerunt: concessio omnibus *jure liberorum*, quod antea speciatim peti solebat. *titul. ult. de Jure liberorum*. Et hi quidem duo tractatus postremi de Donationibus, deque juribus maritorum & parentum seu liberorum, ita quoque sibi invicem cohærent, lib. 8. Codicis Theodosiani.

Hactenus Judicia Civilia, seu causæ Civiles.

## EX LIB. IX.

De causis CRIMINALIBUS, seu Delictorum.

*Respondent libri 47. 48. Digest.*

**C**riminalia Judicia sequuntur: quorum tractatum ad tria capita referri oportet. Primum caput pertinet ad Accusationes & delationes criminum. Secundo capite continentur singulæ criminum species. Tertium continet Processum criminalem, pœnasque criminum.

Ad primum caput pertinent sex priores Tituli. Qua parte primum agitur de *Personis*: Quibusnam liceat accusationem instituere. *tit. i. de his qui accusare non possunt*. Secunda forma accusationis pertractatur: veluti an absentes accusari possint,



sint, an qui semel absolutus est: Item inscriptionis necessitas in crimen ab accusatore requiritur, priusquam ad accusationem admittatur. *tit. 2. de accusationibus & inscriptionibus*. 2. Post accusationem sequitur reorum absentium exhibitio & transmissio. *tit. 3. de exhibendis & transmittendis reis*; 3. eorumque exhibitorum custodia. *tit. 4. de custodia reorum*. Custodia inquam publica: privata quippe illicita est, & graviter puniuntur qui privati carceris custodiam exercent. *tit. 5. de privatis carceribus inhibendis*. 4. Accusatio autem instituta morte rei, vel accusatoris extinguitur, excepto perduellionis crimine. *tit. 6. Si reus vel accusator mortuus fuerit*.

Secundum caput, ut dixi, complectitur criminum species; 1. ac primum ea, quæ Principem vel majestatem Principis, aut imperii, vel etiam securitatem attentant: sive verbo. *tit. 7. Si quis Imperatori maledixerit*: sive facto. *titul. 8. ad l. Juliam majestatis*.

2. Crimen adulterii & stupri. *tit. 9. ad leg. Juliam de adulteriis & stupro*. Ac speciatim stuprum commissum a tutore cum pupilla. *tit. 10. Si quis eam, cujus tutor fuerit, corruperit*. Item stuprum, quod mulier libera committit cum servo proprio: cujus pæna est in muliere capitis amputatio; in ipso verberone sive servo vivicomburium. *tit. 11. de mulieribus, quæ se propriis servis junxerunt*.

3. Tertia species est *Vis*, partim publica, quæ fit cum armis, partim privata, quæ sine armis. *tit. 12. ad l. Juliam de*

*vi publica & privata. Cui affinis est raptus in sp. tit. 13. de raptu virginum seu viduarum, nec non Sanctimonialium.*

Quartum crimen est immodicæ sævitiae, quo pertinent duo Tituli: in servos scil. *tit. 14. de emendatione servorum*; in propinquos. *titul. 15. de emendatione propinquorum.*

Quintum crimen est homicidii. *tit. 16. ad l. Cornel. de sicariis.* Cujus species atrocissima parricidium; *tit. 17. de his qui parentes vel liberos occiderunt.*

Sextum crimen est, quod proprie maleficii crimen vocatur, quo magiæ crimen & veneficii comprehenditur. *titul. 18. de maleficiis & mathematicis.*

Septima species est læsæ sepulcrorum religionis crimen: de quo *tit. 19. de sepulcro violato.*

Octava species est Usurpationis flagitiosæ crimen. Quale est primum crimen plagii, quod contrahunt qui liberos alienos supprimunt, & usurpant, vel etiam servos. *tit. 20. ad l. Fabiam de plagiariis.* Alterum flagitiosæ usurpationis exemplum est in libertinis, qui ingenuorum dignitatem & privilegia temere usurpant & gerunt; quod crimen vindicatur lege Viscellia. *tit. 21. ad l. Viscelliam.*

Nonum crimen est falsi crimen. Quo pertinent quatuor sequentes tituli. Primus generalis. *titul. 22. ad l. Cornel. de falsis* Tres sequentes de tribus singularibus falsis speciebus admissis. 1. in testamentis. *tit. 23. de his qui sibi adscribunt in testamento.* 2. circa Monetam. *tit. 24. de falsa moneta.* 3. circa nominis usum. *tit. 25. de*

*de mutatione nominis.* Quod ultimum crimen contrahitur, cum quis dolo malo novum sibi nomen imponit, vel alienæ familiæ sese inserit.

Decimo loco proponuntur crimina pecuniaria eorum, qui in officio publico constituti sunt. Nempe honorum ambitus. *tit. 26. ad l. Juliam de ambitu.* Et furti crimen, quo sese obligant Magistratus; idque duplex: 1. ratione provincialium & privatorum, dum Provinciales suæ administrationi commissos depopulantur, quod crimen repetundarum dicitur. *tit. 27. ad l. Juliam Repetundar.* Vel ratione rei publicæ, dum publicam pecuniam intervertunt; quod crimen peculatus dicitur. *tit. 28. de crimine peculatus.*

Undecimum crimen est sacrilegii. *tit. 29. de crimine sacrilegii.*

Duodecimum est, pacis turbatæ. *titul. 30. de seditiosis, & de his qui plebem contra Rempubl. audent colligere.*

Tandem ut claudatur tractatus de publicis judiciis criminalibus, subjicitur Regula, Civilem actionem criminali præjudicare non posse. *tit. 31. Quando civilis actio criminali præjudicet.*

Sequuntur species privatorum judiciorum, quæ ex maleficiis oriuntur: Cujus generis est 1. *Expilata hæreditas. titul. 32. de crimine expilatæ hæreditatis.* 2. *Rapina. titul. 33. Vi bonorum raptorum.* 3. *Stellionatus*, quod admittitur, cum quis vel rem jam alii pignoratam, vel alienam sciens pignori obligavit, & similibus hujusmodi fraudibus, imposturis, & dissimula-

tionibus, veluti si quis gemmas vitreas vendiderit pro veris. *titul. 34. de crimine fœllionatus. 4. Injuria. tit. 35. de injuriis.* Cujus species atrocissima famosi libelli. *tit. 36. de famosis libellis.*

*Extraordinariorum* criminum species postremum occupant locum, quæ videlicet extraordinaria pœna pro admissi ratione vindicantur: cujusmodi tria sequuntur. 1. *Abigeatus* seu pecorum latrocinium, veluti si grex ovium abductus sit. *tit. 37. de abigeis.* 2. *Aggerum* Niloticorum ruptura. In Ægypto quippe certis aggeribus Nilus continebatur. *tit. 38. de Nili aggeribus non rumpendis.* 3. *Occultatio* latronum, vel receptatio aliorum reorum. *tit. 39. de his qui latrones, vel aliis criminibus reos occultaverint.*

Tertium seu postremum caput pertinet ad processum criminalem, & pœnas reorum: In processu criminali hæc incurrunt. 1. citatorium edictum contra latitantes. *tit. 40. de requirendis reis.* 2. Tormenta ad eruendam veritatem. *tit. 41. de quæstionib.* 3. Criminis & accusationis institutæ persecutio, qua in re tria notanda. Primo, accusationem deferere non licet citra abolitionem: quæ vel specialis est: *tit. 42. de abolitionib.:* vel generalis. *tit. 43. de generali abolitione.* Secundo, intra biennium causæ criminales terminandæ sunt: alioquin accusator negligens in peragendo reo intra tempus constitutum punitur. *tit. 44. ut intra certum tempus criminalis quæstio terminetur.* Tertio, longe majore adhuc pœna plectitur accusator, si non

non tantum ex negligentia ab accusatione destiterit, sed prævaricatorio animo: quo pertinet Senatusconsultum Turpilianum. *tit. 45. ad SC. Turpilianum.* Contra Calumniatores gravissime puniuntur. *tit. 46. de calumniatoribus.*

Postremo loco *pænæ* criminum sequuntur. Ac primum de *pænis* in genere agitur *tit. 47. de pænis.* In specie vero de bonorum confiscatione, seu proscriptione. Quo pertinent tres tituli. Primus de *Judicibus*, seu de his, quibus confiscare licet. *titul. 48. Ne sine jussu Principis certis Judicibus liceat confiscare.* Secundus, de ipsamet in genere bonorum proscriptione. *titul. 49. de bonis proscriptorum seu damnatorum.* Tertius specialis de eorum bonis, qui sibi vitam adimunt. *titul. 50. de bonis eorum qui mortem sibi consciverunt.*

Vice versa ex Principis quandoque beneficio sententiam passi damnatique restituntur: de cujus restitutionis effectu agitur. *titul. postremo de sententiam passis & restitut.*

Hactenus de jure Sacro, deque Privato.

## EX LIB. X.

DE JURE FISCALI, 2. & MUNICIPALI.

*Respondet huic libro pars ultima  
libri 40., & pars prima li-  
bri 50. Digestorum.*

**P**UBLICUM Jus sequitur libris tribus postremis: quod consistit in jure fisci, in jure Civitatum & municipiorum: de qui-

quibus agitur *lib. 10.* In speciebus fiscali-  
bus, & Corporatis, qui his serviebant in  
rebus Urbanis & Rusticis: de quibus  
*lib. 11.* In Dignitatibus, re Militari, Cur-  
su publico, Apparitoribus, seu officialibus  
Magistratuum, de quo *libro 12.*

De *Jure fisci* in universum agitur *tit. 1.*  
*de Jure fisci.* Quo quidem titulo quædam  
delibantur fisco singularia, vel cum pri-  
vatis communia: In specie vero, quod-  
nam jus fisci sit titulis sex sequentibus  
tractatur. 1. In *debitoribus* suis conve-  
niendis. 2. in *contractibus* celebrandis.  
3. in pænis exigendis. 4. in Sententiis re-  
tractandis. 5. in *vacantibus* & caducis  
bonis vindicandis seu confiscandis: De-  
nique in functionibus, seu *tributis* pu-  
blicis.

1. In *Debitoribus* suis conveniendis ju-  
ra quædam singularia fiscus habet, de qui-  
bus *titul. 2. de conveniendis fisci debito-  
ribus.*

Secundo, In *Contractibus* quoque, de  
quibus sunt quatuor tituli, celebrandis a  
fisco peculiaris quædam ratio est. Primo  
notentur Subhastationes publicæ, quarum  
peculiaris forma, vis, & effectus, *titul. 3.*  
*de fide & jure hastæ fiscalis, & adjectio-  
nib. 2.* Id peculiare fisco est, ut socio in-  
vito quantumvis partem minimam in  
communi fiscus habeat, vendere possit,  
pretio tamen socio pro parte dominii re-  
servato. *tit. 4. de venditione rerum fisca-  
lium eum privatis communium.* 3. Con-  
tra, nec fiscus ipse retractare, seu evin-  
cere rem quam rite vendidit, potest. *tit. 5.*



*Ne fiscus rem quam vendidit evincat.*

4. Pecuniam ex publicis rationibus sœnebrem accipere, contractu habito cum his, qui res fiscales accurant, non licet, alioquin contrahens bonis omnibus ablati perpetuo deportatur. *titul. 6. de iis qui ex publicis rationibus mutuam pecuniam acceperint.*

Tertio, quod *Pœnas* attinet, in pœnis exigendis creditores fisco præferuntur.

*tit. 7. pœnis fiscalibus creditores præferri.*

Sed nec usuræ pœnæ infligæ exiguntur.

*tit. 8. de fiscalibus usuris.* Quarto, causæ

contra fiscum judicatæ ex causa legitima

intra triennium tantum retractari possunt:

*tit. 9. de sententiis adversus fiscum latis retractandis.*

Quinto, *Vacantia & caduca* bona fisco

vindicantur: sed & thesauri.

*Vacantia* bona sunt, veluti si quis de-

functus nullum hæredem reliquerit ex te-

stamento, vel ab intestato, ex quacun-

que sanguinis linea, vel juris titulo: quæ

fisco acquiruntur, mox fisco incorporan-

tur certo ordine servato *tit. 10. de bonis*

*vacantibus, & de incorporatione.* Ac sæpe

ad privatorum quorundam delationem,

qui scil. bona vacantia sicubi nossent fi-

fisco deferabant, cum aliquo delatoris præ-

mio *tit. 11. de delatoribus.* Vicissim hu-

jusmodi bona vacantia sæpe Palatini, id

est, in aula Principis constituti, pêtebant

& impetrabant. Verum hujusmodi mos,

petendi videlicet proscriptorum bona vel

vacantia, prohibitus fuit, ultro datis non

prohibitis, i. e. ea a Principe ultro dari

poterant. *titul. 12. de petitionibus bonorum sublati*. Certis tamen casibus caduca & vacantia bona non in totum fisco adquirebantur, verum quandoque in tributum veniebat fiscus cum aliis, id est, caduca bona dividebantur inter fiscum & alium: veluti si quis se ipsum detulisset. Nam si hæres, cujus in fraudem legum tacite fideicommissum aliquid fuisset, id detulisset, tertiam partem pro præmio ferebat. *tit. 14. de his qui se deferunt*. Imo casus quidam est, quo ab extraneo fiscus penitus excluditur: ut ecce, si duobus Princeps communiter rem aliquam donaverit, & horum alter sine hærede decesserit, socius ejus fiscum excludet. *titul. 14. Si liberalitatis Imperialis socius sine hærede decesserit*.

*Thesauri* vacantibus bonis tempus fuit cum connumerarentur; Thesauros quippe inventos a privatis fiscus vel in totum, vel pro parte olim occupabat, ut docet *lex 1. Cod. Theod. de thesauris*. Verum id abrogatur *tit. 5. de thesauris*.

Postremo, jus fisci consistit in functionibus publicis, i. e. *Tributis* & *annonis*. De quibus agitur titulis quindecim sequentibus a *titul. 16. ad 30. inclusive*. Tributa hujusmodi vel sunt necessaria, vel sunt voluntaria. *Necessaria*, quæ necessario solvenda erant fisco: de quibus agitur in genere *titul. 16. de annonis & tributis*. In specie de his tribus, de indictione tributorum, de exactione, deque condendis iis in publicis horreis. 1. De *Indictione* tributorum agitur *tit. 17.*

*de indictionibus , & titul. 18. de superindicto.*

2. Ad *Exactionem* Tributorum pertinent Tit. 7. sequentes : Quibus agitur primum de exactorum ipsorum officio , nominibus , & numero . *tit. 19. de exactoribus tributorum .* 2. Contra de superexactorum , i. e. ultra debitum exigentium , & provinciales concutientium pœna . *tit. 20. de superexactionibus .* Tertio , de *Efficacia* , id est , instantia in tributis exigendis adhibenda : Quo pertinet pignorum capio tributorum non solutorum causa . *tit. 21. de capiendis & distrabendis pignoribus tributorum causa .* Quarto , de *Apochis* , & securitate provincialium , posteaquam tributa solverunt ; *tit. 22. de apochis .* Quinto , de integri canonis exactione , relatione in thesauros , & tractatione . *tit. 23. de canone* ( id est , de solenni intributione ) *largitionalium titulor.* Sexto , quænam a provincialibus exigi non possint . Operarum scilicet præbitio a rusticis prohibita est , ne tristis rusticorum abductio ab opere rustico ipsas quoque urbes perdat . *titul. 24. Ne operæ a collatoribus exigantur .* Postremo ab omnibus exigenda esse tributa , & immunitatem nemini esse concedendam , ne alioquin vel paucorum immunitas cæteros prægravet . *tit. 25. de immunitate nemini concedenda .*

Tertio , de *condendis* in publicis horreis tributis , & quemadmodum expendi debeant , custodiri & mensurari , sartaque recta conservari , agitur *tit. 26. de conditis in publicis horreis .*

Haftenus ordinaria tributa. Sequuntur *Extraordinaria*, eaque triplicis generis. *Extraordinaria* sunt, quæ præter ordinaria exiguntur, ut est *coemptio specierum*, i. e. ut urgente necessitate privati cogantur fisco vendere species sibi superfluas. *tit. 27. Ut nemini liceat in emptione specierum se excusare.*

Secunda species extraordinariorum tributorum est, cum non omnibus, sed certo tantum generi possessionum; necessitate eadem urgente, tributa extra ordinem imponuntur. Veluti, *donatis* olim a Principe possessionibus, item *relevatis* possessionibus, i. e. quæ a tributis olim immunes factæ fuerant a Principe, extra ordinem tributa indicta. *tit. 28. de collatione donatorum vel revelatorum.* Tertia extraordinariorum tributorum species est, quoties videlicet extra ordinem *alia species pro alia* exigatur: veluti aurum in specie pro ære. *tit. 29. de collatione æris.* Sequitur tandem commune utrisque tributis ordinariis & extraordinariis; nempe & *Discussores* per provincias mittebantur, ut rationes tributorum discuterent, indagarent, examinarent, quidque quisque pro rata possessionum conferre debuerit, quidve contulisset: idque ob prædam exactorum, vel moram tributariorum. *tit. 30. de discussorib.*

II. *MUNICIPALE Jus* sequitur: quod sequentibus consistit. 1. in Senatu, seu Curia. 2. in Municipibus. 3. in Muneribus & Honoribus.

Primum agitur de *Senatu municipali*,

id est de decuriis & Decurionibus : quo pertinent *tituli* 7. Ac primum in genere de iis *tit.* 31. *de Decurionibus*. Secundo, *de personis* Decurionum, Servi scilicet & liberi Curia arcentur. *tit.* 32. *Si servus aut libertus ad decurionatum adspiraverit*. Tertio de Rebus ad Decuriones pertinentibus: Ubi tria notanda. 1. Prædia Decurionum sine decreto alienari non potuisse. *tit.* 33. *de prædiis decurionum sine decreto non alienandis*. Item si extraneus curiali succederet, quartam partem bonorum penes Curiam remanere oportuit. *tit.* 34. *Quando & quibus quarta pars debetur ex bonis decurionum*. 3. His bonis, quæ ex causa lucrativa Decuriones nacti fuerant, descriptio, id est collatio quædam indicabatur. *tit.* 35. *de imponenda lucrativis descriptione*.

Quarto, duobus actibus in fraudem Reipub. & Decurionum occurritur duobus sequentibus titulis. Primum prohibentur Decuriones salarium alicui constituere ex viribus, id est redditibus Reipubl. seu municipii, nisi cui Princeps speciatim jussisset. *tit.* 36. *de præbendo salario*. Deinde adversus fugam Decurionum consulitur. *tit.* 37. *Si Curialis relicta civitate rus habitare maluerit*.

Secundum caput ad Jus municipale pertinens consistit in *Municipibus*: de quibus *tit.* 38. *de municipibus & originariis & municipii incolis*. *tit.* 39. *de incolis*, & ubi quis domicilium habere videatur.

Tertium caput ad Jus municipale pertinens, est de *Muneribus & honoribus*

municipalibus sustinendis : quo pertinent reliqui tituli omnes hujus libri ad ultimum usque . Ac primum in genere de his agitur *titul. 40. de munerib. & honorib. non continuandis inter patrem & filium, & de intervallis* . Deinde de speciebus munerum . Sunt enim quædam munera personalia ; alia vero patrimonialia , quæ pro modo fortunarum & patrimonio indicuntur & sustinentur , quæ etiam mulieres sustinere coguntur . *titul. 41. de muneribus patrimoniorum* . Tertio , indictionis munerum forma : Neque enim promiscue omnibus omnia munera indici possunt ; *titul. 42. quemadmodum civilia munera indicuntur* . Quarto , de immunitate a muneribus publicis . Sunt enim quidam , qui inviti cogi non possunt publica munera subire , atque adeo excusationem habent : sponte tamen ea subire possunt . *tit. 43. de his qui sponte munera publica subeunt* . Cæterum immunitas hæc a muneribus publicis ex triplici fonte promanat . Primum ex Principis beneficio . *tit. 44. de his qui a Principe vacationem acceperunt* . Quod non nisi ex causa fieri solet ; quæ tamen ipsa non ordinariorum munerum , sed extraordinariorum tantum vacationem præstat . *tit. 45. de vacatione publici muneris* . Secundo , ex decreto Decurionum : quam non aliis Decuriones tribuere possunt , quam liberalium artium Professoribus & Medicis . *tit. 46. de decr. Decurionum super immunitate quibusdam concedenda* . Tertio ex communi jure juris de causis immunitatem munera nonnulla



nulla habent. *tit. 47. de excusationibus munerum.* Quæ tamen ipsa ad certa munerera restringitur: a nonnullis enim nemo excusatur. *tit. 48. De quibus muneribus vel præstationib. nemini liceat se excusare.* Excusationis autem hujus, siue immunitatis causæ sunt istæ: 1. *Ætas*, eaque vel legitima minor, (veluti si Studiosus quis sit liberalium artium) vel major 55. annis *titul. 49. Qui ætate se excusant.* 2. *Morbus.* *tit. 50. Qui morbo se excusant.* 3. *Numerus liberorum*, 4. vel *Paupertas.* *tit. 51. de his qui numero liberorum vel paupertate excusationem meruerunt.* 5. *Professio triplex: literarum.* *tit. 52. de Professoribus & Medicis:* *Athletica:* *Athleta* quippe si ter vicerit & coronatus fuerit, a civilibus muneribus excusatur. *tit. 53. de athletis.* *Militaris* denique, etiam non expletis stipendiis, si honesta necessariaque missione dimissus miles sit. *tit. 54. de his qui non impletis stipendiis sacramento soluti sunt:* & multo magis qui expletis. *tit. 55. Quibus muneribus excusantur hi qui post impletam militiam vel advocacionem per provincias, suis commodis vacantes commorantur, & de privilegiis eorum.* 6. *Statu quoque personæ excusationi, vel repulsioni a muneribus publicis locum facit.* Nempe honorum aditus ferme præclusus est Libertinis. *tit. 56. de libertinis.* Infamibus. *tit. 57. de infamibus:* Reis. *tit. 58. de reis postulatis.* In exilium datis, vel ab ordine motis. *tit. 59. de his qui in exilium dati vel ab ordine moti sunt.* Filii quoque non recte vocantur, nisi consen-

fiente patre ; quo casu quo modo pater teneatur, definitur, *tit. 60. de filiisfamilias, quomodo & quemadmodum pro his pater teneatur; ut & hæredes ejus. tit. 61. de periculo successorum parentis. 7. Sexus quoque præstat exculationem quandoque in certo loco. tit. 62. de mulieribus, in quo loco munera sexui congruentia vel honores agnoscant. 8. Legatio item obita: nam & hæc pro loci ratione temporalem præstat vacationem. tit. 63. de legationibus. 9. Artificium: nam & Artifices quidam insignes a muneribus excusantur. tit. 64. de excusationibus artificum. 10. Potioris alterius nominatio: Nam qui ad munus nominatus potiore alium seu ditiozem ostenderit, & subeundis muneribus aptiorem, auditur & excusatur. tit. 65. de potioribus ad munera nominandis. 11. Inimicitiae nominatorum: Nam si quis nominatus fuerit ut sumptu, vel molestia afficeretur, nominatio non tenet: Neque enim ex amicitia aut inimicitia nominationes fieri debent, sed æstimatione vera & commodo Reipublicæ. tit. 66. Si propter inimicitias creatio facta sit. Quo etiam casu is qui sumptus in lite fecit, eos recuperat ab iis, qui ipsum ad munus fatigandi ipsius causa devocarunt. tit. 67. de sumptuum recuperatione. 12. Mors denique muneribus solvit. Nam si post creationem quis decesserit, ante subeundi muneris vel honoris diem, hæredes ejus nomine non tenentur. tit. 68. Si post creationem quis decesserit.*

Sequuntur quædam munera publica circa

ca Tributa occupata : de quibus speciatim tractatur Titulis sequentibus ; Ac primum *Tabularii*, *scribæ*, *logographi*, id est ii, qui tributorum rationes scribebant, & *Censuales*. tit. 69. de *Tabulariis*, *scribis*, *Logographis*, & *Censualibus*. Secundo *Susceptores*, *Præpositi* & *Arcarii* : *Susceptores* sunt qui annonas & tributa utriusque ærarii suscipiebant : *Præpositi* vero, qui præfecti erant horreis, in quibus species fiscales deponebantur. *Arcarii* vero, qui suscipiendis iis, quæ ad arcam Præfecti prætorio pertinebant. tit. 70. de *susceptoribus*, *præpositis*, & *arcariis*. Tertio ponderatores. tit. 71. de *ponderatoribus*. Quarto Prosecutores auri publici. tit. 72. de *auri publici prosecutoribus*. Quibus omnibus, ut & *Judicibus*, commune præceptum subjungitur, ut ex publicis tributis nihil usurpent. tit. 73. de *his quæ ex publica collatione illata sunt, non usurpandis*. Et hæc quidem de muneribus & honoribus municipalibus. His addatur *Auri coronarii oblatio*, quod videl. civitates & *Decuriones*, quasi vice coronæ aureæ *Principi* donabant & mittebant. tit. 74. de *aureo coronario*. Item *Irenarcharum munus*, id est eorum, qui paci ac quieti provinciæ præsunt. tit. 75. de *Irenarchis*. His additur *Tit. ult. De argenti pretio*, quod *thesauris infertur* ; nempe ut cuique liceat si velit, aurum pro argento inferre. Qui titulus alieno plane loco positus est.

## EX LIB. XI.

1. De SPECIEBUS FISCALIBUS & Imperatoriis, deque corporatis, qui his serviebant.
2. De rebus URBANIS.
3. De RUSTICIS.

**D**E tribus hoc libro agitur : Primum est de Speciebus & de Corporibus seu corporatis fiscalibus, & Imperatoriis. Secundum est de rebus Urbanis seu Urbicis : Tertium est de rebus Rusticis.

Ad primum caput pertinent Tituli 12. priores : Ad secundum Tituli sequentes ad 46. inclusive : Ad tertium, quod superest ad finem libri.

1. SPECIES *fiscales* seu Imperatorias voco, appellatione hujus ævi, species, in quibus tributa solvebantur. Item species, quarum usus Principi reservatus erat : quæque ad Principem pertinebant.

Hujusmodi species & corporati sex hic pertractantur. Primum *Species annonariæ*, id est, quæ in annonis, veluti in tritico, vino, id genus aliis tributorum nomine pendebantur, & in horrea Romana ex omnibus orbis Romani Provinciis transferantur, & Corporati eis servientes. Eam sane in rem certum erat *Corpus naviculariorum* ad species illas transferendas : De quibus in genere agitur *titul. 2. de naviculariis seu nauleris publicas species transportantibus*. In specie vero hæc quatuor circa eos definiuntur. Prædia, resque  
navis

naviculariorum hujusmodi ad quemcunque pervenirent, functioni huic naviculariæ subjectæ manebant. *titul. 2. de prædiis & omnibus rebus naviculariorum*. 2. Nulla navis navicularii ab hujusmodi functione immunis esse poterat. *titul. 3. de navibus non excusandis*. 3. Naviculariis interdictum erat, sarcinas privatorum oneri publico imponere, i. e. una cum speciebus fiscalibus res & merces privatorum transvehere. *titul. 4. ne quid oneri publico imponatur*. 4. si naufragium passi essent navicularii, apud Præsidem Provinciæ id contestari solemni more debebant. *tit. 5. de naufragiis*.

Secunda species specierum & corporum fiscalium sunt *Metalla*, & *Metallarii*: nam certum corpus metallariorum destinatum erat & adstrictum metallis eruedis, sic quidem, ut in iis locis manere eos oporteret, quibus essent adstricti: & si aufugerent, reducerentur. *tit. 6. de metallariis & metallis & procuratoribus metallorum*.

Tertia species fiscalium specierum sunt *Vestes*: Nam & certarum vestium usus Principi reservatus erat, vel ad Principis domum pertinentibus: vestibulque illis partim tingendis, partim texendis & ornandis, certa quædam corpora destinata erant. 1. Nam & *murileguli* erant, qui murices, i. e. conchas ad purpuram tingendam piscabantur & legebant. 2. Erant & *gynæciarii*, qui vestibus & aliis ornamentis accurandis in aula præerant. *tit. 7. de murilegulis & gynæciariis & procuratoribus*

*gynæcii*, & *de monetariis* & *bastagiariis*: quo etiam pertinet *tit. 8. de vestibus holoberis* (id est holosericiis) & *auratis*, & *de intinctione sacri muricis*.

Quarta species fiscalis sunt *Arma*: Quibus fabricandis præerat certum corpus, eorum qui inde *fabricenses* dicebantur. *tit. 9. de fabricensibus*.

Quinta species est *Moneta*: quo pertinet *titul. 10. de veteris numismatis potestate*.

Sexta species fiscalium sunt *Ornamenta Regia* Principi reservata, quibus conficiendis artifices *Palatini* quidam præerant. *tit. 11. Nulli licere in frenis & equestribus sellis, & in balteis, margaritas & smaragdos & hyacinthos aptare: & de artificibus Palatinis*.

Subjicitur tandem *Tit. 12. de classicis*: qui pertinent ad classes, id est, ad *Naves* destinatas ad flumina purganda, aliasque necessitates, veluti ad species, de quibus supra, transferendas.

2. *URBANA* seu *URBICA* sequuntur, a titulis 14. ad Titulum 26. inclusive, & quidem *urbica* seu *urbana* ad urbem Romanam & Constantinopol. pertinentia, ut & ad Berytum. Quæ de Urbicis hic tractantur, sex capitibus absolvuntur. Primum caput est de *Corporibus urbicis*, *Senatui* & *politix*, ut vocant hodie, *servientibus*. Hujusmodi erant 1. *Decuriales* urbis Romæ, qui scil. actis *Senatus* conficiendis serviebant. *tit. 13. de decurialibus Urbis Romæ*. 2. *Corporati*, ita proprie dicti urbis Romæ, de quorum privile-



*vilegiis agitur titul. 14. de privilegiis corporatorum urbis Romæ: ut erant 1. Pistorum, qui videlicet panibus civilibus (id est panibus, qui a fisco atque a Principe populo dabantur) coquendis præpositi erant. tit. 15. de pistoribus. 2. Suarii seu porcinarii, qui pariter ex liberalitate Principis porcinam carnem populo præstabant. 3. ut & Vini susceptores, qui vinum, tit. 16. de suariis & susceptoribus vini & cæteris Corporatis. 75. Collegiati, qui, ut vulgo creditur, incendiis arcendis præerant. 5. & Chartoprata. 6. & Nummularii, qui nummorum permutacionem tractabant. tit. 11. de collegiatis & chartopratis & nummulariis.*

Secundum caput est de studiis & studio-  
sis, Accademisq; urbis Romæ: de quibus  
*titul. 18. de studiis liberalibus urbis Romæ  
& Constantinopolitanæ.*

Tertium caput ad majestatem harum  
urbium pertinens, est de Honoratis, qui-  
bus vehiculis dignitatis suæ intra urbem  
uti licebat. *tit. 19. de honoratorum vehi-  
culis.*

Quartum Urbicorum caput est, de Pri-  
vilegiis quarundam Civitatum: veluti ur-  
bis Constantinopolitanæ: Eædem certe il-  
li prærogativæ tributæ, quæ veteri Romæ  
competebant. *tit. 20. de privilegiis urbis  
Constantinopol.* Item Beryto, quæ civitas  
erat in Phœnicia, hoc privilegium tributum  
fuit, ut cum alioquin in una provincia uni-  
ca tantum esset metropolis, & quidem in  
Phœnicia Tyrus ab antiquo metropolis es-  
set, nihilominus quoque Berytus me-

tropolis foret . *tit. 21. de metropoli Ee-  
ryto.*

Quintum Urbicorum seu Urbanorum caput spectat *Annonam Urbium* præcipuarum: veluti urbis Romæ, Constantinopolitanæ, & Alexandrinæ. Ad annonam Romæ & Constantinopoleos pertinent Tituli quinque sequentes: ubi agitur primum de ipso frumenti canone, urbis scil. Romæ . *tit. 22. de Canone frumentario Urb. Rom.* Urbis Constantinopolitanæ. *tit. 23. de frumento urbis Constantinopol.* Secundo agitur de annonis, quæ exinde publice distribuebantur. *tit. 24. de annonis civilibus.* (Quæ annonæ civiles de publico mendicantibus invalidis præstabantur, non etiam validis. *tit. 25. de mendicantibus validis.*) Tertio de frumenti subvectione per Tyberim. *tit. 26. de nautis Tyberinis.* (i. e. qui in Tyberi operam navabant subvehendæ annonæ urbis Romæ.) Et hæc de *Annona* utriusque Urbis Romæ. De *Alexandrina* est *tit. 27. de frumento Alexandrino*, cui sociatur *titul. 28. de Alexandria primatibus.*

Sextum Urbanorum seu Urbicorum caput sunt *Jura civitatum*, circa res & debitores earum. Singulari scil. privilegio jureque fruebantur hac parte Reipublicæ & Civitates, sive ex lege civitatis, sive ex beneficio sibi concessio. Inter alia tanquam pupilli, extra ordinem juvantur. *titul. 29. de jure Reip.* Sed & in administrandis rebus civitatum sua & peculiaris quædam jura sunt. *tit. 30. de administratione rerum publicarum:* ut & in

vendendis. *tit. 31. de vendendis rebus Civitatis*. De debitoribus Civitatum sunt sequentes octo Tituli. Ac primum de debitoribus privatis est *tit. 32. de debitoribus Civitatum*: Sequentes Tituli sex sunt de debitoribus, qui actum publicum gesserunt: Ac primo quidem quatenus teneantur civitatibus 1. eorum Nominatores. *tit. 33. de periculo nominatorum*. 2. Fidejussores. *titul. 34. de periculo eorum, qui pro Magistratibus intervenerunt*. 3. Collegæ. *tit. 35. quo quisque ordine conveniatur*. Secundo agitur de Actu Reipublicæ: ubi cavetur, liberum invitum eum gerere non cogi. *tit. 36. ne quis liber invitus actum Reipublicæ gerere cogatur*. Tertio, de sumptibus muneris injuncti, nempe eos ad omnes pertinere. *titul. 37. sumptus injuncti muneris ad omnes collegas pertinere*. Quarto, de usuris, an in eas quoque teneatur qui fœnus Reipubl. administravit, pecuniamque fœnoris locavit. *tit. 38. de his, qui ex officio, quod administrarunt conveniuntur*.

Postremo quomodo debitores civitatis solvendo liberentur. *tit. 39. de solutionibus & liberationibus debitorum civitatis*.

Septimum Urbanorum seu Urbicorum caput spectat *Voluptates, Amœnitates publicas*: quo pertinent sex tituli sequentes. 1. Spectacula scil., & in his scenicæ voluptates, (Lenociniis improbatis) *tit. 40. de spectaculis scenicis & lenonibus*. Qua parte tenendum, expensas seu pecuniam

niam his destinata[m] quandam fuisse, quæ tamen urgente necessitate in murorum constructionem converti potuit. *tit. 41. de expensis publicorum ludorum.* 2. Aquæductus: de quorum tutela legitimoque usu est *tit. 42. de Aquæductu.* 3. Gladiatores, seu gladiatorum ludi, qui penitus sublatis. *tit. 43. de gladiatoribus penitus tollendis.* 4. Venatio ferarum: Quæ privatis quantum ad leones cædendos permissa fuit. *tit. 44. de venatione ferarum.* 5. *Majumæ* spectaculum. *tit. 45. de Majuma.*

Postremo loco ad publicam securitatem armorum usus inscio Principe vetitus. *tit. 46. Ut armorum usus inscio Principe interdictus sit:* qui hoc loco positus est in confinio Urbanorum & Rusticorum, ad quod utrumque pertinet.

3. RUSTICA sequuntur, & quidem secundum tria Juris objecta, Personas, Res, & Actiones.

1. De *Personis* agitur a *titul. 46. ad 56.* atque adeo decem Titulis.

Ac primum in genere de his *titul. 47. de agricolis & censitis ac colonis;* Inter censitos autem & colonos hoc discrimen est, quod censiti sint capite censi, & fundi dominum pro domino agnoscunt: coloni vero liberi sint, & res proprias seu peculium habeant, terram tamen dimittere non possint, & terram pro domino habeant. Quo pertinet etiam *Tit. 48. de capitatione civium censib. eximenda:* quo titulo prohibentur cives, qui in urbibus degunt capitis censum præstare,

re , seu censiti fieri . Et quidem adeo censiti agricolæ fundorum dominos pro dominis agnoscebant , ut quemadmodum veri servi dominos suos accusare non poterant , ita neque hi suos accusare possent . *tit. 49. in quibus causis coloni censiti dominos accusare possint* . Et hæc de censitis .

De colonis rusticanis sunt sequentes Tituli quinque . De his vero tria hic caventur .

1. Et si capite censiti non sint , attamen originario jure eos terræ alligatos esse , neque eam deferere posse : id quod pro re nata speciatim cautum circa colonos Palæstinæ . *tit. 50. de colonis Palæstinæ* : Thraciæ . *tit. 51. de colonis Thracensibus* : Illyrici . *tit. 52. de colonis Illyricianis* . 2. Ne cui liceat eos in suum patrocinium suscipere . *titul. 53. Ut nemo ad suum patrocinium suscipiat rusticanos* . 3. Ut ne ad ullum aliud obsequium sub quocunque prætextu vocari possint . *titul. 54. Ne rusticani ad ullum obsequium devocentur* . Et hæc de rusticanis .

Sequuntur *Vicanei* , id est , qui in vicis habitabant : In quibus quædam singularia observabantur . *Vicanei* enim metrocomiæ , id est , primarii vici , seu principis , loca sua transferre non poterant ad extraneum , id est , qui non esset ejusdem metrocomiæ vicaneus . *tit. 55. Non licere habitatoribus metrocomiæ loca sua ad extraneum transferre* . Item *vicanei* pro alienis vicaneorum debitis non magis quam alii conveniri possunt . *tit. 56. Ut*  
nul-

nullus ex vicaneis pro alienis vicaneorum debitis teneatur. Et hæc de personis rusticis. Sequuntur actiones quædam.

2. *Actiones*, seu actus hic voco Descriptiones jugerum & capitum, qui census vocantur. Cui censui peragendo qui præerant, *Censitores* dicebantur; quandoque vero extra ordinem mittebantur alii, qui dicebantur *Peræquatores*, id est, qui æquarent census, ita ut si quis prægravatus esset, exoneraretur: contra si quis levius quam oportet censitus, gravaretur. *tit. 57. de censibus & censitoribus & peræquatoribus.*

3. *Res* denique sequuntur rusticæ, quæque ruri res constitutæ. Hujus generis sunt fundi, domus, greges, palatia, loci.

De *Fundis*, seu agris & pascuis agitur a *tit. 58. ad 73.* *Fundi* sunt 1. vel privatorum, 2. vel militum, 3. vel publici, 4. vel Principis. 1. De *Privatis* fundis est *tit. 58.* In his id observatur, ut si aliquis ager desertus sit, ager ille ordini Decurionum civitatis adsignetur, vel etiam ei, qui optimos habet agros seu fertiles, steriles illi adjungantur, per *ἐπιβολή*. *tit. 58. de omni agro deserto, & quando steriles fertilibus imponuntur.* De *militum* fundis *tit. 59.* & quidem de fundis militum limitaneorum, unde videlicet milites limitanei alerentur, qui fundi *limitotrophi*, vel *limitrophi* (unde *feudorum* quoque origo) dicebantur: adeo ut ab omni munere omnique tributo immunes essent. *tit. 59. de fundis limitrophis, &c.*  
2. *Pr-*



2. *Publici* fundi erant quoque quidam, cujus generis erant pascua. *titul. 60. de pascuis publicis & privatis.*

3. *Principis* tandem fundi sequuntur, qui fundi *patrimoniales* dicuntur. Inter quos fundos erant & *Saltuenses*, qui pecoribus per saltus seu nemora pascendis serviebant. Erant & *Emphyteutici* quidam *Principis* fundi, qui in emphyteusin aliis dabantur. *titul. 61. de fundis patrimonialibus & saltuensibus, & emphyteuticis, & eorum conductoribus.* Horum fundorum mancipia quædam, & coloni erant, de quibus agitur *tit. 62. de mancipiis & colonis patrimonialium, saltuensium, & emphyteuticorum fundorum.* Qui & ipsi his fundis adscripti eos deferere non poterant. *tit. 63. de fugitivis colonis patrimonialibus, saltuensibus & emphyteuticis.* Collationi denique ordinariæ fundi hujusmodi subiacebant, non autem extraordinariæ. *tit. 64. de collatione fundorum patrimonialium & emphyteuticorum.*

Ad Principem pertinentium fundorum altera species erat, qui scilicet *rei privatæ* seu *dominicæ* dicebantur. Inter rem privatam & patrimonialem hoc discrimen ( quantum equidem teneo ) constituo, quod illi ex proprio Principis patrimonio sint, hi vero publici quidem sint, sed Principi destinati. Hinc distincta illa officia Comitum patrimonii, & Comitum rei privatæ. Et pertinent Tituli quatuor sequentes. *tit. 65. de fundis rei privatæ & saltibus divinæ domus. tit. 66. de fundis & saltibus rei dominicæ: & titul. 67. de agri.*

*agricolis & mancipiis dominicis, vel fiscalibus rei publ. vel privatae. Inter hæc prædia, erant quædam, quæ vocabantur Tamiaca, id est, quæ ad cellarium Principis erant deputata. tit. 68. de prædiis Tamiacis, &c. Erant & prædia Templorum, id est, quæ olim paganæ religioni destinata, confiscata fuerant. Itemque ex his quidam fundi civitatum redditibus destinati, & hi fundi dicuntur civiles. tit. 69. de diversis prædiis urbanis & rusticis templorum & civitatum, & omni redditu civili.*

Sequuntur quinque tituli superioribus fundis omnibus communes. Ac primum agitur de eorum fundorum locatione, tit. 70. de locatione prædiorum civilium, sive templorum, sive rei privatae vel dominicæ. Secundo, conductorum & hominum ad hujusmodi fundos pertinentium, obtentu Principis, injuriis occurritur. tit. 71. de conductoribus, & procuratoribus sive actoribus prædiorum fiscalium & domus Augustæ. Tertio, eodem etiam fine quidam a conductione horum fundorum arcebantur. tit. 72. Quibus ad conductionem prædiorum fiscalium accedere non licet. Quarto de collatione, quæ his quoque fundis incumberebat, agitur tit. 73. de collatione fundorum fiscalium, vel rei privatae, vel dominicæ, vel civitatis, vel templi. Postremo, varia privilegia his competeabant, & quidem etiam quoad collationes; a quarum nonnullis immunes erant. tit. 74. de privilegiis domus Augustæ vel rei privatae, & quarum collatio-

num

*num excusationem habent.*

Et hæc de fundis. Sequuntur res aliæ rusticæ. 1. Ac primum *Greges*, & in his equorum, quos habebant Principes per diversas provincias. *tit. 75. de grege dominico*. 2. *Palatia & domus* itidem per varia prædia & loca sparsa, quæ Principes habebant. *titul. 76. de palatiis & domibus dominicis*. 3. Habebant & *lucos*, qualis erat lucus Daphnensis prope Antiochiam, qui quidem cupressis erat insignibus oblitus, unde privato cupressos excidere, vendere, emere nefas erat: Pariter ut arbores Perseas (quarum etiam mentio apud Strabonem *lib. 17. p. 565. 566. Diodorum lib. 1. p. 21.*) in Ægypto. *tit. ult. de cupressis ex loco Daphnensi, vel Perseis per Ægyptum non excidendis, vel vendendis.*

## EX LIB. XII.

1. *De DIGNITATIBUS.*
2. *De Re MILITARI.*
3. *De Cursu PUBLICO.*
4. *De Officialibus MAGISTRATUUM.*

**D**E quatuor hoc libro agitur: De Dignitatibus: De Re Militari: De Cursu Publico: Denique de Officialibus & Apparitoribus Magistratum.

I. DE DIGNITATIBUS in genere agitur *tit. 1. de Dignitatibus.*

Dignitatum species sunt tres: Senatores, Equestris, & Perfectissimatus.

Ad Senatoriam Dignitatem pertinent  
Tit.

Tit. 30. sequentes. Senatoribus olim omnibus commune erat, quod certam collationem agnoscere tenebantur, quæ *glebæ* vocabatur. Item Præturæ oneri subiacebant & ludis edendis. *tit. 2. de Prætoribus & honore Præturæ, & collatione glebæ & follis, & septem solidorum functione sublata.* Cæterum Senatorii vel sunt Illustres, vel Spectabiles, vel Clarissimi.

*Illustres* sunt sequentes: Consules. *tit. 3. de Consulibus, & non spargendis ab his pecuniis.* Præfecti prætorio, Præfecti urbi, & Magistri militum. *tit. 4. de Præfecto prætorio, sive urbi, & Magistri militum in Dignitatibus exequandis.* Præpositi sacri cubiculi. *titul. 5. de Præpositis sacri cubiculi.* Denique Quæstores (id est, Cancellarii) & Magistri Officiorum & Comites sacrarum largitionum, & rei privatæ. *titul. 6. de Quæstoribus & Magistris Officiorum.*

*Spectabiles* sequuntur, quales erant sequentes. Primicerius & Secundicerius Notariorum. *tit. 7. de Primicerio, Secundicerio & Notariis.* Sub cujus Primicerii dispositione fuit notitia omnium dignitatum & administrationum: Quo pertinet *tit. 8. Ut dignitatum ordo servetur.* Item Magistri sacrorum scriniorum. *tit. 9. de Magistris S. scriniorum.*

Denique Comites sequentes. *tit. 10. de Comitibus consistorianis: Comites & Tribuni scholarum. tit. 11. de Comitibus & Tribunis Scholarum.* Comites rei militaris: *tit. 12. de Comitibus rei militaris.* Comi-

mites Archiatri S. Palatii. *titul. 13. de Comitibus archiatri S. Palatii*, Comites provincias regentes. *tit. 14. de Comitibus qui provincias regunt*. Comites qui Professores, & quidem Jurisperiti, in urbe Constantinop. docebant. *tit. 15. de Professoribus, qui in urbe Constant. docentes ex lege meruerunt Comitivam*.

*Clarissimi*, & Palatini quidem, sunt frequentes. 1. *Silentiarii*, qui inde dicti, quia nocte silente excubiis Principis præerant: qui quidem etiam suos habebant quosdam Decuriones. *titul. 16. de Silentariis & Decurionibus eorum*. 2. *Domestici & Protectores*, qui partim equites, partim pedites, Principi protegendo inserviebant. *tit. 17. de domesticis & protectoribus*. 3. *Præpositi laborum*: qui creduntur, præpositi laborum, id est, vexillorum, quæ ante Principem geri solebant. *tit. 18. de præpositis laborum*. 4. *Proximi sacrorum scriniorum*, id est, qui proximi sunt a Magistris. *tit. 19. de proximis sacrorum scriniorum*. 5. *Agentes in rebus*; qui videlicet rebus, negotiis, mandatis Principis peragendis huc inde discurrebant & mittebantur. *tit. 20. de agentibus in rebus*. Qui quidem etiam agentes in rebus suos habebant Præpositos & Principes. *tit. 21. de Præpositis agentium in rebus, & tit. 22. de Principibus agentium in rebus*. 6. Ex his Agentibus in rebus quidam in Provincias mittebantur, qui curiose observabant, quid in quaque Provincia gereretur, idque ad Principem referrent, qui & inde *Curiosi* dicebantur. *tit. 23. de curiosis*

*riosi & stationarii*. 7. *Palatini S. largitionum*, & rerum privatarum, id est, qui sub dispositione erant Comitum S. largitionum & rerum privatarum. *titul. 24. de Palatinis S. L. & R. P.* 8. *Stratores*, id est, qui equis probandis, quos Provinciales conferebant præerant. *tit. 25. de Stratoribus*. 9. *Castrensiæ & Ministeriani*, qui Principi in aula ministrabant, quales erant Prægustatores, Pincernæ, pueri pædagogiani. *tit. 26. de Castrensiæ & ministerianis*: & *Decani*. *t. 27. de Decanis* 10. *Mensores*, qui hospitia Principi præparabant. *tit. 28. de Mensoribus*. Sequuntur tres Tituli communes omnibus Palatinis, duo quidem de privilegiis eorum. *tit. 29. de privilegiis eorum, qui in S. Palatio militant*. *tit. 30. de privilegiis Scholarum*. Tertius de castrensi nominatim eorum peculio. *titul. 31. de castrensi omnium palatinorum peculio*.

Hactenus de Dignitatibus Illustrum, Spectabilium, Clarissimorum.

Sequuntur inferiores his Dignitates duæ.

1. *Equestris dignitas*, scilicet de qua agitur *tit. 32. de Equestri dignitate*: & *Perfectissimatus*, de qua *titul. 33. de perfectissimatus dignitate*.

2. *Res MILITARIS* secundum huius libri argumentum est. Ubi primum agitur de personis, quæ militare possint vel non. *tit. 34. Qui militare possunt vel non*. In quibus postremis sunt negotiatores. *titul. 35. Negotiatores ne militent*. Tum de re ipsa militari. Ac primum, in genere, de ea *tit. 36. de re militari*.

Spe-



Speciatim vero 1. *De Peculio militum. titul. 37. de castrensi peculio militum.* 2. *de Stipendiis & commodis militum:* Nempe de annona militari, de cujus erogatione est *tit. 38. de erogatione militaris annonæ:* de excoctione & translatione, *tit. 39. de excoctione & translatione militarium annonarum.* 3. *De Veste militum. tit. 40. de militari veste.* 4. *De hospitibus militum. tit. 41. de metatis & epidemetis;* ubi notandum, milites Salgamm a provincialibus hospitibus suis exigere prohibitos, veluti sal, lignum, oleum, culcitras. *tit. 42. de salgamo hospitibus non præstando.* 5. *de Commeatu militum. titul. 43. de commeatu:* 6. *De gradibus quibuldam & speciebus militiæ,* puta de Tironibus. *titul. 44. de tironibus:* de custodiis littorum & itinerum. *tit. 45. de littorum & itinerum custodia.* 7. *de Fine militiæ, & militia exuenda,* illicito primum more. *tit. 46. de desertoribus & occultatoribus eorum:* Tum legitimo more, post expleta stipendia. *tit. 47. de veteranis.* 8. *de Filiis militum. titul. 48. de filiis officialium militarium,* qui in bello moriuntur. De sequentis Tituli connexionem ita cenſeo, omnium dignitatum civilium & militarium communem eum videri: Singulæ quippe dignitates, ineunte anno Principi vota, id est, strenas mittebant. *tit. 49. de oblatione votorum.* Sed & sequens Titulus non alia ratione hic subjicitur, quam quia & hic communis est dignitatum tam militarium, quam civilium: Titulus, inquam, 50. *de Nu-*  
me-

*merariis, actuariis & adjutoribus, scriniariis & exceptoribus sedis excelsæ, cæterorumque Judicium, tam militarium, quam civilium.*

3. CURSUS PUBLICUS tertium hujus libri argumentum constituit. Quo pertinent duo tituli: *titul. 51. de cursu publico, & tit. 52. de tractatoriis & stativis*; ubi *Tractatoriæ* sunt diplomata Principis, quæ dabantur missis a Principe, vel evocatis ad Principem, ad utendum cursu publico, & adscriptis *stativis*, id est mansionibus, in quibus eis necessaria præbebantur.

4. Postremum argumentum hujus libri est de OFFICIALIBUS, i. e. *Apparitoribus Magistratuum*. De quibus singulis sigillatim agitur septem titulis. *Tit. 53. de Apparitoribus Præfeclorum prætorio. tit. 54. de apparitoribus Præfeclti urbis. tit. 55. de apparitoribus Magistrorum militum. tit. 56. de apparitoribus Proconsulis & Legati. tit. 57. de apparitoribus Comitum Orientis. Tit. 58. de Cohortalibus. Titul. 59. de apparitoribus Præfeclti annonæ.* 2. In commune vero de omnibus, qui diversis Magistratibus apparebant, ut ab his ad aliquid destinabantur, agitur. *titul. 60. de diversis officiis & apparitoribus Judicium*: veluti ad executiones: *Executores* quippe a variis Magistratibus missi. *tit. 61. de Executoribus.* 3. *de Lucris & Concussionibus eorum. tit. 62. de lucris Advocatorum & concussionibus officiorum seu apparitorum.* 4. *de horum Decurionibus seu Primipilo. tit. 63. de primipilo,*  
id

*id est, de Decurione primæ cohortis Officialium. 5. Apparitorum denique numero sunt nuntii, geruli, Indices publicæ alicujus lætitiæ, qui in id mittebantur per provincias & civitates: quorum avaritiæ & concussioni modus imponitur titulo ultim. Publicæ lætitiæ vel Consulum nuntiatores, vel insinuatores constitutionum & aliarum sacrarum, vel Judicialium literarum, ex descriptione, vel ab invitis nequid accipiant immodicum.*

F I N I S.

# NOI RIFORMATORI

## Dello Studio di Padova.

**A** Vendo veduto per la Fede di Revisione, ed Approvazione del Pubblico Revisor *D. Natal dalle Lasse* nel Libro intitolato *Jacobi Gothofredi Manuale Juris, seu parva Juris Mysteria &c. Stamp.* non v'esser cosa alcuna contro la Santa Fede Cattolica, & parimente per Attestato del Segretario Nostro, niente contro Principi, e buoni costumi, concediamo Licenza a *Francesco Pitteri* Stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 18. Febbraro 1765. M. V.

( ANGELO CONTARINI PR. RIF.

( ANDREA TRON K. RIF.

( GIROLAMO GRIMANI RIF.

Registrato in Libro a Carte 267. al Numero. 1661.

*Davidde Marchesini Segr.*







A FD/158



UNIVERSIDAD DE SEVILLA



600710598

I 27 86 022 X



Gothofre  
Manual  
Juris

F. D.

158